



Aug. 3128





VIATOR
RELIGIOSVS.

Per Triduanum Perfectionis Iter
Vestigis

S. PATRIS IGNATII
FUNDATORIS SOC: IESU,

inter
ASCETICAS ALLOCUTIONES
DEDUCTVS

A. P. IOANNE KROSNOWSKI,

1775
1692
03
Eiusdem Societatis. *Ex libris Collegii*
Clericorum Sandom:
floreus 2. Anno 1723

A N N O

DEI in terra VIATORIS

1 6 9 2.

POSNANIAE, Typis Collegij Soc: IESU.

Docebit nos vias suas. Et ambula-
bimus in semitis eius. Isaia 2.

Arcta via est, quæ ducit ad vitam.

Matth: 7.

In presenti vita, quasi in via sumus,
quæ ad Patriam pergimus:

S. Gregor. Homil: II. in Evang.

Aug. 3128

Bibl. Jag.

Viator es, illi similis, qui orabat:
Gressus meos dirige: Attende ti-
bi ipsi, ne quæ exorbites, ne ad
dexteram deflexeris, aut sini-
stram: progreditor via Regia.

P. Claud. Aquaviva Epist: de Renov: Spiritus.

FACULTAS

Superiorum.

Cum Opus, cui Titulus VIATOR RELIGIOSVS, à P. IOANNE KROSNOŃSKI, nostræ Societatis Sacerdote, aliquot ejusdem Societatis Theologi, recognoverint; & in lucem edi posse, probaverint: potestate mihi factâ ab A. R. Patre Nostro THYRSO GONZALEZ, præfate Societatis Præposito Generali. Facultatem concedo, ut Typis mandetur: si ijs, ad quos pertinet, ita videbitur. In cujus rei fidem, has ei literas, manu meâ subscriptas, sigilloque munitas dedi. Cracoviæ, 7. Aprilis, 1691.

IGNATIUS DIERTINS

*Visitator & Præpositus V. Provincialis Societatis IESV
per Poloniam.*

APPROBATIO.

Viatores Religiosum, per Triduanum Asceticæ Perfectionis iter, vestigijs Sanctissimi Patris, Ducis & Antesignani, Divi IGNATII, Protoparentis & Patriarchæ, Magnæ Societatis IESV, inhaerentem: ab Admodum
Reveren.

Reverendo Patre IOANNE KROSNOWSKI, ejusdem Societatis Theologo, deductum, & ad ultimum beatitudinis, nunquam finiendæ, collimantem terminum, nec jam dies aliquot, sed annos æternos in mente habentem, prævio jam aliàs examine, & trutinâ ejusdem Societatis Theologorum, à Reverendissimo in Christo Patre IGNATIO DI-
ERTINS, Visitatore, ac Præposito V. Provinciali, Societatis IESV per Poloniam, edi posse in lucem declaratum: ego pariter, tantorum innixus iudicio, prelo donandum, ob magnam utilitatem, & profectum in spiritu Religioso, censui & iudicavi. Die 24. Aprilis, Anno 1691.

STEPHANVS MORESKI, I.V.D.

*Canonicus Cathedralis, & Præpositus ad S.
M. Magdalenam Posnaniensis, Censor
Librorum Synodalis per Diecœsim.*

AD

A D
SANCTUM PATREM
IGNATIVUM
FUNDATOREM Societ: JESU.
EXIMIAE SANCTITATIS,
DUCEM INCOMPARABILEM
PROLOQUIUM.

Tanta sunt, PATER BEATISSI-
ME, Tua in Genus humanum Be-
neficia, ut eorum copiâ orbem im-
pleveris: magnitudine verò, ingenij & elo-
quentiæ vim superaveris. Succumbat ne-
cesse est, omnis intellectus humani capaci-
tas: quoties Beneficia Tua, non dico, uni-
versa comprehendere, sed vel minimam eo-
rum partem nititur computare. Dispersi-

sti PARENS SANCTISSIME, liberales
manus Tuas cum Sole. Nam quocunq; A-
stiorum Princeps iste, lucem dispensat: eod-
dem & Tu, ardentissimæ Caritatis Tuæ, flam-
mam invexisti, ita, ut cœli, terræq; immen-
sa vastitas, Tuis ingentibus Beneficijs, affa-
tim repleatur.

Orthodoxæ in primis Fidei, Regno-
rum limites, si accuratiori oculo circumspi-
cio? effusus in lætitiâ video, instauratam
Pietatem, auctam Religionem, apertis ubi-
que locorum Gymnasijs, teneram ætatem,
non minùs eruditione, quàm Christianis
moribus piè imbutam, instructas salutarì
doctrinâ, rudes Animas, invecum frequen-
tandi Divina Sacramenta usum, succensum
in vulgi affectibus, Pietatis fervorem, exci-
tatum in Cænobijs, fervens Religiosæ Per-
fectionis studium, promotam in Clero cum
Sapientia Virtutem, aptata tam Infantis,
quàm Diadematibus, digna Capita. Hæc
omnia, & millena alia, Christianus Orbis, I-
GNATIANÆ Industriæ, gratus concedit,
nec non Romanæ Sedis testantur Oracula,
& de.

& demonstrat, planè ad oculum, jugis experientia.

Quòd si, ultra Ecclesiæ limina, mentem eduxero? occurrunt oculis, veræ fidei lumine destitutæ, propè innumeræ Gentes, & Populi: quibus Tu PATER OPTIME Æterni Numinis, notitiam & venerationem, tot Heroum Antesignanus, Tuæ cohortis, sub erecto Nominis JESU Vexillo, militantis, operâ, obtulisti. Superat protectò humanam fidem, & capacitatem, quàm multas animarum myriades, Tuo jussu, & spiritu animati, Heroicæ Virtutis Viri, erebi faucibus ereptas, cœlo inseruere, Tota verò illa, è Dæmonum servitute, in libertatem Filiorum Dei, asserta multitudo, suæ felicitatis originem, ex Tuæ Beneficiæ fonte, profluxisse, pleno grati animi testimonio confitetur. Agnoscit, & grata admittit, Dei in terris Ecclesia, tot Gentium Populorumq; cervices, & Regum sedes superbas, sibi, per Te, profundè inclinatas. Totum plane Antipodarum Orbem, suis affusum pedibus, spectavit non semel Roma: & est

IGNATIANO gratulata operi, quòd Gen-
tes dispersas collegeris, & populum, post
quem non est alius, ad veritatis agnitionem
deduxeris.

Non minus & illæ, PATER salutis Hu-
manæ AMANTISSIME, Tuis sunt obstri-
ctæ beneficijs animæ, quas Hæreticæ pravi-
tatis erroribus, in æternæ perditionis confi-
nia abductas, ad Orthodoxæ Fidei, & Salu-
tis Æternæ viam, Tuorum Commilitonum
labore, & conatu, oculos, & calculationem
superante numero, gregatim adduxisti.
Sentiunt hoc, & vesano agitantur furore,
potissimum, impietatis Lutheranae syrtis, &
Calviniana charybdis, dum IGNATIANO
robore & operâ, multam sibi, quam spe de-
voraverât, animarum prædam, & spolia eri-
pi, acerbè dolent, & palam querulantur.

Si verò, in variâ terræ Regionem, obiter
conjectos oculos, ad immensa cœlestis Re-
gni spatia, transferre liceat? obtutum qui-
dem illuc, figere, lux inaccessa vetat, aure
tamen propius admotâ: latus audio, innu-
mera, ex omni Tribu, Lingva, Populo, &
Natio-

Natione, Animarum agmina, Tibi PATER
BEATISSIME, post Salvatoris sui Grati-
am, toto grati cordis iubilo, acclamantia:
Fecisti nos Deo nostro Regnum. Tuo enim
ductu, in viam Salutis Æternæ directi, Tuo
spiritu animati, ad eam, quâ perfruuntur,
Beatæ Perennitatis Gloriam, feliciter per-
venerunt. Stillarent credo, in guttas,
(quemadmodum cera fluit à facie ignis) no-
stræ mortales palpebræ, si insigni sanctitate
& glorioso lumine, conspicuam cœli Indi-
getum multitudinem, brevissimâ saltem
temporis morâ, nostri visus acie, spectare li-
ceret: quo, dum mortales oculi, nequeunt
pertingere, voce saltem & affectu, liceat
exclamare: O cœlum! quot tu IGNATIO
debes, ad tui decorem, rationis & Gloriæ lu-
mine, illustria Animarum sidera: certè plu-
ra, quàm in sacris ejus cineribus, fuerint à
te, prodigiosè accensa.

Magna hæc sunt, Tuorum Beneficio-
rum PATER BENEFICENTISSIME
documenta: quibus immensa terræ cœliq;
spatia implevisti, sed majori adhuc Dei Gra-

tiarum numero, & multitudine, nos Tui se-
quaces Filij, Tuo Beneficio repleti abundè
fruimur. Tui hæc est, maximè prodigiosi
operis, in qua degimus Societas, Tui spiri-
tus Proles, Tuæ curæ Alumna, quam mente,
Divinis luminibus illustrata conceptam,
manantibus ubertim è pietatis sensu lacry-
mis, tanquam primævo sanguine concretam
haustâ Divinitus Doctrinâ, nutritam, orbi
edidisti, & in eam amplitudinem, ingentibus
suppetijs provexisti: quâ nunc, ad Tui so-
latium, & Orbis subsidium præeminet.
Quidquid illa, vel est, vel agit, Tuis Sanctis-
simis Institutis, Tuis efficacibus exemplis,
Tuis cælo propitio favoribus, acceptum re-
fert. Ille ipse Aureus Exercitiorû Libellus,
grande Magni Patris depositum, ac Pignus
Æternum Filiis relictum, quid aliud dici
meruit? nisi Tuorum in nos Beneficiorum,
fons & scaturigo perennis: unde innumera
eximiæ sanctitatis, continuò haurire licet do-
cumenta: seu ad emundandos conscientiæ
navos, seu ad coercendos rebelles animi
motus, seu ad illustrandas lumine, & inflan-
mandas

mandas igne cœlesti nientes opportuna.
Ex eo, omnimodæ Pietatis compendio, discimus, quantum sit virtutis pretium? quæ ejus nobis comparandæ obligatio? quibus adminiculis, ad summum ejus apicem, sit eluctandum? quo indicio, vera & fucata, sit Pietas discernenda?

Jam de Sanctissimis Legibus, quas Societatis moli, tanquam bases firmissimas substruxisti, quid loquar? Certè earum Perfectionem, Sublimitatem, Prudentiam, me tacente, copiosè deprædicant, illæ Igneæ Spiritûs Sancti Lingvæ; quibus inaudito post Apostolorum tempora prodigio, Tibi Constitutiones nostras scribenti, ipse Deus loquebatur. Sed me talia, pluribus recensere cupientem, verba cum viribus deficiunt. Illa, illa, abscondita cordium, illuminans. Extremi Iudicii Dies, omnibus palàm faciet, quàm sublimem, & admirandam sanctimoniam, Tuorum plurimi filiorum, sint consecuti, viam mandatorum Dei (prælucentibus Legibus Tuis) decurrentes. Fervet etiamnum, eorum charitate terra, ardet Amore

more calum. Unde tanta est, Tuæ erga
nos Beneficiæ, animo præconcepta affi-
matio, quantam, plane è Voto omnium,
grato animo expressit, & calamo exaravit,
Tuorum Scriptor accuratus gestorum, & à
primis post pueritiam annis, in Religiosæ
Pietatis Palæstra Alumnus, Petrus Ribade-
neira: qui sua tantum, à Te percepta Bene-
ficia, diligentius contemplatus, eam erga Te
grati animi, scripto reliquit contestationem:
, Quantopere (inquit ille) Divinæ Bonita-
, ti obstrictus sim, quod me à mundi ab-
, stractum periculis, in Sanctam Domum
, suam admiserit. Post Deum, primam o-
, bligationis partem, debeo S. IGNATIO,
, qui mihi adfuit, & veluti manu, in hunc
, gloriosum secessum duxit; & tanti facio
, hujus beneficij magnitudinem; ut nun-
, quam futurus sim ingratus; optaremq; ex
, animo, occasionem mihi offerri, ut testi-
, ficationem amoris in illum mei, membra-
, tim in frustra, disseccarer, quod minimè
, detrectarem. Ad cumulum meæ felici-
, tatis, hoc unicum requirebatur, ut ab ipso
statim

, statim vitæ exordio, ejus Ordinem ingre-
, derer: quod si mihi contigisset, felicior
, me crederem, omnibus totius Univerſi cre-
aturis. Hæc est Pii huius Viri, in Te P A-
T E R B E N E F I C E N T I S S I-
M E grati animi germana testificatio,
quam non in unius Petri pectore, sed in
tot aliorum cordibus, gratificè inſcriptam
legeremus, si oculorum acies, eò usq; posset
pertingere.

Sed fileo aliorum, Tibi PATER O-
PTIME, melius utiq; cognita, ferventis er-
ga Te amoris, & grati animi Sociorum, infi-
nita prope documenta. Ego omnium po-
stremus, & indignissimus, Beneficiis qui-
dem Tuis, supra modum oneratus, sed non
minùs, delictis quoq; meis aggravatus, ad
Paternos pedes Tuos, pronus arrepo, & ni-
si ab iisdem, degenerem repuleris, Orbe co-
ram toto, profiteri audeo: Quàm magna
fecit mihi IGNATIVS, Quidquid enim
post DE VM, Deiq; Matrem, sperare à
quovis potui, à Te PATER mi: accepi.
Excedit totas, non sermonis tantùm, sed
Dilectio cogita-

cogitationis quoq; meæ vires, Tuorum in
me Beneficiorum multitudo: ita vt stel-
las cæli, aut arenam maris, promptius mihi
sit computare, quàm Tuarum in me Gra-
tiarum, copiam, ad calculum revocare. Tu
ipse nosti, quantum roris benefici, in hoc
sterile solum effuderis: sed neq; hoc, Te la-
tere potest, quòd nullam adhuc grati ani-
mi sementem, inde collegeris. Terra hac-
tenus fui, delictorum spinas & tribulos,
non virtutum Rosas, germinans: quibus Te,
Perennem Munificentia Fontem. corona-
rem. Sed, & hos ipsos sentes, sacris Tuis
manibus committo evellendos. Et delicta
quidem mea, in Divina Miserationis, & Pa-
ternæ Pietatis Tuæ abyssò, dolenter repo-
no. In Perenne verò, meæ erga Te obliga-
tionis monumentum, impensum libello hu-
ic, vilem, & exiguum laborem, Tui Nomi-
nis Honori, cupio esse consecratum, atq; ve-
ctigalem. Nisi, quòd hoc ipsum, obligatio-
nis meæ Tributum, Tui muneris, non mei
laboris, opus sit: siquidem eum, quem in
lucem produco Viatorem, Tuis direxisti do-
ctrinis


etrinis, refecisti alimentis, roborasti subsidiiis, & à Te ubiq; signanter impressis deduxisti vestigijs. Unde, nihil planè Tibi offerre, nisi Tuum, possum: sed hoc ipso titulo, spero gratiùs à Te acceptandum; quia quod præsento, Tuum est.

Mihi sola faciei confusio restat: quòd Tuis Præceptionibus, & Exemplis tritum Religiosæ Perfectionis Iter, cæcutientibus oculis, obiter inspectum, alijs monstrare, ipse verò, ne primum quidem in eo pedem ponere, voluerim. Similis factus illis viarum directoribus, qui postquam, multà verborum copià, iter, Viatorem edocuerint, ipsi in suis Laribus hærent & delitescunt. Nam ego quoq; rectam justorum viam demonstro, compediosas Perfectionis semitas edoceo, iter, Sanctorum pietate tritum, ostendo, ad Salvatoris nostri, Sanctiq; Patris mei, insistentium vestigijs, vehementiùs cohortor, cælestis præmij illicijs invito, horrendis erebi supplicijs impello: ipse verò, in veteri no delictorum meorum, longo sopitus tepore,
iter.

terto: ita ut me, ex eo cætu hominum
esse, fateri debeam: qui, dicunt, & non fa-
ciunt. Proinde quod Apostolus vereba-
tur, mihi veriùs timendum est: ne cùm a-
lijs prædicavero, ipse reprobus efficiar:
Quod ne mihi, in extremo tandem, prove-
ctæ jam ætatis meæ agone, eveniat, totus
exhorresco. Ut tamen ab ea, quam opto, sa-
lutis meta, finaliter, miser viator, non aber-
rem, submisso affectu, ad Tuos PATER
BENIGNISSIME provolutus pedes, ex-
oro suppliciter: ut reliquum, quod exigu-
um restat, vitæ spatium, Tuo Ductu & Pa-
trocinio protectus, prosperè conficiam.
Ita precor, & supplico, qui non sum di-
gnus vocari

Filius Tuus.

Viam



Viam trium dierum ibimus.

Exodi 3.

A L L O C U T I O
PRÆLIMINARIS.

Ad Patres, & Fratres

Societatis IESV.



Vibus olim verbis, Dux Gentis Hebrææ
Moyfes, Dei Populum, ad iter ex Ægy-
pto, in Terram promissionis, alacriter ca-
pellendum, & constanter continuan-
dum, animabat; dum diceret: *Viam trium dierum ibi-
mus*: iisdem à Duce, & Antesignano nostro, S. Patre
IGNATIO, ad arreptum Perfectionis cursum, nos
esse animatos existimemus RR. Patres, & CC. Fratres.
Ut enim longam nimis, in nostrâ imaginatione, Religi-
osæ Perfectionis viam; facilem & compendiosam, B. Pa-
ter, nobis persvadeat, intrepidè & ille ait: *Viam trium
dierum ibimus*. Et verò, quid diuturnioris molestiæ, i-
ter hoc

*Rev. Perfecti-
onis tridua-
rum.*

*Breve & fa-
cile.*

*Hebraeorum &
Perfeſtorum
quomodo tri-
duanū iter?*

ter hoc (quod Deo Auspice sumus ingreſſi) habere pote-
rit? trium duntaxat dierum ſpatio; circumſcriptum.
Et fuerit ſanè arcta, & ardua via, quæ ducit ad vitam be-
atam; omnis tamen ea (quam in ſe continet) difficultas,
exiguâ circumſcripti temporis brevitate, facile lenietur.
Sed enim, dum ita ſanctitati gratificor, vereor, ne veri-
tati ſiam injurius. Fortè enim difficile intellectu, non
nemini videbitur: quâ ratione, ſine præjudicio veritatis,
Dux in primis populi Iſraelitici Moyſes, longum illud, ad
quadraginta uſq; annos, ex Ægypto, in Palæſtinam pro-
ductum iter, ad compendium trium dierum redegit?
Deinde, quomodo & noſtræ Perfectionis via, quam eti-
am ultra quadraginta annos, plures protraximus, aut
protracturi ſumus, ſine injuria veritatis, ad trium die-
rum anguſtias, compingi poterit? Sed ecce, jam me
ego veritati explico. Si literali verborum ſenſui, inſiſte-
re cogor: equidem non diffiteor, & Iſraeliticum ex Æ-
gypto in Palæſtinam iter, ad quadraginta annos produ-
ctum fuiſſe, & noſtræ Perfectionis viam, non trium die-
rum brevitate finiendam, ſed ad extremum uſq; vitæ
mortalis terminum, eſſe protrahendam. Cæterum ſi
me, ad moralem, aut etiam myſticum; verborum Moy-
ſis ſenſum reflexero, facile ad horum trium itineris no-
ſtri dierum, notitiam pervenio. Et de Moyſe quidem,
viderint ſermonum ejus Interpretes: quò ille ſenſu &
myſterio, ſuum quadraginta annorum iter, *Trium die-
rum viam*, appellavit? nam ea explanare, non eſt hujus
loci. Quod ad noſtræ Perfectionis curſum attinet: non
ex Aſtro-

ex Astrorum motu, Planetarumq; observatione, sed ex mente & sensu, Asceticæ Astronomiæ, Peritorum, Tres isti; Perfectioni nostræ destinati dies, erunt definiendi. Atq; inprimis, si præcipui, hujus viæ Ducis, S. Parentis nostri IGNATII sensum, & mentem (ut debeo) sequar: reperiam facilè, totum Perfectionis Agonem, trifariam ab eo esse divisum. Et primam quidem; itineris nostri partem, viam Purgativam, alteram Illuminativam, tertiam Vnitivam, appellasse. Quod alios quoq; viæ spiritualis Duces fecitasse novimus: nemo tamen, non meo tantum, sed orbis Ascetici judicio, iter istud; tripliciter divisum, B Patre nostro melius, perfectiusq; descripsit, ac ordinavit.

*S. P. Ignatius
Perfectionis
viam, in tres
distinguit par-
tes.*

Porro, ut in plerisq; Orientalibus præsertim Regionibus, vias, & itinera, non leucis, & miliaribus, sed diebus distinguere, ac mensurari, mos est: unde ibi, viæ distantiam inquirentibus: unius, aut plurium dierum, iter esse respondetur: Simili ratione, nostrum quoq; Perfectionis iter, in tres dimensum dies habemus: quarum Prima adhuc caliginosa, nos per viam Purgativam, ad cordis, & animi munditiem, laboriosè eluctantes deducit. Altera, jam magis cœlesti luce temperata, quâ per viam Illuminativam; gratâ virtutum semitâ, pergimus. Tertia, æstu amoris Dei fervida, quâ per viam Vnitivam, Deo nostro jungimur, in ejusq; perfectiones, quodam modo transformamur.

*Tres Perfectionis
dies.*

Hæc est ista cœlestis via, non sectis lapidibus, Romanorum more distincta, sed marmore firmioribus, Ser-

*Via Cœlestis.
Christi D. &
SS. exemplis
ornata.*

vatoris mundi exemplis consignata: Patrum nostrorum, ad summum sanctitatis bravium, strenuè contentium vestigijs trita. Quid enim aliud toto mortalis vitæ suæ cursu, Salvator noster fecit? nisi viam, quæ ducit ad vitam, & verbis docuit, & exemplis monstravit. Sed parum erat, salutis nostræ Authori, cœleste iter, virtutum suarum trivisse vestigijs, nisi viros etiam sanctitate conspicuos, & viam perfectæ sanctitatis doctos, providisset: qui cæteris, viæ hujus ignaris, salutis æternæ iter monstrarent, & veluti manu ducerent. Talis erat præ multis aliis, Dux & Antesignanus noster B. Pater IGNATIVS: qui admirabili Divini luminis illapsu, rectam & mirè compendiosam, consummatæ sanctitatis viam, & ipse heroicis virtutum passibus confecit, & nobis sequacibus suis, prava in directa, & aspera in vias planas, reddidit: ita ut non sit necesse, viæ hujus, seu asperitatem horrere, seu prolixitatem, cum metu imaginari: quam ille non facilem tantum, sed brevem etiam & compendiosam fecit. Et asperitatem quidem, Divinæ Gratiæ lenivit suavitate: extensionem verò, ad breve (ut dixi) redegit compendium. Hâc via, quotquot in Religione nostra, sanctitate perfecti, numero propè infiniti, fuere viri, ad beatam in cœlo vitam, feliciter transierunt: quorum si gloriosis vestigijs, prompto, & alacri animo insistere voluerimus: aderit cum suppetiis B. Patrens, Ductorq; noster, qui nihil à nobis ardentius desiderat, quàm ut istud, à se descriptum, & heroicis virtutum passibus monstratum iter, magno animo decuramus.

*Desiderium
S. P. Ignatii*

mus. Exigit hoc à nobis, vocationis nostræ debitum, & propositi in meta, præmij fructus. Benè enim Triduanum istud Religiosæ Perfectionis nostræ iter, illud, Salvatorem suum sequentis turbæ, Triduum adumbrat: de quo Æterna Veritas, Mar: 8. ait: *Misereor super turbam, quia Triduo sustinent me.* Veluti enim, avidus ille, Divini verbi populus, ab ore cælestis Doctoris sui pendens, obiectum Divinæ miserationis extitit: ita Religiosæ, Servatoris sui, sequaces animæ, dum eum, toto perfectionis suæ Triduo sustinent, Divina ejus, plena miserationis viscera, erga se movent, & experiuntur. Ne verò deficient in via, cælestis ejus doctrinæ, pane reficiuntur. Experimur profectò & nos, in hoc, arreptæ Perfectionis, quod agimus Triduo, similem Divinæ Miserationis liberalitatem, quæ satis copiosum, peregrinationi nostræ, providit spiritualis alimonix comeatum. Quid enim sunt in Religione nostræ, ad integræ extensionem horæ, initio cujuslibet diei, usitata rerum Divinarum meditationes, frequens Sacramentorum usus, referti spirituali doctrina Libri, sapius ex præscripto revoluti, plena spiritûs alloquia, & domesticæ ad fervorem adhortationes? nisi corroborandis, in hoc itineris passu, animi viribus, provisa affatim cibaria: quibus copiosè refecti, facile ad destinatum nobis scopum & bravium, alacres & indefessi curramus. Dicat sanè, prodigus ille Adolescens in Regionem longinquam progressus: *Ego h'c fame pereor.* Nobis in similes questus minimè prorumpere licet: qui in domo Patris nostri, abundamus panibus, & spiritualis alimonix cibo, ad vitam corroboramur æternam. Equi-

Divinam consequuntur misericordiam, qui Christum triduo sustinent.

Magna in Societate, spiritualis alimonix copia.

*Copiosa Scri-
ptorum Socie-
tatis doctrina
de Perfectione.*

*Finis Authoris
Cohortatio ad
Perfectionem.*

*Duodecim ho-
ra dici.*

Equidem ego fateor ingenuè, nulla me hîc, de novo inventa; ad iter istud faciliùs conficiendum, afferre adjumenta: sed pridem, à S. Patre I G N A T I O tradita, aliisq; claris sanctitate Patribus nostris, usurpata svadere documenta. Scio me, & illud non latere, quantis librorum voluminibus Asceticâ pietate, & eruditione Societatis nostræ, insignes viri, triplex istud Religiosæ Perfectionis iter, graphicè descripserunt, ita ut præclaris eorum scriptis, nulla ingenij sagacitas addere, quidquam possit. Proinde viam, tot documentorum doctrinis demonstratam, & heroicarum virtutum exemplis, tritam, non doceo, non demonstro: sed ad alacriter in-eundam, Asceticis Allocutionibus invito, & cohortor: ut hac saltem ratione, meos in hoc passu errores, & languentis animi defectus, aliorum compensem excitatione. Servient hæc spero, non quotidiano tantum nostris legibus præscripto, libri spiritualis usui: sed annuo etiam Collectionum secessui, in quo, dum istud triplicis viæ spatium, quotannis decurrimus, non oberit, hæc, illi potissimum tempori, accommodata inspicere. Porro, quia attestante Evangelio, duodecim sunt horæ diei, totidem quælibet Dies nostra, horarum numero respondentes, continebit Asceticas Allocutiones.

Tu, qui itineris nostri Auctor es, & meta Deus, *Vias tuas demonstra nobis, & semitas tuas edoce nos:* auge vires & animum, ut non tantum viam mandatorum tuorum curramus, sed arctioribus etiam, Consiliorum semitis prompti ambulemus.

DIES



DIES PRIMA.

Via Purgativa.

Asceticæ Doctrinæ Magistri, viam Purgativam, in eo sitam esse volunt: ut ad sanctitatem aspirans anima, non solum omnis peccati labe careat, sed etiam, nihil eorum committat, quæ ad eluendas, antea actæ vitæ maculas, valent, & conducunt: qualis est, in amaritudine animæ, delictorum detestatio, & continuus contriti cordis dolor, lacrymarumq; fontes: ut benè Basilii Seleucensis ait: *Lacrymis peccatum purgatur, fontibus oculorum extergitur.* Vnde aliqui, candore insignem Salomonis columbam; lacte lotam, symbolum esse volunt, animæ, fluentis lacrymarum, candorem nivis æmulatæ. Huc facit asperior animi, corporisq; afflictio, & pænalis operæ usus. Hac ille ratione, emundabat, à contractis delictorum nævis, animam suam; qui dicebat: *Scopebam spiritum meum*, vel, ut alii Periphrastæ apud Genebrardum legunt: *Vaxabam, fatigabam, molestia afficiebam, percutiebam carnem & spiritum meum.* Sed quid ego, unum coronatum Vatem, in rei hujus adduco documentum? cum plurimos præ oculis mentis habeam, qui ad suarum emundationem animarum, exquisitis in se

Via Purgativa, consistit in emundatione à peccatis.

Asperam exiget corporis afflictionem.

*S. P. Ignati-
us, quam aspe-
ram duxerit
initio præser-
tim sue con-
versionis vi-
am.*

*Multi S. Pa-
trem, in ejus
Religione, vi-
te asperitate,
sunt imitati.*

in se animadvertēbant tormentis. Implebant solitudi-
nes, & eremos, extenuēbant corpora jejuniis, vexabant
asperitate ciliciorum, cruentabant flagellorum ictibus.
Atq; ut interea, taceam illa patientiæ prodigia, ad
stuporem orbis, cæli injuriis, expositos stylitas, præ-
teream, illa Macariorum, Paphnutiorum, Hilarionum,
sexcentaq; alia Thebaidis, rigida nimis in se Ascetarum
nomina: qui omnes, puritatis obtinendæ causa, atro-
citer in se desævierunt. S. Patris, & Ductoris nostri
IGNATII, supra modum austera, sanctioris vitæ i-
nitia, nulla è recordationis nostræ memoriâ, poterit un-
quam delere oblivio. Quas ille, in Manresano secessu,
voluntariæ afflictationis poenas, ultro non assumpsit?
quas ærumnas non exhaustit? dum cibo diu abstinens, a-
sperâ catena, cilicioq; carnem domans, humi cubans, fer-
reis se flagellis cruentans, longum illud austerioris vitæ
martyrium, protrahebat. ut se à contractis, aulicæ, mili-
tarisq; vitæ nævis, immunem faceret. Presserunt Patris
sui vestigia, quotquot in Religione ejus fuere Sancti, per-
fectiq; viri. Dies me hic, & verba deficerent; si singu-
lorum in Religione nostra, seriò in Perfectionem incum-
bentium virorum, severa ad stuporem, suimet afflictan-
di inventa, recenserem: quæ illi Sanctum suum Ducto-
rem secuti, ideo toto viæ Purgativæ decursu, adhibu-
erunt, ut puritatem corporis & animæ, consequerentur
perfectissimam. Sed jam asperum iter istud, alacri in-
grediamur passu: & attentas dicendis aures,
præbeamus.

ALLO.

ALLOCUTIO I.

9

Magna Hominibus Religiosis, Perfectionis incumbit neces- sitas.

SUſceptum, Perfectionis Religioſæ triduanum
Siter, priuſquam ineamus, debent prævideri uſi-
tata ad viam præparamenta: quorum primum
cogitanti mihi, illud in mentem occurrit, ut cau-
ſam & neceſſitatem, arripiendi ejuſmodi itineris,
perſpectam habeamus. Nemo enim ſanæ mentis
viator, annexas cuiuſque itineri moleſtias, ultro arripit,
niſi utilitate, aut etiam neceſſitate, urgeatur. Nam
ſi quiſpiam citra omnem neceſſitatis, aut ſaltem u-
tilitatis ſtimulum, relictâ domelticæ habitationis
commoditate, moleſto ſe, & tot incommoditatibus
obnoxio committat itineri, frigidi, aut æſtuantis cœ-
li injurias patiat, fame & ſiti preſſus langveat,
viribus cadat, curſum tamen intendat: quis non e-
juſmodi viatorem, motæ mentis hominem, aduer-
tat? qui nulla juſtâ ratione motus, tantum ſoliti
itinerantibus laboris ſubeat. Iam ſi viæ commo-
dum invitat, aut neceſſitas urget, non ſolum pruden-
ter ſuſcipitur; ſed etiam alacriter decurritur iter.
Pari ratione, & nos Religioſi viatores, tum demum

*Perſectio:
niſi via, non
temerè arripi
endo.*

B

lauda-

Ad Perfectionem, magna Religioſum obligatis.

laudabiliter & feſtinanter, iter noſtrum arripiemus, ſi eundi, & properandi, neceſſitatem agnoverimus: quam ego, ipſam Religioſæ Perfectionis noſtræ obligationem, inprimis adverto, & accuratiùs conſiderandam propono.

Evangelici Adoleſcentis, perfectionis deſiderium,

Compendioſum ei monſtratur Perfectionis iter.

Multa ſunt, eaſq; ponderoſa rationum momenta, quæ ad Religioſæ Perfectionis conſecutionem, ſeriò nos obligari evincunt: Quarum prima, ex ſacrâ omni fide & authoritate dignâ ſcripturâ, ſit deſumpta: Dives ille & famoſus in Evangelica narratione Adoleſcens, incertus animi, quâ viâ & ratione, ſuæ proſpiceret ſaluti, Æternam in carne Sapientiam conſulturus adit, & ait: Lucæ 18. *Magiſter, quid faciendo, vitam æternam poſſidebo?* cui cùm exactam mandatorum Dei obſervationem, huic intento neceſſariam, Divina Veritas reſpondiſſet: reſpoſit ille, ſe inviolatè hæc omnia à juventute ſervaviſſe: elicit ea ingenui Adoleſcentis innocentia, pium erga ſe, Salvatoris affectum, ut ei, non jam communem fidelibus, ſalutis viam, ſed compendioſum magis ad cælum, Perfectionis iter, oſtendere dignaretur, dicens, *Si vis perfectus eſſe, vade & vende omnia quæ habes, & da pauperibus, & veni ſequere me:* quod Divinum conſilium manifeſtè declarat, quia non alio fine ad contemnendas mundi opes, & ſectanda virtutum Salvatoris ſui veſtigia, hic Adoleſcens inducebatur, niſi ut Perfectionem, hoc eſt, efficaciffimum, æternæ ſalutis medicum,

um, consequeretur: cui tamen persuasione, minimè est ille obsecutus. Quod Adolescentis, Divino consilio non acquiescentis, factum, crismine, severæ reprehensionis? an laudis encomium magis mereatur? problema mihi incertumq; est. Dum tamen rem profundius rimor, à laude quidem abstineo, sed nec vituperare audeo. Esto enim juvenili ætati innata temeritas, omni culpâ non vacet, quod sano & utili Æternæ Sapientiæ consilio, irretitus, mundi vanitate adolescens, non acquieverit, quia tamen id quod svadebatur, consilium, non præceptum fuerat, alterutrum eligendi, in sua potestate habebat, præsertim, quod si eâ qua cæperat innocentia viâ, ultra perrexisset, salutem æternam, etiam inter divitiarum affluentiam, utique consequi potuisset. Stupendum cœlitibus prodigium futurus, si camelus, per foramen acus transisset. Iam verò si spre- tis mundi opibus, pauper & egenus vixisset, sui que Consiliarij, & Ductoris vestigiis segniter institisset, nec ad eam perfectionem, cuius consequendæ gratiâ, ad opes contemnendas invitabatur, pervenisset: poenam utique & supplicium, non vitæ æternæ præmium meruisset, nec aptus Regno Dei fieret: qui missâ ad aratrum manu, retro respexisset. Equidem ego divinare nequeo, utrum iste nimium mundo adhærescens profelytus Christi, vitam æternam sit defacto consecutus, minimè tamen dubito id fieri potuisse, cum non nesciam Abrahamos, Io-

*Dubium
crismine an
laudē merea-
rit, quod Chrē
sti consilio non
sit obsecutus.*

*Etiam in
vita seculari,
homines inveniuntur perfecti.*

*Religiosi, sua
perfectionis
neglectores,
gravi cum Iuda
Iscariote sub
iacent pena.*

Orbis perturbaretur universus, si singula creature ad suum non tenderet finem.

bos, Eustachios, Elzearios: cæteraq; divitum nomina, libro, vitæ beatæ, esse inscripta. At si ille de quo agimus, dives censu, & opibus Adolefcens, post spretas calcatasq; mundi divitias, facti sui finem, hoc est consummatæ sanctitatis Perfectionem attingere neglexisset, æternæ damnationis barathro haustus, vocationis suæ frustratus fine, poenam cum Iuda Iscariote luisset: quid enim & huic, quem modo nominavi, Servatoris nostri sectatori, mundum reliquisse profuit? cui Apostolicæ virtutis Perfectionem, hoc est professionis suæ finem, per neglectum, non contigit attigisse.

Nec mirum, tam severè in eos, qui vestigia Christi sunt secuti, ad consummatæ tamen virtutis Perfectionem, hoc est ad genuinum vocationis suæ finem, pervenire negligunt, Divinam iustitiam animadvertere, siquidem omnis creatura, ut suo ad quem condita est fini, satisfaciât, gravem habet insitam à naturâ obligationem, idq; ideo: quia totum hoc aspectabile orbis universum, subito turbari, & perire oporteret, si unaquæq; creaturarum, à suo fine deviaret. Quantum putamus per hoc liquidum, inter cœli terræq; terminos, diffusum spatium, confusionis horrorisq; fieret, si lucidissimus iste mundi oculus sol, eam lucem ex se non funderet, ad quam toti universo communicandam, conditus est: stellæ si per noctem non lucerent: planetæ in suo cursu consisterent, & innatâ sibi vi in sublunaria

non

non influerent, terra fructus & germina non produceret, ignis non ureret, aqua non humectaret, aer animantibus, ad respirium non commodaret. Quis taliter, tenebris offusum solem, extinctas stellas, im-motos loco planetas coelo detrudere, terram sterilem, frigidum ignem, cæteraq; naturæ suæ oblita elementa, in nativum sui nihili chaos, & abyssum, redigere non vellet? tanquam inutiles formas, & suo fine destituta entium monstra. Quodsi cæteræ sensûs & rationis expertes creaturæ, præter, aut contra finem suum, ad quem sunt conditæ, aliquid agerent, ordinem universi perturbarent, coelum terræ miscerent, & quod inde sequitur, Creatoris sui indignationem & vindictam, usq; ad sui interitum mererentur? quantò magis, ad sectanda Servatoris nostri vestigia, vocati homines Religiosi, non rationis tantum usu præditi, sed Divinâ etiam luce illuminati, magis Religiosum Ordinem confunderent, totamq; ejus structuram ac symmetriam, leges & statuta, à fundamentis convellerent ad ruinam: eoq; ipso grandem apud Servatorem suum, indignationis & supplicij pænam incurrerent.

Idem planè sentiunt SS. Patres. Horrendum illud est, nec tamen à veritate alienum, quod Odo Cluniacensis lib. Coll: 1 ait: *Illos gehenna devorat, qui in habitu Religionis negligenter vivunt.* Severius adhuc Eusebius Emisenus homil: 4. de Epiphania loquitur: *Videte Fratres vocationem vestram. Venire*

Magis Religiosi suum perturbarent ordinem, si Perfectionem negligenter.

*Non medi-
ocri culpa
est, Religiosæ
Perfectionis
neglectus.*

*Leges Soci-
IESU, ad pec-
catū mortale
non obligant.*

*nire namq; ad eremum, magna perfectio est, non
perfectè in eremo vivere, summa damnatio. Hoc
idem magnus Asceta & clarus Ecclesiæ Doctor S.
Hieronymus scribit: Monachum perfectum esse
nolle, delinquere est. Ex quibus S. Doctoris dictis
facilè inferri potest, Religiosum consequendæ Per-
fectioni minimè deditum, gravi supplicio obnox-
ium esse: siquidem culpæ, semper est comes poena.
Ne verò quispiam, inter minora culparum errata,
Religiosæ Perfectionis neglectum recenseat, & mi-
norẽ illis poenam esse debitam velit, obstant multi
suâ autoritate, & rationum pondere, graves Theo-
logi, quos Scholasticos nominamus: qui unanimi
consensu, Religiosum suæ Perfectionis contempto-
rem, lethalis peccati crimine condemnant: è quo-
rum numero primus primasq; doctrinæ Theologicæ
Princeps S. Thomas, Religiosum graviter peccare, si
nolit Perfectioni incumbere, per expressum docet.
Idem omninò sentit, clarissimum Religionis nostræ,
in Scholis lumen, P. Franciscus Soarez, cæteriq; cla-
ri nominis Theologi. Quod si dicat aliquis? cadat
sanè hæc Theologorum sententia, in Religiosos il-
los, qui ex mente suorum Fundatorum, ad obser-
vanda, minora etiam suarum legum statuta, sub cul-
pâ obligantur mortali: apud quos, statis temporibus,
in unum, alterumve verbum, linguam solvere, cri-
men est lethale: at Ordinis nostri S. Pater, ad implen-
das sui instituti leges, ejusmodi gravioris culpæ ter-
rore,*

rore, nos adigere noluit: quibus filialem, Dei amorem, non servilem timorem, cordi esse voluit. Ecquid tamen fieri potest, ut per liberum à lethali crimine, legum nostrarum transgressum, neglecta Perfectionis cura, mortalem in nos culpam inducat? Ivit pridem obviam obiectioni huic, Magnus Religionis nostræ Theologus P. Thomas Sanchez, qui lib: 6. cap. 4. num. 18. ita in contra ratiocinatur. Quivis Religiosus tenetur sub mortali, taliter vivere, ut non sit graviter Religioni suæ perniciosus, inducendo pravo suo exemplo alios, ad relaxandam nimis Regulam, turbando suam Religionem. Sed si Religiosus nollet servare silentium, nec cum alijs orare, nec modestè incedere, si ingrederetur aliena cubicula, & similia Religionis statuta transgredere-
 tur, eò quòd singula, per se, ad culpam non obligant mortalem: absq; dubio noceret alijs, malo exemplo, perturbaretq; suam Religionem. Ergo talis frequens, & habitualis legum nostrarum transgressor, graviter delinqueret. Sed quia in hanc, ratiocinantium Theologorum Palæstram incidimus, liceat adhuc, in expendendis eorum rationibus, tantisper immorari. Contendunt aliqui, Religiosum, nullam Perfectionis curam habentem, esse mendacij reum, ita & unicuiq; eorum exprobrari possit, quod S. Petrus Ananiæ objecit. Non es mentitus hominibus, sed Deo. Vnde & S. Hieron. in suum Asce-
 tam, quem ante nominavi Heliodorum ita invehitur.

Graviter tamen contra eas interdum delinquitur.

Religiosi Perfectionis neglectiores, mendaces.

tur: *Perfectum te fore pollicitus es, perfectus autē servus Christi, nihil præter Christum habet, aut si quid præter Christum habet, perfectus non est. Et si perfectus non est, cum se perfectum fore Deo pollicitus sit? nonne mentitus est? os autem quod mentitur, occidit animam.* Neq; verò S. Doctorem, hæc rhetoricè & exaggerativè dixisse arbitremur. Nam qui ad rigidam Theologiæ trutinam ponderant omnia, idem sentiunt: unum ex illis, sed maximum, S. Thomam sufficiat producere. Qui Religiosum mendacem esse ait, si ab intentione Perfectionis voluntatem revocet. Consonat S. Doctori, cuius jam memini, P. Thomas Sanchez, qui Religiosum, suam Perfectionem non intendentem, peccare mortaliter asserit: quia frustra præsefert intendere finem, cum negligat media. Vnde multi tales, vestem tantummodo Religiosam induti, simulatores, & hypocritæ, audiunt, imitati Evangelicos in velle ovium lupos: quod monstri genus, oculis se suis usurpasse, narrat S. Hieronymus, dum Epist. ad Rusticum ait. *Vidi ego quosdam, qui postquam renuntia vèrè saeculo, vestimentis duntaxat, & vocis professione, non rebus, nihil de pristina conversatione immutasse.* Non minùs graphicè, idem describit S. Bernard: dum epist. 198. de quodam ait: *Monachū habitu mentiens, regularium observationum contemptor, frontosus ad verecundiam, insensatus ad metum, inflexibilis ad pietatem, ad iram præceps, au-*
dax

dax ad facinus: quo simulata Virtutis portento, nihil Divina, seu indignationi detestabilius, seu vindicta atrocius potest contingere. Neq; verò illud obstat, quod à SS. Patribus, & Theologiæ Doctoribus, soli Perfectionis Religiosæ contemptores, ita graviter vapulent: at neglectum quis contemptui associet? immo verò nomine tantum non re, hæc duo differre plerumq; contingit. Si enim ex bono & Perfectioni addicto Religioso quæseris, cur mundi vanitates negligat? respondebit utiq; quod eas contemnat, & quare Religiosæ Perfectionis neglector, contemptum ejus fateri tergiversatur? cum ita naturâ comparatum est, ut illa negligamus, quæ contemnimus: unde patet Perfectionis neglectum & contemptum, mala esse synonymia. Neglexisse tantum, obturatâ aure, putabat se Rex ille David, internos loquentis ad cor Dei instinctus: & tamen Propheta Nathan, arguit eum manifesti contemptus, dum in faciem ait: 2. Reg: 12. *Quare contempsisti verbum Domini?*

Quæ cum ita sint, nemo nostrum, suæ in profectu Perfectionis desidiæ, nimis blandiatur, quam à contemptu, rarò abesse agnovit. Sed abfuerit sanè, à nostro tepore contemptus formalis, non tamen deses in profectu spirituali animus, à gravi culpâ & poenâ abesse poterit: si intelligat, quod longo usu edocti, Asceticæ doctrinæ Magistri tradunt, illos, qui multa ad consecutionem Perfectionis apta me-

Perfectionis neglectus, coincidit cum contemptu.

Media Perfectionis negligentes, gravi ruina patens.

dia negligunt, facile in gravia crimina labi & perire. Quod S. Chrysostomus, aureo ore suo, hac similitudine elucidat, dum in caput 1. ad Galat: ait: *Vt in corporibus vulnera, quæ negliguntur, febres gignunt, putrefactiones, ac mortem: ita in animis, qui pusilla dissimulant, majora invitant.* Demus, quod frequens Religiosæ legis, ac disciplinæ transgressio tua, sit levioris culpæ ac momenti, ingentis tamen rem esse discriminis, credo fateberis, si S. Isidorum Hispalensem audias, dicentem: *De vino judicio, in reatum nequius labuntur, qui distringere sua facta minora, nolunt.*

Quanta primi Angeli fuerit species decoris?

Sed res exemplo fiat evidentior: Conijcite unâ mecum oculos, in illud insigne olim coeli decus, & præcipuum Divinæ Creatricis Potentiæ, documentum, primum & principem Angelum, munificentissimi erga se Dei, multis mirisq; donis copiosissime cumulatum: quem mentis suæ oculo intuitus Ezechiel, ita cum stupore describit: *Tu signaculum similitudinis, plenus sapientiâ & decore, in deliciis paradisi Dei fuisti, omnis lapis pretiosus operimentum tuum, in medio lapidum ignitorum ambulasti.* Quibus verbis, multorum Dei donorum, ac perfectionum, numeris omnibus absoluta congeries describitur, in eum im mortalem spiritum collata, Sed ecce, dum unus admirabundus, & præ stupore extra se raptus Propheta, Dei gratis decorum, muneribus divitem, contemplatur Angelum, jam alter

miser-

miserabilem casum, ruinamq; ejus deflet Isaias, dum lacrymabundus ait, cap: 14. *Quomodo cecidisti Lucifer?* quasi dicat: Fugit omnem intellectus mei captum, non assequor, non capio, quomodo ille tot tantisq; Dei donis, insignis spiritus, è sublimi coelorum loco, in profundam inferni abyssum, præceps momento ruerit? Demus & nos operam, ut intelligere possimus, ecquid tamen causæ fuerit? quòd Angelus ille è summo felicitatis loco & statu, sit ad infimam miseræ sortis conditionem, repente detrusus? Suo eum superbo mentis fastu affectati in coelo principatus, à multis condemnari, novi, quod se Creatori suo æquiparare voluerit, dum diceret: *Ero similis Altissimo.* Evangelicus Propheta gestorum coelestium optimè gnarus Ioannes, arma eum rebelli spiritu sumpsisse, & bellum, factâ cum alijs conjuratione Conditori suo intulisse, in sua Apocalyptica Historia scripto reliquit. Deum coelo & gloriâ exuere impius præsumpsit? sed ad eam ipsam consummati sceleris impietatem, quâ tandem ratione modoq; pervenit? Frigida, dicerem, Aquilonis temperies, ad quam secesserat, omnem in eo Dei amorem, & æstimationem decoxit. At enim scimus, multos partiû Aquilonarium Tutelares & Patronos Angelos, sub hac etiam frigidiorè zonâ, Dei amore & æstimatione fervere. Erit qui eum in Dei laude & cultu intepuisse, aut etiam à seria Divinæ Perfectionis contemplatione, se frequenter subtraxisse

*Quanta
post modum
ejusdem rui-
na, & infeli-
citas!*

*Causa ejus
ruinæ.*

dicat, illudq; oggerat, quod Iob exaggerans, dicebat: *Vbi eras cum me laudarent astra matutina, & jubilarent omnes Filij Dei?* quasi dicat: fuit non una temporis, præsertim antelucani mora, quam cum cæteri Angelorum, in Divinis laudibus meditabundi infumerent, tu cum eis, ferventi non instabas orationi. Sed quis eum in quem invehimur spiritum, inter astra matutina non recenseat? quem Propheta, & Luciferum nominat, & manè oriri solitum testatur. Quid ergo eum tamen cælo detruxit? & ad inferos præcipitavit? Ni fallor! assequor ego, & teneo ruinæ ejus, & interitûs causam. Viator adhuc Angelus iste protunc fuerat, currere proinde, non langvere in viâ debebat, ille autem quid dicat? audiamus. Sedebo in monte testamenti. Nihil adhuc in obsequium Conditoris tui pro vira, & gloria æterna Lucifer egisti! à primo creationis tuæ termino, ne unum quidem amoris in Deum, aut alterius virtutis heroicæ passum fecisti, & jam, quasi multo labore fessus, & meritorum copiâ gravis, quietem quæris? itane? necdum benè iter ingressus, sedere placet? Sedit miser, cum nondum cucurrisset Lucifer, hinc tota casûs & ruinæ origo.

*Religiosus
sepiditas ma-
ximè nocet.*

Quod in cælo accidit Viatori Angelo, idem in terra mortalibus, in hac Perfectionis via, sæpè contingere solet. Sit Religiosus, plurimis naturæ & gratiæ donis affatim cumulatus, referat vitæ innocentiam Angelum, ingenij subtilitate Cherubinum, devo-

devotionis fervore Seraphinum, si tamen Religiosa
 Perfectionis media negligat, plus se jam æquo la-
 borasse, in animum inducat, ad otium aspiret, ver-
 bo, otiosus sedeat: gravis eum ruina, & interitus ma-
 net: sensim ille de studio orationis remittet, horam
 orationis matutinæ negliget, ut de illo etiam dici
 possit, *Vbi eras cum me laudarent astra matutina?*
 Ineas, si potes, rationem tot horarum, matutinæ
 meditationi à Religione destinatarum, quas otio-
 sus aut somnolentus, in vanum abire fecisti. Radia-
 bant, Astrorum instar matutinorum, alij ferventi-
 ores Religiosi, in quotidiano orationis usu, tu ster-
 tebas deses: itum est in vitia sensim graviora, refri-
 xit vocationis amor & æstimatio, evanuit primævus
 ille vitæ Religiosæ fervor, vocatis, in consortium con-
 versationis scandalosæ, alij: hinc multi primùm ad
 sæculi vanitatem lapsi, postmodum in æternæ per-
 ditionis barathrum præcipites acti. Plena sunt e-
 jusmodi Tragædiarum, Annalium nostrorum volu-
 mina, plena, oculis etiam nostris usurpata, exem-
 pla. Revocemus tantisper ad nostræ recordationis
 memoriam, illos, quibus conviximus, quorum do-
 na & talenta suscepimus: cogitemus deinde, quo-
 modo relapsi ad sæculum, miserè perierunt, ita ut
 eis tristem illam Hieremiæ noeniam occinere possi-
 mus. *Qui vescabantur voluptuose, interierunt in*
vijs, & qui nutriebantur in croceis, amplexati sunt
stercora, vel cum Isaia, unicuiq; eorum indoleamus.

Quomodo

4 Quomodo cecidisti Lucifer? Quo tua talenta? quo
 Dei dona reciderunt? Quod si causam tam misera-
 bilis, & frequentis multorum ruinæ inquirimus,
 non aliam profectò reperiemus, nisi quòd isti etiam
 mortales Angeli, non viam mandatorum Dei, &
 Religiosæ Perfectionis currere, non destinatum
 bravium persequi, sed sedere & feriar, media per-
 fectæ sanctitatis negligere, elegerint. O miseram
 teporis Religiosi sedem! ex qua multi mortalium
 detrusi, in abyssum æternæ perditionis, præcipites
 ruunt: nec mirum, nam si Bernardo credimus. Non
 * progredi, regredi est. Velut enim si quis navim in-
 gressus, adverso flumine ire contendat, si vel tantil-
 lùm à remigando manum remittat, nec cursum ur-
 geat, illicò violento fluminis impetu raptus, retro
 labitur, ac sæpè vorticibus aquarum haustus mergi-
 tur: ita nos, qui contra violentos vitiorum motus,
 velut contra torrentem navigamus, nisi omnem co-
 natum & vires ad progressum intendamus, retro
 nos abripi, & perire necesse est. Cum itaq; tantam
 Perfectionis Religiosæ consequendæ necessitatem
 perspectam habeamus, ut sine illa, beatæ perenni-
 tatis portum ingredi, minimè valeamus, omnem ad
 currendam viam Perfectionis curam, & animum
 adijciamus, dicamusq; Divinâ nos seriò adjuvante
 gratiâ, verbis & affectu sanctæ illius in Canticis a-
 nimæ, cap: 1. *Trabe nos post te, curremus:* sic au-
 tem curramus, ut comprehendamus.

De vita Re-
 ligiosa non
 progredi, re-
 gredi est.

ALLO-

ALLOCUTIO II.

23

*Finis Perfectionis Religiosæ,
solus & unus, Deus est.*

AD arripiendam Religiosæ Perfectionis viam, quanta necessitate impellamur, & si jam ex parte cognovimus: adhuc tamen iter illud, nobis omnino necessarium, ingredi haud possumus, nisi finem & terminum, viæ hujus, perspectum habeamus. Quod enim p'eriq; hominum, à recta æternæ salutis via, longè deflectunt, & graviter errant, ex eo id evenire solet: quod licet usu rationis sint præditi, & se viatores esse meminerint, terminum tamen viæ sedulò non inquirunt, primaq; finis ac salutis suæ principia (quantum ex praxi, & actionibus eorum, colligere licet) ignorare videntur. Reperiuntur enim multi, non absimiles illi, à sapienti morum instructione, & ingeniosis apologorum commentis, celeberrimo fabulatore *Æsopo*, qui cum inter eundem, casu obvium haberet, urbis Prætorem, ab eo, quo iret? interrogatus, curiosæ interrogati-
oni, dignum dedit responsum, dicens: nescire se prorsus, quo tenderet: hoc tam audaci dicto, immo ut videbatur mandacio, Prætor contemni se ratus, licet ribus qui pone comitabantur, extemplò imperat, ut homini læsæ suæ dignitatis reo, & perva-

*Finis Per-
fectionis Reli-
giosæ præn-
sci debet.*

*Lepidum
Æsopi respon-
sum.*

ci, ma;

ci. manus iniiciant, & in carcerem abreptum deducant, dum ille sic abducitur, subito consistit, & Prætores affatus, ait: Vide quàm tibi verè rectè-
que responderim, nescire me quo irem, neq; enim prævideram, me tibi in via occursum, multò minùs sciveram, me hodiè carceri intrudendum. Vado igitur, quò me iturum, prorsus nescivi. Hoc omnibus illis contingit, qui in vitæ cursu nesciunt, quo vadunt, sed illud, stultis non absimile, de se profitentur. Nescio quo vado. Nobis, ne similem ignorantia nostræ poenam incurrere contingat, necesse est, ut viæ nostræ finem ac terminum, notum perperspectumq; habeamus.

*Finis noster,
Deus est.*

Quem ut diu multumq; investigemus, minimè opus est, siquidem & fidei nostræ eruditione, & B. Patris IGNATII magisterio, edocti sumus, Finem nostrum non alium esse, nisi ipsum summè dignum Conditorem nostrum, Præpotentemq; Deum. *Creatus est homo* (inquit S. Pater, in primo coelestis doctrinæ suæ fundamento) *ad hunc finem, ut Dominum Deum suum laudet ac revereatur.* Fundatur hæc S. Patris doctrina, super illud Spiritûs S. effatum Proverb: 16 dicentis, *Universa propter semetipsum operatus est Dominus.* Quanta verò hæc dignitas nostra! quòd tam nobilem, & infinitæ dignitatis finem, ipsummet Superdignissimum Deum habeamus. In cæteris quidem naturæ dotibus, paulò minùs ab Angelis minuit nos Deus, cæterum si finem

condi-

Magna dignitas Deum, finem ultimum habere.

conditionis nostræ spectamus, etiam immortalibus
 coelestium Principum spiritibus, pares nos omnino
 fecit. Siquidem illi etiam beatarum mentium Thro-
 ni & Principatus, eundem quem & nos, habent suæ
 creationis finem, immo nec ipsa creaturarum Prin-
 cepts ac Regina, Dei Mater Beatissima, nos finis sui
 dignitate superat, cum & illa, omnium actionum
 suarum, præfixum finem alium non habeat, nisi e-
 undem quem & nos, Deum. Iam si cæteræ, usus ra-
 tionis expertes creaturæ, in nostram comparatio-
 nem veniant: licet enim & illæ, ad eundem, qui
 Deus est, finem, totâ suâ essentiâ tendant, nos ta-
 men rationis & fidei lumine perfusi homines, lon-
 gè nobiliori cognitionis, & amoris tramite, ad eum
 communem omnibus terminum, pervenire valemus.
 Sed quid ego creaturas memoro, & in nostræ felici-
 tatis comparisonem adduco? cum & Deus ipse,
 dignitate Maximus, sit ipsemet sibi finis: ut vel in-
 de, Divinæ nos participes esse naturæ, non diffitea-
 mur, quòd eundem nostri esse, & vivere, finem cum
 Deo Ter Optimo habeamus. Quodsi nos eo di-
 gnitatis, finis nostri sublimitas exexit, ut non tan-
 tum nobilissimis quibusq; creaturis pares, sed ipsi e-
 tiam Deo similes esse videamur, enitendum nobis
 est, ut ad eum, quem viæ nostræ, Dei bonitas præfi-
 xit terminum, totâ mentis affectûsq; nostri vi, &
 pernitate tendamus, neq; unquam, ab ea votorum
 nostrorum meta, deflectamus. Deus Bone! quàm

D

multos

*Multi sunt
etiam Reli-
giosi, qui De-
um suum esse
finem, non con-
siderant.*

*Parisi, Sa-
rios sibi fines
præfigunt.*

*Vani sunt
alii, præter
Deum fines.*

multos reperias, non solum latâ sæcularis licentiæ via incedentes, sed arctiorem etiam vitæ Religiosæ semitam decurrentes, qui nihil minus quàm Deum cogitant, immo ab eo vitæ suæ termino procul aberant. Sunt qui alios, à Deo longè diversos, sibi præfigunt fines, à Conditoris sui infinita dignitate, ad miseram creaturarum utilitatem, mentis suæ oculos, animumq; transferunt: dum isti divitiarum opes, illi voluptatum delicias, alii honorum fastus, aliasq; creaturarum illecebras, finem suum ultimum esse putant. Viderint & Religiosæ mentes, utrùm propriæ æstimationis studium, commoditatum appetitus, emendicatæ à mundo vanitates, centri, ac finis ultimi, vicem apud eos non abeant? Queritabitur contra eos acerbè, Dei personam indutus Propheta Ieremias cap: 2. ita exposcullans: *Duo mala fecit populus meus, me dereliquerunt fontem aquæ vivæ, & foderunt sibi cisternas dissipatas, quæ continere non valent aquas;* quâ similitudinariâ expositione, id Divina expressit querimonia, quòd quemadmodum, vix mentis compos sitibundus ille judicaretur, qui habito præ oculis limpidissimo, & siti extinguendæ accommodatissimo fonte, illum tamen postponeret, & ad turbidam stagnantis cæni aquam, sitim extincturus accurreret: ita planè rationis expertem illum esse oportebit, qui relicto plenissimo omnium bonorum fonte Deo, coenoso creaturarum luto, intendit suam explere sitim. Alia erat mens, deside-

desiderium longè diversum, Deum sitiētis Augu-
stini, dum diceret: *Creasti nos Deus ad te, & inqui-
etum est cor meum, donec perveniat ad te.* Ea e-
nim est creaturarum evanida vacuitas, ut humanum
nunquam satiare queant appetitum: de quibus o-
ptimè Regum sapientissimus Salomon pronunciavit:
Vanitas vanitatum, & omnia vanitas, seu ut alij
legunt: *Nihilum, nihil, & omnia nihil.* & equidem
meritò, coronata Salomonis sapientia, res omnes
creatas nihil esse dixit, tantam enim res creatæ, ad
suum Conditorum Deum, proportionem habent,
quantam privatio, ad ens positivum.

Rem expressit optimè, major Salomone *Æterna*
in Carne Sapientia, dum suis exprobraret discipulis
Ioan. 16. *Vsq; modo non petistis quidquam.* Quæ Di-
vinæ veritatis verba, si quæ usquam alia, sunt intel-
lectu difficilia, captu nostro majora. Quis enim no-
vit sensum Domini? Ego primus non capio, non as-
sequor mysterium: quomodo enim Apostoli, à Chri-
sto Domino, nihil usq; modo petierunt? qui multo-
ties sua ante eum vota, precesque supplices, deposu-
erunt. Precabantur submissè duo Filij Zebedæi,
ut unus eorum ad dexteram, & alter ad sinistram
federent in Regno cœlorum. Intercedebat Petrus
pro sua socru, ut à febribus solveretur. Rogabant
unanimitè omnes, pro filia Mulieris Chananæ, ut
dæmonio liberaretur. Eccur tamen non immemor
postulatorum, quæ falli nequit, *Æterna Veritas?* ni-

*Quomodo
Apostoli nihil
à Christo di-
cuntur petisse*

*Vana eorum
preces*

*Creatura
respectu Dei,
nihil sunt.*

hil usq; modo, suos petiisse Discipulos, constanter
asserit? cum tamén, quidam eorum prima in re-
gno honorum subsellia, quidam corporis sanitatem,
quidam à dira infernalis genij infestatione liberati-
onem, disertè petiissent Sed quod humana capa-
citas non attingit arcanum, Angelicum S. Thomæ
Aquinatis ingenium, solvit facile eum difficultatis
nodum, dum in cap: 16. Ioannis, ita mysterium ex-
ponit. *Usq; modò non petistis quidquam, quoniam in
comparatione rei, quam petere debuistis, pro nihilo
habendum est, quod petiistis.* Qua verborum expla-
natione, docet manifestè S. Doctor, omnes res crea-
tas, respectivè ad Deum, esse merum, & inane ni-
hil: ac proinde non mirum, quòd tanta creatura-
rum farrago, humani cordis capacitatem nequeat
implere suâ inanitate. Quæ cum ita sint, quid tan-
dem agimus Perfectionis sectatores? cur creatu-
rarum mancipia, non soli Deo vivimus, eum in o-
mnibus actionibus non quærimus? huc cum totâ
mentis & affectûs contentione non tendimus? O
quales nostri hætenus fines! quales præfixiones!
quàm miseræ, temporaneæ, inanes & absurdæ!
Quò nostra studia ordinata? quò labores directi?
quò intentiones destinatæ? pudet meminisse, tot a-
ctiones functionesq; nostras, aut ad captandam ina-
nis gloriæ auram directas, aut ad proprij amoris, ne-
scio quæ commoda, ordinatas. Cum quanta meri-
torum, præmiorumq; jactura, & poenali quam me-
ruimus

ruimus, animadversione, facilius est cogitatione attingere, quàm verbis exprimere.

29

Quodsi adhuc, ad hanc ultimi finis nostri incuriam, non benè coerciti, passionum nostrarum, impetus accesserint: aliò nos certè, ab ultimo fine nostro deferent, & præcipites in scopulos creaturarum dabunt. Vir quidam equitandi alioquin gnarus, equum ferocem & indomitum conscenderat, quem cum freno coercere, & pro potestate regere, seu nollet, seu non valeret, pernici cursu, per devia abreptus, in præceps ibat, hic ab alio quopiam, quem in ea pernicitate cursus, obvium habuit, interrogatus: quo, tam effuso in cursum passu, concitatus pergeret? equum manu demonstrans, respondisse fertur: quo huic libitum est. Eques iste, unusquisq; nostrum est, qui si impotenti passionum motu, veluti mordicus premente frenum equo, abripitur, procul à præfixa ultimi finis meta, in apertum salutis æternæ exitium ruet. Nos, ne tam grandè involvat malum, injecto passionibus nostris potenti freno, omni vi, conatu, & actione, in Deum finem nostrum ultimum, constanter tendamus. Præsertim, quòd illius Patris Ductorisq; filij, & sectatores simus, qui ut ejus Canonizationis processus loquitur: *Omnes suas cogitationes & opera, in Deum, tanquam in finem referebat.* cujus gloriosis vestigiis, nisi degeneres esse velimus, strenuè insistamus. Quàm verò ferventes, & ex omni parte

Passiones non coercita, deviare nos, à fine ultimo faciunt

Equus in præcipitium mentis respondit.

S. Ignatius omnes suas actiones, ad Deum, semper dirigebat.

perfe-

*Media finit
debent respon
dere.*

*Deus qui
Ignis est, vult
nos ignitos
habere servos.*

*S. Ignatius
unum tepi-
dum opus.
graciter re-
prehendit.*

perfectæ actiones nostræ, quibus ad Deum tendimus, debeant esse, ex præstantia ejusdem ultimi finis nostri, facile colligere possumus. Optimè & rectè philosophantes asserunt, & experimentum docet, media debere esse fini proportionata. Cum ergo finis noster, qui Deus in se Perfectissimus est, sit naturâ suâ omnis imperfectionis expers, actiones quoq; nostras, quibus tanquam mediis ad finem perfectissimum tendimus, oportet ab omni imperfectione depuratas esse: Si finis nostri, symbolicè saltem expressam volumus nosse naturam (nam genuinam ejus essentiam, oculo corporeo cernere homoviator nequit) *Deus noster*, (inquit sacer textus, Deut: 4.) *Ignis consumens est*, ergo si eam viæ nostræ ignitam Divinitatis metam, attingere volumus, ferventes & ipsi, in actionibus nostris, & igniti, hoc est, re magis, quàm nomine, Ignatiani finis. Veluti enim obiectum spirituale, potentia materialis, ne divinitus quidem (ut speculativi volunt) attingere potest: ita tepidæ actiones nostræ, ad ferventissimum naturâ suâ Deum, nunquam pertingent. Præterea, Ens purissimum, Deus noster est, nulla proinde humana actio, aliquid imperfectionis admistum habens, proportionari potest, ad perfectissimum viæ vitæq; nostræ finem.

Noverat optimè, eam inter finem, & quemlibet actum nostrum proportionem, cujus modo meminimus S. Pater noster. Hic, ut ex gestis ejus percepimus, cum

cum in unum è fratribus incidisset, qui aliquid operis, remissius faciebat, interrogat hominem, ecujus gratiâ ageret? quo respondente, se propter Deum, opus illud facere. tum verò vehementius exarsit IGNATIVS, fratremq; affatus dixit: quâ tu fronte & ausu, dicis te opus hoc propter Deum facere, cum in agendo adeò deses & remissus sis? ita stolidus es, ut tibi persuadeas, Deum in suo esse perfectissimum, hoc tuo misero, & tot imperfectionibus referto opere, posse unquam delectari? mihi crede, quòd Deus languidum opus istud tuum, non solum aspernabitur, sed insuper horrendum illud anathema suum, in te fulminabit: *Maledictus qui opus Dei facit fraudulenter, vel ut aliqui legunt: negligenter.* Quæ cum ita se habeant, si unusquisque nostrum, se ad sua opera & actiones, censorio oculo reflectat, videatq; tot meditationum, vagabundâ mente transactas horas, cæterosq; devotionis actus tepidos & negligentes, nec non indignas homine Christiano, magis autem Religioso, sacrificiorum irreverentias, non se obsequium Deo præstitisse arbitrabitur, sed indignationem & vindictam ejus, commeruisse fatebitur. Novimus Deum tantam in se continere Perfectionem, ut nihil prorsus imperfectionis in eum cadere possit, eoq; ipso Divinum ejus esse, desineret, si vel unico imperfectionis nævo afficeretur. Vnde non mirum, quòd perfectissima ejus essentia, nihil nisi perfectum à nobis requirat

*Religiosæ
actiones tepidæ,
Deo sunt indignæ.*

quirat, admittatque. Hoc æterna in carne Sapi-
entia attendebat, dum Perfectionem, Deo per
omnia similem, à nobis exposcebat dicens: *Es-
tote perfecti, sicut Pater vester perfectus est.*
Matth: 5. Hòc, coelesti luce illustrato, mentis suæ o-
culo perspiciebat & S. Fundator noster, dum nos,
non ad speciem & oculum Deo servire, *sed in per-
fectarum solidarumq; virtutum studium, serid incu-
bere, & nihil perfectionis, quod Divinâ gratiâ con-
sequi possimus, pratermittere, in suis constitutioni-
bus volebat.*

*Ratio Perfe-
cta debet esse
ab omni defe-
ctu depurata.*

Porro ut actiones nostræ, nos ad finem ultimum
feliciter ducant, tria illis ex mente Patrum, viæ spi-
ritualis peritorum, inesse oportebit. Primò, de-
bent esse ab omni cuiusvis vitii admistione depura-
tæ: Bonum enim (ut communiter aimus) ex inte-
gra causa, malum ex singulis defectibus. Vnde si
opus aliquod, etsi ex natura sua bonum, defectu
etiam modico vitiatum fuerit, bonum esse desinet.
Res exemplis clarior fiat: sit Oratio fervens & devo-
ta, interdum tamen culpabili mentis evagatione af-
fecta, jam Deo non erit ad gustum, sed fiet oranti
in peccatum: talis enim computabitur inter illum
populum, qui labijs Deum honorat, cor autem e-
jus longè est ab eo. Maceret alius jejuniò corpus,
ipsam tamen inediam, aliquo complacentiæ alat sa-
pore, insulsum & iste opus, Divino gustui offert.

Alterum actionum nostrarum condimentum
est,

est, recta intentio: quæ si humano respectu, aut inanis gloriæ studio, inspersa fuerit, Deum, ad cuius collimat placitum, non attinget. Siquidem Deus, odio habet rapinam in holocausto: quam ille exercet, qui, quod soli Deo offerre tenetur, inanis gloriæ immolat cupiditati. Hinc clarus ille veterum Ascetarum Magister Pachomius, cum unum ex suis monachis, quòd brevi temporis intervallo, duas affabrè contextuisset storeas, sibi inde nimium complacuisse, & ab aliis laudari voluisse, intelligeret, dolenter ingemuit, accitumq; fratrem, ac pro ratione delicti graviter reprehensum, iussit coram toto Monachorum cætu, altâ voce inclamare, Ah Patres Fratresq; mei, per viscera misericordis Dei, vos ego supplex rogo, precemini Deum pro me misero peccatore, qui viles duas ex arundine confectas storeas, pluris feci quàm coelum, immo quàm ipsum coeli Conditorum Deum. Neq; hac pudoris confusione contentus vir Dei, imperavit eidem, ut illud miserum opus, quod eum ab ultimi finis metâ abduxerat, omnibus inspectantibus, foco inijceret.

Tertia actionum nostrarum, quibus in Deum tendimus, perfectio est: si fiant purè propter solius Dei amorem, gloriam, & gustum, sine ullo respectu, seu ad metum poenæ, seu ad desiderium retributionis: ita, ut etiamsi nulla esset æternorum suppliciorum poena, nullum beatæ felicitatis præmium, tamen Deo Conditori suo, optimè affectus animus,

E

vellet

Recta intentio, ad Actiones requiritur

A S. Pachomio vana gloria factum, graviter puniuntur.

Propter solius Dei amorē, fieri nostra actiones debent

vellet propter ejus amorē & gloriā, multa agere & pati, clametq; soli Deo ferventer serviendi pio inflammatus desiderio. Extingve Deus, in totam æternitatem incensas foci infernalis flammæ, combure ære solidius cœlum, ego tamen non servili formidine pœnæ, non mercenariâ recompensationis spe, sed solâ, infinitæ dignitatis tuæ illectus amplitudine, totum me tuo dedico, & immolo servitio. Hoc mente suâ continuo voluebat Aureus Doctor S. Chrysostomus dum diceret: *Si omninò dignus fueris agere aliquid, quod Deo placeat, & aliam adhuc, præter hoc ipsum, quòd placere meruisti, mercedem requiris, verè ignoras quantum bonum sit, placere Deo.* Sed nemo hanc compendiosam, tendendi in Deum, tanquam ultimum finem, triplicem viam meliùs Beato Patre nostro descripsit, qui ita nos, 3. parte Constitut: cap. 1. § 26. alloquitur: *Omnes rectam habere intentionem studeant, non solùm circa vitæ suæ statum, verùm etiam circa res omnes particulares, id semper in eis sincere spectantes, ut serviant & placeant Divinæ Bonitati, propter seipsâ & propter charitatem, & eximia beneficia, quibus nos prævenit, potius quàm ob timorem pœnarum, vel spem præmiorum, (quamvis hinc etiam juvari debeant) in omnibus querant Deum. Quod meritò à nobis S. Pater requirit, nam & ipse, Deum semper & ubiq; modo perfectissimo quæsit, & nos eodem tramite suis inhærere vestigijs desiderat.*

S. Ignatius
propter Deū
amorē, omnia
à nobis fieri
solebat, semper
& ubique

Quod

Quod si quis, de tempore etiam ac loco inquisierit, ubi? & quando? ab omni imperfectione depuratis actionibus nostris, tendere in Deum, tanquam finem ultimum, debeamus? solvit questionem idem S. Pater, dum ait: *Semper, & in omnibus querant Deum*, quasi diceret: nullum nos prætereat tempus, nulla hora, quadrans, momentum, oculi ictus, arteriarum motus, aut quodvis aliud temporis punctum, quò in Deum ferri omittamus: quælibet cogitatio, locutio, actioq; nostra, non alium præfixum finem habeat, nisi Deum. Et ad talem perfectionem pervenerat Dei gratiâ adjutus, famâ sanctitatis celebris Pater Nicolaus Lancicius, qui omnes & singulos, dum incederet, passus, singulas dum scriberet literas, singulos dum legeret apices, actuali intentione offerre Deo, immo etiam somnians, Dei se continuo meminisse dicebat; quod & alijs faciendum suadebat.

P. Nicolaus Lancicius, omnia ex amore Dei faciebat.

Nobis, si eam in Deum tendendi perfectionem, nondum attigisse contigit, immo si nostra nos arguit conscientia, quòd nullius rei, in actionibus nostris, facilius obliviscamur, quàm Dei, dolenter verbis & affectu, similem temporis jacturam, incusantis Augustini, ingemiscences dicamus: *Vae tempori illi, quo te Deus non amavi, quo te summum bonum non quæsi, aut cum ejusdem mentis Davide, Fuerunt mihi lacrymæ, meæ panes die ac nocte, dum dicitur mihi per singulos dies, ubi est Deus tuus?* Et

Oblivio Deûs fons est, nostrarum imperfectionum.

revera magna hominis præsertim Religiosi infelicitas est, si eo oblivionis deveniat, ut ei sapius debeat Deus in memoriam revocari: verum correcturi errorem, mox cum eodem loquamur. *Adhæreat lingua faucibus meis, si non meminero tui.* Eris ab hinc meta cordis mei Deus. Ita in finem ac terminum viæ nostræ intenti, expeditiores jam erimus, ad iter ulterius prosequendum.

ALLOCUTIO III.

Quævis Creatura homini ad ultimum finem, ductoris instare est.

Perspectâ Perfectionis nostræ, ad quam tendere obligamur, necessitate, habitoq; præ oculis, ultimo ejusdem fine, jam nos nihil moratur, quò minus intentâ proficiscamur viâ, quam Deo auspice, dum ingredimur: venit primo statim intuitu, in conspectum, mira latè patentis campi amænitas, quæ partim in planitiem effusa, partim in colles & montes erecta, gratam pratorum viriditatem, segetum fluctuantes aristas, florum flagrantiam & varietatem, frugiferarum arborum proceritatem, ob oculos proponit. Hinc sinuosis flexibus oberrant fluvij, & ebulliunt fontes, inde pelagus suam diffundit vastitatem, pecora campos implent, fovēt sil-

væ fe.

*Creaturarū
varietas de-
scripta.*

væferas, aves varijs depictæ pennis, & svavi modu-
 lamine gratae, aures demulcent, cœlum nunc æqua-
 bili clementiâ favet, nunc imbribus sitientem foe-
 cundat humum, sol veluti mundi oculus, omnia lu-
 strat, terra aurum, & quidquid est pretiosum, recon-
 dit, mare gemmas eructat, verbo, quidquid visui
 jucundum, gustui svave, cæterisq; sensibus gratum,
 aut humanæ æstimationi pretiosum, totum id, in-
 currit in oculos viatorum. Vnde, si quispiam ex
 Arabia deserta, aut eremo incultâ, vel (quod liceat
 imaginari) ex altero quopiam vacuo & sterili mun-
 do, huc adesset hospes, qui admiratus nostrum
 hunc orbem, multiplici varietate venustum, elegan-
 tissimis creaturis ornatum, interrogaretq; aliquem
 Beatarum mentium Genium: Cui bono tanta crea-
 turarum varietas? ad quid leones, equi, aquilæ, o-
 lores, pecudes vsuales, silvæ, flumina, flores, metal-
 la, & lumina cœli? dicereturq; illi: Omnia hæc,
 quæ vides, condita sunt solius hominis gratiâ, ut De-
 um laudet, eiq; seruiat, ac tandem æternam conse-
 quatur felicitatem: alias ab eo fatigationes, aut im-
 pensas, Deus non requirit, nisi ut hac rerum aspe-
 ctabilium varietate, prout rationis fideiq; dictamen
 exigit, congruè utatur. Quid putas, novus ille or-
 bis advena diceret? exclamaret haud dubiè, Deus
 Bone! quantum ô homo debes Conditori tuo, qui
 te tot beneficiis prævenit, tantâ rerum affluentia lo-
 cupletavit, quàm carò & multis impensis, leve, &
 tibi

*Propter ho-
 minem, facta
 sunt omnes
 creature.*

*Gratus Deo
 pro beneficijs
 debet esse ho-
 mo.*

tibi honorificum obsequium, emit? quā supplicij
& poenarū atrocitate dignus eris? si per has creatu-
rarum semitas, ad Beneficentissimum in te Deum,
non tendas: aut quod pejus est, ab eo te avertas.
Exilis esset ad tuam ingratitude ac malitiam
puniendam, quamvis in totam æternitatem succen-
sus inferni rogos. Quod ergo ille orbis nostri, ima-
ginarius hospes, iusto percitus zelo iudicaret, idem
& nos, qui tantis fruimur bonis, fateri cogimur.
Gravem omnino indignationem, vindictamq; Dei
incucurrimus, si ex tanta creaturarū varietate, in
Divinæ Sapientiæ, Bonitatis, Omnipotentia, alio-
rumq; Dei Attributorum considerationem, non per-
tingimus. Malè nos Dei vindicta perdet, nisi per
rectum, rationiq; ac fidei consentaneum, rerum cre-
atarum usum, ad Deum ultimum finem nostrum
pervenerimus. Cæcum enim illum esse, & amen-
tem, immo malevolū necesse est, qui tot creatu-
ris in sui commodum factis, ad continuam Dei be-
neficiorum contemplationem non inducitur.

Sed fuerint sanè, hominum mundi vanitatem
sectantium, & in ipso creaturarum usu conquiescen-
tium, ita obcæcatæ animæ: ut ex earum multiplici
commoditate, in sui Conditoris non ascendant co-
gnitionem. Obsurdescant alij ad sonoram & con-
cordem rerum, coelo terraq; contentarum vocem,
dicentium: ipse fecit nos. Certè Religiosæ pietati
arctius adstrictæ mentes, apertæ ingratitude,
gravius

*Pietas Reli-
giosa ex crea-
turarum usu,
mentē ad De-
um attollere
debet.*

gravius crimen incurrerent, si ex ea, quam ad usum habent, rerum creatarum affluentia, ad Deum crebrâ suspiriorum frequentatione, animum non attollerent. Longè aliter, Deo & sanctimonix, devinctæ animæ factitabant: quæ ex solo etiam creaturarum intuitu, altissimâ mentis suæ contemplatione, in perennem Dei beneficiorum memoriam rapiebantur.

Quoties ego, piæ illius animæ, per Cantica Salomonis celebratæ, facta in memoriam revoco, & vocem ascolto, dicentis: *Egrediamur in agrum, commoremur in villis, videamus si floruit vinea, si flores fructus parturiunt, si floruerunt mala punica.* Incertus animi hæreo, laude ne magis, an graviori censurâ, dignum fuerit hoc ejus desiderium? Subit in primis animum cogitare: pertæsam (in qua Deo vacabat,) solitudinis, & impatientem semoti à consuetudine hominum secretioris loci, hanc animam, spatari per aprica camporum, cursitare per amœnas vinearum semitas, desiderasse: quasi ex illorum vagorum, inquietorum, & libertinorum numero esset, quibus domus Religiosa carcer, cella ergastulum est: quibus nihil jucundiùs, quàm clausiro evolare, domos & plateas circumcursare, huc illuc discurrere, oculos curiositate, aures rumusculis, nares odoribus, gustum saporibus pascere: tædebat & hanc, (ni me mea fallat opinio,) vagabundam animam, diuturnioris silentij, non sapiebat devotio,

Pleriq; domus Religiosa carcer est.

tio, provocabat nauseam pia lectio, vivebat Divinis vacua consolationibus, arida & desolata: unde solatiola à rebus creatis quæsitura, dicebat: *Egrediamur in agrum, commoremur in villis, videamus si floruit vinea.* Miseret me, miseræ hujus animæ, si creaturarum capta illecebris, à totius felicitatis fonte & authore Deo recessum cogitabat. Cæterum, conscientia ego mihi duco, bonam animam, mali insimulare criminis: cogitationi temerè judicanti non assentior, innocentem culpâ absolvo, verba, & intentionem, in meliorem partem interpretor. Habebat non dubito in usu, pia hæc anima, ex ipso rerum creatarum intuitu, mentem in Deum erigere, cor attollere, affectum elevare. Vnde & dicebat: *Egrediamur in agrum, videamus si floruit vinea, si flores fructus parturiunt.* quasi diceret: non me solitudinis tædium, domo expellit, non oblectatio aliqua in campos educit, sed mira creaturarum varietas & venustas, ad contemplationem Divinæ Bonitatis invitat. Postquam enim camporum amenitatem, florum pulchritudinem, vinearum ubertatem, avium suaviter modulantium cantus, oculis & auribus percepero, illico extatico quodam mentis excessu, ferar in Deum, dicamq; in auribus ejus: *Magnus es tu Domine & laudabilis nimis, mirabilia opera tua. Ecce tu pulcher es, qui tot tantasque creaturis dedisti venustates, quis tuas loquetur potentias, quis capiet? nedum enumerabit divitias?*
qui

Anima sancta, ex visu creaturarum, mentem ad Deum attollit.

qui tot opibus orbem quā latè patet universum, & thesauris replesti abyssos.

41

Scimus vilem aspectu, sed prodigiosam naturā, apem, non ex suavè olentibus tantum rosis, violis, liliis, cæteraq; florum fragrantia, sed ex urticis etiam, & viliori gramine, melleum nectar colligere: ut inde documentum habeamus: nullam tam vilem & abiectam reperiri creaturam, ex cujus consideratione, pia quævis anima, veluti argumentosa apis, dulcem cognitionis amorisq; Dei, non possit legere favum. Familiaris hæc erat B. Patri nostro IGNATIO industria, qui ut de eo celebris rerum nostrarum scriptor, Petrus Ribadeneira testis oculatus, scribit: Vidimus, inquit, frequenter illum, ex tenuissimis rebus ad Deum, qui in minimis etiam Maximus est, ascendentem, & ex plantulæ, frondis, fructus unius aspectu, & vermiculi alicujus, aut bestiolæ consideratione, super cælos se attollentem, & ad ea, quæ à sensibus remota sunt, penetrantem capientemq; è singulis utilissima documenta, ad totius informationem vitæ. Quod non solum ipse crebro & suaviter usurpabat, sed etiam (ut ait Maffei) id nostris hominibus cupiebat esse familiarissimum: ut è singulis rebus, quoad fieri posset, Creatoris Sapientiam, Potentiam, Bonitatem agnoscerent. Faciebat id laudabiliter & ille, quem tanto Patre dignum Filium, Divina Bonitas præparabat, Sanctus noster Franciscus Borgia, necdum vestem religiosam

*Apis etiam
ex urticis, mel
colligit.*

*S. P. Ignatius,
ex cujusvis
creatura intuitu, mente
ad Deum attollebatur.*

F

sam

*Idem facie-
bat Dux Gā-
dia, S. Fran-
ciscus Borgia,
in suis venati-
onibus.*

sam indutus, Dux adhuc Gandiæ: quem dum in-
ter solita, viris Principibus venationis exercitamen-
ta, non modò libertas, quàm solitudo per campos
afferebat, & libera cœli species, & ingesta oculis na-
turæ pulchritudo, atq; varietas, mirificè excitabant,
ad consideranda cœlestia & æterna, Authoremque
ex operibus cognoscendum: sed profitebatur po-
stea, ex ipso venatu, salutare animo suo cogitatio-
nes obortas. Venatio erat, maximè per accipitres,
falcons, aquilas, ergò animadvertibat Sapientiam
Dei ac Potestatem, qui avibus illis, tantùm dederit
levitatis ac virium, ut sublimi volatu, aciem intu-
entium fugiant, idemq; tantùm homini, in res o-
mnes dominatum, & industriæ concesserit, ut eas-
dem ad se vocet, naturali libertate spoliet, mansve-
tas afficiat, ac velut satellites suos, ad aliarum volu-
crum capturam emittat. Vnde recordabatur &
réputabat, illam, primo homini in omnia animan-
tia, ante peccatum dominationem traditam. Alio
tempore in ipso volucrum certamine, in impetu, &
quasi arte sequentis prædam, invadentis & confi-
cientis accipitris, rabiem & fraudes cogitabat damo-
num, animas dirè capientium. Sed præcipuè exerce-
bat animum, ad sanctum quendam ruborem, suiq;
despectum, cogitatione versans, atq; perpendens,
quàm exiguo beneficio, fera volucris naturam mu-
tet, & ad manum assvescat hominis, eidem famu-
letur, commodoq; & voluptati sit, quamvis vincia-
tur

tur ab eo, & oculorum etiam luminē, obiectis integumentis, orbetur. Itaq, talia secum agitañs, erubescere abijciebatq; se, quod mansueti ingenij animal homo, cum nec alas, nec aliam ullam vim habeat, per quam manum sui Domini effugiat, tamen sese improbā mente auferat: nec tam multa beneficia & blandimenta, quæ in eum Divina elargitur manus, cicurando revocandoq; ei sint satis. Cum verò canem intueretur, quamvis rabidè esurientem, & altè infixis dentibus, immersisq; faucibus, prædæ devorandæ inhiantem, ad vocem tamen, aut sibilum Domini, continuo absterreri, atq; absistere, Enimverò deplorabat pervicaciam mortaliū, qui cum vehementiū aliquid in appetitum redegerint, nullis Dei vocibus, pollicitationibus, aut minis abstrahi, avelliq; possunt. His ille cogitationibus venationes & aucupia, dum in orationem verteret, nos suā edocuit contemplatione, res omnes creatas, non solum ad agnoscenda Dei attributa, sed etiam ad exequenda multa sanctioris vitæ documenta, plurimum valere.

Vnde meritò aliqui, hunc aspectabilem mundum, prægrandem volunt esse Bibliothecam, tot libris, quot creaturis, refertam: arbitranturq; Deum, rebus creatis homine ignobilioribus, indidisse quasdam naturæ dotes, & vitia, quæ sint veluti probitatis improbitatisq; humanæ effigies, & impressi characteres, quibus homo, ad omnem vitæ

*A brutis etiam
animantibus,
multa homo
discere potest*

*Formica Gira-
tutis magistra*

melioris honestatem, informari queat. Hoc perpendens S. Chrysostomus Homil: 8 in Matthæum ore aureo dixit: *Non erubescit scriptura animal rationis honore donatum, brutorum discipulum facere: cum enim ex scripturis discere virtutem renuat, neque Doctoribus aurem accommodet, ad bruta illud ablegat.* Vnde illud Iob 12. *Interroga jumenta, & docebunt te, & volatilia celi & indicabunt tibi, loquere terra & respondebit tibi, & narrabunt pisces maris.* Certè S. Gregorius Nanzianzenus, quamvis ad eam doctrinæ & eruditionis laudem pervenisset, ut antonomasticè Theologus appellaretur, à rebus tamen sensus, & rationis expertibus, sanctioris vitæ documenta, & praxes ediscere solitus, singula quæ videret aut audiret, ad morum informandorum disciplinam, talis tantusque Doctor, convertebat. Immo & sapientissimus mortalium Salomon. cum olim in nullius frugis hominem, otiosum, desidem, & laboris impatientem incidisset, non eum ad eruditum Doctorem, aut zelosum Ecclesiastem, sed ad unius vermiculi scholam, & eruditionem remisit, dum affatus hominem, Prover: 16 moneret: *Vade piger ad formicam, & considera vias eius, & disce sapientiam, quæ cum non habeat ducem, nec præceptorem, parat in aestate, cibum sibi, & congregat in messe, quod comedat: quasi desidi- am hominis detestatus, diceret: Non te pudet hominem, ratione præditum, desidem, & inertem vivere,*

vivere, & nihil, quò in vitam æternam alaris, providere: cùm vile & minutum animalculum formica, totâ æstate operosè laboret: illa ut temporaneam unius hyemis inediam devitet, dies noctesq; labori impendit: tu ut æternam tibi provideas alimoniam, expers omnis laboris, segniter vives?

Meliùs longè in hac formicarum palæstra, proficiebat ille, sanctitate & rerum adversarum, mirâ tolerantia clarus Monachus Malchus, qui (ut de eo scribit S. Hieronymus) cùm in barbarorum manus incidisset, ex ascetico clauistro, in diram captivitatem abductus, dum illius barbari, in cuius potestatem venerat, ex Monacho bubulcus, gregem pasceret, formicarum cumulum intuitus, ita intra se aiebat: Aspicio formicarum gregem, angusto colle fervere, ferre maiora onera, quàm corpora, aliæ herbarum, quædam semina, forcipe oris trahebant, aliæ egerebant humum de foveis, & aquarum meatus aggeribus excludebant: illæ venturæ hyemis memores, ne madefacta humus, horrea in herbam verteret, illata semina præcidebant: si quam vidissent sub falce, & onere concidisse, suppositis humeris adiuvabant. Quid multa? pulchrum mihi spectaculum dies illa præbuit, unde recordatus Salomonis, ad formicarum solertiam nos mittentis, & pigras mentes tali exemplo: suscitantis, cæpi tædere captivitatis, & monasterij cellulas desiderare, ad formicarum illarum similitudinem, anhelare, ubi labora-

*Qualem in
formicarum
palæstra, sapientiam
dicebat Malchus Monachus.*

laboratur in medium, cumq; nihil proprium sit, omnia omnium sunt. Porro quales hic, ab ascetico convictu exul animus, Religiosæ observationis, ex fortuito formicarum aspectu, pias concipiebat flammæ: tales animi motus, quævis proposita oculis nostris creatura, ciere potest.

*S. Franciscus
Borgia formi-
cas suos imi-
tari volebat*

Sed priusquam hanc formicarum scholam relinquam, libet in digressu, ex studiosissimo creaturarum discipulo, magni in Religione nostra spiritûs Doctorem, cujus proximè mentionem feci, S. Franciscum Borgiam audire, qui, quantam ab his, etiam minutis animantibus doctrinam hauserit, testatum reliquit, in sua de medijs conservandi spiritûs epistola, ubi sic ait: *Certe si novitius probationis tempore, non imitetur exemplum formicæ, omnino studio, æstate sibi ad hyemem transigendam frumenta congregantis, non parum iactabitur, cum ingruerit hyems tribulationum, nisi bene munitus, & instructus charitatis, obedientiæ, humilitatis ac patientiæ præsidij, quibus comes sit, voluntas efficax se despiciendi, & usq; ad mortem consequendi Christum Crucifixum, ad Dei gloriam, & proximorum salutem. Quàm magna, & grandia virtutum documenta, ex pusilli formica decerpit, docilis, & capax cælestis sapientiæ, hæc Anima!*

*Ab omnibus
creaturis multa
discere pos-
sumus*

Verum non minorem formicis, suggerunt nobis spiritualis intelligentiæ doctrinam, & aliæ, vel unico sui intuitu, creaturæ. Si unusquisq; nostrum, defixo

defixo in varias creaturarum proprietates oculo, ita secum philosophetur: Ecce expers rationis terra, voluntati Conditoris sui ad amissum obsequitur, dum germinat herbam virentem, & facientem semen, & lignum pomiferum faciens fructum iuxta genus suum: Ego autem terra sterilis, & saluginis plena, profero spinas & tribulos. En flumina intrant in mare, & exeunt, revertuntur, ut iterum fluant: ego stagnans & putrida vitiorum sentina, in terræ viscera inflo, & ad immensum Divinitatis Oceanum, tanquam principium finemq; meum, non recurro. Vrit, ut ejus fert natura, ignis, ego nive & glacie frigidior, vivo: si infixos terræ oculos in cælum elevo, adverto sidera cursum suum tenere constanter, præest & præluet diei sol, temperat noctis tenebras luna, hærent, fixæ suis stellæ locis, & hemicyclis planetæ: ego vagus, & erro, longè à semita justitiæ deslecto, quod dum cogito, justo robore suffundor. Ita si per singulas creaturas, tempus nos ire sineret, multa spiritualis doctrinæ & virtutis documenta, sed non pauciora confusionis, haberemus incitamenta.

Sed frustra ego doctrinæ & confusionis nostræ, causam inter cæli lumina sublimè quæro, quid vilius domesticæ animali cane? at iste etiam nostram sæpè confundit in gratitudinem. Herus quidam, canis sui fidelitatem, amicis demonstraturus ipsis præsentibus, dirè cepit canem fustibus contunde-

re, ita

*Etiam canes,
salutarem ho-
minibus instil-
lant sapienti-
am.*

re, ita ut ossa minutim confringeret. atq; eo humi relicto, recessit. Canis tamen jam semimortuus, corporis contusi ægrè trahens partes, herum crudelem sequi, ejusdemq; pedibus affusus alludere, & blandiri cæpit. Ecce canes ob paucula ossa, quæ ipsis rodenda obijcit herus, tam dira patiuntur, & gratos se exhibent. Nos quotidianis ijsq; maximis à Deo beneficijs affecti, imò sanguine filij ejus, ab æterna infelicitate liberati, vix dignamur digito tangere, etiam illa onera, quæ intra fines mediocritatis continentur. Nondum sustinemus graves idus & lumbifragia, donis potiùs gratijsq; innumeris afficimur, & tamen ingrati, ipsis profectò bestijs deteriores sumus. Hæc si quis secum seriò recogitat, habet quod à rebus creatis discat, & erubescat. Et hoc est primum itineris nostri stadium, quo per Creaturas, non solum ad cognitionem, laudem, & reverentiam, earum conditoris Dei, pervenimus: sed etiam multa salutaria documenta, ad vitam rectè religiosèq; instituendam, itinerantes colligimus. Ut enim olim Hebræos, nubes interdiu, ignis de nocte, ad terram promissionis recto tramite deducebat: ita nos tota creaturarum multitudo, ad Æternæ Beatitudinis Patriam, & ultimam desideriorum nostrorum metam Deum, numeroso agmine ducit & propellit, quibus si morem, in sequendo geramus, felicitatis nostræ terminum, facilè attingemus.

ALLO-

ALLOCUTIO IV.

49

*Maxime naturalibus, & super
naturalibus Dei donis, incita-
mur ad finem ultimum.*

Viam nostram ingressi, ductu creaturarum,
ad præfixam Perfectionis metam, hætenus
pergebamus: nunc alijs, & alijs Dei beneficijs, ad
prosequendum virtutis iter, strenuè propellimur.
Inest enim ea, Divinæ in nos munificentiae vis: ut
tardas etiam & segnes, in profectu animas, ad cur-
sum excitet & propellat. Veluti enim herus sua
jumenta, eo potissimum fine, liberaliter habet, &
alit: ut pares arduo itineri vires assumant, & ce-
leriùs currant: Ita liberalissimus erga suos Deus, a-
pud quem, unusquisq; nostrum, ut jumentum factus
est: ideo nos plurimis cumulat & largè nutrit do-
nis: ut in via mandatorum, consiliorumq; ejus, a-
lacres curramus. Quæ Dei beneficia, in nos libe-
raliter effusa, cum omnia, præ eorum copiâ, &
magnitudine, recensere nequeam, aliqua saltem,
oculis, & considerationi subicere, pro viriurn te-
nuitate conabor: ut eorum contemplatione excita-
ti, arreptum virtutis iter, alacrius decurramus.

*Homo ut iu-
mentum, Dei
beneficijs nu-
trit, ut ala-
crius currat.*

G

Scio

*Iacob Patri-
archa & Iob,
ex diversis Deo
serviebant
motibus.*

Scio equidem, servilis animi notam esse, beneficiorum intuitu, Deo & virtuti operam navare. Servus planè stigmaticus erat, celebris ille, inter veteris testamenti Patres, Iacob, dum ita, Gen. 28 cum Deo licitaretur: *Si fuerit Deus mecum, & custodierit me in via per quam ego ambulo, & dederit mihi panem ad vescendum, & vestimentum ad induendum, reversusq; fuero prospere in domum Patris mei, erit mihi Dominus in Deum.* Excelsioris animi, & magis perfectæ virtutis erat Iob, qui esto nihil beneficiorum à Deo percepisset, immo quavis severâ, & non parcente manu ejus, continuo ad interuersionem usq; affligeretur, se tamen Deo fideliter adhæsurum spondebat, dum cap: 31 protestaretur: *Etiam si occiderit me, in ipso sperabo,* quasi diceret: Non me beneficia, ad serviendum Deo excitant, non pænæ & flagella percellunt, non auri argentiq; sed Divinæ dignitatis pretium, me in ejus mancipat obsequium: non emptitius, sed liber, amore, non commodo ductus, servitium præstabo Deo. Cæterum quia amoris ductus, non utilitatis illecebrâ, Dei amplecti servitutem, genus perfectiorum est: hoc ad illud tempus, quo viam consummatæ Perfectionis decurremus, reponendum est: nunc quia incipientium iter ingredimur, etiam beneficiorum sedula consideratione, ad sanctioris vitæ cursum, ex mente, viæ hujus peritiorum, incitari possumus, & solemus. Quod ut tanto fa-

*Beneficia Dei,
magnus ad
virtutem in-
cipientium
stimulus.*

tantò facilius præstemus: jam ego Dei in nos beneficia, & multitudine propè infinita, & magnitudine immensa, cum omnia non possim, aliqua saltem ob oculos pono.

Dona, quæ ex Divina percipimus beneficentia, bifariam dividi solent. Alia enim sunt naturalia, alia supernaturalia: ex eis, quæ ad seriem ordinis naturalis pertinent, occurrunt primò bona corporis, quorum pars potissima est, membrorum sensuumq; integritas ac firma valetudo, hac quicumq; se præditum, Dei munere esse agnoscit, non alio fine, eam virium, quâ pollet firmitatem, collatam sibi esse existimet, nisi ut eâ, ad virtutis exercitium, & Divinæ gloriæ augmentum, utatur. Restituerat Salvator noster visum, homini à natiuitate cæco, qui cum omnia quæ circumstabant objecta cernere, mirari, ac stupere cæpisset, sic eum cælestis Medicus affatus, ait: *Ecce sanus factus es, jam noli peccare*: quo suo Æterna Veritas effato, non solum illum hominem, cui cæcitatis tenebras ab oculis deterfit, sed omnes nos, doctos esse voluit: corporis sanitatem sensuumq; integritatem, non alio nobis fine conferri, nisi ut bona firmaq; valetudo, sit subsidium, rectè virtuosèq; agendi, non occasio delinquendi. Vnusquisq; nostrum bonâ pollens valetudine, sibi quoq; dici existimet: *Ecce sanus factus es, jam noli peccare*: hæc qua polles valetudo, non sit tibi licentiosius agendi ansa, sed

Dona naturalia.

Sanitas corporis, subsidium debet esse virtutis

Etiam infirmitas virtuti famulari debet.

S. Pater Ignatius, in cōtinua corporis infirmitate, multa bona operatus est.

proficiendi in pietate adjumentum. Quærant sanè alij, ab infirma quâ conflictantur valetudine, suæ imperfectionis patrocinium, dicant: acri dolore gravatum caput, non est rerum Divinarum meditationi aptum, totum varijs infirmitatibus afflictū corpus, mortificationis non sustinet molestiam. At tu qui bona frueris valetudine, cui caput liberum, vires robustæ, quid habes prætensionis? quod ita remissè Deo tuo servias? & in via perfectionis lassescas? Velis, nolis, fateri cogeris, te virium ad Dei obsequium concessarum, firmitate abuti, corporis valetudine, viriutem enervare. Quanquam ne illi quidem ipsi, justè operam pietati posse se subtrahere putant, qui mala afflictantur valetudine, credant Apostolo dicenti: *Virtus in infirmitate perficitur*, idemq; suo experimento ita 2 Corin: 12 adstruente: *Cum enim infirmor, tunc fortis sum*. Certè de S. Gregorio Magno, Papa & Ecclesiæ Doctore, memoriâ proditum est, illum semper infirmū usum valetudine, quæ tamen ille fecerit, scripserit & docuerit, orbis satis mirari & capere non potest. Idem de alio quoq; maximo Ecclesiæ Doctore S. Hieronymo legimus: qui quanquam variè morbis doloribusq; continuò tentaretur, tamen corporis incommoda, pijs laboribus, & perpetuâ lectione ac scriptione superabat. Quid de S. Patre nostro IGNATIO loquar? ille quoq; continuâ ferè affligebatur infirmitate, ad quantam tamen perfectionis

ctionis soliditatem, & ipse pervenit, & plurimos deduxit, quæ pro Dei gloria, & animarum salute gessit? nemo satis cogitare, nedum dicere potest: ita in eo infirmitas carnis, vigorem acuebat animi, & membrorum langvor, fervorem augebat mentis. Dixerit sanè S. Basilius, canobium esse virtutis scholam, morbum, Ambrosius, non minori elogio, virtutum omnium officinam appellavit, quod reputans S. Bernardus, votum illud concepit: *Quis mihi det! non solum infirmari, sed deficere penitus à me, ut Domini Virtutum virtute stabiliar.* Quæ ideò breviter commemoranda duxi, ut discamus ægritudinem, porut loquitur S. Pater, *libenter de manu Creatoris, ac Domini nostri esse acceptandam, quandoquidem non minus donum est, quam sanitas.* Vnde & illam svadet indifferantiam, ut animo æquè propenso, tam ad sanitatem, quàm ad ægritudinem simus. Siquidem utraq; Dei donum est, nobis eo fine collatum, ut seu integris, seu infirmis, totis tamen viribus, in studium solidarum virtutum incumbamus.

*Morbis Vir-
tutis officina.*

Sed jam ad animi dotes, inter Dei beneficiorum seriem positas, transeamus: quæ quantò magis bonis corporis præstant, tantò fortius nos ad cursum, in via virtutis celeriter instituendum, excitant, & impellunt. Inter plurima Dei beneficia animæ rationali impertita, duo in præsens (nam omnia quis recenscat?) præcipua, eaq; secum invicem connexa, memoro:

*Animæ dotum
efficacia, ad
sanctitatem.*

*Acre ingeni-
um doctrina
perpolitum, fa-
cilius quæ Dei
sunt capit.*

memorò: quorum unum innatum, alterum acqui-
situm est: capacitatem ingenij, doctrinâ & eruditi-
one, tam sacrâ, quàm profanâ instructam, intelli-
go. Magnum hoc Dei donum, ingens beneficium
est, acre ingenium, eruditione perpolitum, hoc il-
le mortalium sapientissimus Solomon, inter maxi-
ma Dei beneficia computabat, quòd & puer inge-
niosus esset, & sapientiâ alios antecelleret: nec mi-
rum, quo enim quis, res terra & cælo comprehen-
sas, perfectiùs intelligit, eò faciliùs cogitatione, &
affectu, ferri in earum Conditorem potest: quòd
cùm, ingenio doctrinis erudito, datum sit, inter
præcipuam humanæ sortis felicitatem id reputari
debet. Verbo, ingenium scientiæ conjunctum, ad
perfectæ virtutis studium, vehemens stimulus est.
Quòd enim aliqui, è rudi hominum turba, viam
salutis ignorent, semitas perfectionis nesciant, præ-
rium virtutis non apprehendant, dandum aliquid
ignorantiæ, ignoscendum ruditati: at si quis inge-
nio præditus, sufficienti doctrina instructus, ea quæ
Dei sunt non curet, studium virtutis negligat, in
via perfectionis pigrescat: severioris illius edicti,
haud dubiè, incurreret comminationem: *Servus sci-
ens & non faciens, vapulabit multis.*

*Scientia &
Virtus, sorores
germanæ.*

Scientiam & virtutem, duas ego mihi germa-
nas imaginor sorores, quarum natu major est scien-
tia, minor verò virtus. Neq; verò id mirum cui-
am videatur, quòd naturâ viliores, antepo-
nam præstanti-

præstantiori, quamvis enim virtus nobilior sit, scientia tamen antiquior, quatenus intellectus voluntatem præcedit, & cognitio affectum: siquidem uti dicimus, & experimur: nihil volitum, nisi cognitum: cum ergo scientia spectet ad intellectum, virtus pertineat ad voluntatem, scientiam virtute necesse est naturâ priorem. Verum tamen, quod dictum est, de illis duobus gemellis fratribus, Rebecca filijs, minor serviet majori, hoc idem, duabus istis competit sororibus, ut major serviat minori, scientia famuletur virtuti. Quæ cum ita sint, ad hoc unusquisque nostrum, datam sibi esse scientiam existimet, ut illa virtutem in omnibus juvet, eiq; obsequatur. Rerum ille ordinem pervertit, qui scientiâ, sui æstimationem, speciosa munera, exquisita commoda, cæterasq; mundi vanitates venatur, quasi verò scientia, non eo fine unicuique data sit? ut virtuti inserviat, in ejusq; bonum, totam navet operam. Panis, optimum hominis nutrimentum, in quo robur & vita ejus, quibusdam tamen venenum est, quis credat? Procerto Aldrovandus de animalibus asserit: panem accipitri toxicum esse, consentit & Augustinus dñ lib: 4 contra Manichæos ait. *Panis hominem alit, accipitrem necat.* Optimè scientia panis dici potest, quam & facer textus panem intellectus vocat, & Propheta ait: *Petierunt parvuli panem,* hoc est, ut explicant interpretes, doctrinam & eruditionem. Qui ergo rationi & fidei consentaneam

virtutem,

*Scientia natu
maior, mino-
ri famulari
debet virtuti.*

*Panis non
nullis venenū*

*Scientia, pa-
nis dicitur,
quo nutritur
virtus.*

virtutem, panē scientiæ alit, hic, quò magis, hinc Dei summè excellentis dignitatem, inde suæ conditionis & naturæ vilitatem perspectam, probatamq; habet, eò profundius se coram ejus Divina Maestate, prostermit & humiliat: inanem mundi ostentationem, tantò plùs despicit, quantò clariùs, perspicacibus scientiæ oculis, vanitatis ejus latebras videt, & perscrutatur. Vnde quò quis majori veritatis lumine resplendet, eò ardentiori orationis studio, Divini amoris igne, proximorum salutis zelo, accenditur. Nutrit procul dubio talis, animæ suæ vires, hoc scientiæ corroborante panē, & velut alter Helias, in fortitudine cibi istius, ambulat usq; ad montem consummata Perfectionis. Quòd si verò quispiam, eodem eruditionis suæ panē, propriæ æstimationis alat appetitum: si alicujus honoris spēs, aut turpis lucri desiderium nutrit, si fastu elatus, & per inane mundi, sublimè volantes, nescio quas imaginationes, alit: accipitri iste, venenatum panem porrigit, seipsum hoc toxico virulenter necat. Neque hæc est vanæ imaginationis allegoria, sed præ oculis etiam nostris, acta sæpius tragædia. Plurimos enim in Religione vidimus, qui cùm scientiæ panē, vires stabilire, robur sibi & animum, ad arduam Perfectionis viam, addere debuissent, semetipsos venenoso ejusdem scientiæ usu, veluti accipitres prædæ cupidos, peremerunt. Nos, si alieno volumus sapere malo, huc vires, & animos intendamus, ut

Doctrina, interdum vitia nutrit, & multos perdit

mus, ut ingenij talentum, & scientiæ donum, similesq; aliæ animi dotes, nos à suo largitore Deo non avertant, sed ad ejus obsequium, & virtutis augmentum trahant, & alliciant. Mitto bona fortunæ, & consultò prætereo: non quòd ista Dei quoque dona esse ignorem, sed quia hanc levem nimis Deam, talium dispensatricem fortunam, pridem despeximus: divites ejus gazas, & honorum fascēs, nibili ducimus: ut sancto nostro Patri morem geramus, qui in tertio humilitatis suæ gradu, constitutus, vult nos ad maiorem Salvatoris nostri imitationem, potius pauperiem, contemptum, & insipientiæ titulum amplecti, quàm opes, honores, & æstimationem quærere, etiamsi par laus, & gloria Dei, ex alterutro foret.

Fortuna bona, negligē debent.

Venio ad ea, quæ sunt ordinis supernaturalis, Dei in nos liberalissimi dona. Porro in ea beneficiorum serie, primum locum obtinent, infinita Christi Domini Merita, quibus virium nostrarum debilitas sufficienter suffulta, quidquid est, in via Perfectionis oneris, aut difficultatis, facile superare potest Typum, & umbram, rei exhibet Iacob Patriarcha, qui matris consilio, de domo paterna, in remotiorem Mesopotamiæ regionem expeditus, cum inde dives opum, domum regrederetur, gloriabundus dicebat: *In baculo meo transgressus sum Iordanem, & ecce cum duabus turmis regredior.* Gen: 32. Scio SS. Patres in hoc peregrinantis Patriarchæ

Bona supernaturalia.

H

baculo,

baculo, Crucem Christi, meritis ejusdem solidita-
 tam, considerare, & dicere solitos: quod quem-
 admodum peregrè profectus, & prosperè redux Ia-
 cob, omnem itineris sui felicitatem, illi, quo inni-
 xus ibat baculo, attribuebat: ita nos in hac perfe-
 ctionis quâ gradimur via, non aliunde vires, robur
 & subsidium habituros speramus, nisi à Cruce, &
 meritis Salvatoris nostri: adeo ut cum Apostolo (si
 quæ obstat difficultas) dicere possimus: *Omnia*
possum in eo, qui me confortat, fortiter tantummo-
 do Crucem Christi apprehendamus, tenuesq; vires
 nostras, infinito meritorum ejusdem robore confor-
 temus: & nihil adeo arduum, aut difficile nobis
 occurrere poterit, quod meritis Christi adjuti vince-
 re nequeamus. Quodsi adhuc inter gratias Dei, ex
 iisdem meritis promanantes, numero plurimas, va-
 lore infinitas, omnem spem & fiduciam nostram
 coniiciamus, ad præfixam Perfectionis metam non
 ibimus, sed curremus, festinato passu. Nam si cre-
 dimus viæ hujus plurimum gnaro, & individuo co-
 miti nostro, Thomæ à Kempis, *suaviter*, inquit ille,
equitat, quem gratia Dei portat. Adsit modo no-
 bis gratia Dei, & jam non lento, nec pedestri pas-
 su, sed concitato, instar equitis velocissimi cursu, vi-
 am mandatorum, consiliorumq; Dei curremus.
 Quanquam ita Dei nostri Bonitas constituta est, ut
 gratiæ ejus nusquam nobis deesse possint, quarum
 longam seriem, & diversa nomina recensent Theo-
 logi,

logi, dum alias Prævenientes, alias Subsequentēs, has Excitantes, illas Cooperantes esse volunt. Si nostris relinquimur viribus, ne unicum quidem in via virtutis passum, facere nos posse ultro fatebimur, sed Dei gratiā & auxilijs adjuti, rursus cum strenuo viæ hujus cursore, quem modo nominavi Apostolo Paulo dicemus: *Non ego, sed gratia Dei mecum.* Quanta verò foret ista felicitas nostra, si Adjuvantem Dei Gratiā demerendi modus nobis contingeret, certè beneficentissimus earum largitor Deus, voto & sensu Ecclesiæ suppliciter exorandus est, ut ad hoc æternæ salutis iter, nostras rebelles etiam, compellat voluntates.

Postrema ordine, prima appretiatione, sunt illa Dei in nos beneficentissimi dona, quæ Bonitas ejus religiosæ vocationi nostræ, voluit esse propria. Omnia si recenserem, dies me hic, & verba deficerent: ergò cum singula nequeo, aliqua breviter attingo. Primum illud occurrit, quòd per felicem, Deo vocante religionis ingressum, multa quibus mundus abundat, peccandi pericula, & graviter delinquendi occasiones propè infinitas, evasimus. Quis enim mundo deditus, inter epulas temperantiam, inter pocula sobrietatem, inter arma mansuetudinem, inter negotia devotionem, inter lites concordiam, inter detractores famam, inter tripudia compunctionem, inter impudentes, verecundiam, integrè inviolatèq; servaverit? Iam vitiorum
H2 colluvi-

*Gratia voca-
tionis*

*Subtractio oc-
casione ad
malum, græ
de est bonum.*

colluviem, quâ inundat mundus, quis satis enume-
ret? breviter illam sed graphicè depingit Bernardus:
*Vidi ego, inquit, aliquando quinque viros, quidni
phreneticos arbitrer? Primus siquidem buccis tu-
mentibus, marinam masticabat arenam. Secundus
sulphureo adstans lacui, exhalantem teterrimum
fetidissimumq; gestiebat haurire vaporem. Porro ter-
tius fornaci incubans vehementer accensa, mican-
tes scintillas hiantibus excipere faucibus letabatur.
Quartus super pinnaculum templi residens, levioris
auræ spiritum, aperto attrahabat ore, & si quod mi-
nus influere videretur, flagello sibi ventum ipse cie-
bat, ac si totum speraret aerem deglutire. Quintus
seorsim positus, ridebat ceteros, ipse quoq; ridendus,
& maxime. Proprias enim carnes, incredibili quo-
dam studio sugere laborabat. Quibus Emblemati-
bus, mellifluus Doctor, varia peccatorum munda-
norum genera descripsit. Nam primus ille cupi-
dos, secundus voluptarios, tertius iracundos, quar-
tus ambitiosos, quintus de rebus suis gloriantes,
exprimunt. Quibus omnibus, & singulis crimini-
bus, nos Dei bonitas subtraxit, tùm ad immunem,
ab ejusmodi vitiorum monstris, religionis portum
deduxit: ubi animum per votorum nuncupationem,
Deo arctius adstrictum, ab omni malorum incurſu
munivit. Sanctis regularum legibus circumſcripsit,
ut si ea integra inviolataq; esse voluerimus, nullum
ad nos cupiditas aditum, nullum ambitio accessum,
nullam*

nullam voluptas viam inveniet: cælestium verò donorum, copiam, angustia cordis non capiet.

Iam, ex frequentiori orationis, & Sacramentorum, ac mortificationis usu, cæterisq; usitatis in religione virtutibus, quanta in nos emanāt emolumenta? dum ego dicere, ac ne cogitare quidem valeo, S. Bernardum religiosæ vitæ felicitates ad compendium redigentem, sæpius auditum, sine fastidio libens audio. Nonne (inquit ille) hæc est regio sancta & immaculata, in qua homo vivit purius, cadit rariùs, surgit velociùs, incedit cautiùs, irroratur frequentiùs, quiescit securiùs, moritur confidentiùs, purgatur citiùs, præmiatur copiosiùs. Quod dum in se affatim experiretur, celebris ille rerum nostrarum scriptor, P. Petrus Ribadeneira, quoties in laudem religiosæ felicitatis suæ excurreret, Magnopere, aiebat, Divinæ bonitati me obstrictum esse agnosco, quòd me à mundi abstractum periculis, in sanctam domum suam admiserit, idq; mature anno atatis 14, priusquam innocentia terminos excessissem. Post Deum potissimam obligationis partem debeo S. IGNATIO, qui mihi affuit, & veluti manu, in gloriosum hunc successum duxit, cuius beneficii magnitudinem, tanti facio, ut nunquam futurus sim ingratus, immo optarem, ex animo mihi occasionem offerri, ut in testificationem amoris mei in illum, membratim in frustra dissecarer, quibus verbis docet, quantis Dei donis, convictus religiosus

Ex orationis,
& Sacramen-
torum usu,
magnus in
religione fru-
ctus.

P. Petri Ri-
badeneira, pi-
us erga S. I-
gnatium affe-
ctus.

religiosus abundet. Et hæc sunt, nunquam satis enumerata Dei in nos beneficia, quæ hominem etiam si ferreus, aut saxeus sit, emolliunt, & ad consummata virtutis iter, non excitant, sed impellunt.

ALLOCUTIO V.

*Vanus est, difficultatum, in via
Perfectionis metus.*

*Frequens est,
in via perfe-
ctionis lan-
guor.*

*Metus diffi-
cultatum, mul-
tas deterret.*

HActenus Divinorum beneficiorum multitudine stimulati, propositum Perfectionis iter, alacriter prosequabamur. Et ecce repente obortus nescio quis torpor, cursum cohibet, & ab incæpto itinere mentem deterret: unde quod olim Doctor gentium Galatis in faciem exprobravit, hoc ego à præclarè captis despondentibus animis, palam dicere cogor. *Currebatis benè, quis vos infascinauit?* Ad Gal: 5. Quò ille currendi fervor? quò proficendi in via Perfectionis, animi alacritas cessit? cur promptus in ardua quæq; labor, sensim langvescit? & ferè retro respectit? Iam sanè video, & clarè adverto, quid nos à proposito virtutis cursu retardat, & vix retrorsum cedere non cogit. Metus & horror difficultatum, hic nos deterret, & ultra progredi vetat. Quod quidem terriculamentum, ego maxime

62
ximè incipientibus frequens, & usitatum esse, non
negaverim, vanum tamen illud, & superatu facile
scio: ac etiam ad proterendum pedibus, modum,
& animum addo.

Ea est pusillanimis mentis humanæ consuetudo, ut ipsa sibi plena horroris spectra fingat, & somniet; Propheta attestante: *Trepidaverunt timore, ubi non erat timor.* Quòd enim in edomandis passionibus, pusillanimes, in consequendis virtutibus desides reperiamur: inde hoc ut plurimum provenit, quòd cum passionibus nostris, luctam difficilem & molestantem, iter virtutis arduum & horridum, nobis imaginemur: planèq; simili imaginatione frequenter laboramus, quàm laboravit ille hominum ignavissimus, ut de eo refert Proverb: 22, Rex à sapientia commendatus Salomon. Incumbebat cuipiam ignoti nominis homini, iter quoddam inire, invitabatur suscepti itineris utilitate, ac nō fallor, urgebatur etiam imperio, innatā tamen sibi retrahebaturq; desidiā, unde & dicebat piger: *Leo in via & leana in itineribus, in medio platearum occidendus sum.* Inijciebat quidem ignavo homini, spes commodi stimulos, suggerebatq; ad intra: nō te huic itineri commiseris, lucro illo carebis, negotium haud levis momenti, non conficies: si non tui, sed alieni iuris es? voluntatem præsidis, qui tibi iter istud seriò imperavit, contemnes, referesq; justas, contempti imperij pœnas. At ille imaginaria

*Difficultate
in via perfe-
ctionis, ipsi no-
bis fingimus.*

Insigne Davi-
dis, animi re-
bur.

ginaria quadam, immanium ferarum specie terri-
tus, respondebat: *Leo in via, & leana in itine-
ribus*, quasi diceret: apage omne lucri commodū,
non audio, tam crudele imperium, quod me sævis
ungvibus, dentibusq; leonum dilaniandum pro-
pinat: qui, si aliquid magnanimitatis habuisset, di-
xisset potius: sit sanè leo in via, rugiat leana in
itineribus, in medio campo, & inter aperta discrimi-
mina, virtus exercenda est. Non exhorruit olim pu-
sillus licet staturâ, sævum leonem David, sed eum,
virili robore, ad internecionem usq; prostratum
necavit. Nolim minor Samsonè censerì, cui veluti
lactentes hædos, iugulare leones, ludus fuit: ibo,
& rugientes feras medias discerpam. Nihil horū
dixit, fecitq; timidus ille, sed solo ferarum aspectu
excors, & exanimis hæsit. Quo suo pleno timoris
facto, metum, nobis frequenter usitatum, graphicè
expressit. Cùm enim in via Perfectionis, variæ ten-
tationes occurrunt vincendæ, cùm animi passiones
superandæ obstant, ipsa earum apprehensione ex-
territi, non rarò quid similè dicimus: *Leo in via
& leana in itineribus*: cùm solâ tentationum
passionumq; nostrarum imaginatione percussi, tan-
tùm animi non habemus, ut eas, in nos sævientes
belluas superemus: gravior nobis in ijs vincendis
labor videtur, quàm Davidi, aut Samsoni cum suis
leonibus lucta. Parvæ plerumq; difficultates, inani
nos metu percellunt, & à via virtutis deterrent:
qui si

qui si aliquid religiosæ fortitudinis præsto haberemus, omnibus difficultatibus, veluti imaginarijs leonibus, alacres obviam iremus: læti, oblatâ occasione, insignem fortitudinem comprobandi. Legimus ætate teneras, & naturâ imbelles, solo sanctitatis robore animatas puellas, non profluentes tantum à caveis feras, sed ex infernali etiam specu erumpentes belluas, leonum draconumq; specie horridas, sæpius superasse: nos virili robore aucti, & Divinâ armati gratiâ, tentationum passionumq; nostrarum insultus, non superabimus? absit eam, nomini nostro iuri labem.

In fragili sexu, magna inter dum viguit fortitudo.

Histrion ille magis, quàm Romanus Imperator Nero, Primates Imperij familiares suos, sic quandoq; terrere solebat, alebat cicurabatq; leones, quibus excuti dentes, & refecari ungves iubebat: hos inopinatò, caveâ emissos, in aulicos suos concitabat, qui horrendo bestiarum rugitu perterriti, trepidabant, vociferabantur, superos ac inferos implorabant: donec tandem se metu exanimatos, à feris tamen illæsos, integrosq; viderunt, resumpto animo, in leones ungvibus dentibusq; exarmatos, pugnis ac fustibus irruebant, & faciliè inermem bestiarum feritatem, flagris etiam impunè cædebant: tales & nos existimemus, edentatos leones, omnes illos, tentationum passionumq; nostrarum, feroces ad speciem insultus: qui si cuiquam sunt modo terrori, ac formidini, post brevem moram, postquam

Tentationum insultus, edentatos similes leonibus.

*Solo dissensu,
animæ vincū-
tur hostes.*

eis, pro viribus restiterit, vana hæc & viribus ener-
vata, agnoscat esse terriculamenta: ita ut facile e-
is prævalere, ac etiam insultare possit, & plexo ex
funiculis flagello, omnem vim earum, nullo nego-
tio, procul à se pellet retundetq; Immo facilio-
rem etiam vincendi modum, eiusmodi tentationū,
passionumq; nostrarum feras, per solam consensūs
negationem, suggerit D. Bernardus, dum serm. 5.
in Quadrigesima ait: *Sub te est, o homo, appetitus
tuus, & tu dominaberis illius. Potest quidem inimi-
cus excitare tentationis motum, sed in te est, si vo-
lueris, negare consensum. In tua facultate est, si
volueris, inimicum facere servum tuum, ut omnia
tibi cooperentur in bonum. Ecce enim inflat ini-
micus desiderium tibi, vanitatis, aut impatientie
cogitationes ingerit, aut excitat libidinis motum, tu
solummodo ne concesseris, & quoties restiteris, toti-
es coronaberis. Vnde quis non videat? vanos no-
stros esse sæpè timores, qui tam debiles & infirmos
reformidamus hostes, quos solo contemptu vincere,
debellareq; facile possumus.*

*Ipsas, interdū
virtutes esse
multis horro-
ri, sunt docu-
mento Hebrai*

Parum est, quòd tentationum passionumq; no-
strarum luctā, sæpè frustra terremur. sunt & aliæ,
eæq; non paucae, in via Perfectionis difficultates, quæ
magnum nobis iniiciunt horrorem: immo ipsæ,
gratiosissimæ alioquin naturā suā virtutes, non mo-
dicè terrent. Idemq; nobiscum agitur, quod cum
illis terræ promissionis exploratoribus numer. 13.
actum

actum est. Expedierat Dux populi Israelitici Moyses, in terram Chanaan, sibi Divino Oraculo, nomine hæreditatis appromissam, lectos de toto exercitu viros, diligenter perlustrandam: obtemperant illi, & iussa capeſſunt: vident omnia, & explorant curiosè, rebus benè confectis, reduces, ita rei seriem, suo Duci & populo referunt: *Terra re vera fuit lacte & melle, ut ex his fructibus cognosci potest: sed cultores habet fortissimos, & urbes grandes atq; muratas. Terra quam lustravimus devorat habitatores suos, populus quem aspeximus procera staturæ: ibi vidimus monstra quedam filiorum Enac, de genere giganteo, quibus comparati quasi locustæ videbamur.* Solas omnino meticulosi homines isti, loquebantur auxeses, immo mendacia mera, & tamen plurimi inventi sunt, de populo Israel, apud quos, verba eorum nimis hyperbolica, fidem invenerunt, unde & dicebant: *Nequaquam ad hunc populum ascendere valemus, quia fortior nobis est.* Sed enim, homines isti præ nimio timore, extra se acti, falsa omnia referunt, & somnia dicunt. Quis unquam credat, terram suos devorare habitatores? aut Hebræos Chananæis comparatos, locustas esse? & tamen illis creditur, & in totis trepidatur castris: initum ad terram promissionis iter, tantum non deferitur: sunt qui vano timore exterriti, omnem, de terra delicijs plena, curam deponunt, pedem referre in Ægyptum cogitant. Tantum vani apprehē-

sio metus, ad heroes illos consternandos, valuit!

*Muscas interdum elephantes, putant in-
ripientes.*

*Timor arduas
facit difficul-
tates.*

Idem omnino nobis, ad cælestis patriæ terram promissionis, torrente voluptatis celebrem, contendibus, sæpè contingit: qui leves alioquin, & solo contemptu dignas repugnantias, inter summas adversitatum & discriminum difficultates censemus: quibus perterriti, muscas elephantes putamus. De quo multâ edoctum experientiâ D. Bernardum ita sermo: 33, in Cantica audiamus, differentem: *Primordia inquit nostræ conversionis, primus exagitat timor, quem intransibilibus, statim horror vitæ ingerit arctioris, & insueta austeritas disciplina.* Ita nimirum incipientibus, timidiori spiritu agitatis, quod vel tantillum adversatur carni, monstrum omni gigante putatur majus. De quo benè, & christianè Seneca: *Non quia difficilia sunt, non audemus, sed quia non audemus, difficilia sunt.* At si quispiam audiat, consideretq; magni animi Iosue, aut Caleb: minimè ejusmodi terriculamentis motus, imperterrita mente, profectò exclamabit: *Ascendamus, & possideamus terram: quoniam poterimus obtinere eam.* Assumamus tantum aliquid animi, & facilè in via Domini, & religiosæ observationis cursu, omnia, seu difficultatum tela, seu respectus humani scuta, seu paratos in jugulum proprii amoris enses, superabimus.

Experiebatur olim id in semetipso, è Societate nostra, vir magni nominis, Andreas Spinola: is cum provecti-

*P. Andreas
Spinola, ar-
duam ab ini-
tio. Vita reli-
giosa auste-
ritatem, ri-
sit postea*

proveciori jam ætate, nempe, ut ipsemet humili quodam joco, de se queri solebat, triginta & octo annos habens, in in firmitate, de sæculo relinquendo deliberaret, atq; in partem contrariam, tum valetudinis imbecillitas, tum deliciarum assuetudo, familiæ nobilitas, dignitatis, quam in Ecclesia gerebat, amplitudo, & congestæ opes, deniq; religiosa disciplinæ difficultas, victûs ratio vilis, & abstemia, incultus vestium usus, & dependens ab alieno arbitrio obsequiosa servitus, multaq; aliæ, plenæ horroris rationes, quasi agmine tacto, ad terrorem ei sese offerent, repentè tamen, postquam sibi Divinæ Bonitatis lumen affulxisse sensit, & timore prostratum animum resumpsit: illico omnes illæ timidæ, & diffidentes cogitationes evanuerunt: illeq; redditus sibi, animo penitus obfirmato, ac constanti, adversus illa omnia incommoda permansit, & omnem vani metûs terrorem, fortis superavit: ita ut brevi experiretur cum Augustino, quàm svavè subito illi factum sit, à svavitatibus, & delicijs mundanis abstinere. Nam cum antea adhuc sæcularis, nostrorum mensæ interesset, quod amicitia causa, interdum faciebat, multa fastidire solebat, utpote delicatoribus epulis, argenteæ suppellectili, & exquisitæ cuidam munditiei assuetus: idem postea, jam societatem nostram ingressus, cum primùm ad communem mensam venit, omnia ei videbantur longè alia, mantilia nitidissima, patinæ &

tinæ & orbes, quasi ex argento, ipse verò locus, optimo odore fragans, cibi ad palatum, sapidissimè præparati: ita ut nihil apud se dubitarit, omnia illa, præter nostrum morem, parata esse, Rectoris iussu, ad suam videlicet infirmitatem, extraordinarijs eiusmodi delicijs, relevandam. Quapropter de hoc, cum Rectore questus est seriò, quòd ea, in sui gràtiam essent præparata, sed cùm omnia communia fuisse agnovit, postea hunc suum errorem, sæpiùs amicis familiariter narravit. Tantùm in eo resolutus, ad austerioris vitæ incommoda, animus effecit, ut vilem insipidumq; cibum, obsoletas squalore vestes, cæteraq; vitæ religiosæ incommoda, deliciarum locò haberet. Adesset utinam tantùm nobis animi, ad superandas omnes in via Domini adversitates, nullum omnino in ea difficultatum pertimesceremus metum: quinimmo illud de nobis assereremus, quod olim consummata virtutis exemplar, Iob de se dicebat: *Quæ prius nolebat tangere anima mea, nunc cibi mei sunt*: Ita unusquisq; nostrum dicere auderet: quem prius horrebam, sapit mihi vitæ severioris rigor, quàm nuper terrebar, iam delector abnegatione, superabundo gaudio, in omni tribulatione, cuius vel ipsum perhorrescebam nomen. Tales erant, magni animi Patres nostri, qui commodis omnibus, populari famâ, & humanis respectibus spretis, per obvios quosq; labores, & difficultates, per opprobria & pericula, perfectioris vitæ

Patrum nostrorum, magna in arduis fortitudo.

ris vitæ conficiebant iter. Nos pudeat, leviorum difficultatum, solam perhorrescere umbram.

Sed quid mirum, pusillanimes animos, varijs adversitatibus, in via perfectionis terreri? cùm ipse etiam, gratæ, intuentium oculis virtutes, multas parvi animi mentes, insolito horrore percellant: ita, ut quid simile eis contingat, quod olim Octaviani Augusti bellatoribus, narrat Dion: lib: 43. contigisse. Arctâ obsidione cinxerat dictus Imperator urbem Salonitum, jamq; ad deditionem urbis, incolas propè adigebat, cum interea illi, insolito usi stratagemate, plures de medio sui matronas, turpatâ & horrida larvis facie, promisso & inhorrescente capillitio, vestibus atris induunt, manibus faces, & tædas porrigunt ardentes, & ita eas per intempestæ noctis silentium, urbe expediunt, quas pone, milites sequuntur armati. Vix ista, ad horrorem instructa scena, in oculos Romanorum venit, rati, omnem infernalium furiarum catervam, & spectra dæmonum, erebo egressa adventare, ingenti percussi timore, terga vertunt, & fugam capeffunt: fæminæ larvas indutæ, incendia spargunt, armati milites hostem fugientem secuti, cædunt, & maculant, fit cædes, & strages, ipse Octavianus fugâ, cum grandi nominis sui dedecore, elapsus, quod confictas ad speciem muliebres furias, extimuerit. Reperiuntur & in religiosæ militiæ castris, non ab-similes, risu digni heroes, qui naturâ pulchras, &

speciosas

*Infamis Octa-
viani Augusti
mejus.*

*Aliqui grati-
osas naturâ
virtutes, solum
et erebi furias
horrent.*

speciosas formâ virtutes, veluti truces furias imaginantur sibi, dum humilitatem cultu squalentem, paupertatem visu asperam, castitatem vultu pallidam, & sui afflictatione marcidam, mortificationem flagellis, cilicijs, catenulis, cæterisq; ad torturam instrumentis horridam, intuentur. Vnde monstrum quædam arbitrati, timore perculsi fugiunt, ad sæculum pedem referunt, dæmonis mancipia sunt: qui si miram virtutum venustatem, & gratiam, sub hoc aspero, ad extra cultu inspexissent, magno earum desiderio tenerentur.

Apostoli, Christum phantasma arbitrati, exhorruerunt.

Christum quondam super fluctus maris ambulans, Apostoli phantasma esse putaverunt: velut alij legunt, veluti monstrum exhorruerunt, at postquam in ejus notitiam venerunt, mira eos consuetudinis suæ suavitate, Dominus virtutum recreavit: Idem planè nobis usu venit, quòd enim virtutes, velut horrendas species, primo aspectu timeamus, ex eo provenit, quòd earum decus & pretium nesciamus. At postquam (ut est blanda humanarum mentium conciliatrix virtus) se in nostram notitiam & affectum, usu & consuetudine insinaverit, singulari animum replet voluptate: ita ut nullas difficultatum adversitates exhorrescat, cui semel virtus accidit ad palatum.

*S. P. Ignatii
magna animi
fortitudo.*

Verùm jam rem totam, S. Patris nostri IGNATII documento, concludamus. Iniverat & illè remisso mundi vanitatibus nuntio, arctioris vitæ rationem.

73
tionem. Sed quæ, & quanta, à via perfectionis,
deterrentium difficultatum agmina obviam habuit,
quis satis recenseat? Recurrebat in animum, illa
quam deseruerat bellicæ laudis dulcedo, per quâ, &
nomen inter bellatores grande, & immensas opes
facile colligeret. Inita severioris vitæ ratio, austerâ
deterrebat facie tristi, & dejecto in terram vultu,
percellebat oculos, mundi contemptrix humilitas:
longo jejuniorum usu squalida, flagellis & cilicio
horrida, lingvarum & cavillationum aculeis ex-
posita, mentem horrore implebat patientia: squal-
lebat vilis cultu, tenuis victu pauperies, incutiebat
timorem emacida vultu castimonia: plena omnia
erant horroris: minimè tamen ille, ad hæc expavit,
aut animo concidit: quinimò magno virtutis in-
census studio, omnes difficultatum obices facile su-
peravit: ita ut ei ad gustum etiam acciderit, acer-
bissima quæq; tolerantia, ut de eo Vaticanum lo-
quitur Oraculum: *Mirum est, quas obiq; locorum
ærumnas, ac ludibria devoraverit, asperrima quæq;
Es vincula Es verbera, pæne ad mortem usq; per-
pessus, quibus tamen longe plura pro Domini sui
gloria expetebat.* Quæ omnia solius Divini hono-
ris, & virtutis gratiâ, invicto faciebat animo. Nos si
Ducem nostrum sequi, ut par est, voluerimus,
misso vano, adversitatum timore, nullum laborem
arduum putabimus: sed virtutis suavitate illecti,
omnia poterimus, in eo, qui nos confortat.

K

ALLO-

*Timor Dei, viam Perfectionis
ineuntes, ducit & custodit.*

*Timor Dei,
utilitates.*

BENè est, quod posito vano & inani pavore, vi-
am Perfectionis securi agimus. Sed ergone
tamen omni soluti metu, arreptum perficiemus i-
ter? Avertat eam à nobis mentem, & intentionem
Deus. Faceffat procul, pereatq; ille metus, qui
nos, veluti instructa ad terrorem, difficultatum a-
cie, progredi vetat: sed Sanctus Divini Numinis
Timor, adsit in via nobis individuus comes, ille nos
ubique custodiat, ille nobis monstret iter, ille
dirigat gressus. Absit à servis Dei timor huma-
nus, non enim aptus est Divino obsequio, qui tem-
poralibus minis perterretur, sed absque Timore Dei,
ne unum quidem virtutis passum, movere fas est:
ille enim omnes hostium à nobis arcet incursus, il-
le conservandis integrè invigilat virtutibus, lapsos
per lubricum erigit, alios, ne labantur, fulcit, & su-
stinet: ut benè de eo B. Laurentius Iustinianus
cap: 5 pronuntiaverit: *In veritate reperi, nihil
tam esse efficax, ad acquirendam virtutem, ad pro-
merendam gratiam, retinendam recuperantiamq;
& adipi-*

Et adipiscendam gloriam, quam si quis inveniat, coram Deo ambulare simpliciter, Et non altum sapere, sed ipsum timere. Vbi sanctus iste Doctor, omnium bonorum nostrorum Authorem, virtutum & cælestium donorum conservatorem, itineris nostri Ducem & Custodem, vult esse Dei Timorem: sequamur tantum Ductorem nostrum, plurimis ab eo cumulandi, bonis.

*Timor Dei, in
via Perfectionis,
dux &
custos est.*

Misera satis humanæ sortis conditio est, quæ nulla, seu corporis, seu animi bona, integra & intacta, ab hoste habere potest, immo omnium malorum patet incurfibus, & rapinis: nisi se, suaq; pervigili custodiâ tueri, ac conservare velit. Quid homini, corde magis intimum? quod undiq; ossibus, carne, & nervis, veluti naturæ propugnaculis, habet circumseptum, & tamen istud quoq; vitale depositum, solerter custodiri debet: ut Divinum, Prover:
4. Effatum monet: *Omni custodiâ serva cor tuum.* Dentibus & labijs, veluti muro & antemurali, hominis linguam munivit natura, & tamen ori suo, ponebat custodiam, Regum fortissimus David. Quis mundi coronatorum Salomon, securè capiet somnum? nisi lectum ejus sexaginta fortes, aut integra etiam castra custodiant? Iam verò ad tuendas conservandasq; divitiarum gazas, quam custodiarum diligentiam, humana non adhibet, avida opum solertia? ita ut non armatos tantum milites, sed dracones etiam pervigiles (si commentis crede-

*Homo maxime
custodiâ
indiget.*

re fas est) ijs apponat custodiendis. Quodsi caduca & temporanea rerum pretia, natura & industria, ita diligenter custodit humana: æternum perennatura animæ sanctitas, & Divinarum gratiarum pretiosæ opes, quam demum custodiæ requirent solertiam? Huc animum, & vires intendamus omnes, ut ijs tuendis, & conservandis parem adhibeamus custodiam. Scio vitæ spiritualis Duces & Magistros docere, virtutes Christianas, & à fortiori religiosas, sanctitatis nostræ, & gratiæ Divinæ, nobis liberaliter collatæ, custodes pervigiles esse: in quarum centuriatam aciem, dum oculos conijcio, inter omnes, Timorem Dei, maximè huic muneri adverto opportunum. Fuerit sanè politicum dogma illud: Rerum pessimus custos timor. Sanctitatis nostræ, Divinarumq; gratiarum thesaurus, nulla virtus felicius, Timore Dei tueri & custodire potest, cui semper extitit, optimus custos metus.

*Timor Dei,
custos optimus*

Clarius id intellecturi, ad terrestrem illum paradisum, mentis oculos referamus. Singulari certè vitæ sanctitate, in illa pietatis palæstra, vivebant protoplasti parentes nostri, ita ut in religiosis etiam claustris & cætib; vix aliquid perfectius animo concipere queas. Tota illorum vita continu-
is rerum Divinarum meditationibus occupabatur, erat legum exactissima observatio, animi mundities summa, cogitationes omnes, cælo defixæ, rationis cum Divina voluntate consensio, perfectissima.

*Primorum
Parentum,
in Paradiso
felicitas.*

Videndos

Videndos se illos exhibebant Beatarum Mentium spiritus, Divinitatis illapsu Numen se ipsum ingerebat, ut benè de ijs differit S. Gregorius Papa. *Panis, inquit, eorum, fuit visionis Divinae delectatio, verbi Dei satietas, internae quietis gaudium, Angelorum societas, amor Dei, iubilum spiritus, contemplationis suavitas, securitas mentis, praesentia Creatoris.* Memini, D. Bernardum, Religiosum cæ- tum, paradysum appellasse: dubito tamen, num aliquis religiosi huius Paradysi incola, seu sanctitatis perfectione, seu gratiarum copiâ maiore floruerit, quàm primum illud par hominum, in paradysi asce- terio constitutum: & tamen de illis debellandis, ac omni sanctitate spoliandis, invidus animarum ho- stis, minimè desperavit. Sed quâ tandem ratione, sanctissimam vitæ eorum speciem, non solum im- minuere, aut deformare, verum etiam penitus a- bolere aggressus est? quem modum industriamq; adhibuit? ut eorum vitæ integritatem, voluntatis rectitudinem, Divini amoris ardorem, extingveret, & à continuo cælestium meditandi studio avoca- ret: Non ille à summi boni cultu, primos parentes nostros revocare, non ad secessionem à Deo indu- cere, non summum Legislatorem criminari, quod tradito homini orbis universi Imperio, unius pomi usu interdiceret, non ad temulentiam, aut ratio- ni dissonas voluptates pellicere, attentabat, non o- rio illos indulgere volebat: sed solum vim pavoris infringe-

*Qua ratione
animarum ho-
stis, homines
in Paradiso
aggressus est?*

*Timor Dei, &
primis Paren-
tibus amotus,
omnium ma-
lorum causa.*

infringere, minasq; mortis, quam eis vetiti pomi gustus, esset allaturus, elevare contendebat: dum suggereret: *Nequaquam morte moriemini:* quod postquam persuasit, non ultra moratus, victor abscessit: abi enim animum fæminæ metus reliquit, protinus fructus vetiti, cupido incessit, atq; unâ odium adversus legem, contemptus pænæ, obli-vio deniq; ac neglectus Conditoris, cæteraq; vitio-rum monstra, facto velut agmine irruerunt: i-psumq; adeo virum, ablato mortis metu, in suas par-tes pertraxerunt: ita ut ambo, pomum Deo ante-ferre, atq; ad ipsas arboris radices, iustitiam origi-nalem abijcere, promissæ felicitatis præmia con-culcare, imperio, quod in omnia animantia habe-bant, sese abdicare, non dubitârint. Vnde liquidò constat, tamdiu parentes nostros, primævum inno-centiæ decorem, vitæq; sanctimoniam, integrè cõ-servasse, quàm diu eis, Dei vindicis & mortis me-tus præsens adstitit: at postquam eum, versutus ho-stis, parentibus nostris ademit, gravem innocentæ sanctitatisq; jacturam subire eosdem fecit, ac de-mum ipso paradiso frustravit: ut benè dixerit Cas-sianus, *Custodia salutis, Timor Dei est.* Ite jam, o-bortis lacrymis, Divino destituti Timore, miseri è lo-co voluptatis exules, in regionem calamitatis, & miseriæ nobis documento futuri. Timorem Dei, si præsto adsit, innocentæ dotes, & sanctimonix o-pes custodire, & tueri: at verò, si pulsus animo ce-dat, illico omnia experimur interire. Testes

*Defectus Ti-
moris Dei, &
religiosa vita
paradiso mul-
tos, eliminata*

Testes rei, quam assero, nos ipsi sumus. Quid enim nos in hoc, religiosæ vocationis nostræ paradiso detinet? nisi iudiciorum Dei, & mortis æternæ timor: qui si vel tantillum è recordationis memoria abscesserit, illico omnes viæ religiosæ labores, dulces olim ac suaves, postquam molestos ac difficiles reddiderit, etiam ex ipso religionis paradiso eijcit, & expellit. Quid enim quæso, causæ possunt afferre illi, religionis & datæ Deo fidei desertores? nisi quia non erat Timor Dei ante oculos eorum.

Vnde optimè Tertullianus: *Horremus, inquit, terribiles Dei minas, & vix à malo avellimur, quòd si nihil timeremus, omni licentia frenalaxaremur.*

Vnde, audeo & ego dicere, non duraturam diu in nobis vitæ integritatem, si eam, à timoris societate, removerimus. Demus fidem & B. Laurentio Iulliniano, iterum dicenti: *Timor odit vitia, virtutes custodit, noxias ab ingressu cogitationes repellit clava terribili, videlicet memoriâ æternæ pænæ.*

*Timor Dei, o-
dit vitia, vir-
tutes custodit*

Præclarum, rei hujus in nostris annalibus legimus documentum. Nascente nostrâ in Hispanijs societate, socij nondum benè ætate adulti (neq; enim mater adhuc tenera, filios poterat habere grâdavos) ceterum omnes virtute maturi, strenuam pietati dabant ubiq; operam. Frequens illis erat, cum omni hominum genere consuetudo, & perspecta vitæ integritas: unde res suspicionem non nemini movit, medicarum herbarum potentibus succis, illo-

*Timor Dei,
herbe instar
medicæ, casti-
moniam con-
servat.*

ci, illorum contineri castimoniam, quæ in medijs periculis tuta versaretur. Lapsus per ora optimatum sermo, brevi ad Philippum rumor pervenit: IGNATII socios, herbæ cuiuspiam arcanâ virtute, continentiam conservari, frequentioribus itaq; sermonibus indies celebrabatur herba castitatis: his motus Rex Philippus, accersitum ad se familiarem sibi Patrem Antonium Araozium, interrogat: num veri speciem res habeat? quod audiam homines vocationis vestræ, herbæ cuiuspiam usu, integerrimâ continentix conservare famam. Tum Araozius, optimâ usus occasione: omnino, inquit, ita res se habet, ut ad aures tuæ Maiestatis delatum est: quod audiens Philippus, magis miratus, ait. quodnam istud herbæ genus, & nomen est? Respondet Araozius: herbam hanc esse nostræ societati perfamiliarem, & planè usvalem, nec lectu difficilem, sed ubiq; ubertim provenire, nomen verò herbæ, Timor Dei est: quo responso plus Pater docuit, quàm Rex quæreret. Subrisit enim tantum, cognovitq; optimus Princeps, Timorem Dei contra omnes eiusmodi incontinentis animi pestes, efficacissimum esse antidotum. Præbet facilè assensum dictis, iterum Tertulianus, gravis antiquitate Doctor, dum lib. de Præscriptionibus cap: 43 ait: *Vbi Dei metus, ibi gravitas honesta, diligentia attonita, cura sollicita, omnia casta.*

Sed jam

Sed jam è terrestri Paradiso, unde eum Timoris Dei florem decerpimus, & de pedestri viâ, ad navigium nos, idem Dei metus, fessos invitat: ut reliquum itineris, per liquidum maris elementum, vecti conficiamus. Rem arbitror non vacare mysterio, quod hominum patientissimus Iob, Timorè Dei veluti tumentes pelagi fluctus, in sua sibi imaginatione statuerit: sic enim cap. 31 loquitur: *Semper quasi tumentes super me fluctus, timui Deum.* Sed quid obsecro, Timor, cum tumescente fluctibus oceano, similitudinis habere potest? Rem Religiosissimus Doctor & S. Papa Gregorius, ita explanat: Contigerat fortè, Beato huic Pontifici, naufragantem è vicino spectare onerariam, videbat fervere ventis mare, ingruere procellas, decumanis fluctibus navim concuti, malum ventis quassari, proram ad saxa allidi, puppim undis obrui. Ecce verò in tanto rerum discrimine positi nautæ, omnibus oneribus, onerariam certatim exonerant, pretiosis etiam opibus non parcunt, cistas & sarcinas, argento & auro onustas, in furentes pelagi vortices, festinatim proijciunt: tum & causam, tantæ divitiarum jacturæ, facile affecutus S. Doctor, ita lib. 21. Moral. cap: 12 ait: *Cuncta res in despectum mentis veniunt, amore vivendi, cum enim fluctus, eam, quam deferunt mortem minantur, nulla tunc navigantibus rerum cura, ea ipsa quoq; ex navi proijciunt, pro quibus longas navigationes susceperunt.*

Timor Dei
aquor est

Metus nautæ
opus eripit.

L

Quodsi

Timor Dei,
divitias nos
servare facit

Quodsi mortis, in corpore solum obeundæ metus, tantum efficit, ut avari alioquin homines, perdendæ temporalis vitæ, timore perculsi, pretiosas opes, in turbidum mare perituras jactent: quanto plus cura & industria humana, ne anima æternum intereat, conniti debet, soletq; nos documento sumus, & in nobis experimur ipsi. Quid enim quæso nos eò impulit? animumq; induxit? ut fortunas amplissimas, ætate integrâ, & florente, rebus secundis, spebusq; maximis pleni, procul abiecerimus? ecurr commodorum, opum, honorum jacturam libenter fecimus? nihil puto cunctati respondebimus: operæ pretium nobis visum esse, rerum omnium temporalium jacturâ, salutem æternam in tuto locare; verbo: Timor mortis æternæ, id in nobis effecit, ut rerum copiam, inopiâ, otia laboribus, epulas ieiunijs, vitæ licentiam ac libertatem, alienæ voluntati parendi studio, byssum cilicio, permutaverimus: dum ipsas etiam opum ac honorum spes, in turbulento fallacis mundi pelago, demersimus: eodem S. Papa Gregorio, sic attestante: *Nam veluti tempestate deprehensi, pondus navis abijcimus: quando ab oppressa mente, desideria terrena removemus.* Quia sicut tempestas cogit ad merces, in mare proijciendas, ut vita servetur: ita Divinus Timor, impellit ad bona temporalia abijcienda, ne spiritualia amittantur. Hæc omnia, multoq; etiam maiora præstat laudatus Timor

mor humanâ mente receptus. At si, vel ad minimum temporis punctum, eum quispiam à se relegaverit, protinus projectas mundi resorbet vanitates: ut ex eadem, quam mente versamus, navigatione videre licet. Contingit enim plerumq; illas ipsas naves, ex quibus pretiosa in profundum jaciebantur onera: ubi primum mare detumuit, plenis velis eo recurrere, unde paulo ante, projectis oneribus, ad littus profugerant, eoq; loco anchoras jacere, quo mercium suarum jacturam fecere: illic contis & uncis, demersas extrahere sarcinas, & licet fluctibus humidos, corrososq; pannos, pro viribus recuperare. Quod dum perpendo, movet me tam repentina mutatio, ita ut exclamem, eosq; quos ita sollicitos, in requirendis suis opibus, nuper in profundum jactis, interrogem. Quid hoc rei, boni viri est? nonne vos ipsi estis? qui non ita pridem, pretiosissimis quibusq; mercibus vestris, navem exonerastis? auro argentoq; graves arcas, in fluctus projecistis? opes & gazas omnes placandis procellarum vorticibus objecistis? Ecquid causæ est? quòd tanta laboris contentione, projectas in mare, miseras naufragij vestri reliquias, jactarūq; mercium quisquillas, seriò colligatis? postquam pelago ebur, aurumq; donastis. Sed in promptu, habent illi responsum, dicuntq;: Malaciæ, placidæq; auræ, idtribuendum est, quæ dum pristinum timorem, à nobis removet, ad colligendum amissas o-

Mare tran-
quillitas, ab-
est occasio

pēs, animum adiecit. Metus mortis, opes nobis ē manibus eripuerat, jam tranquilla securitas, facit nos reposcere easdem.

*Ad sanitates
mundi redeūt,
qui Timoris
Dei obliſcūtur*

Annon idem inter nos, usu venire solet? heu quoties accidit! ut illi, qui in ipso sancti Timoris æſſu, paternas ditiones & hæreditates, à se proijciebant, prædiorum pretia in egenos distribuebant, auri nitorem generoso contemptu, in oblivionis perago mergebant, post liminium verò temporis, eadem repetunt, domos pagosq; tanquam naufragij sui tabulas, probrosis litibus, fædisq; pactationibus vindicant, se ipsos, curis sæculi, veluti tumentibus fluctibus, avari immergunt, auri sacra fame exagitati, nulla salutis discrimina timent. Quæ sanè omnia, vel consopiti, vel exulantis ab animo Timoris, damna sunt, & opprobria. Meritò proinde vir justus, & timoratus Iob dicebat: *Semper quasi tumentes super me fluctus, timui Deum.* Si quidem Divini metūs procellæ, animum à rerum cupiditate retrahunt, & gravaminibus conscientiam exonerant. Iam verò blandientis auræ flatus, & læta securitas, impellit in desideria multa, & inutilia quæ mergunt homines (ut ait Apostolus) in interitum, & perditionem. Quare cum tantis nos cumulet emolumentis, adſcitus in societatem itineris nostri, Timor Dei, pulsus verò animo, extremis miseros afficiat malis, quis eum non perpetuum sibi volet esse ductorem, atq; viæ comitem. Immo verò unus.

*Timor Dei,
conſervandus
eſt.*

rò unusquisq; nostrum, dum percipit regium vatē,
ita psallentem: *Timete Dominum omnes Sancti e-*
jus, quoniam non est inopia, timentibus eum. Psal:
32. pleno pij affectūs sensu, cum eodem dicet: *Par-*
ticeps sum ego, omnium timentium te. Quoniā beatus
vir qui timet Dominum, in mandatis ejus volet ni-
mis: immo non tantūm volet, sed volabit etiam, nam
si quis, certē Divinus Timor, addit currentibus alas.

ALLOCUTIO VII.

A seva latrocinantium pecca-
torum crudelitate, Dei Timore
protegemur.

PROVIDē satis, factum esse arbitror, quōd viam
Perfectionis ingressi, in societatem itineris no-
stri, Timorem Dei adserverimus: quasi futurorum
præscij, quantum nobis constanti gradu pergenti-
bus, in arrepta via immineat periculi. Quis enim
non videt? & experitur? omnes viæ hujus sem-
itas, ab infesta latronum turba, circumquaq; esse
obsessas. Sed quis iste latrocinantium prædonum
furor, in nos invehitur? Equidem ego plures ef-
fuso cursu contra nos festinare, jam è vicino adver-
to, ac etiam de specie agnosco. Prodit eos indi-
catq;

*Vita nostra,
plena hostibus*

catq; S. Gregorius Papa, dum Homil: II. in Evangelia monet: *In presenti vita, quasi in via sumus, quâ ad patriam pergimus, maligni autem spiritus, inter nostrum, quasi quidam latrunculi obsident.* Et non diffiteor quidem ego, tartareos spiritus illos, animarum nostrarum sævos & crudeles esse prædones, quorum unusquisq; ab initio homicida est: illorum vel ipsa horrenda visu species, si in oculos incurreret, unumquemq; ipso intuitu, subito examinaret. Iam verò nocendi hominibus aviditas, tanta illis inest, ut nunquam exsatiari possit. Sed sunt magis adhuc crudeles, ipsiq; sævis dæmonibus, humano generi longè nocentiores hostes: qui hominem aggressi, bonis omnibus spoliant, exeruciant, trucidant. Porro prædonibus istis, peccati nomen est. Quid enim magis in hominem desævire, & crudelius latrocinium exercere potest? quàm defacto sæviant, exerceantq; crudelitatem peccata: à quorum crudeli latrocinio, nisi nos, individuus viæ nostræ comes, Timor Dei protegat, de bonis, & vita animarum nostrarum actum est. Fidem dictis facile dabimus, postquam & peccatorum crudele latrocinium, & Timoris Dei efficax patrocinium, perpenderimus.

*A peccatorum
hostilitate,
Dei Timore
protegemur.*

*Peccatum, o-
mnibus bonis,
homines spo-
liat.*

Quantis opibus, & divitiarum thesauris, hominum animas spoliare, ac prædari peccatum so-
leat, humanæ mentis capacitas, nequit satis com-
prehendere. Certè solius Divinæ, hominem san-

ctifican-

ſificantis Gratiæ, tantum eſt pretium, ut nihil e-
 orum, quæ cæli terræq; ambitu continentur, cum
 ea conferri poſſit, ſi Authorem eorum Deum exce-
 peris. Finge enim tibi hominem quempiam, eo
 corporis robore, eâ oris dignitate, & ingenij præ-
 ſtantiâ præditum eſſe, ut cæteros omnes magnis
 poſt ſe relinquat intervallis. Samſonem fortitudi-
 ne, Abſolonem venuſtate, ſapientiâ & opibus ſupe-
 ret Salomonem. Terris ille & Regnis omnibus do-
 minetur, maria temperet, & æſtus regat, quamvis
 insolentes: immo ſi voles, in æthera cæleſtesq; ma-
 chinas potentiam ſuam exerceat, habeat ius in ſu-
 periorum orbium motus, habeat in manu fulgura,
 & fulmina, omnem in eum mundi dominatum trās-
 feramus. Demus præterea, illum eſſe thaumatur-
 gum, & mirabilium operum patratores, qui alti-
 ori colluſtratus lumine, futura prænoſcere & præ-
 nunciare valeat, & levi manûs attactu, è tabido
 corpore morbos depellat, immo ſolâ corporis umbrâ
 ſanitatem perditam, viresq; reparat, mortis convul-
 ſat repagula, vitæq; functos, vitæ, & luci reſtituat,
 montes imperio transferat, cæterisq; innumeris
 polleat donis, & dotibus. Magna hæc fateor, &
 ad commendationem illuſtria: inferiora tamen ijs
 dotibus ac ornamentis, quibus anima hominis, vel
 unicâ Divinæ gratiæ ſtillâ adſperſi, condecoratur.
 Nam *bonum gratiæ* (ut ait D. Bonaventura) *ma-
 jus eſt, quam bonum naturæ, totius univerſi.* Qui e-
 nim gra-

*Gratia Dei,
 omnibus bo-
 nis creatis po-
 tior.*

nim Gratiâ Dei potitur, Deo ipso bonorum omni-
um inexhausto fonte fruitur. Quod tamen adeo
grande, & inæstimabile bonum, peccatum homini
eripit, dum eum pretiosissimo Divinæ Gratiæ the-
sauro, velut crudelissimus prædo, privat, & spoliat.
Cuius rei, Evangelicus ille viator, triste nobis ex-
hibet spectaculum. De quo ita *Æterna Veritas* Lu-
cæ 10 ait: *Homo quidam descendebat ab Ierusalem
in Iericho, & incidit in latrones, qui etiam despo-
lia verunt eum, & plagis impositis, semivivo reli-
cto abierunt.* Qui luctuosus viatoris, à latronibus
excarnificati casus, quid nisi, miserabilem animæ il-
lius conditionem exprimit, quæ à crudeli peccato-
rum suorum rabie, Divinæ Gratiæ pretiosâ veste,
& divite donorum supernaturalium thesauro, spo-
liatam se, graviterq; sauciatam ingemiscit.

*Adam, omni-
um ditissimus,
ad extremam
devenit inopiâ*

Si mihi ad eam quæstionem: *Quis hominum
ab orbe condito, felicissimus ditissimq; fuit?* re-
spondere incumberet: ego non Cræsum, aut My-
dam quempiam, non celebrem opibus Salomonem,
aut alium, similem ei orbis Monarcham, sed Proto-
plasmum primumq; Parentem nostrum, in statu in-
nocentiæ constitutum, ditissimum fuisse censerem:
non solum ex ea ratione, quod solus, sine æmulo,
toti dominaretur mundo, & omnium divitiarum,
quæ orbis continentur ambitu, heres ex asse foret:
Sed potissimum ex eo, quod originalis Iustitiæ, &
Divinarum Gratiarum dives viveret. Cæterum,
postquam

postquam hic, orbis universi Dominus, in prædatricem peccati potestatem devenit, illico omnibus exutus bonis, immo ipsâ etiam pretiosissimâ innocentiae veste spoliatus, eò inopiæ redactus, est ut unius arboris folijs, miserâ satis lacernâ, nuditatem suam vestire cogeretur, & factas ad sceptrum manus, transferret ad ligonem: ita omnium egenus, ut post regales epularum delicias, in sudore vultus, terræ colonus, modico pane, vix arceret famem: ut taceam acerba sauciatae conscientiae vulnera, veluti aperta, in tristes gemitus, ora: cuius dolendi, in nos quoq; paternæ hereditatis iure, devoluti infortunij, nemo alius author, nisi sævus peccati furor, velut horrendus prædo.

Similem, fortis suæ vicem deplorabat & ille, qui contra eundem, per oculorum suorum aditum, immissum hostem, omnibus Divinæ Gratiæ spoliatus opibus, dolenter querebatur: *deprædatus est animam meam.* Cassiodorus urbem quandam satis populosam ingressus, admirabundus dicebat: *Quid hoc Deus bone rei! furcam ego vacuam. Et urbem plenam latronibus video:* cui (ut ego faciliè assequor) multa peccatorum congeries, crudelem latronum turbam repræsentabat: quæ miseros mortales, in ipsa urbis frequentia, palam deprædabatur. Sed quid ego, hominum vile naturâ genus, ab eiusmodi prædonibus dirè tractari deploro? cum in ipsos etiam immortales spiritus, non minus desæviant, & cælestes

*Cassiodorus
maximos latrones,
peccata
appellabat.*

M

illos

*Etiam Angelos
peccatum di-
vitis spoliavit*

illos Principes, omnibus exutos opibus, è sublimibus cælorum palatijs, in profundum abyssi detrudât. Et terrenæ quidem habitationis nostræ, silvestre desertum, à crudeli peccatorum latrocinio infestari, quid mirum? cum cælestis etiam patriæ feliciores incolas, eadem prædatrix audacia invalsit, unde multos immortalium spirituum thronos, ac principatus, omni divitiarum copia, ac splendore spoliatos, ad miseram redegit inopiam. Eminebat inter eos ille, cuius operimentum, omnis lapis pretiosus adornabat: quot in eo Divinarum Gratiarum dona spectabantur, tot inæstimabilis pretij, resplendebant amethysti, & adamantes. Verum isto etiam gemmis radiante paludamento, latrocinantis peccati malitia, Principem Angelorum exuit, naturæ pretium, superantes Divinæ Gratiæ dotes, ademit. Verum ut quid nos veteres infelicitatis rapinas, quas peccati sævitia patravit, in memoriam revocamus? cum recentia similis latrocinij spectacula, præ oculis habeamus.

Quanta peccati in religiosos sit crudelitas, pia est documento animæ.

Parum est, quod in lata & spatiosa, quæ ducit ad interitum via, hominum sæculi licentiam sectantium animas, peccatorum malitia infestat, spoliât, & trucidat. Illud magis dolendum, quod Deo etiam sacratas, in arcta & strictiori perfectionis semita, religiosas mentes, cælestibus donis exuat, vulneret, & perimat. Nonne Divino cultui, arctius adstricta fuit illa, digna lacrymis, celebris in Canticis

ticis Salomonis, pia anima? & tamen ab hostilibus
 eiusmodi prædonum injurijs, immunis non erat.
 Abundabat illa spiritualium divitiarum copiâ, indu-
 ebatur bysso & purpurâ, fulgebat auro textâ veste
 charitatis, resplendebat murenulis aureis vermicu-
 latis argento, tota ubiq; sparsis ardebat gemmis:
 quæ omnia ornamenta eius, Gratiarum Dei, virtu-
 tumq; dotes, affatim exprimebant. Sed eheu! hæc
 etiam pretiosa decora, hostibus cessere in prædam:
 nam multis affecta iniurijs, ita ornamentorum suo-
 rum iacturam deplorat: *Percusserunt me, vulnera-
 verunt me, tulerunt pallium meum.* Sed quinam
 isti prædones, adeò crudeles fuere? qui bonam &
 innocentem animam, pugnis & vulneribus cruen-
 tare, pretioso vestium apparatu spoliare, audebant?
 Peccatorum eam crudelitatem, & rapinam fuisse, a-
 pud sacros Interpretes, indubitatum est. Quodsi
 in piam, & Deo dicatam animam, tantum peccati
 malitia valuit? quid in cæteras etiam religiosas mē-
 tes non præsumet? Atq; utinam, proprio nobis id
 non constaret exprimento? quam & quantam, bo-
 norum nostrorum iacturam patiamur, ab eodem cru-
 deli peccatorum latrocinio: sed aliam, longè diver-
 sam experimur sortem. Neq; verò attinet, ut ego
 hîc singula recenseam detrimenta, nobis ab hosli-
 litate delictorum nostrorum illata, quæ uniuscuiusq;
 notitia, habet in comperto. Sunt quibus non pre-
 tiosum tantum Divinæ Gratix pallium, sed vestes

etiam religiosas, hæc crudelitas detraxit: ut tace-
am lethaliter saucias multorum conscientias, ere-
ptum per iniuriam ius beatæ hæreditatis, & succen-
sum excrucian-^{dis} miseris hominibus, æternitatis ro-
gum. Quæ quidem, congesta in unum malorum
acerbitas, non verbis tantum recenseri, sed ne la-
crymis quidem, tota æternitate manaturis, satis
desferi potest. Monstrum esse dicunt, viri perfecto
spiritu pleni, lethale in religioso peccatum, & me-
ritò quidem, nam horrenda in eo, causat damna
& infortunia.

*Tolerabilium
est à damone,
quàm a pecca-
to esse obsessum*

Vnde benè, non minus eruditione, quàm san-
ctitate clarus, vir magni spiritûs P. Ioannes Nere-
bergius dicebat: *Pejus est, uni peccato obnoxium
esse, quàm omnes demones tolerare, corpori suo in-
jessos*: nam ipsi etiam infernales spiritus, quamvis
omne suum robur, contra nos exercent, nihil nobis
incommodi afferre possunt, nisi in societatem sui
furoris, malitiam peccati adiscant. Vnde, ma-
gna illa sanctitatis nomina, & invicti Heroes, plus
unius peccati crudelitatem, quàm omnes mundi æ-
rumnas, ac ipsas etiam infernalium potestatum fu-
rias, formidabant. Magnus ille pugil Paulus Apo-
stolus, omnes huiusmodi ærumnas, quasi ad certa-
men & duellum provocabat, dum glorianter dice-
ret: *Quis nos separabit à charitate Christi? tribu-
latio? an angustia? an fames? an nuditas? an peri-
culum? an persecutio? an gladius?* Verùm tota
hac æru-

*Sancti nihil,
præter pecca-
tum timebāt.*

hac ærumnarum legione, minimè perterritus, etiam infernales principatus ac potestates, cæterasq. erebi furias, contemptui habebat, dum fidenter addebat: *Certus sum, quia neq. m. rs, neq. Angeli, neq. Principatus, neq. alia creatura, poterit nos separare à charitate Dei* Quam animi magnitudinem, admiratus Ioannes Cluniacensis Tomo 7 ser. 67 ait: *Omnia provocavit, de solo peccato tacuit: quasi diceret? Quid causæ est? quod cum S. Apostolus, omnium ærumnarum, creaturarum, immo infernalium etiam furiarum, centuriatas legiones, audacter ad certamen provocaret, ipsum peccatum lacerare non ausus, ne quidem nominavit* Quæ in tanto Heroe insolita formido, illa se tuetur ratione: quod à peccati malitia, humana fragilitas, & superetur facilè, & torqueatur supra modum acerbè. Simile (ut alios taceam) & fortitudinis specimen, & timoris exemplum, fuit eiusdem Pauli Apostoli eximius cultor, & Encomiastes, oris aurei Doctor, qui cum nullos mundi terrores timeret, solum perhorrescebat peccatum. Dum enim Eudoxia Augusta, graves illi intentaret minas, quod suæ consiliorum iniquitati obstitet, ita illi respondisse fertur, *Frustra me Regina terres, Chrysostomus nihil nisi peccatum timet.* Quantum hoc Deus bone! crudele malum! quod fortissimi Heroum, solum & unicum pertimescebant, non ignari: nihil esse peccato, & ferocitate potentius, & crudelitate atrocius.

Inter

*Timor Dei,
noster est, à
peccatis pro-
teget.*

*Peccatis, ira-
scendum est.*

Inter eos itaq; adeo validos, & crudeles animarum nostrarum prædones, cum iter nostrum prosequi debeamus, quantum nobis animi, & virium debet superesse, ut eorum immane latrocinium evadamus. Actum esse de nobis existimemus, nisi nos ille, quem viæ huius comitem adscivimus, Timor Dei protegat, defendatq;. Cui quis nesciat, tantum inesse virium, ut omnem peccatorum rabiem, sistat & comprimat. Mira mihi semper, & perceptu non facilis, visa est illa, viri secundum cor Dei adhortatio, dicentis: *Iraſcimini, & nolite peccare.* Neq; enim satis capio, quâ ratione, ira à peccato coerceat? cum & ipsa, inter seriem peccatorum recenseatur: nisi fortè Regius Vates, eius sensûs fuerit, quod animi naturâ fervidiores, & cholericæ, non ita facilè peccatis succumbant: sicut eis succumbere solent, complexionibus flaccidæ, & phlegmaticæ. At enim experientia, aliud planè docet. Videmus enim fervidos illos spiritus, faciliùs in iram, & cupiditatis flammæ effervesce, quàm lenes affectu mentes. Scio, quod Divi Basilij ore. ira cos virtutis appelletur. Mentis enim fervore, ad omnes heroicæ virtutis actus acuimur. Novi, Interpretes, prædicta Psalmi verba, ita explanare: *Iraſcimini, & nolite peccare:* hoc est, cum insurgunt pravi, & rebelles motus, qui sunt initia, & radices peccatorum, iraſcimini naturæ vestræ corruptæ, & resistite fortes. Veluti enim, cum quis-

piam

piam, hosti vehementius irascitur, pugnis eum, & verberibus cædit: ita si quis suam rebellem, contra se sentiat carnem, iussè iratus, plagis eam afficiat multis, & velut hostem perpetuo prosequatur odio: ut faciebat ille, qui dicebat: *Castigo corpus meum, & in servitutem redigo.* Talis enim ira, omni lenitate melior, & ad arcendum peccato aditum opportuna.

Rem compertam, quisquis propriâ habet experientiâ, ultrò fatebitur Psalteri congruè dixisse: *Irascimini & nolite peccare.* In Hebræo legitur: *contremiscite, & nolite peccare.* Vnde facile quis colligere potest, quòd Timor Dei, usq; ad tremorem concutiens ossa, latrocinantem peccatorum malitiam retundat, & debellet: ut facile assentiens ait D. Bernardus: *Validus & vehemens est spiritus timoris, ad resistendum peccato.* Rei quam assero, testis est luculentus, & insigne documentum, præclaræ virtutis adolescens, gentis Hebrææ decus, Ioseph: qui in periculoso illo conflictu, & lubrico pudoris certamine, licet detractò per vim pallio, è manibus impuræ prædaëtrici profugit, integram tamen innocentiae vestem, cæteraq; virtutum ornamenta, solo Dei protectus Timore, victor è pugna retulit. Metuebat enim ille vindicem sceleris Deum, cum diceret: *Quomodo possum hoc malum facere, & peccare in Deum meum.* Id vel maxime D. Hieronymus, sanctæ illi animæ, quam in spiritu instru-

*Periclitantē
Iosepho, Timor
Dei suppetiam
tulit.*

ritu instruebat, diligentius inculcabat, dum ei ita in suis monitorijs scripsit: *Onusta incedis auro, latro tibi vitandus est. Nolo tibi venire superbiam de proposito, sed timorem.* Quasi diceret: es tu quidē sponsa Christi, Divini Amoris auro, & pretiosis virtutum gemmis adornata, sed quò pluribus refulges ornamentis, eò magis prædæ avidos habes undiq; infestos latrones: quorum insidias & conatus, nonnisi solius Timoris Dei adjuta subsidio, eludes & secura evades. Quare cum tanta vis, contra omnem peccatorum nequitiam, insit Timori Dei: ejus protectionis beneficio, crudeles istos latrones, feliciter evadamus.

ALLOCUTIO VIII.

*Leves culpæ, gravium sunt
causæ malorum.*

Postquam grandiores offensionis scopulos, sumus demoliti, restant, munitiora quidem illa, multum tamen, cursum nostrum retardantia offendicula, de eadem perfectionis viâ amovenda. Quid enim refert, maiores saxorum obices, ne graviter impingas, submovisse? si minores silices, & lapilli, viam asperant, & vestigia cruentant? ac quod inde sequitur, ultra progredi non sinunt. Porro in

viâ

*Veniales cul-
pe, periculose
sunt in via
perfectionis co-
puli.*

viâ Perfectionis, minora hæc, profectis nostri im-
pedimenta, vitæ spiritualis Duces, ac Magistri, di-
cunt esse minutiores defectus, & culpas veniales,
quæ esto viatorem, letihalter collapsum, non col-
lidant, multum tamen à profectu impediunt, &
retrahunt: immo sæpè parvitatibus suæ contemptores,
ad interitum usq; offendunt. Vt benè de illis di-
xerit Angelicus Doctor: *Impedimenta spiritualis
profectus, sunt peccata venialia: per illa enim re-
tardatur affectus hominis, ne promptè feratur in
Deum.* Gravius illud est, quod de ijs asserit S.
Augustinus, dum ita in expositione Psalmi 118 loqui-
tur: *Adversus majora vigilantibus, quedam incau-
tis minora subrepunt, quæ singula, si nos non con-
terunt, omnia tamen acervo obruunt.* Ex quo pa-
tet, ab hisce etiam minutioribus offendiculis, grã-
de nobis imminere periculum. Demus consideran-
dis eorum discriminibus operam, & sic, quævis mi-
nuta, solita in grandia excrescere mala, vitare co-
nabimur.

Grande inprimis malum, quævis minutissima
etiam venialis culpa infligit animæ, ad similitudi-
nem Creatoris sui conditæ, & Divinarum Gratia-
rum venustate, ad stuporem præditæ: dum ejus
speciem naturâ & gratiâ mirè decoram, inficit &
deturpat. Rem ut clariùs mentis nostræ obtutu
intueamur. ponamus ante oculos, viatorem formâ
venustum, & facie decorum, vestibibus pretiosis, cæ-
terisq;

*Quantum pec-
cata venialia,
deturpant ho-
minem, patuit
in anima, &
Solomone des-
cripta.*

verisq; ornamentis insignem, inter grandia & mi-
 nora, scopulorum saxa cursu contendentem. Non
 ille alliso ad petram capite, cerebrum fundat, non
 cervicem ad scopulum frangat, Sed in asperos sili-
 ces, & præacutas testas lapsus, facie impingat,
 rursus quidem ille, se in pedes erigit, & attolit vul-
 tum: sed saucium & fædè deformatum. En illa,
 grata ad illecebram oculorum facies, multo sangvi-
 ne pluit, crebro vulnere hiât, livore tumet, mon-
 strum horrendum, non hominem gratiosum refert.
 Vestium nitor, & elegantia, luto, & cruore resper-
 sa vilescit: atqui non in grande saxum, totâ mole
 impigit, sed in minutos, verum præacutos lapillos,
 lapsabundus cecidit, quantum tamen, ab hisce e-
 tiam minutis damnum, & dedecus retulit: ita, ut
 qui nuper mirâ oris venustate, omnium in se rapi-
 ebat oculos, jam deformis, horrori sit intuentibus.
 Ita omnino multis in sanctioris Perfectionis via,
 contingere solet. Quid sunt enim grandia pec-
 catorum crimina? nisi fatales scopuli, & grandia
 saxa, ad quæ si impingas, graviter concussus, le-
 thali casu occumbis. Minora verò errata & veni-
 ales culpæ, sunt veluti parvi quidem, sed asperi, &
 præacuti silices & lapilli, qui conscientiam vulne-
 rant, decoram animæ faciem deformant, & pre-
 tiosum gratiæ sanctioris amictum, fædè deturpant:
 ita ut cælestis ille Sponsus, & Rex Potentissimus
 Christus Deus noster, animam minoribus etiam
 peccatis

peccatis deformatam, videre horreat : & abominetur.

99

Documentum rei, est illa celebris in Salomonis hymenæo sponsa: quæ, quousq; integrum animæ suæ nitorem retinuit, grata semper oculis spōsi cælestis fuit: cujus ille venusto recreatus aspectu, sæpè in ejus elegantis formæ laudes excurrens, dicebat: *Ecce tu Pulchra es, formosa mea, Amica mea, & macula non est in te.* Posteaquam verò hæc eadem infelix anima, in minora quidem illa, graviter tamen decorem suum lædentia, nescio quæ offendicula, incidisset: propter quæ denigratam se, & sædè vulneratam ingemisceret, illico, nauseabundos sponsi sui oculos, à se avertit: ita ut cujus nuper delectabatur aspectu, deformatam, ne intueri quidem, citra abominationem, sustineret. Vnde, ne sibi in oculos ampliùs incurreret, à suo eam abigebat aspectu, dum indignabundus diceret: *Abi post vestigia gregum tuorum, pasce hædos tuos.* Quasi diceret, facesse ab oculis, spectrum non anima, quæ contemptâ rationis lege, in belluinos degenerasti mores, inter bruta & pecudes commoreris. Divino indigna conspectu & præsentia: horror est oculos, conijcere in hanc tuam deformitatem. Neque verò sola & unica, tam miseræ sortis fuit hæc anima: habet plurimos hominum, infelicitatis suæ confortes: quorum, cum diu, multumq; sanctioris gratiæ venustate, insignes animæ, Divinis gratæ es-

N₂

sens

*Anima culpis
Venialibus in se
Bis, horrore fuit*

sent oculis, postquam eum interiorem, mentis suæ decorem, levioribus etiam nævis deformarunt: horrore, & abominationi esse Deo cæperunt. Immo si humanis etiam oculis, deformitas animæ, quamvis minoribus vitijs deturpatæ, patere posset, tanto horrore hominem concuteret, quantus ad eum interimendum, sufficiens esset. Cujus rei conscia, sancta illa anima, Beata Catharina Genuensis, Deum precata est, ut sibi in extremo mortis agone, omnium potius dæmonum spectra, cernenda exhiberet, quàm minimam peccati sui maculam. Id enim si animæ, Deum sincerè diligenti, perspicuè intueri detur, futurum ajebat: ut mox in pulvere redigeretur. Vnde eadem, cùm interiori luce, aliquando collustrata didicisset, quantum malum esset peccatum veniale, tantus illicò æstus, cor ejus incessit, ut videretur dissolvi, & in frusta discerpi, si in se, vel unam ejusmodi maculam advertisset, immo mox obrigescens mortua concidisset. Confirmat idem è primorum Patrum nostrorum decemviratu, pietate & eruditione insignis P. Alphonsus Salmeron, qui multa, quam allegat autoritate fretus, asserit. *Si quem Deus permetteret, videre peccata sua, etiam leviora, sicut ea intuetur ipse, mox homo ille, ruptis præ horrore præcordijs, sensibus & vitâ destitutus, aresceret.* Immo Lorinus præclarus Divinæ scripturæ noster Interpres, non dubitat, acerbius ipsâ gehennâ tormentum esse, tædissimam suorum peccatorum formam intueri. Quod.

*Peccata Veni-
alia, homines
a Dei conspe-
ctu arcant.*

Quodsi cæcucientes hominum oculos, tantò horrore venialis etiam malitia, perstringit? quid mirum, Deum visu perspicacissimum, animam ita inquinatam, à suo conspectu arcere. Rei quam assero, testis est omni exceptione major, immo maximus Ecclesiæ Doctor S. Augustinus qui serm: 41. de sanctis ita sensum suum enuntiat: *Venialia, nostrum decus exterminant, & animam inquinant, eamq; veluti quibusdam pustulis, & quasi horrendâ scabie, deformem faciunt, ut eam in conspectum sponsi celestis, aut vix, aut cum grandi confusione, venire permittant.* Quare cum ita minores etiam culpæ, humanos Divinosq; oculos, suâ offendant fæditate, quis earum turpitudinem non perhorrescet? quis militiam non detestabitur? quis, non potius, omnium rerum creatarum iacturam facere? quàm vel levissimam ejusmodi labem, quæ tantam in se vim mali continet, in animum admittere præsumet?

Et quia ita naturâ, usq; comparatum est, ut gravitatem offensæ, æquè gravis comitetur pœna. Sentiant eam duram naturæ legem, etiam minimæ mortalium culpæ: nam uti magnam Deo creant offensam, ita in grandem pariter excrescunt pœnam: quæ illis humano, Divinoq; iudicio infligi solet. Leve omninò fuit, illud delictum, Regis Saul filij Ionathæ, dum paululum mellis delibasset: quod in eo, latæ legis extenuabat ignorantia: & tamen à

Rege

Gravem peccatis venialibus deberi pœnam, multa docent historia

*Ignis purgato-
rioris leues cul-
pae puniuntur*

Rege & Parente, capitis damnatus est. Certè & illud Ananiæ ac Saphiræ mendacium, venialis culpæ metam non exceſſerat, uti cum Auguſtino, cenſent pleriq; magni nominis Doctores: & tamen Principis Apoſtolorum ſententiâ, ſubitâ morte ambo mulſati ſunt. Approbant humanum iudicium, in caſtigandis levioribus culpis, & Beatorum ſpirituum mentes, è quibus fuit ille Angelus, à quo S. Francisca Romana, ob exiguam temporis moram, inutiliter tranſactam, gravem excepit alapam. Sed nemo ſeveriùs leviores culpas, quàm Dei Juſtitia caſtigat, quibus eluendis, piacularem ignem, flammis infernalibus, per omnia parem, non æternum quidem illum, in multa tamen tempora duraturû, ſuccendit. Experitur etiamnum, ejus pænæ gravitatem, Religioſus ille, è familia D. Dominici, de quo Heroldus, ejusdem religionis ſcriptor memorat, quòd ob ſuam in explendis pœnitentijs negligentiam, uſq; ad diem extremi judicij, flammis purgatorij adjudicatus eſſet. Æquè horrendum, & illud eſt, quod Petrus Damianus memoriæ prodidit, Religioſum quendam, quòd inſolitis ſibi precibus, ad ſolenne illud carmen, *Gloria Patri*, in ſignum reverentiæ, capitis inclinationem negligeret, marmoreæ columnæ fuiſſe alligatum, cum cuius ingenti pondere, centies interdium, totidem vicibus noctu, ad profundiffimam totius corporis inclinationem, continuò cogeſſetur, quo ſupplicij genere, tantum

tantum se affligi referebat, ut gravius tormentum apud inferos, vix reperiri crederet. Sed quid ego, pauca hæc commemoro, quorum plena extant ad horrorem, gravium volumina scriptorum. Quæ omnia claro sunt documento, magnam, minimis etiam culpis, inesse vim malitiæ: quæ tam gravi supplicio, & exquisitis ad horrorem, castigatur tormentis, ab æquissimo rerum Arbitro, & Iudice Deo.

Noverat bene, Divino affatim illustratus lumine, B. Pater noster, grande in quibusvis minutis latere malum. Libet aliqua rei huius documenta in memoriam revocare. Contigerat B Patrem, in quosdam è nostris, ad januam confabulantes incidisse, unde indignatus loquacitati, nec non temporis iacturæ, iussit eos acervum lapidum, in proximo situm, ad summam ædium contignationem, sine cunctatione transferre. Gravius illud est, quod refert Petrus Ribadeneira, & plures alij testantur, levibus interdum erratis, graves statuere penas, eum in more habuisse: quod patuit inde: Sanciverat Ignatius, illam tot subsequantium Generalium ordinationibus, & Congregationum Decretis, approbatam legem, ne nostri, graves alioquin matronas, remoto socio, adirent, & alloquerentur. Contigerat unum è Patribus, optimum senem, contra legem latam, simplicitate magis, quam dolo, deliquisse: quod posteaquam ad notitiam S. Patris pervenisset, graviter illud, senilis simplicitatis factum, vindicavit, nam

S. Pater Ignatius lebes etiam culpas graviter puniebat

vit. nam coactis in unum aliquot Patribus, hominem productum in medium, verborum asperitate coarguit, & tamdiu in se flagellis animadvertere iussit, quàm diu, orsi à quinquagesimo, singuli Psalmum unum recitarent. Idem IGNATIVS (ne quis obscuri nominis homines tantum, in officio eum continuisse credat) Laynium ipsum, hominem, cui parem, in Europa Societas non habebat, absolutæ virtutis & eruditionis virum, gravi nihilominus, & severo correxit imperio. Relatum fuerat S. Patri, concionantem ad Divi Iacobi in urbe Laynium, iecisse dicta, quibus aliquorum Principum vitia, quamvis subobscurè tangi, ac perstringi videbantur. quod cum ab IGNATIO prudentissima disciplina longissimè abesset, redeuntem Laynium, ad januam domus præstolatus, adducto, interrogat supercilio. Vellentne in Societate perseverare? quâ interrogatione improvisâ Laynius, nihil quidem sibi conscius, reverentiâ tamen tanti viri, in quo & legitimum in se imperium, & nescio quid Divini inesse sentiebat, non mediocriter conturbatus, respondit: id sibi fixum animo constanter esse. Tum IGNATIVS, graviter incusans, quod minus cautè locutus, occasionem suspicandi, atq; obloquendi dedisset, publicam subire iussit verberationem: nec Laynius cunctanter exequabatur imperium. Eodem, & alterum illud, Societatis lumen, Franciscus Xaverius agebatur in Indijs spiritu, quo
IGNATI-

IGNATIVS, in Europa Vnde Antonium Somē-
tium, hominem clari nominis, & Goæ, apud viros
Principes gratiosum in paucis, sui tamen imperij,
minus promptum exsecutorem, Societate exau-
ctoravit. Imitabatur utrumq; & illud contemptus
mundi, & humilitatis prodigium, toto orbe cla-
rissimum, S. Franciscus Borgia, qui regimini ad-
motus, aliquos magni generis, & spei juvenes, è so-
cietate dimisit: ob aliquot racemos, in vinea, non
sine cuiusdam pervicaciæ notâ decerptos. Ita San-
cti perfectiq; viri, Divinæ Iustitiæ æmulati rigorem,
in minores etiam graviter animadvertabant culpas:
quod in illis, plurimum latere mali, optimè nossent.

Parumne homini rationis compoti, ac lumine
fidei illustrato, mali in se continere, minimæ etiam
culpæ, videbuntur? quæ ex communi Asceticæ &
Theologicæ eruditionis, Doctorum sensu, ad gravi-
a lethalium peccatorum crimina disponere, ac ve-
luti viam struere solent. Assertum probat experi-
mentali inductione B. Laurentius Iustinianus, dum
lib: de vitæ solitudine, ita loquitur: *Quicumq; ab
otiosis sermonibus linguam minime compescit, sæ-
pe in mendacia, detractiones, blasphemias, turpilo-
quia delabitur.* Hoc idem ex antiquioribus, gravis
Asceticæ doctrinæ Magister, S. Dorotheus ita incul-
cat: *Vt pernoscatis, quod ex minimis, & naturâ
vilibus, ad magna & pergrandia contemnenda, per-
facile delabamur.* Cum ceperit quispiam dicere:

O

quid

SS. Franciscus
Xaverius &
Borgia, sepe
re in minores
defectus ani-
madvertebāt

Culpa leviore;
ad gravia di-
sponunt peccata.

quid refert, si verbum dixerō? quid refert, si modicum extra tempus comedero? quid refert, si in hanc rem oculos intendero? Ex hoc enim, quid est hoc? & quid est illud? quid refert hoc? quid refert illud? mala ac perversa consuetudo admittitur, & imbibitur: & sic ad magna & gravia itur. Quod multis, infelici experimento constat: cum enim quispiam dicere præsumit: quid mihi incommodi verbum orosum parere potest? Minus est, si licentiosius rideam & iocer: quid mali subesse potest liberiori aspectui, ac facetiori sermoni? ecce verò audacia talis, magnis sensim assvescit malis, portamq; aperit, quâ ingenuus pudor, & verecundia, in scelus erumpant, & in enormia crimina ruant. Quinimmo magnus Ecclesiæ & S. Doctor Augustinus, ipsam multitudinem, lethalem esse sæpè asserit, dum venialibus culpis, veluti multiplicatis arenæ granis, animam obrui & suffocari, asseverans ait: *Projecisti molem, vide ne arenâ obruaris*. Tiberio Cæsari draco in delicijs erat, quem ipse manu suâ nutrebat, hunc cum à formicis consumptum esse cognovisset, ab oraculo monitus est: multitudinem cave-ret. Plinius narrat: in Hispania à cuniculis, in Thessalia à talpis, in Gallia à locustis, oppida & urbes suffosas, & demolitas esse. Immo à culicibus, apibus, & vespis, integros exercitus fusos, fugatosque esse, plurimæ referunt historiæ. Quod si tantum, minuta animalcula, in grandes moles possunt valentq;

*Parvamagnis,
exitio sunt.*

valentq. Quid conferta venialium multitudo, in miseris, depravatæ naturæ hominum animas, non poterit? immo verò eas numero obruit, & necat. Quamvis enim (ut communis est Theologorum sensus) multa venialia, unum non efficiant mortale: disponi tamen, & quasi manu duci hominem, à minoribus culpis, ad maxima crimina, nemo est qui dubitet: immo omnes, cum Doctore Angelico consentiunt, venialibus, causari dispositivè lethalia.

Et quod maximè horrendum est, cum eodem Theologorum Antesignano, communiter docente: Deo usitatum esse, leviores hominum culpas, grandibus vindicare sceleribus. Cujus calamitatis maximæ vim, experimento percepit, regio diademate redimitus Propheta David. Non excesserat ille, culpæ venialis terminos, quando orationi, ut ego conijcio, dicatum à meridie tempus, somno concessit, quanto tamen scelere, vindicavit in eo, modicam illam somnolentiam Deus, horror est dicere, pudor vetat, etiam cogitare: qui si brevem illam temporis, moram quam sopori indulgit, solitæ orationi impendisset, nunquam eum Divina Providentia permisisset, in tanta labi crimina: quæ multis lacrymis, & rigidâ vitæ austeritate, vix tandem expiaret. Quid inter religiosos cætus, aut frequentatione crebrius, aut æstimatione levius, quàm sacras orationi temporis particulas, somno, vel otio litare? alijs orantibus altum indormire, inter leves

Deus minutiora peccata, gravibus punnit sceleribus.

Davidis somnolentia, adulterio est vindicata.

id recensetur culpas: cū tamen, non unus experiatur David, quantis criminibus, plectit postmodum Deus, hoc culpæ genus, ad speciem leve. Non quòd Divina Bonitas, protrudat in scelus aliquem, violentā manu: sed quia, levioribus offensa culpis, subtrahit auxilium speciale, quo destitutus homo, in enormia lapsus scelera, ruit præceps, in æternæ perditionis abyssum. Cū itaq; in tam multa & grandia mala, minutæ etiam, excrescant culpæ: huc curam, & laborem, omni studio admoveamus: ut hæc opinione parva: nocumento maxima, Perfectionis nostræ offendicula, submota faciamus.

ALLOCUTIO IX.

*Grandis est, cujusvis scandali
malitia.*

*Iter perfecti-
onis, scopulis
plenum.*

INfestam nuper latronibus viam, Timoris Dei ope, feliciter prætergressi, hodie in plenum, multis & grandibus offendiculis iter incidimus: per faxa, & rupes, reptandum nobis est. Quis verò inter frequentes scopulos iter habens, non facile offendat & labatur? Ipse tibi compatitur Deus, inter ejusmodi offendicula, deplorande viator, unde
& An-

& Angelis suis mandavit de te, ut custodiant te in omnibus vijs tuis, ne forte offendas ad lapidem pedem tuum. Psal. 90. Et debemus quidem, in custodiam nostri deputatis beatis Duكتورibus, immortales gratias, quod eorum beneficio, & vigilantia, multos offensionis scopulos, illæsi transeamus. Cæterum tamen, quia inter ipsas etiam supportantium Angelorum manus, contingit plerisque, in hæc offendicula, graviter impingere, & turpiter labi: ideo omnem lapidem movere debemus, ut hos offensionis obices (si nos illæsos esse volumus) de via submoveamus. Porro hæc, itinerantium offendicula, non sunt alia, nisi lapides offensionis, & petra scandali. hoc est graviores culpæ, quæ, si ad extra prodeant, & in oculos incurrant, nunquam sine aliorum offensione, & scandalo fiunt. Isti nempe sunt fatales scandolorum scopuli, in quos, non tantum hominum, mundi vanitatem sectantium, sed religiosi etiam pedes, non raro impingunt, & cruentant conscientiam. Hos ergo offensionis lapides, & petram scandali, tollere opus est, ut fiant prava in directa, & aspera, in vias planas: neque enim aliter illæsi transibimus, nisi hæc obstacula amota faciamus. Quod laboris onus, puto nos non illibenter aggressuros, postquam damna & pericula, ejusmodi offendiculorum, perspecta habuerimus.

*Scandala
sunt lapides
offensionis.*

Quamvis multis, & enormibus, tota hæc qualate

latè patet mundi machina, sit hominum referta sceleribus, attamen nulli eorum, aut acerbius indoluit, aut gravius comminata est, Æterna in carne Sapiencia, quàm scandalo, dum diceret: *Væ mundo à scandalis.* Gravem omnino, & nocentissimam, huius criminis malitiam necesse est, quæ adeo triste, & horrendum Væ, ex ore Divino elicit. Neq; verò tantum, æquissimus rerum Arbitrator & Iudex, in carne humana Deus, dolenter supra sceleris huius enormitatem ingemuit, sed gravissimo etiam supplicio, idem crimen addixit, dum plenum horroris edictum, in ea verba publicari fecit: *Qui scandaliza verit unum de pusillis istis, qui in me credunt, expedit ei, ut suspendatur mola asinaria, in collo ejus, & demergatur in profundo maris.* Et quis est, quem tam formidabiles minæ, & edicti severitas, non terreat? Noverat Incarnata Dei Sapiencia, infinitas scelerum enormitates, genus hominum pervagari, sciebat reperiri maleficia, usurpabat oculis patrata homicidia, non ignorabat, bestiis turpiora intemperantiæ flagitia, audiebat blasphemias, & perjuria. Nullum tamen ex his, alijsq; infinitis facinoribus scelus, tam gravi & acerbo supplicio adjudicavit, quanto crimen scandalii affecit: dum illi non quemcunq; lapidem, sed malam gravissimam alligari, & in altissimos pelagi hiatus, demergi ac sepeliri iussit. Nec mirum, cætera enim crimina, præter delinquentem, aut nulli, aut certè, uni & alteri,

teri, solent esse nocumento. Malitia scandalī, omnibus facinus inspectantibus, perniciem affert & ad exitium trahit.

Et ut à cælo, pestis hujus initium sumam, quæro: quid illa clarissima sedis Empyreæ, sidera, immortalum spirituum lumina? extinxit? & veluti fumantes tædīs, stagno immergit tartareo: unde prævaricatoribus Angelis, causa & origo interitus? Erant inter eos, affectu ardentes Seraphini, eminebant dignitatis præcellentia insignes Throni & Principatus, valebant viribus Virtutes, & Potestates. Excellebant Cherubini sapientiā, pollebant multis universi, gratiæ & naturæ dotibus. Et quia scientia, multis præsertim juncta præcellentijs, mentem superbo tumore inflat, & mox inflata detumesceat: ita & Angelis naturæ, & gratiæ excellentia, mentis elationem, elatio ruinam, acersivit. Semper enim superbos, sequitur gravis, à tergo casus. In livorem alij, ruinam Angelorum conijciunt. Invidabat, aiunt illi, suæ sibi conscia excellentiæ, Angelica cogitatio, humanæ, longè viliori naturæ, eam felicitatem, quòd *non Angelos* (ut ait Apostolus) *sed semen Abrahamæ*, esset Verbum Æternum, ad hypostaticam unionem apprehensurum. Vnde cum hominem, sibi præferri, mens Angelica, non potest concoquere, rumpitur invidiā: inde origo casus, & ruinæ. Verum aliam textus Scripturæ, interitus Angelici innuit rationem: dum illa clarissima cæli sidera,

*Angelus, sa-
lus, & inbi-
dia, occasio
ruinæ suis.*

*Scandalum fi-
naliter Ange-
los celo destru-
sit.*

li sidera, immanis cuiuspiam draconis malitia, nar-
rat esse detracta, quod ita scriptor Apocalipticus
refert. *Ecce draco magnus & cauda ejus trahebat
tertiam partem stellarum cali.* Tantæ nimirum vi-
rulentia, fuerant primi inter Angelos Luciferi, fa-
cta impia, & nefarij ausus, ut non tantum illius e-
ximum decorem, in horrendum draconis monstrum
transmutarint, sed plurimos etiam immortales spi-
ritus, pestiferâ scandali afflatos malitiâ, traxerint, &
detruserint in interitum

Neq; verò in Angelos tantum, sed in univer-
sum etiam mortalium genus, venenatus serpens iste,
virus suum exhalavit: quando parentes nostros, ple-
nâ scandali persuasione, à sui Creatoris cultu, &
obsequio retraxit, & in omnes eorum posteros, e-
andem pestem propagavit. Grave hoc, & damno-
sum fateor, fuisse scandalum, quo dæmones huma-
no generi plurimum nocuerunt, ac etiamnum nocere
non desinunt. Cæterum Sanctus Abbas & Do-
ctor Bernardus, nocentiora hominum, quam dæmo-
num, putat esse scandala, dum serm. i in septua-
gesima ait: *Atq; utinam, soli impugnarent nos ma-
ligni spiritus, cum suis suggestionibus, & nihil no-
cerent homines, perniciosi exemplis, suasionibus im-
portunis, atq; alijs modis.* Qui, sancti Doctoris,
sensus, manifestè declarat, majoris esse virulentia,
prava exempla, ab hominibus profecta, quam à dæ-
monibus suggesta, ad malum incitamenta: unde
liquet,

*Homines pa-
radiso eiecit.*

*Nocentiora
sunt hominū,
quàm demo-
num scanda-
la.*

liquet, ipsis etiam malignis spiritibus, profundius hoc, hominum crimen, in pelago inferni, cum mola asinaria esse demergendum. Et quod majus, graviusque est, quò quis hominum ampliori pollet præcellentiâ, eò facilius, sed & nocentiùs, alios perversâ agendi ratione, aut avellit à bono, aut impellit ad malum.

Rem stabiliat Evangelica narratio. In humanam salutem sollicitè incumbens Redemptor noster, iter pro more agebat: ecce autem cæcitas suæ tenebris, involutus miserabilis quidam mendicus, cum Dominum prodigiorum famâ celebrem, transire intelligeret, magnis vocibus succlamabat: *Iesu Fili David, miserere mei*: non stagnet erga me pietas tua, quæ in omnes redundat. Multa tum Christum cingebat undequaque turba, confertissimus undique erat populus, ex quibus: *Qui præibant, increpabant eum, ut taceret*. Rem puto non carere mysterio, quòd cum plurimi retro, & ante comites, assisteabant Domino, soli tamen priores objurgabant cæcum: *Qui præibant, increpabant eum, ut taceret*. Bonum revera opus, cæcus iste operabatur, dum Verbi Incarnati laudem prædicabat, & ejusdem piissimam bonitatem, ac clementiam implorabat. Ecquid tamen: inventi sunt, & quidem ex primis, & cæteros præeuntibus, qui eum objurgarent? laudanti Deum, silentium imponerent? os devotioni deditum, vix non pugnis obtunderent? Iam (ni me

P

mea

*Cæcus à Chri-
sto illumina-
tus, cur tacere
jubetur?*

*Antiquiores
in religione,
sunt scandalo
junioribus.*

mei fallat opinio) assequor, ac pando arcanum. Ideo isti, qui in societate Christi, alios præeunt, cæcum devotioni vacantem, arguunt, quia adumbrat illos, qui cum in domo Dei, alios officio præeunt, ac dignitate præstant, quales sunt Religiosi, ac inter eos, sacro munere insigniti Sacerdotes. Hi enim frequenter alios, seu dictis increpant, seu factis à pietate avertunt, & sæpè aut re, aut voce dicunt: Quò illud triste, ac luctuosum vitæ genus? quò solitaria vita, & hominum fuga? quo indiscreta carnis afflictio, & austera lævities? Quorsum, os homini, ad loquelam datum, tantum non duriori ferreâ obstrui debet, strictioris silentij sera? utquid ista inopiæ voluntaria egestas? quorsum grave alieni imperij jugum? Atq; ita videmus, magis eos algere, quibus, alios incendere, incumbibat, & impedimentum pietati afferri ab eis, à quibus promovenda erat.

*Lupus pnesto-
rum factus scā-
dalizatus.*

Ad rem melius illustrandam, nollem loci hujus, gravissimis, Divinæ Sapientiæ oraculis, affvetam sanctitatem, unius fabellæ narratione profanare: quia tamen, coram suprema sedis Apostolicæ Majestate, in præsentia Sanctissimi Domini Alexandri Papæ Septimi & Purpuratis Patribus, Sacer, & per orbem clarus Ecclesiastes, non pridem vitâ functus, Pater noster Generalis, Ioannes Paulus Oliva, non est veritus, eandem inducere: dabitur & mihi venia, pleni spiritûs Oratoris, & Patris vestigia, in
narratio-

narratione sequenti. Lupus fame urgente, è silva progressus, venit ad ovile, & clandestinè, agnum negligenter servatum, surripuit: mox celerè fugâ, famem prædâ expleturus, festinabat. Cum ecce custodes, animadverso infortunio, ad arma conclamant, statimq; omnes citatis passibus, feram sequuntur, saxis, & fustibus armati, ac canum latrantium dentibus, belluam impeturi. Lupus tam ingenti strepitu, & armatis undiq; concurrentibus, exterritus, prædam dimittit, celeriq; cursu, se in silvam proripit. Sed brevi, interpositâ temporis morâ, primis vespere tenebris, famis impatiens, rursus silva egreditur, & perceptum è culina naribus odorem, lento, ac latente vestigio sequitur: deductus ad tugurium, videt per fenestræ vitrum, illos ipsos Pastores, qui sibi modo primùm, miseram è famelicis faucibus prædam, tanto clamore, & tumultu eripuerant, clanculum & opiparè epulari: advertit, non tantùm agnum, sed pingvissimum etiam armenti vitulum, ab illis devorari, canibus verò pone jacentibus, residuum cum ossibus proijci. Rem admiratus, subridens exclamat: O vos præclaros, lupo etiam infideliores Pastores! unum ego agnellum, ad sedandam famem sustuleram, & quos contra me clamores, tumultus, ac latratus non suscitastis? fustibus me vestris contundere, hastis confodere, canum dentibus dilacerare contendistis. Vos verò ipsi, inscio hero, in detrimentum ejus,

non unum jam agnum, & vitulum, devorastis. Quodsi, plura furti, & scelera eorum didicisset, plura haud dubiè, ferociens bestia, in hunc sensum iisdem objecisset: siccine impij probitatis simulatores, ut vestram probetis fidelitatem, tanto contra me zelo exardescitis? ipsi tot furtorum, & rapinarum rei, Parcite in posterum mihi, sodales mei, cum ego de grege vestro, fami meae consulam: quandoquidem & vos, tot pingvia domini vestri pecora, usq; ad ingluviem, devoratis. Atq; ita pessimo Pastorum exemplo, scandalizatus lupo, avidius postmodum, rapiendis clanculum ovibus, instabat, & gregem ferox mactabat.

*Etiam viri
religiosi dum
alios arguunt
ipsi scandalose
delinquant.*

Cujus verò typum gerunt isti Pastores? Nos omnino, religiosos & sacerdotes, notant ad vivum & exprimunt. Exardescimus siquidem & nos, ac non raro, seu in familiari sermone, seu è suggestu, pro concione detonamus, fulminamus: contra multa hominum crimina: arguimus illos, qui in religione nobis, sunt aut ætate, aut statu inferiores, ipsi interea, multa, non minori reprehensione digna, facimus. Reperiuntur, inter nos, qui fures, raptores, cæterosq; justis, & æqui violatores, ardentibus inferni flammis addicunt, & tantum in sulphureos vortices, proprijs manibus, non detrudunt: ipsi verò amant, & exercent rapinam in holocausto: dum ea quæ Deo, sacramento votorum dicarunt, iterum sibi vendicant, & usurpant: quasi verò grandius crimen fue-

men fuerit alienum peculium depilasse, quàm votam Deo paupertatem violasse? Sunt qui mancipatâ avaritiæ cupiditatem, idolorum servitutem, cum Apostolo appellant: ipsi autem crimen ariolandi, & scelus idololatriæ committunt, dum suis non acquiescunt, aut repugnant Præpositis. Fædas in alijs voluptates, æternis cruciatibus destinatas, damnant: sensus interea suos, delicatè, & licentiosè tractant: actiones illorum nullis modestiæ legibus circumscriptæ, loquendi & quidvis effutiendi, ingens libertas. Quæ dum extranei, pariter ac domestici, vident: quid non audent? immo idem sibi arbitrantur licere, dum positos in altiori gradu, graviter delinquere advertunt. Quo criminis genere, quantum Divina exacerbetur patientia? testis est Sanctus Gregorius Papa, dum ex intimo animi sensu, Hom. 17. in Evan: querulosè ait: *Nullum puto, ab alijs majus præjudicium, quàm à sacerdotibus tolerat Deus, quando eos, quos ad aliorum correctionem posuit, dare de se exempla pravitatis cernit.* Quales erant illi juniores, Heli Pontificis temporibus, sacerdotes, quorum, grande nimis peccatum, Sacra Historia proclamat, quòd populum à Divino cultu & professione pietatis, pessimâ morum suorum pravitate retraherent.

Non minùs graviter & acerbè, Petrus quoq; Damianus invehitur in quosdam Eremitas, qui cùm aliquando hospitio exciperent virum quendam, Perfectioris

*Profelitus fæ-
lis Eremita-
rum scûda-
lizatus.*

fectioris vitæ ineundæ studio incensum: sic eum anilibus nugis, & otiosis deliramentis, sic scurrilibus jocis, inanibusq; ludibrijs, licentiâ & levitate agendi, interturbarunt, ut & suum ordinem: ei redderent contemptibilem, & hospitem ab optimo Perfectiōnis capeſſendæ proposito, averterent. Quibus, eorumq; ſectatoribus, deditis nugacitati religioſis, quadrat illud, quæ Dei Incarnata Veritas, ſectæ Phariſaicæ, ita exprobrabat: *Væ vobis ſcribæ, Pharifei, & hypocritæ, quia circuitis mare & aridam, ut faciatis unum proſelytum, & cū factus fuerit, facitis filium gehennæ, duplò quàm vos.* Tantum, malitiæ hujus, alios corruptentis, virus eſt, ut plurimos vitiæ, & interimat: unde non mirum eſt, S. Bernardum, contra eam vitiij peſtem, ſic olim declamaſſe: *Expedit ei, ſi quis eſt, qui ſcandala ſuſcitāt in hac domo, in hac ſancta, Deo placita, & Angelis ejus admodum grata, ac familiari congregatione, ut ſuſpendatur in collo ejus mola aſinaria, & pro ſuavi jugo, & onere Salvatoris, gravi mole terrenæ cupiditatis humeris ejus impoſitâ, demergatur in profundum maris hujus, quod eſt ſine dubio, ſæculum nequam.* Quasi Apoſtoli ſenſu & affectu loqueretur, dicentis: *Vtinam abſcindantur, qui vos conturbant!* Veluti enim in humani corporis compage, infectum lue peſſiferâ, (quæ gangræna dicitur) membrum, illi-cò abſcinditur, ne virus in corpus ſpargat, & diffundat univerſum: ita in nulla ſanctiori communitate, tolerari

S. Bernardi
contra ſcan-
dala telus.

tolerari possunt, qui, mali virulentiâ exempli, afflant
& inficiunt cæteros.

119

Quod, vel maximè in mystico Societatis nostræ corpore, clarum est. Tolerantur hîc, multi humana infirmitatis defectus: verùm si aliquod, corâ extraneis, aut domesticis scandalum, erumpat in facinus, præcisa omni morâ, malum avellitur, ne in multorum serpat perniciem. Cum igitur tanta inficiatur lue, & afficiatur pænâ, scandalii malitia, omni ope ac industriâ laborandum est, ut eam amoveamus de via. Angelum imitati Apocalypticum, qui (ut de eo Evangelicus Propheta refert) *sustulit lapidem quasi molarem magnum, & misit in mare*. Et benè Angelus, non quispiam alius, grandem hanc scopuli molam sustulisse, & in profundum pelagi projecisse refertur: ad tollendos enim lapides offensionis, & scandalii, Angelica vi, & virtute opus est. Vnde & Æterna in carne Veritas ait: *Mittet Filius Hominis Angelos suos, & colligent de regno ejus omnia scandala*. Tanti enim ponderis, grave scandalii crimen est: ut non humanis, sed Angelicis humeris, & viribus tolli debeat, ne sit offendiculo multis. Ergo, vel itineris nostri fidos comites, & duces. Tutelares Angelos, supplices deprecemur, ut eos offensionis, & scandalii scopulos, de medio nostri tollant, vel certè ipsi, Angelis vitæ innocentia, & sanctitate similes facti, eosdem Perfectionis religiosæ, grandes scandalorum obices, pro viri-

Angelicis viribus opus est, ad tollenda scandala.

pro viribus amovēamus: obsecuti Apostolo svadēti: *Nemini dantes ullam offensionem, ut non vituperetur ministerium nostrum: ut sublati huiusmodi offendiculis, securius iter nostrum conficiamus.*

ALLOCUTIO X.

Seria mortis consideratio, magnus est, Religiosæ Perfectionis stimulus.

Post longa, & aspera, emensi itineris spatia, inclinata jam ad vesperam, prima profectus nostri die, quieti aliquid dandum est. Veluti enim cæteri viatores, fessas longo itinere, recreaturi vires, ad obvium, declinant diversorium, ut ibi quieti, & refocillationi, datâ aliquâ temporis morâ, corroboratis viribus, reliquum vitæ spatium, alacrius prosequantur. ita & nostræ, diuturniore cursu, defatigatæ vires, modicam quietis, postulant pausam. Sed quod istud hospitale erit? nostræ quieti, & restaurandis viribus opportunum? Nullum ego putaverim commodius illo, quod nobis Regius Vates indigitat, dum Psalmo 48. ait: *Sepulchra domus eorum.* Quasi dicat, si quis viatorum, ad prosequendam virtutis viam, vires sibi & animum deesse sentit, ad

*Sepulchrum,
viatorum est
hospitale.*

tit, ad tumultos mortuorum, mente, & cogitatione, tantisper deflectat, ibi, si usquam aliàs, & fessas restaurabit vires, & ad continuandum profectum, novum assumet robur. Veritas dicti, non solâ dicentis autoritate, sed multorum etiam experimento constat, ita enim fieri videmus, & experimur, quòd languidis, & torpentibus in via perfectionis mentibus, humanæ mortalitatis sedula cogitatio, ad ulteriorem profectum, robur, & animum addat. Ingrediamur & nos, seriæ considerationis accessu, sepulchrale diversorium istud, ut restaurato, hîc animi fervore, alacriori postmodum passu, iter nostrum prosequi valeamus.

Mortis consideratio, vires restaurat, ad profectum spirituales

Incredibile dictu est, quantum non in sæculares tantum animos, sed in religiosos etiam affectus, valeat assidua mortis recordatio, quæ dum in cogitatione viget, mentem ad mores, & vitam sanctè instituendam, allicit. Quid enim est, quod nos, divitiarum opes, honorum fastus, deliciarum suavitates, cæterasq; speciosas mundi illecebras, fecit despexisse? nisi viva mortis contemplatio? Certè magnus ille sanctioris sapientiæ Magister, D. Hieronymus, tanti fecit mortis meditationem, ut eam, ad omnes, vitiorum labes eluendas, & humanæ æstimationis aspernanda pretia, sufficere arbitratu fuerit, unde illud tanto ingenio dignum, frequens ei axioma erat. *Facile contemnit omnia, qui se cogitat moriturum.* Neq; enim huiusmodi hominem

Qui mortem cogitat, facile contemnit omnia.

minem, à contemplanda Dei pulchritudine, & sanctimonia vitæ, creaturarum venustas, & sensuum lenocinia revocabunt. Facile contemplator mortis, auri splendorem, & divites gazas, voluntariæ postponet inopiæ, illustres honorum titulos, suæ posthabebit abjectioni, suavem deliciarum gustum, procul à suis arcebit sensibus.

*David dum
mortem cogi-
tat etiā ab aqua
potu abstinet.*

Quantum enim, ad infrenandas cupiditates hominum, potens sit propositæ mortis imago, religiosi etiam mentibus, sit documento, Rex & Propheta David: quem cum aquæ Bethleemiticæ, vehemens cupido incessisset, tres, quos in suo exercitu recensabat, Heroum fortissimi, desiderio Regis obfenturi, vi & armis, per media hostium castra, apertâ viâ, ad cisternam penetrârunt, indeq; per eosdem hostiles cuneos, insolito fortitudinis exemplo, haustam, & Regi expetitam aquam, attulerunt. Gratus Rex, allatum accepit potum, non tamen gustavit, quin potius effudit, & libavit eum Domino dicens: *Num sanguinem hominum istorum bibam?* Teneor pernoscenti desiderio, quid causæ fuerit, quod magnâ siti concupitam, nec minori labore acquisitam aquam, Regum optimus David, bibere renuerit? Noverat credo optimè ille, quantum & Divino gustui arrideret, & inserviret merito, cujuslibet sensualis appetitus refrenatio: ac proinde ut victoria sui, & Deo placeret, & præmio gauderet, propinato sibi abstinuit potu. Sed hanc ipsam

ipsam meritoriam abstinētiā, quis p̄rsvasit sitienti? Rem tangit S. Doctor Ambrosius, qui cū in Apologia David, eandem instituisse quæstionem: quid Sanctum Regem impulit, ut ab aquæ percipito potu, sibi temperaret? respondens ait: *Suavitatem bibendi, aqua habere non poterat, quæ proposito mortis horrore constabat.* Vbi S. Doctor, bene, & indubitātē sentit: periculum illud discrimenque mortis, in quod se, vitamq; suam, conjecerant tres bellatores fortissimi, Regi, prorsus omnem appetitum ademisse, ad eam, quam sitiebat aquam. Quodsi, solā cogitatione mortis alienæ, alteratus David, tantopere desideratum, nauseavit potum? quid in religiosis mentibus, propriæ mortalitatis, seria non efficiet recordatio? nulla omninō illis continget, sine felle voluptas, nulla sine nausea dulcedo.

Expertus est eam, cogitatæ mortis efficaciam, inter prosperæ, & adversæ sortis alternas vi-ces, post turpem lapsum, erectus in spem salutis, & consummatæ sanctitatis culmen, celebris ille Iacobus Eremita, quem, cū inter continua ieiuniorum, vigiliarum, precationum, cæteraq; mortificate carnis præsidia, eremus & solitudo, à fædæ voluptatis insultu, tutari non possent, plenum exesis ossibus sepulchrum, à simili incurso, in posterum protexit. Cū enim se, ad unam annorum decadem in tumulo, lapsus inclusisset Eremita, facilē inter fatidam cadayerum tabem, non solū contracti

Iacobo Eremita magis sepulchrum, quam eremum ad sanctitatem profuit.

sceleris labem eluit, sed insuper, sepulchrali cinere, ita suam perpolivit sanctitatem, ut non solum perditum Divinæ Gratiae thesaurum, abundè recuperaret, sed miraculorum etiam prodigijs inclaresceret. Ita semper, quinquam omnes, præcipuè tamen affectus religiosos, domicilia mortuorum postquam in ijs, cogitationi suæ fixam tegerint stationem, non solum à valido gravium malorum incursum tutantur, sed ad sublimem etiam sanctitatem erudiunt, & promovent.

Religiosi teporem excutiunt, qui mortem cogitant.

Nulla major, graviorq; lues, homines religiosos afficere potest, quàm si primævo fervore spiritus destitutos, deses quidam invadat, occupetq; tepor: talis enim langventis animi desidia, inertem ad Dei obsequia reddit affectum, ac sensim virtutis omnem absument vigorem. Cæterum si huic quoq; malo, seria mortis adhibeatur recordatio, faciliè torpescences langvire vires, spiritu ferventiori animabit, addetq; ad alacrem in via virtutis profectum, calcar, & animum. Si quempiam mortali-um, certè pervulgatam illam in Canticis Salomonis sponsam, insolitus quidam infederat, ac etiam lecto molliter composito, immerserat tepor: ita ut cælesti Sponso, oscium sæpius pulsanti, ac ingressum instanter deposcenti, omni humanitate sepositâ, inurbanè satis responderit: *Expolia vi me tunica mea, & quomodo induar illis? lavi pedes meos & quomodo coinquinabo eos?* Gravis omnino fuerat, hæc

rat, hæc torpescens animæ pigritia, & inurbanitas morum, quæ cælestem sponsum, ad se magnâ dignatione accedentem, non admisit, ne dicam, ab occlusis foribus, cum rubore repulit. Sed enim nescio, quo, subito acta fervore, & alio, repenti afflata spiritu: *Surrexi inquit ut aperirem dilecto meo*. Vnde quæso, tam repentina mutatio? quid, modoprimum desidem, & quietem suavem, causantem animam, lecto excivit? ad assumendas, quas jam exuerat vestes, induxit? & ad aperiendum pulsanti sponso impulit? Pandit ipsa arcanum, dum mox addit: *Manus meæ stillaverunt myrrham*: quæ verba videntur causam, subitæ illius mutationis continere. Nam myrrha ut Gregorius Nissenus alij, plures interpretantur, mortis symbolum est. Vnde deses illa sponsa, dum seriâ cogitatione, memoriam mortis ad mentem revocavit, illico ad maiorem Perfectionem, ex desidiæ lecto surrexit, & quæ paulò ante, quodam negligentiae sopore sepulta iacuerat, mortis contemplatione excitata, ad Dei cultum, & Divinis vocibus obediendum, prompta evigilavit: ita credo secum ratiocinata: Quousq; corpori quietem indulgebo? quod brevi, lethali somno sopietur. Utquid carnem istam delicatius habebo? quæ in cineris cumulum & vermium agmen, non ita multò post resolvetur. Amarescitis mihi omnes deliciarum suavitates, quas fors humana, mortalitatis suæ, myrrhâ, acerbior feto, amare condivit.

*Mortis cogitatio Animæ
S. ad fervorem excitabit*

condivit. Surgo, & torporem executio, ut me vocantis Dei consecrem servitio. Non audio desidiâ, ad quietem invitantem, ut me inopinatus mortis accessus, in Dei obsequio, inveniat vigilantem. Atque ita beata illa sponsa, myrrhæ, quam præ manibus habebat, amaritudine, ad suæ mortalitatis recordationem excitata, excusso gravi torporis somno, ad pietatis opera ferventer exhibenda, alacris consurrexit. Utinam verò omnes, hâc symbolica mortis myrrhâ, mentis nostræ cogitationem, perpetuò conditam haberemus, faciliè profectò, repudiata langvoris desidiâ, ad fervorem spiritûs, seriò incitaremur.

*Tepidi Eremi-
te, mors hor-
renda, alijs
profuit.*

Ita contigit illi, apud Climacum, viro religioso, qui cùm ferventer vitæ religiosæ cursum inchoasset, sensim fervoris deficiente spiritu, segniter, & tepidè, reliquos traducebat dies: hic gravi corporis morbo oppressus, & ad extrema deductus, morte demum extinctus, ab omnibus credebatur. Ecce verò post aliquot temporis intervallum, quasi ex gravi sopore excitus, sibiq; redditus, facessere omnes adstantes iussit: tum obstructo saxis cellæ aditu, ibi, nemini ampliùs visus, in omni vitæ rigore, & soli Deo nota sanctimonia, modico pane, & aqua, per fenestellam porrectis, sustentatus, integros duodecim annos transegit. Semper similis attonito, fluentibus largè lacrymis sedens, ea animo versabat, quæ in suo excessu, in regione umbræ

mortis

mortis perceperat. Cùm verò jam vicinus mortì, extremum spiritum, inter magnos gemitus duceret, excitati insolito ejulantis clamore Monachi, effracto per vim aditu, ad morientem ingressi, novissima verba, & salutis monita, ab eo petierunt: quibus hoc solum, omnium mentibus, altè infigendum reliquit dogma, fatiscienti voce, ingeminans: Scitote fratres, neminem, qui mortis memoriam habuerit, malè vivere posse. O quàm facilè, noster quoq; sapiùs intepestens spiritus efferveresceret, si eam, quam aliorum recordationi, crebrò ingerimus, ipsi menti infixam mortis memoriam haberemus.

Scholam Principum, dixit quidam, esse sepulchrum, nec immeritò: hic enim nativam suavitatem, & moderationem actionum, coronata etiam addiscunt capita. Sed habet religiosus quoq; intellectus, quam ex hac sepulchrali palæstra, percipiat doctrinam. Nemo siquidem morte profundius docet, & efficacius ad persuadendum dicit. Non enim soli tantum, è cinere in altum evolant redivivi Phænices, sed religiosi etiam affectus, ex revocato ad cogitationē sepulchrali pulvere, assurgūt, & in sublimè perfectæ sanctitatis feruntur. Sanctū Patriarcham Abrahamum imitati: qui postquam uxori suæ demortuæ Saræ parentavit, surrexit (inquit sacer textus) *ab officio funeris*. Habent, ipsa etiam, sacra scripturæ verba, suos arcanos sensus, & mysteria. Vnde non sine causa, puto sacrum Historicum,

Mortales Phænices imitati, ex recogitato cinere mortis evolant ad sanctitatem, ut patuit in Abrahamo.

*Abraham dū
mortem cogi-
tat contemnit
terrena.*

storicum, Divino spiritu afflatum, usum esse hoc modo loquendi, surrexit non verò recessit Abraham, ab officio funeris. Bene enim existimari potest, S. Patriarcham ab illo tumultu surrexisse, hoc est ad ulteriorem perfectioremq; vivendi statum, evasisse. Dum enim uxoris suæ Saræ mortem, tacitâ apud se cogitatione considerat, ad perfectiorem vitam conscendit. Neq; verò vana hæc, & ex humano tantum cerebro nata est consideratio: quæ sacræ etiam ininititur Historiæ, nam paulò ante mortem Saræ, refert sacra pagina de Abrahamo, Gen: 21. *Fuit colonus terræ Palæstinorum, diebus multis.* Exercebat agriculturam operosè, & rem familiarem curabat diligenter. Iam verò post peractum illud funus, factus est ejusdem terræ contemptor, dum ita Gen: 23 suos alloqueretur vicinos. *Advena ego sum, & peregrinus apud vos:* quasi ex mortis seria consideratione, ad rerum terrenarum contemptum induceretur, ad studium verò virtutis accenderetur. Nec mirum, cur enim temporalia bona non contemneret? qui hæc à morte eripi, cogitaret. Scio, quantum mundi pretia & oblectamenta, in nostris quoq; animis vilescerent: facilè conijcio, quantam religiosæ Perfectionis æstimationem, & studium conciperemus, si continuam mortis recordationem, præ oculis haberemus.

Ad comprobandam rei veritatem, jam non ex veterum Ascetarum eremo, sed domesticum, & notissimum

tissimum produco exemplum. Quid enim illud, consummata perfectionis, in religione nostra prodigium, Sanctum loquor Franciscum Borgiam, non solum ad contemnenda omnia, quæ mundus amat & appetiat, induxit? sed etiam ad sanctitatis perfectionem promovit? quam in eo militantis, & triumphantis Ecclesiæ, indigenæ, satis mirari nequeunt: nisi illa mortis palæstra, in qua ille, ex putido, Isabellæ Augustæ cadavere, cælestem planè didicit sapientiam: ut nihil ampliùs duceret æstimandum, quidquid noverat perituum. Princeps medicorum Galenus, argentum vivum, cinere extingvi docebat. Franciscus vivam argenti cupiditatem, & inexplabilem auri famem, sepulchrali cinere suffocari, & ipse didicit, & docuit orbem. Aureè rursus Chrysostomus, sepulchrum vocat: *omnium scholam virtutum*: in qua, ad Isabellæ tumulum, consummata sanctitatis adeptus Borgia lauream, nos in eandem palæstram, suo inducit exemplo, & persvadet, ut illic continuâ versetur recordatione: quod si fecerimus, brevi nos in virtutum studio, multum profecturos speremus.

Vnum, ex invictis vetustæ antiquitatis heroibus, leo ex improvîso, inermem invaserat, jamq; in eum horrendis dentibus, & ungvibus ferebatur: cui cum arma, quæ belluæ opponeret, præsto non essent, arreptum de terra, manu pulverem, in oculos, ferocientetis bestię ingessit, & sic excæcatam

R debella-

*S. Franciscus
Borgia, in
mortis palæ-
stra, eximius
est sanctitatis
eruditus.*

*Mortis recor-
datio, passio-
num, edo-
mat ferociam*

Religiosi, in-
star apum, pul-
vere sepul-
chrali coerm-
untur.

debellavit. Quid sunt illi passionum nostrarum vi-
tiosi appetitus? nisi feroces quidam leones, quos si
superare volumus, sepulchralis recordatione cineris,
comprimamus. Nisi fortè, mellei operis fabricatri-
ces, imitari malimus apes: quæ insolito quodam per-
citæ æstu, toto agmine in sublimè gregatim evolat,
& soliti oblitæ laboris, per æra ludunt, ac strictis
aculeorum telis confligunt. Quis verò, adeo inso-
lencia apum agmina, coercendi modus? en pulve-
ris exigui jactu, compressa quiescunt, & ad solitos
redeunt labores. Contingit interdum etiam reli-
giosas mentes, longè latèq; evagari, ac morè apum,
per inane mundi spatium, totas se ineptæ lætitiae
dare. verùm injecto recordationi, mortuali pulvere,
illico insolentes conquiescunt, & ad solitum, in ef-
formanda perfectione laborem, contriti redeunt.

Spiritus religi-
osi fervorem
instar ignis
in cinere con-
servari, proba-
vit P. Andre-
as de Zea.

Scimus ignem, cineri insepultum foveri,
ac conservari: extra verò cineris cumulum, positum,
deficere, ac extingui: inest similis, & sepulchrali
cineri virtus: nam huic etiam immersa cogitatio,
spiritûs religiosi fervorem fovet, ac conservat: quod
in multis quidem, præcipuè tamen in illo. Religi-
onis nostræ, magnæ virtutis viro, Patre Andrea de
Zea patuit: qui primâ Quadragesimalis jejunijs die,
benedictum cinerem, in cubiculo suo asservare, &
in eo mortis cogitationem volvere, continuò sole-
bat. Vnde religiosum fervorem, in illo cinere, ita
feliciter conservavit, ut non plurimis tantum virtu-

tum

tum exemplis, sed miraculis etiam claresceret: ut
de eo in anno dierum memorabilium prima Ianu-
arij, meminit celebris Author Pater Ioannes Nada-
si. His itaq; & harum similibus dediti cogitationi-
bus, si in hoc mortis hospitali tantillum quieveri-
mus, alacriores, ad prosequendum Perfectionis iter,
confurgemus.

131

A L L O C U T I O X I.

*Gravem Teporis malitiam,
Dei ludiciorum, & pœnarum
infernæ saepe efficaciter amovet,
memoria.*

FESSIS ex itinere viribus, quietis aliquid, in mor-
tis hospitali dedimus, ut vegetiores ultra pro-
ficisci possimus. Inest enim, ut vidimus, vis non
mediocris morti, ad urgendos tardantium gressus.
Vnde & perspicax illa, in sua Apocalypsi Apostoli-
ca Aquila, contemplabatur mortem, equo pallido
insidentem, quod currentibus calcar, & stimulum
addat. Sed tanta est, humanæ nostræ conditionis
hebetudo, ut mortis etiam impulsu, & stimulis exa-
gitati, innati cujusdam langvoris vitio, adhuc defi-

*Magnum per-
fectionis impe-
dimentum, te-
piditas.*

R2

ciamus

ciamus in via, & cum vires ad cursum, vel maximè intendimus, solito correpti tepore, non tantum lentè serpiamus, sed etiam, quod pejus est, miserè labimur, & concidimus. Et hæc est, quanquam toto mortalium generi, maximè tamen hominibus, vitam religiosam profitentibus, nocentissima tepiditatis labes, quæ multos, eò progredi non sinat, quò ratio vocationis, & impositæ Perfectionis obligatio urget: immo non paucos, retro cedere, & in via salutis periclitari facit. Quà ergo tandem ratione, hoc nos extricabimus malo? quod ne ipsius quidem, toties consideratae mortis, horridus aspectu vultus, à nobis abigere valet. Meum consilium est, grande genus mali (ut illud remis velisq; fugiamus) accuratiùs consideremus: tum & duo, ad excutiendum teporem, opportuna Iudiciorum Dei, & piacularium ignium, adhibeamus excitamenta.

*Tepiditas, ad
proficiendum
vires adimit,
& ad malum
impellit.*

Omnes quotquot vitæ spiritualis professione, & Asceticæ doctrinæ peritiâ claruerunt, nihil pejus & perniciosius, teporis langvore in vita religiosa contingere posse, unanimi consensu asserunt. Non ideo solum, quòd virulenta pestis hæc, robur ac vires, ad omnem in virtute progressum, tollat & adimat: sed etiam, quòd ad multa, & gravia crimina, animum sensim disponat, ac tandem in perditionis æternæ barathrum præcipitet. Quod ad sublatum, peste hæc, omnem vigorem spectat, rem præclarè prosequitur magni animi, & ferventis spiritus

ritus. Quintus religionis nostræ Generalis, Pater
 Claudius Aquaviva, dum ita, in illa, de Renovatio-
 ne Spiritus, Aurea Epistola sua, loquitur. Nihil vi-
 ro religioso tam suspectum, æque ac periculosum esse
 potest, quam si studium in se, procedendi in virtu-
 te, & perfectæ vitæ persequenda, frigescere senti-
 at. Etenim ea res, non modò facit, ut lentò gradi-
 mur, aut potius consistamus, & ad speciem dunta-
 xat, usurpationemq; consuetudinis, nostra munera
 obeamus: verum etiam assidue, tanquam tinea quæ-
 dam, vires roburq; nostrum sensim, sine sensu corro-
 dit. Itaq; idem nobis, quod ligno carioso, usu venit,
 quod & si integrum videtur extrinsecus, tamen pô-
 dere imposito, frangitur, & casu ipso ostendit, quid
 antea vitij lateret interioris. Ita fortes olim ac ro-
 busti, debilitantur paulatim, atq; franguntur. Quod
 verò ad graviora crimina, in quæ sensim tepor no-
 ster delabitur, & salutis æternæ discrimen attinet.
 Divum Bernardum, rei seriem graphicè describen-
 tem, audiamus: inquit ille sermone 6. de Ascensi-
 one Domini: Multos sanè invenire est homines,
 pusillanimes & remissos, deficientes sub onere: vir-
 gâ & calcaribus indigentes, quorum remissa letitia,
 brevis & rara compunctio, animalis cogitatio, te-
 pida devotio. Non tibi horum vita, inferno pani-
 tus appropinquare videtur? Et quod omnium gra-
 vissimum est, eò infelicitatis gravi tepore obrige-
 scens animus deducitur, ut ne Divinis quidem be-
 neficijs

Tepidum, null-
 lus Dei benefi-
 cijs flecti, lu-
 das est docu-
 mento,

neficijs flecti, moveriq; possit. Quod Divus Hieronymus per expressum asserit, & tragico Iudæ Iscariotis documento probat. Vitam ille & tirocinium virtutis, in Collegio Apostolico, sub Dei ductu & magisterio egerat, nec dubium quòd similia cæteris Apostolis, sanctitatis fundamenta posuerit: unde sub ipsa Apostolatûs sui exordia, nihilo à cæteris Coapostolis inferior erat: nam ipse etiam, non minus quàm alij discipuli, pro sanctissimæ doctrinæ, quam à suo Magistro hauserat, confirmatione, prodigia faciebat, ægris sanitatem restituebat, cæcos illuminabat, energumenos à dæmonum tyrannide vindicabat, cæteraq; prodigiorum genera patrabat. Et unde tamen, hic contemptu mundi, & præclaris sanctimonix cæptis, nec non miraculorum signis, celebris Apostolus, eò infelicitatis devenit, ut in sacrilegiorum voraginem lapsus, æternum perierit? Non ego eum, uno lethali saltu, ex Apostolatûs apice, in perditionis barathrum, præcipitem ivisse putaverim. Pedentim ille, eo usq; devenit, ut Luciferum sceleris improbitate superaverit: Permisit se, credo, ille, ab initio torpori, somnum sub auroram (si divinari licet) non promptè interruptit, illo ipso tempore, quo cum alijs precibus vacandum erat, somnolentiæ aliquid concessit, extra statutam comestioni horam, gulæ & sensuallitati, modicum indulgit, verbum, quo leviter perstringebatur, impatienter tulit, unius & alterius
 in rem

*Iudas scelerem
 à minoribus
 ad majora crimina progre-
 diebatur.*

in rem suam, absq; permissu, usurpatione nimmi,
 januam affectui, ad clandestinum peculium aperuit.
 Vnde postea tanta pecuniarum cupiditate exarsit,
 ut triginta, nec amplius solidis, Verbum *Æter-*
num, in quo sunt omnes thesauri absconditi, ini-
 micorum furijs vendiderit. Hinc finalis subsecuta
 est desperatio, ac tandem & æterna, irruit super e-
 um perditio: ex quo constare potest, sensim eum
 & gradatim, à minoribus vitijs, ad majora delicta
 processisse: ac tandem infelicitè perijsse: quæ in-
 fausta gradatio, non ex alio fonte, nisi ex teporis
 desidia, initium & augmentum habuit.

Illud magis stupendum, quod postquam in-
 felix hic proditor, ab ea, quam prius sibi propo-
 fuerat, vitæ sanctitate, abduci se torpori permisit,
 nullis postmodum Divinæ Sapientiae persuasi-
 bus, nullis beneficiorum donis, corrigi, aut emolliiri
 potuit: ita ut ad commovendum ejus animum, nec
 Divina Christi monita, nec collata Sacerdotij di-
 gnitas, nec liberalis mensa, & religiosa Azymo-
 rum solennitas, nec deniq; Dei humanam naturam
 induti, primum ad pedes suos prostrati, deinde su-
 dore sanguineo perfusi, grande spectaculum, ad
 obstinatum animum, quidquam valuere, emollien-
 dum. Quod vehementer sanctus (quem nomina-
 vi) Doctor Hieronymus admiratus, Epistola 3. ad
 Heliodorum ait: *Judas de Apostolatûs fastigio, in*
proditionis tartarum labitur, & nec familiaritate
convivij,

*Judas Dei Bea-
 neficijs non
 movebatur.*

*Magnæ cepit
 stultitiæ maliciæ.*

convivijs, nec intinctione buccellæ, nec osculi gratiâ, frangitur: ne quasi hominem tradat, quem Filium Dei noverat. Tanta nimirum est, obrigescentis teporis malitia, ut hominem, quem semel corripuerit, non in grandia tantum vitiorum barathra, sensim impellat, sed Divinarum etiam Gratiarum, nullis omnino donis permittat emolliri. Neq; enim ejusmodi, in Dei obsequio tepescentem animum, ille, qui in sanctorum meditatione exardescit ignis, quidquam illuminat, aut accendit: nihil in eo proficiunt. Divini instinctus, & inspirationes, non eum inflamat ardens adhortatio, gratis est illi, libri spiritualis lectio, non juvant Divinarum Gratiarum auxilia, non emollit Divino sanguine imbutus frequens Sacramentorum usus: talis enim, in suo tepore obduratus affectus (ut cum D. Bernardo loquar) Nec compunctione scinditur, nec pietate molitur, nec movetur precibus, exemplis non inducitur, beneficijs induratur, Quo quidem mali genere, quid, aut ad detestationem abominabilius, aut ad pœnam horribilius, dici cogitariq; possit? haud facillè invenio. Hinc est, quod Deus, in tantum tepiditatis luem excretur, ut qui scelestissimos quosque hominum, pacificè tolerat, tepidos intra bonitatis suæ viscera, dum continere non valet, evomendos ab ore suo, tanquam execrabile eructum, pronuntiat. Sancti verò perfectiq; viri, Divinam, pessis hujus, æmulati abominationem, nihil magis quàm

*Deus tepidos
execratur.*

quàm teporem horrent, & detestantur.

137

*Iustitia Divi-
na recordati-
one, tepidos
sape emolliri
patet ex Sau-
le.*

Sed fuerit sanè ejus malitiæ, natura teporis, ut in multa ac gravia crimina impellat, & Divinis minimè leniatur beneficijs: Iudicis, vindicisq; Dei minis, ac pænis, num aliquid mollescat? videamus. Severum inprimis Divinæ Iustitiæ tribunal, tantæ est efficacix, ut tepidos etiam, vel solâ sui recordatione excitet, & perterreat. Rei quam loquor documentum, è sacra petamus pagina. Primus inter Reges, chroni Israelitici Saul, piè sanctèq; Imperij sui posuerat fundamenta, ita, ut non staturæ suæ tantum proceritate, sed morum etiam, ac virtutis bonitate, cæteros post se, longo relinqueret intervallo. *Non erat vir de filiis Israel, melior illo*, tantum ei Elogij, attribuit sacra Historia, Venerabatur ille, summam illam Majestatem, per quam Reges regnant, & Principes dominantur. Feruebat in oratione: Divino, ad sacrificiorum ignem, incalcescebat amore. Verum modico temporis interposito processu, multum in præconcepto pietatis ardore deferbuit, ita, ut sanctissimi Antistitis sui Samuelis consilia, nihili duceret, & Divinas, leges ac statuta violare præsumeret: & insuper innocentem ac fidelem servum Davidem, gravi prosequeretur odio, & usq; ad necem sæpius perscrutaretur eundem. Constitutus in ijs, iniquæ sortis circumstantijs David, audiamus quid dicat, agatq;? Regem ecce in jus vocat, persecutori suo diem dicit, neq; illud attendens:

*David Sauli,
ad Dei tribu-
nal diem di-
cit, ut eum à
malitia revo-
cet.*

tendens: *Cum potente ne litiges*, Principi suo li-
tem intendit, dum ait: *Iudicet Dominus inter me*
& te. Scio Davidem ab injuriarum tolerantia, &
inimicorum amore semper fuisse commendatissimū,
ex ejus ore, prodibant illæ voces. *Despexit oculus*
meus, super inimicos meos, & iterum: *Si reddidi re-*
tribuentibus mihi mala: nunc verò cur suæ imme-
mor lenitatis, quasi vindictam spirans, jure agit,
cum suo persecutore? innocentiam vindicat, rigo-
re justitiæ. Itane verò, læsa ejus patientia, tandem
in ultionis exarsit furorem? Verum procul à viro
patientissimo, vult esse fervorem istum, & spiritum
vindictæ S. Chrysostomus, dum ita Homil. 2. de
David & Saul loquitur: *Hoc verbum non dixit Da-*
vid, quòd cuperet puniri Saulem, sed ut illi formi-
dinem injiceret, venturæ condemnationis commemo-
ratione. Noverat optimè, vir secundum cor Dei,
quantà polleret vi & efficacîa, vel ipsa Divini Iudi-
cij recordatio, unde non vindictæ studio, sed ad
meliorem frugem revocandi desiderio, Saulem, Di-
vino terret judicio, ut commemorato Iudicis fervo-
re, reum exueret illo tepore, qui tot in eo crimi-
num, extitit fons, & origo.

Sanctus Ere-
mita, dum in
morte, terri-
bile, subit ju-
dicium, à mul-
tis exclusit te-
porem

Et verò, quantum valeat ad inflammandum
langventis animi teporem, Iudiciorum Dei viva i-
maginatio, docuit illa narratio, quam refert Cli-
machus in scala Paradisi gradu 2. Quadragenari-
us quidam solitudinis incola, Stephanus nomine, ad

eam

eam venerat perfectionem, ut non suarum tantum passionum, sed ferarum etiam domitor esset: nam præterquam, quod in potestate haberet affectus proprios, ipsq; velut herus, iussa dictaret: ferocem quoq; leopardum subito cicuravit, & ad obsequia sua, veluti officiosum famulum fecit: lacrymis quoq; imperavit, ut modò fluere suaviter, modò fluxum ad suam voluntatem cohiberent. Verbo, vir erat, quo ille Monachorum catus, sanctiorem non habebat. Hic ante unum exitus sui idem, leviori infirmitate affectus, repente alteratus animo, obstupuit, apertisq; oculis, nunc ad dextram, nunc ad sinistram lectuli partem, cum ingenti pavoris significatione circumspiciebat. Et quasi rationem ab eo quispiam exigeret, cunctis qui adstabant, quædam justificationis, quædam deprecationis verba, ab illo audientibus: nunc enim aiebat. Ita sanè est, negare nequeo, sed jejuniorum, & vitæ asperitate, jam me puto istud exsoluisse: deinde contractâ ad indignationem fronte, dicebat. Hoc nunquam fuit, mendacium est. Rursus cum quadam animi consternatione, loquebatur tremens: planè ita est, hoc me fecisse fateor, nec quod reponam habeo, ideo misericordiam imploro: post pusillum temporis, horrore obrigescens, suppetias & opitulationes inclamare videbatur. Et erat profectò spectaculum horrendum & terrificum, illa, tam rigida, hominis (ut ab omnibus putabatur) sancti, & exacta Iudicialis ratio,

tio, quam ille tot culparum accusatus, ultimo vitæ suæ fine, stupentibus præ horrore omnibus, tandem conclusit. Cujus judicialis tragediæ, quis terminus? quod decretum? qualis exsecutio fuerit, dubium incertumq; mansit. Optimus ramen ex hoc tragico spectaculo, consecutus est fructus: nam omnes illi qui aderant Eremitæ, insolito horrore territi, excusso tepore ad perfectiorem vitæ rationem, toto incalescebant spiritu, dum unusquisq; ab illo horrendi judicij loco, digrediens, ita secum tacitus cogitaret. Ecce vir, religiosâ sanctitate, & prodigijs clarus, tam severum, præ oculis nostris subiit judicium, & nescimus, quò illud conclusit exitu: me verò, qui cum ejus perfectioni, & fervori, nullatenus comparari valeo, hominem in oratione tepidū, & vagabundum, in Divino cultu remissum, & irreverentem, ad mensam sensualem, ubiq; garrulum & loquacem, verbo passionum mearum mancipium, quis, & qualis manet Divini ludicij rigor? Hæc, aut his similia, dum singuli mente seriò revolvunt, omnes Perfectionis religiosæ desiderio exarserunt. Pulso enim procul, prioris vitæ tepore, insolito correpti ardore, in frequentem ac ferventem orationis usum, in continuum mortificationis exercitium, in accuratiorem silentij & regularum observationem, cæterarumq; virtutum studium, seriò & ferventer incubuerunt. Verbo, toto canobio, visa est mira mutatio morum, & insolitus fervor.

Versare.

Verfaretur utinam, in mentibus quoq; nostris, ejusdem Divini Iudicij, in tepidos solitus exerceri rigor! scio quô Perfectionis ardore, noster quoq; incalesceret tepor.

Quodsi pertinax, & inolitus tepiditatis nostræ langvor, etiam Iudiciorum Dei timore, & illâ, horrêndâ Hieronymi tubâ, minus se perurgeri sentit? Ignis ei, ad mentem inflammandam, obijcio piaculares, sive illos, qui tepidas olim animas, æternum excruciant, sive eos, qui temporaliter quidem, sed tamen nimis atrociter, torquent easdem. Vsuvenire jumentis quibusdam solet, ut postquam longiori paulò itinere, lassâ fuerint, ita loco, vestigia pertinaciter figunt, ut nulla vi, ac impulsu moveri queant: alliciantur ut placet, ad progressum pabulo, cadantur flagris, vapulent fustibus, exagitantur stimulis & calcaribus, gratis omnia fiunt: stat immobilis, quasi obriguerit asinus, equus, vel camelus, at si accensum igne, stramineum fascem, pedibus jumentis ita obstinati, injeceris, illico se loco proripiet, & continuabit iter. Idem omnino & hominibus, quos Regius Vates, jumentis comparat insipientibus, contingere solet. Multi enim, etiam inter religiosa claustra reperiuntur, qui cum Perfectionis iter gnaviter inchoassent, ita subito hærent, ut ne unum quidem virtutis passum, amplius, seu velint, seu possint facere, sed instar pertinacis, in sua desidia asini, immobiles perstant, quos

*Recogitato &
gne piacularis
tepidi ad fer-
borem inardescunt.*

quos ad inchoatum commovere, ac incitare cursum, modus non occurrit aptior, quàm si in recordatione eorum, infernalis, aut purgatorius ignis exardescat. Hòc olim medio usus est, celebris Hybernix Apostolus S. Patritius: qui cum regionis illius gentem barbaram, & plus quàm hyberno frigore obrigescentem, dictione quamvis fervidâ, emollire, ac plurimis beneficijs, etiam prodigiosè factis, commovere, ad ineundam Christianæ pietatis viam, nequidquam valeret, campum, qui ei pro suggestu erat, de repente subsidere, & immani hiatu patere fecit: unde erumpentes flammarum vortices, ita obstinatas in malo, spectantium hominum mentes, commoverunt, ut omnes illico Christianâ ferverent fide, ac pietate. Ad hos intuendos ignes, nos invitat Propheta, dum ait: *Descendant ad infernum viventes*, ne (ut Bernardus addit) descendant illuc morientes. Spectavit istas è vicino flammamas, perfectissima illa Christi Sponsa S. Theresia, dum ei in profundo inferni, ostenderetur locus, in quo æternum fuerat arsure, nisi quibusdam imperfectionibus suis modum, & finem fecisset. Vnde tantò Divini amoris exarsit igne, ut nihil ferventius illâ spectari, cogitariq; posset. Subjectus ille menti & oculis ignis, ita eam, ad perficiendam viam Perfectionis incitavit, ut non currere, sed pernicis instar columbæ, sancta ejus anima, volare videretur.

*Recordatione
penarum infer-
nalium, Sâ
thi ad fervorē
accendebatur.*

Hoc

*S. Franciscus
Borgia & alii
in Eremitis, cō-
sideratio ignis
aeterni, incita-
mento ad sã-
ctitatem fuit.*

Hoc horrendo igne, & Sanctus Generalis noster Franciscus Borgia, ad celerem Perfectionis cursum, vehementer se excitabat. Ut taceam, Hieronymos, Augustinos, Bernardos, ceteraq; concitata sanctitatis nomina. Vnius, cujus mihi notior virtus, quàm nomen, non meminisse non possum: de quo in Vitis Patrum lego. Senem quendam, non minùs ætatis, quàm virtutis maturæ, aliqui ex canobitis convenerunt, rogaruntq; edoceri. Quà tandem ratione, diuturnum austerioris vitæ rigorem tolerare potuisset? Quibus ille: omnis labor, & afflictio totius corporis, ex quo in hac solitudine vixi, nondum unius horæ, alterius vitæ tormentorum gravitatem adæquat. Ignis ille devorans & excrucians, præ oculis mentis meæ, continuò ardebat, ac proinde leves mihi, & faciles omnes austeritates, sui comparatione faciebat, & hanc asperam ad speciem viâ, progredi suaviter, & festinanter urgebat. Satis factum suæ quæstioni, fratres illi arbitrati, injectâ ejusdem ignis menti suæ flammâ, à sancto sene recesserunt, ac simili in posterum cogitatione, ad ferventem vitæ sanctioris profectum, seriò se excitarunt. Et hæc sunt fervoris incitamenta, jam ad vesperam, primæ itineris nostri Diei, breviter proposita: longiori, immo continuâ meditatione perpendenda, quæ si considerationi nostræ, sæpius observabuntur, torpentes langvore vires, spiritu animabunt ferventi.

ALLO-

ALLOCUTIO XII.

Vitæ austeritas, ad consequendam Perfectionem, omnino requiritur.

*Voluntaria
corporis affli-
ctatio, urget
ad profectum.*

PARum est, horrendo mortis aspectu, & ardentis Erebi igaibus, ad cæptum virtutis iter, incitari, nisi austerioris etiam vitæ stimulis, ad celerem Perfectionis cursum, nosmetipsos urgeamus. Veluti enim, nimium iners, jumenti illius hebetudo est, quod igne aduri necesse habet, ut loco pertinaciter hærens, ultrà progredi velit: ita extremæ desidiæ notam, Asceticus Viator ille incurreret, qui non nisi infernalibus flammis, adustâ cogitationis suæ memoriâ, lento passu, hœc quô cæpit itinere, graderetur: certè cupidos beatoris metæ animos, non tantum mortis horror, non solus Dei Iudiciorum terror, & gehennæ pavor, urgeat, sed propriæ etiam afflictationis calcar stimulet, & promoveat. Cadaveri potius, quàm viventi, propius mobile illud est, quod alienâ vi, ac impulsu propellitur, non verò suæ virtutis motu fertur, & procedit. Immo non pauci reperiuntur tales, quos, ne ipsius quidem vindicis Dei minæ, ac pænæ, commovere queant, eò quòd ipsi, propriæ afflictationis stimulos,

stimulos, minimè addant, ut faciliùs moveantur, & alacriùs currant. Nos ut tanto citiùs, jam ruentis in vesperam, primæ Diei iter conficiamus, acres austerioris vitæ aculeos nobis addere, non tergiversemur. Quòd alacriter, haud dubiè, faciemus, postquam seriò perpenderit, quantum ejusmodi propriæ afflictationis, & severioris pænitentiae stimuli, ad emundandos, & incitandos animos, in decursu Viæ Purgativæ possint, & valeant.

Quantum animæ faciem, quævis vitiorum labes deformat, ac deturpet, etsi jam aliquid, supra dictum est, nunquam tamen satis dici, & sufficienter explicari, hæc turpitudine potest. Nullus credo Æthiops, aut carbonarius deformior esse, peccatore potest. Peccati non dubito labe, deturpatos hominum vultus, intuebatur Propheta Ieremias, dum Threnorum 4. diceret: *Denigrata est super carbonem, facies eorum.* Neq; enim minùs, vis urentis flammæ, virescentis, ac visu delectabilis ligni, omnem virorem depascit, & in deformes transmutat carbonem, quàm inordinata animi cupiditas, illam quam adurit, denigrat animam. Inde est quòd nemo, quacunq; infectus peccati maculâ, ante Dei conspectum comparare possit: *Nihil enim coinquinatum* (ut ait Apocalypseos Scriptor) *intrabit in Regnum celorum.* Necessè proinde est, ut ille, qui se ejusmodi, minimâ etiam labe, aspersum esse agnoscit, omnem animæ suæ mundet, & abluat fu-

T

liginem.

*Peccati labes
multum decur-
pat homines.*

*Ad emundan-
das animæ la-
bes, mortifica-
tio valet plu-
rimum.*

David cur ni-
vis, soluit æ-
mulari nitore?

Nix inter hye-
mis rigores
anima inter
sive austeri-
tates albescit.

liginem. Porro ad emundandas peccatorum labes, nullum fontem efficaciorē, pleno austeritatis rigore putant, & compertum habent, vitæ spiritualis periti. Hinc coronatus Vates, postquam & ipse internam animæ suæ faciem, labe peccati denigrasset, emundationis ejusdem percupidus, agebat: *Lavabis me, & super nivem dealbabor.* Teneor sciendi desiderio, cur ad munditiem animæ suæ, anhelans Rex & Propheta David, non alium, præterquam nivis, vult æmulari nitorem? poterat sanè olori, lacti, aut ebori, similem desiderare candorem. Cæterum tamen ille, omnibus hisce prætermiſſis, soli, & uni, vult æquiparari nivi. Si singulorum est, investiganda ratio: ideo ille credo, oloris inprimis non exoptabat candorem: noverat enim hoc volucris genus, obfuscam carnem, nitore plumarum, tegentis, vivum esse hypocriseos simulacrum: lactis deinde nitori, conjunctam metuebat dulcedinem: haud ignarus, vicinam delicijs innocentiam, diu candidum non posse conservare colorem. Ebur, ex elephantis dente elaboratum, refugiebat, quòd dentatam, & mordacem timeret pietatem. Nivis verò, ideo puto, illi arrisſisse nitorem, quòd austeri rigoris quandam referat imaginem. Scimus, nivem nihil aliud, nisi meram aquam esse, quæ non alio tempore, nisi rigida hyemis frigore constricta albescit: quàm si svavior afflaverit aura, aut sol tepenti lambat radio, illico in turbidam, ac etiam cæno-

sum

sam aquam resolvitur. Vnde, cum interni candoris percupidus Propheta, super nivem dealbari desiderat, eo ipso sanctitatis, edocet sectatores, ad animæ suæ munditiem aspirantes, eam, non nisi inter austerioris vitæ asperitates, veluti rigidioris brumæ algores, acquiri posse. Nisi enim prius inter continuas carnis, & sensuum afflictationes, mens obrigescat, anima nivis instar, puritatis non albescet nitore. Tunc demum uniuscujusq; nostram, super nivem dealbabitur conscientia, si rigido mortificationis usu, caro constringatur, & veluti congelascat.

Alterum rei ejusdem documentum, è veteris Synagogæ petamus sacrario. Rem puto non carere mysterio, quod præcipuum illius temporis, sacerdotalis vestimenti genus, Ephod appellatum, è simplici lino, lex Divina confectum esse voluerit. Scio, inter illum sacerdotalem apparatus, multas & elegantes, ex molli serico, & fulgenti auro, textas fuisse vestes, radiabant aliæ gemmis, corruscabant lapidibus pretiosis. Solum & unicum Ephod, quamvis solenne vestis superioris genus, lineâ vili, & vulgari telâ, totum constabat. Quid quæso, inter illa, plus quàm Regia paludamenta, vile hoc faciebat indumentum? Glossa arcanum, ex Origene, evulgat mysterium, dum ita in caput Exodi 28 ait: *Linum cum in terra nascatur, multo labore nativum colorem deponit, & quem prius non habuerat candorem assumit: in lino igitur puritas intelligitur,*

*Ephod ex tela
lineam confectum,
præcipuum
sacerdotis ornamentum?*

Veluti linum
multa pati-
tur, donec ad
suam veniet
perfectiōem: ita
& anima, vi-
ta austerita-
te emunda-
tur.

quia caro nostra, sine multâ corporis, & spiritus affli-
ctione, ad munditiâ honestatem non perducitur. Et
ita fieri videmus: quis enim satis verbis exprimat?
quàm multa linum pati, & tolerare debeat, donec
ad eum, quem præsefert candorem, veniat. Ecce
terræ inprimis, in suo semine injectum putrescit,
& moritur: omnibus deinde cæli iniurijs expositum,
in nativum crescit virorem: mox glebæ inhærens,
eradicatur: tum semine, multis tusionibus excusso,
aquæ demergitur, indeq; extractum ad solem, aut
ignem, siccatur: sæpius postmodum teritur, ac tun-
ditur, pectitur & in fila ducitur. Multo verò la-
bore textum, & in telam concinnatum, frigidâ
crebrò perfunditur, & ad solis æstum diu exponi-
tur, ac inter repetitam toties loturam, continuis fu-
stigatur verberibus: tum demum diu, & operosè
quæsitum assumit candorem. Vnde, ideo Divino
cultui dicatus Sacerdos, longiori tolerantia exerci-
to, candido lûi operimento induitur, & adorna-
tur, ut deditus sanctimonix animus, noverit interi-
orem animæ nitorem, nonnisi multâ, rigidæ affli-
ctionis tribulatione, acquiri posse.

Porro eam austerioris vitæ praxim, ita paucis
innuit S. Ambrosius, dum lib: 2. de Pœnitentia ait:
*Renuntiandum est sæculo, somno ipsi minus indul-
gendum, quàm natura postulat, interpellandus est
gemitibus, interrumpendus suspirijs, sequestrandus
orationibus. Vivendum est ita, ut vitali huic mori-
amur*

Quæ pati ho-
mo debeat,
ad emundan-
dam conscien-
tiam?

amur sensui, seipsum sibi homo abneget, & totus
mutetur. Quod uberius describit Climacus, dum
gradu 5. de Pœnitentia, ita ait: Pœnitens vita au-
steritas, est seipsum condemnans cogitatio, est conso-
lationis corporeæ perpetua repudiatio, & volunta-
ria rerum omnium, quæ affligunt, tolerantia, est cru-
ciatum sibi semper opifex, est valida ventris affli-
ctio. Ac statim quod definivit, probat exemplis, quæ
ipse suismet usurpavit oculis. Postquam, inquit,
veni ad Monasterium pœnitentium, vidi revera res,
quæ Deo vim inferre possunt. Quosdam ex pœni-
tentibus, vidi noctibus totis, usq; ad diem stare per-
vigiles, pedesq; immotos tenere, contra somnum,
vim naturæ inferre, nullam sibi requiem indulgere.
Alios in oratione, reorum more, vinctis post terga
manibus, humi luridas facies suas inclinantes, in-
dignos se, qui cælum aspicerent, vociferantes, ni-
hil petentes, sed tacitam, mutamq; Deo mentem of-
ferentes, confusione plenam. Nonnullos spectavi,
in pavimento strato cinere, & cilicio sedentes, &
faciem genibus operientes, frontemq; in terram
collidentes: alios pectora jugiter tundentes. Vidi
aliquos veluti æneos, mærore affectos, & insensi-
biles ad omnia. Erant qui fixis obtutibus in terram,
caput assidue movere, & leonum more rugitum e-
dere, cernebantur. Ex his aliqui, sub ardentissimo
solis æstu, seipsos cruciabant, alij acerrimo frigore
se affligebant, quidam modicum aquæ gustantes,
ne omni-

Horrenda au-
steritatis spec-
tacula, à Clu-
maco visa, &
descripta, in
Eremo.

ne omnino sibi arescerent, ita quiescebant: aliqui cum panis exiguum quid acceperant, reliquum, tãquam illo indigni, proiciebant. Quem locum apud eos risus habuit? quem sermo otiosus? Nulla ibi iracundia, nulla vini cogitatio, nulla pomorum degustatio. Tot illi, visu non solum stupenda, sed horrenda etiam, obstinatã tolerantia patiebantur, ut post contractos aliquos, in vita sæculari nævos, super nivem, inter continuos vitæ rigores, dealbarentur. Tot afflictabantur cruciamentis, ut candidum sanctimonix Ephod, dignè induerent. Sed quid nobis, hæ veterum Anachoretarum crudeles lanienæ, oggeruntur? in tristes Sceris, aut Thebaydis specus, & cavernas relegandæ. Bene est! relinquamus cū suis cruciatibus, rigidos Eremitas.

*Primi societas
nostræ Patres,
etiam Anachoretas,
vivi austeritate
superabant.*

Ad religiosæ vitæ nostræ prodromos, & Patres, animum, & oculos convertamus. Certè Beatus Pater & Legislatores noster, in primis sanctioris vitæ suæ primordijs, sacco vestitus, ferreis catenis oneratus, inedia extenuatus, flagris laceratus, contemplatione ad cælestia erectus, veteres illos Anachoretas, si non superavit, omninò vitæ asperitate adæquavit. Idem de alijs, primis præsertim Patribus nostris, in eorum Annalibus passim legimus. Recurrunt nobis in memoriam, eorum itinera, pedibus confecta, somni supra stramenta, obiter capti, duri atriq; panis alimonia, corporis divexati sævities, inopia rerum necessariarum, peregrinantibus

tibus per orbem tolerata, Insistebant strenuè Patrum vestigijs sine censu, & numero, plurimi in Societate nostra vitæ austerioris sectatores, stellas cæli facilius ad calculum revocarem, quàm eorum, vel sola nomina; sigillatim recenserem. Ergo cùm omnium meminisse nequeam, aliquorum tamen oblivisci non possum. Occurrit inprimis memoriæ, gloriosus ille Martyr Consalvus Sylveria, qui licet crudelissimam necem, ab Ethnicis tortoribus passus sit, longè tamen gravius, & prolixius martyrium fuit, quod ipse sibi singulis diebus ac noctibus, atrociter inferebat. Perpetuus illi erat thorax cilicinus, ferreis intertextus aculeis, humi, laxo pro cervicali adhibito, brevem capiebat somnum, cibo modico, eoq; vilissimo utebatur, flagris, ac virgarum fascibus, ita in se desaveiebat, ut toto corpore, unum fieret vulnus, quod oleo quopiam perunctum, ideo persanabat, ut iterum, repetitæ esset idoneum sevitix, ut taceam multos alios cruciatus, quos ille in se exercebat. Pater Sertorius Caputi, aspero similiter cilicio, semper inhærebat, quotidie flagro stellis æreis horrido, quater se flagellabat, per spatium septem Psalmorum, non rarò integrâ etiam horâ: lectus illi asser, solâ stercâ stratus, & brevis, in eo quies modica, quam postremis annis, nonnisi flexis genibus capiebat. Pater Ioannes Nunnius præter consveta cilicia, & flagella, crucem varijs aculeis asperam, & corpori firmiter appressam, continuò

*Severa nimis
sui afflictatio
quorundam è
societate, bre-
viter recens-
tura*

continuò gestabat, quæ post mortem ejus, ita inhæsisse cadaveri, reperta est, ut vix inde extrahi posset. Patri Petro Claveo, lectus erat humus, cibus cinere corruptus, vini usus pænè nullus: in summis frigoribus, nunquam adduci poterat, ut ad focum accederet: in maximo verò caloris æstu, nunquam sudorem tergebat, muscas & culices, faciei, ac manibus ad sanguinem usq; aculeo altè defixo infestas, nunquam repellebat. Ut reliquos præteream, pænè innumeros, qui inter exquisita, ad stuporem cruciamenta, plenam rigidæ austeritatis vitam, ducebant, & in omnes sensus, atrociter sæviebant.

*Anachoretas,
vita austeri-
tate, plures è
societate ad-
aquant.*

Inunc, & omnem rigoris austeritatem ad Anahoretarum specus, & antra relega, cum ad cōmunem, cum hominibus consuetudinem, vocati homines religiosi, ipsos etiam Eremitas incolas, vitæ severitate adæquasse, immo, si verum fateri velis, etiam superasse vides. Quod non alio fine, fecisse eos arbitror, nisi ut inter ejusmodi rigores, animas suas super nivem dealbarent, vel primævo innocentie candore albescentes, eundem in suo nitore conservarent. Noverant illi optimè, solenne istud internæ munditiei Ephod, non aliter, quàm per multas tribulationes albescere, ac proinde, ut ipsi quoq; stolis amicti albis, coram Divino conspectu apparerent, asperis se tribulationibus vexabant: Quæ, dum similes attonitis, mente recolimus, si hæc heroica, Patrum Fratrumq; nostrorum facinora, æmu-

ra, æmulari non audemus, saltē pudore confusi, erubescamus, & ad emundandas conscientias, si non omnimodā, saltē aliquā rigoris imitatione, pro virili contendamus.

Magna hæc est fateor, austerioris vitæ commendatio, quod animas vitiorum nævis insperlas, in Via præsertim Purgativa emundet, ac dealbet: Sed nec illa minor, quod eodem tramite pergentibus, vires & animum addat, immo deficientes animō, urget, & propellit. Nemo Doctorem gentium Paulum, Apostolicæ Perfectionis suæ, citō & feliciter cursum consummasse, mirabitur, si intelligat, quibus ille stimulis se, in eo sanctitatis cursu excitabat, ac perurgebat. De quo ipsummet audiamus, ita de se. i. ad Corinth. 9 referentem: *Ego sic curro, non quasi in incertum, sic pugno, non quasi à crēm verberans, sed castigo corpus meum, & in servitutem redigo* Vbi S. Apostolus, pro ratione & excitamento, velocioris cursūs sui, rigidam corporis sui castigationem, & crebram diverberationem apertè ponit. Veluti enim, non segnes tantum asini, flagris fortiter cæduntur, ut festinatiùs currant, sed equi etiam generosi, nisi acriori freno regantur, & calcaribus adigantur, facilè de itinere rectitudine deviant, & exerrant, aut in præceps ruunt: ita S. Apostolus, quamvis ad propositum sibi bravium, suapte incitatissimus fuerit, tamen rigidiori etiam corporis sui tractatione, & sæpius re-

V

petitis

*Quantum
ta austeritas
urget & ad
profectum, pa-
ruit in Paulo
Apostolo.*

*B. Aloysius vi-
tae suae innocen-
tiam planè An-
gelicam, calca-
ribus ad pro-
fectum urfit.*

petitis verberibus, ad velocitatem cursûs semeti-
psum adigebat. Quodsi talis tantusq; Eques Pau-
lus, ad præfixam sanctitatis metam, aliter se accur-
rere, non potuisse fateatur, nisi additis acrioribus
corpori suo stimulis, & castigationibus: nos, quibus-
vis asinis segniores, quâ tandem ratione, persvade-
bimus nobis, posse nos viam Perfectionis decurre-
re? absq; similibus austerioris vitæ excitamentis.
Fallimur, omnino fallimur, si nos in via Perfectionis,
vel unum virtutis passum, sine ejusmodi rigi-
dioribus stimulis, facere posse existimamus. Quid
illi Angelico Adolescenti B. Aloysio nostro, deesse
ad cursûs pernecitatem poterat? quem, nullum
gravioris culpæ onus gravabat, ita ut innocentiae
instructus alis, volare potius, quàm currere videretur:
& tamen hic etiam, ad cursum expeditissimus
animus, sine adaectis calcaribus, & impactis verberibus,
sanctitatis metam, se consecuturum nequaquam
putabat. Nobis, quos plurimæ gravant iniquitates,
quid facto opus sit? exinde judicemus.

Et hæc sunt, omnibus quidem Christianis, maximè
tamen, vitam religiosam profitentibus, usitata
ad Perfectionem excitamenta, quæ uniuscujusq;
animam, non solum à contractis vitiorum navis e-
mundant, sed incitant etiam, ad virtutis cursum.
Quibus si nos quoq; , ut res ipsa exigat, usi fuerimus,
Viæ Purgativæ iter, facile conficiemus. Sed jam ad
primæ Diei metas, hîc consistamus.

DIES



DIES SECVNDA

Via Illuminativæ.

Alteram Perfectionis nostræ viam, scholæ Asceticæ, cum S. Patre, Magistri, eam esse volunt, quæ Illuminativa nuncupatur: cujus finis, perfectarum virtutum consecutio est. Veluti enim, abactâ rigidæ hyemis asperitate, Plenum amœnitatis ver, subsequi solet: ita dedita Perfectioni anima, postquam è varijs, quæ in via purgativa occurrunt molestijs, veluti asperæ hyemis rigoribus, eluctata fuerit: convenit, ut amœnam, & grato virtutum flore, vernantem viam ingrediatur: ita, ut, cum pia illa, in Canticis anima, gestienti voce dicere possit: *Iam hyems transijt, imber abiit, flores apparuerunt in terrâ nostrâ.* Plurima hîc virtutum decora, nostris occurrunt oculis, & ut venustate suâ, recreant mentis visum, sic utilitate, magis autem necessitate, trahunt in sui possessionem, percupidum Perfectionis affectum.

Via illuminativa, amœna & virtutibus plena.

Divino lumine abundat

Porro via hæc, dicitur Illuminativa, quòd, post depulsam vitiorum caliginem, mentem virtutum splendore illustret, seu, quòd ad perfectæ virtutis

consecutionem, Singul ari Dei lumine opus habeat. Illuminat enim vultum suum super nos, qui nobis consequendæ virtutis, instillat amorem. In cuius admirabile lumen, cum cæcutientibus palpebris intendere minùs possumus, humi saltem defixos mentis nostræ oculos, teneamus: ut S. Patris, Ductorisque nostri IGNA TII, viæ huic impressa, perfectarum virtutum vestigia admirati, facillè intueri possimus: quanto ille, Divinarum illustrationum lumine perfunde batur: qui tantam, eximie Sanctitatis Perfectionem, est consecutus, quantam in eo, nemo hactenus mortalium, seu verbis exprimere, seu cogitatione valuit attingere. Quod vel inde, conjectare licet, quia Sanctus idem Pater, quamvis de missione sui, ultra modum humilis, dicere tamen solebat: se post Apostolorum tempora, cum nullo Sanctorum, Dona Divina, sibi cælitus collata, commutaturum, si ij quorum vitæ leguntur, maiora ijs, quæ de illis vulgata sunt, dona, & virtutes non habuissent: quamvis de multis Sanctorum, tanta heroicæ virtutis, sint memoriæ prodita documenta, quæ humanæ cogitationis captum, & admirationem superare videntur. Hunc ergo talem, tantumq; cum viæ hujus, habeamus Ductorem, ita nos, viam mandatorum ejus currere decet: *ut in virtutum solidarum, ac perfectarum studium,* (pro ut ipse monet) *incumbamus.* Sed jam ejus ductu, & vestigijs, Diei istius, iter ingrediamur.

ALLO-

*Arduam natura virtutis viam,
Christi Domini, & Sanctorum
vestigia, faciunt expeditam.*

PAULò asperius, inchoatæ Perfectionis iter, quò
nos prima incipientium, caliginosa adhuc, &
intempesta Dies, deducebat, tandem emensi: ha-
bemus faventiolem nobis obortam lucem, dum al-
teram Illuminativam, sic à Patre Luminum dñam
Diem, auspiciò ingredimur. Vnde si quispiam, mo-
lestum iter illud experiebatur, quòd per cænosas,
reductorum ad memoriam peccatorum semitas, &
pænalis austeritatis calles, inter horrendas fulmi-
nantis cæli minas, & erumpentes Erebi flammæ,
trepidus conficiebat: jam jucundiolem, & ad om-
nem amantem exporrectam viam, præ oculis
habet, quæ tot gratis, & suaveolentibus abundat
floribus, quot colligendarum virtutum præsefert
species. Erat, & ex ea parte, arduum ac perdiffici-
le illud, primæ Diei iter, quòd eisi multa, præ-
untium haberet impressa vestigia, pauca tamen,
inter spinas, & sentes apparebant. & si quæ specta-
ri poterant, suâ tamen asperitate oculos & animû
perterre-

*Via incipien-
tium aspera*

*Proficientiū,
ob sanctorum
exempla, per
fessio facilis.*

pertērebant. Luce verò hodiernā, in eum itineris nostri tramirem, Deo Auspice incidimus, quī plurima, præeuntium perfectæ sanctitatis Viatorum, habet signanter expressa, omnimodæ Perfectionis vestigia: quibus, modò alacriter insistere velimus, facilè, citra erroris periculum, trito virtutis itinere, ad metam consummatæ Perfectionis, perveniemus, illud psallentis Prophetæ occinentes: *Cantabiles mihi erant justificationes tue, in loco peregrinationis mee.* Hoc est, ut alij exponunt: suaves & faciles virtutis viæ

Via Perfectionis Religiosæ Regia.

Habet eam felicitatem religiosæ Perfectionis via, planè Regia, quòd multis Sanctorum, trita sit vestigijs, ita ut ab illa nemo, (nisi mentis cæcitas adsit) exerrare possit. Quòd enim homines sæculo, & vanitati ejus dediti, in via vitiorum, spinis & dumetis obsita, exhaustis viribus, lassati errant: ut ipsimet sapien: s. suum errorem deplorant: *Erravimus, inquit, à via veritatis, lassati sumus in via iniquitatis & perditionis.* Et mox causam hujus sui erroris, ac lassitudinis adjungunt, dum ajunt: *Ambulavimus vias difficiles:* id ex eo provenit, quòd nulla, præeuntis vestigia cernant virtutis. Majori longè fruuntur felicitate, Religiosi Viatores, qui non humanæ tantum, sed Divinæ etiam virtutis, vident vestigia. Habemus enim propositum nobis exemplar, Authorem fidei & consummatorem, Salvatorem nostrum, qui, quò plura sanctitatis

Christus Dominus, perfectissimus vir, nobis exemplar

tatis suæ vestigia nobis reliquit: eò faciliorem viā,
nostræ Perfectionis reddidit, ita ut non gradatim
ire, sed effuso etiam passu, currere viam sanctitatis
possimus. Hunc Ducem & Antesignanum, hāc illu-
cescente Die, in ipso itineris ingressu, nobis com-
monstrat Fundator noster, ut ad ejus signa & castra
convolantes, eum in omnibus, quoad ejus fieri po-
terit, Divinā Gratiā aspirante, imitari & sequi veli-
mus, cū ipse vera sit via, quæ ducit ad vitam.

Porro quantum Salvator noster, omnes viæ
hujus difficultates nobis facilitavit, colligere non
difficiliter possumus, ex illo, digno observatione di-
scrimine, quod ipsemet, inter veterum Patriarcha-
rum, & Apostolorum labores interposuit, dicens:
*Alij laboraverunt, & vos in labores eorum introi-
vistis.* Ioan: 4 Equidem non capio, cur Æterna
Veritas, veteres Patriarchas simpliciter asserit la-
borasse, Apostolos verò dicit, non tam laborasse,
quàm potius in Patriarcharum labores introisse,
cū tamen Apostolorum labor, sine dubio major &
gravior fuerit, quàm Patriarcharum. Novimus
quidem Abraham, ad vocem vocantis Dei, de ter-
ra & cognatione sua exivisse: scimus tamen eun-
dem, in terra aliena, divitem vixisse. At verò Apo-
stoli, adeo pauperem, & vacuum omnium commo-
ditatum vitam duxerunt, ut quassatos etiam lem-
bos, & lacera retia, quorum usu, inopes sustenta-
rentur, ultro reliquerint. Fatemur Isaac, florentis
adhuc

*Apostoli, cur
minus Patri-
archis dicun-
tur, laborasse?*

adhuc ætatis Iuvenem, se in hostiam, & holocaustum Divinæ Majestati, prompto animo obtulisse: sed nec illud nos latere potest, eum præconceptū animo sacrificium, re ipsā non complexse, verū arietem, loco sui immolatum fuisse. Non sic Apostoli, qui semetipsos hostiam viventem, sanctam, Deo placentem, obtulerunt: dum Divini amoris succensi flammā, per multa tormentorum mortisq; genera, Deo in victimam cesserunt. Legimus Iacob, labores & æumnas suas, ita enumerantem. *Die ac noctu, urgebar aestu & gelu, fugiebatq; somnus ab oculis meis*: Gen: 31. Sed non ignoramus quoq; eum, hæc quæ memorat adversa, temporalis commodi gratiā, propter gregem, Rachelemq; suam, obfirmato in patientiam animo, tolerasse. Apostoli verò, solius Dei intuitu, tot persecutiones & exilia, tot verbera & flammās, tot cruces, cæteraq; tormentorum genera sustinuerunt. Ecceur tamen, soli Patriarchæ laborasse, Apostoli verò in eorum labores, introisse perhibentur? D. Chrysostomus Hō: 28. in Ioan: sumit hoc discrimen, à præsentia præmiorum. Nam veteres Patriarchæ, quodammodo seminando, Apostoli autem metendo, laborabant: sicut autem satio, longius abest à fructu, quàm messis, ita Patriarcharum labores longius aberant, à præmijs vitæ æternæ, quàm Apostolorum æumnæ. Labores igitur Patriarcharum, dueros ac difficiles, reddebat absentia præmiorum: at verò laboranti-

um Apo-

tium Apostolorum sudores, quamvis multò gravi-
ores & acerbiores fuerint, præsentia vicinæ merce-
dis leves, ac panè nullos faciebat: optima equidem
Aurei Doctoris ratio: sed nec illa, quæ in mentem
venit, fortè est contemnenda. Ideò Patriarcharum
labores graves & molestos fuisse, quòd sine exem-
plo Christi Domini, non dum cum illis pariter
laborantis, suscepti fuerint. Iam verò Apostolo-
rum labores, Christi præeuntis exemplum, leves
& svaves efficiebat. Verbo, non habebant veteres
Patriarchæ, laborantis Christi Domini, impressa
præ oculis vestigia, ideo duris obruebantur labori-
bus: at Apostoli, quia præeuntis Christi insitebāt
vestigijs, non tam laborare, quàm exultare videban-
tur.

161

*Dilata premij
merces, ardu-
um Patriar-
chis faciebat
virtutis iter.*

*Apostolis Chri-
sti, Domini e-
xemplum, fa-
cilia reddebāt
omnia.*

Quæ cum ita sint: nemo abhinc nostrum, su-
sceptos vitæ religiosæ labores, graves & difficiles
esse existimet: longè contentiosius laborantis Chri-
sti Domini exempla, veluti firmiter impressa vesti-
gia ob oculos habens: quibus, si alacriter insistere
velit, omnes suos labores leves, & dulces sentiet.
Quis enim ita cæcutiat, ut multa virtutum, à Sal-
vatore nostro impressa vestigia, non videat? Certè
D. Bonaventura de informatione Novitiorum par:
1. cap: 32 clarè nobis ea indigitat, & ad sequenda
invitat: *In omnibus inquit, virtutibus, & bonis
moribus, propone tibi semper clarissimum speculum,
& totius sanctitatis perfectissimum exemplar, sci-*

*Christus Do-
minus totius
sanctitatis cõ-
pendium.*

X

licet

licet vitam, & mores Filij Dei Domini nostri IESU
 Christi, qui ad hoc, nobis de celo missus est, ut ape-
 rirer nobis viam virtutum, & legem disciplinae,
 suo exemplo. Describe tibi in corde tuo, mores &
 actus ejus, quam humiliter se habuit inter homines,
 quam benignus inter discipulos, quam modestus in
 edendo & bibendo, quam liber a curis mundi, nec
 anxius pro corporis necessitatibus, quam verecundus
 in visu, quam patiens ad contumelias, quam mitis
 in responsis, quam compositus in omnibus gestis suis,
 quam sollicitus de animarum salute, Quomodo se
 praebeuit exemplum omnis boni. Quomodo omnem
 jactantiam, & singularitatis ostentationem declina-
 vit. Quomodo omnem gloriam, & potestatem, hujus
 mundi fugit. Et multa alia ipsius acta, tuae memoriae
 sint propinqua, ut in omnibus verbis, & factis tuis,
 semper ad hunc, quasi ad exemplar respicias. Quae
 omnia, ut percipimus, ideo Seraphicus Doctor, ad
 breve compendium redegit, quae Christus Domi-
 nus pluribus fecit, ut eum in omnibus facile, & sua-
 viter sequi, ac imitari possimus. Quod enim San-
 cti Apostoli, & eorum succedanei Martyres, & A-
 nachoretæ, totâ animi contentione, ad summum ab-
 solutæ virtutis culmen, per enses, ignes, cruces &
 necesse rapiebantur, & ubi crudelis tyrannorum de-
 erat sævities, semetipsos voluntariæ afflictionis, ex-
 quisitis cruciabant tormentis, & tamen in omni tri-
 bulatione, superabundabant gaudio. non alia id fi-
 ebat

ebat de causa, nisi quia ad eum alacrem virtutis cursum, præclaris Salvatoris sui, alliciebantur exemplis. Quis enim Christum Dominum, non solum viam Perfectionis ostendentem, sed etiam præeuntem non sequatur libenter?

Certè cælestis illa sponsa, quamvis nullâ remagis delectaretur, quàm præsentiam Dei Hominis, sibi arctè desponsati, nihilominus, ad eum ita loquitur: *Fuge dilecte mi, assimilare capræ hinnuloq; cervorum, super montes aromatum.* Cant: 8. Equidem ego minimè miror, piam hanc animam, cælestem sponsum suum, capræ hinnuloque cervorum, animantibus utiq; cursûs pernecitate præstantibus, assimilasse. Deo enim nihil velocius esse, & cogitari potest, siue cum multiplicibus gratiarum suarum donis, ad hominem festinato passu properet, siue eundem, per aversionem fugiendo deserat. Illud potiùs, admiratione defixus cogito: cur optima hæc anima, sponsum suum à se abire, & fugere postulat? quem totis desideriorum votis sollicitè quærebat, & inventum fortiter, ac constanter penes se retinere cupiebat, dum diceret: *Quasi viderem, inveni, & tenui, quem diligit anima mea.* Cant: 3. Nunc verò, utquid quæso, quasi eum repellens dicit? *Fuge dilecte mi, assimilare capræ hinnuloq; cervorum.* Credo non postulasse sponsam, ut suus à se sponsus, de terra abiret, & ex oculis evanesceret, sed ut cum eo, sanctitatis semitâ, cælum

Anima si
vult se spon-
sum abire, ut
ejus insistas
vestigis.

ingrederetur quia enim, sine Ducis hujus exemplo & ductu, difficilem, arduamq; viam sanctimonix attentare non audebat, proinde ut ipse præiret, postulabat: certa sequi, & imitari, quem suo exemplo præeuntem videret. Ita mihi hunc locum videtur exposuisse D. Ambrosius lib: de bono mortis, cap: 5 *Hortatur*, inquit: *ut fugiat sponsus, quia jam sequi poterat, etiam ipsa, terrena fugientem.* Cupiebat nimirum sponsa hæc, nondum à terrenis cupiditatibus avulsa, videre sponsum, ab iisdem mundi illicitijs, ad cælestia properantem, ut & ipsa, illius excitata exemplo, à sua se segnicie & tepore promptius expediret, & deserentem terrena, caprà velocius sequeretur. Postulat igitur, ut ille fugiat, quò & ipsa, ejus imitata exemplum, alacrior subsequatur.

*Sancti, Christi
Domini, se-
quuntur ve-
stigia*

Quis satis recenseat felices, illas animas? quæ post vestigia Cælestis Sponsi hujus, festinato currebant. Non commemoro, plurima sanctorum Martyrum agmina, & Anachoretarum cætus, quos ad concitatum virtutis cursum, præeuntis Ducis ac Salvatoris sui excitarunt vestigia. Prætereo plurima religiosorum claustra, & in eis perfectæ virtutis Cænobitas, Christi Domini vestigijs festinato passu insistentes. Domesticiis Patrum nostrorum moveor magis exemplis: qui non solum eundem Ducem & Imperatorem suum, ad ardua quæque ponere sunt secuti, sed nostros etiam, segnes licet animos, ad sequen-

sequenda Christi vestigia, suis excitant trahuntq;
 exemplis. Quid mirum, (sacris si licet miscere
 profana) Themistoclem Miltiadis trophæis à so-
 mno excitari solitum? & ad Magni Alexandri glo-
 riosè gesta, Romanum Cæsarem ingemuisse? quan-
 do Divus quoq; Gregorius Nazianzenus, de Magni
 Basilij lucubrationibus disputans, ait: *Quoties ego
 Martyrum encomia lego, corpus aspernor, & cum
 ijs, qui laudibus effruntur, animo versor, atq; ad
 agonem excitor.*

Quod si ille, externis & alienis provocabatur?
 quanto magis nos domesticis, par est, excitari exē-
 plis, quæ & multa, & heroica habemus. Incurrit in
 primis in oculos, ipse noster Ductor S. Pater IGNA-
 TIVS, qui, quàm proximè Christi Domini insiste-
 bat vestigijs, patet utique, ex illa Summarij Regula e-
 jus undecima, in qua, quidquid nobis sollicitè cō-
 mendavit, omnia hæc (ex sensu & testimonio eo-
 rum, qui oculati spectatores vitæ ejus fuerunt) in se
 ad amissim expressit: dum ab omnibus, quæ mundus
 amat & amplectitur, omnino, & non ex parte, ab-
 horrebat, & quidquid Christus Dominus noster a-
 mavit & amplexus est, totis id viribus admittebat,
 & concupiscebat: eò quòd exoptaret, imitari Sal-
 vatorem suum Christum Dominum, eiq; in omni-
 bus assimilari Quis sufficienter referat? quantum
 ille Christi Domini, in specu Bethleemitica nati,
 pauperiem, mundi contemptum, abnegationem
 sui,

S. P. Ignati-
 us Christum
 D. imitaba-
 tur perfectissi-
 me.

sui, cæterasq; majores omni encomio virtutis, in illa manresana caverna, quam nascentis sui spiritûs, cunas appellabat, sit imitatus. Quis numeret suscepta ab eo in Palæstinam, cæterasq; mundi plagas, itinera, & continuatas inediâ vias: ut taceam dies noctesq; totas, sacræ precatiōi, rerumq; Divinarum, extaticæ contemplationi impensas.

Primi Societatis IESU Patres, exacte Christi insistentis vestigia.

Quid dicam de illis decem Patribus nostris, omni ope ac studio, ejusdem Christi Domini vestigia prementibus. Palam id faciunt, illa itinera difficillima, in cultura populorum, per horridas rupes, & perpetuis nivibus obsitas Alpes, per desertas & pestilenti aurâ infestas regiones, indefessi labores, in tradendis per fora & plateas, rusticanæ plebi, Religionis Christianæ capitibus. Conijciamus deinde oculos, in veteres recentesq; Missionariorum nostrorum Apostolicos labores, qui etiamnum, rigidas nivibus regiones percurrant, stramentis indormiunt, ciborum vilissima tenuitate, inediâ sustentant: post enavigata, immensa marium spatia, Aquilonis ac frigidioris ursæ gelu, multasq; alias ærumnas, malè tecti, hilariter patiuntur. Videamus & illos, qui intra religiosos Domorum, ac Collegiorum parietes, consummatâ virtute claruerunt, quàm illi, ad Iudæ usq; pedes affusi, humiles, quàm in oratione, ferventes, ac visibili etiam lumine illustres, aut à terra sublimes reperiuntur? ita religiosæ paupertati affecti, ut eam Matris locò habeant, ac diligant,

ligant, adeo ut eam, ne unius quidem chartæ aut calami, absq; permissu usurpatione, contristare velint. Recreant mentis oculum, in carne, non secundum carnem viventes, pares, immo majores Angelis, homines, quibus illibati pudoris candor, nullo unquam fuit affectus nævo. Quodsi obedientiam requiris? nullibi certè plura, & perfectiora ejus documenta, quàm in tua religione reperies. Vbi tot Deo dignas victimas, quot obedientiæ immortalis, recensemus Heroes: quorum multi, non tantùm omnes vitæ suæ actiones, ad suorum Præpositorum nutum, conformarunt, sed mori etiam, non nisi ex obedientiæ imperio voluerunt. Destituor tempore, ut tantùm innuam, eos qui in hoc religionis nostræ agone, sui abnegatione, continuâ in rebus omnibus mortificatione, ardenti animarum zelo, cæterisq; innumeris planè virtutum ausibus, hâc, quâ ingredimur viâ, nos præverunt, ut eorum, prompti & alacres sequamur vestigia. Si enim omnibus, magna inest vis exemplis, multò magis debet ijs inesse, quæ parentes filiis, & plurima, & pulcherrima reliquerunt: ita ut vulgò probro habeatur, majorum non respondisse virtuti. Hoc considerabat, ille vir magni spiritûs, quo tunc, cùm viveret, sanctiorem militans Ecclesia, teste Dei arcanorum conficia S. Theresia, non habebat, P. Balthasar Alvarez, qui tirones suos, quos erudiebat, ita in via Perfectionis, ad currendum excitabat: *Eja fratres non de genere-*

*Domestici
magna bis ex-
empli.*

generemus ab excelsis Filiorum Dei cogitationibus, & præclare factis, ne degeneres filij, a gloriosis maioribus nostris habeamur.

*S. Augustinus
urget ad san-
ctitatem ex-
plis.*

Quæ dum cogitamus, & mentis nostræ oculis subiicimus, difficilem & arduam Perfectionis viam, dicere haud possumus: quâ non solum Salvator noster præivit, & iter sequentibus se, patefecit: sed majores etiam nostri, homines utiq; passibiles, nobisq; per omnia similes, præclaris & heroicis gestis suis, iter hoc facilitarunt, tot in eo virtutum impressis vestigijs, quibus si magno, & alacri animo insista-
mur, facile & expeditum iter Perfectionis experie-
mur. Addit currentibus stimulum, pigritantes ve-
rò rubore suffundit S. Augustinus, dum Patres Fra-
tresq; nostros, hoc virtutis iter feliciter emensos, digito demonstrans, unumquemq; nostrum affatus, ait: *Potuerunt hi, tu non poteris?* Quasi dicat, trahunt te, & alliciunt currentem, ad festinandum, deficientem verò suffundunt, & instigant rubore, præclara Patrum tuorum, Christi vestigia conse-
ctantium exempla, quos si totâ virium contentione, insequi omnes voluerimus, facile arreptam Perfe-
ctionis viam, hâc etiam alterâ, consequendis virtu-
tibus dicatâ Die, Christo Domino Prodomo, & Auspice, ad destinatam virtutis metam, atq; Æter-
næ Beatitudinis bravium, alacri animo, & pede in-
offenso, prosperè decurremus.

ALLO.

ALLOCUTIO II.

169

Humilitas solidum est, & necessarium, virtutis & scientiæ fundamentum.

DVcis ac Salvatoris nostri, nec non sequacium commilitonum ejus, heroicis vestigijs signatum iter, nuper ingressi: in primo viæ hujus aditu, declivem, qua eundum est, videor mihi videre vallem, in quam dum oculos conijcio, suaveolentibus violis, & parvulorum vestigijs plenam adverto, tum ex utroq; indicio, viam esse Humilitatis agnosco. Quid enim humi serpens cerulea violarum venustas, & fragrantia, nisi Humilitatis gratiam, & suavitatem, refert ac redolet? Parvulorum verò, dum gregatim impressa cerno vestigia, illud in eis, lego Evangelicum: *Nisi efficiamini sicut parvuli, non intrabitis in regnum celorum.* Porro per parvulos, humiles eò loci designari, nemo est, qui dubitet, sacri textûs utcunq; gnarus. Et meritò quidem, Dux & Antesignanus Humilitatis, Christus Dominus, inprimis sequaces suos, in hanc submissionis educit convallem. Nihil enim, quanquam omnibus Christianis, magis tamen Reli-

*Humilitatis
semita violis,
& parvulorū
vestigijs plena*

Y

giosis,

giosis, maximè verò Societatis nostræ hominibus, æquè necessarium est, atq; perfectæ Humilitatis consecutio: ut proinde mirum non sit, eam tam in Evangelico Codice, quàm in legum nostrarum Constitutionibus, frequentissimè commendari. Placebit non dubito, alacri animo, hanc submissionis viam inire, quam humana carne, accinctus Viator Deus, frequentibus trivit, & monstravit documentis: & S. Pater, nobis plurimùm verbis, ac exemplis commendavit. Addet, credo currentibus stimulum, accuratiùs in præsens consideranda, ejusdem submissionis necessitas.

Humilitas, ad salutem æternam, omnino requiritur.

Scio equidèm antiquis sapientibus, eam, quam ingredimur Humilitatis viam, aut incognitam, aut planè invisam fuisse: unde in censu aliarum virtutum, ne locum quidem, apud eos invenire potuit. Christianis certè temporibus, ita caput extulit, & in sua vilitate refulsit, ut ad consequendam æternæ felicitatis beatitudinem, sit omnino requisita. Unde aliquæ virtutum, ad meliùs tantùm, & commodius esse, nostræ famulantur saluti, Humilitas planè de necessitate mediij, ad æternam requiritur felicitatem. Neq; enim aliter humanæ mentes, quæ corruptæ naturæ vitio, in gigantæam excrescunt tumoris proceritatem, arctam viam, & angustam beatæ felicitatis portam, intrare possunt, nisi in pusillorum decrescant parvitatem: uti *Æternam* humana in carne Veritatem, perhibuisse jam
audi-

audivimus. Hoc infallibile veritatis dogma, profundius rimabatur D. Bernardus, cum dicere auderet: Ne Sanctissimæ quidem Dei Genitricis MARIÆ, quamvis cæteris virtutibus cumulatam virginitatē, absq; Humilitate, Divo gustui placere potuisse. Et quamvis, indubitatē omnibus Christi fidelibus, sit Humilitas, ad æternam salutem unicē necessaria, nobis tamen, qui ad Salvatoris nostri vexillum, sanctissimo Nomine ejus insignitum, convolvavimus, longē major, præ alijs, ejusdem humilitatis incumbit necessitas. Cum enim Divinā luce, illustratus S. Pater noster IGNATIVS, homines religionis suæ, perfectæ virtutis, & non trivialis scientiæ, esse voluerit, ex hoc duplici capite, humilitatem nobis plurimum esse necessariam iudicavit. Siquidem nec perfectæ virtutis consistere, nec solida scientia, gressum figere, absq; Humilitate potest.

Societatis hominibus, humilitas maxime necessaria

Quod ad virtutis perfectionem attinet, eam, sine Humilitatis præsidio, haberi non posse, pia illa, in Canticis Salomonis, Anima, quod ipsa experimento didicit, nos quoq; edocuit. Ad altissimum illa contendebat Perfectionis gradum, jamq; Divino amore langvere cupiebat, dum ardentiore correpta æstu, diceret: *Indica mihi, ubi pascas? ubi cubes, in meridie!* Ardens omnino erat istud desiderium, quod non in frigido septentrione, non in remissione ortus, aut occasus calore, sed in ferventi meridie, locum sibi & stationem designabat. Cæterum dum

Perfectæ virtutem, absq; humilitate, non posse subsistere documento est, pia in Canticis anima.

illa alta petit, & ad sublimem æstuat sanctitatem, Cælestis Sponsus, ad Humilitatis eam remittit semitam, & ad vile pastorij muneris obsequium ablegat, dum ait: *Egredere, & abi, post vestigia gregum tuorum.* Quasi diceret: tu quidem de sublimi consummatæ Perfectionis termino cogitas, sed à via aberras: si summa petis? ima prius appete, si Beatarum Mentium choris, per tuam contemplationem interesse desideras? prius inter viles verferis pecudes. Hoc idem erat iudicium, de ea, D. Bernardi ser: 38. in Cantica dicentis: *Reprimenda censetur, propter præsumptionem, & suâ ipsius commonenda cognitione, in qua visa est aliquatenus caligare, quæ tantâ se, æstimavit dignam visione.* Et profectò optimè gnarus viarum Perfectionis, piam hanc Animam, instruit S. Abbas, eidemq; vitio vertit, quòd non prius, in Humilitatis functionibus sese exercuerit, sed statim ad supremum sanctitatis culmen evolare voluerit. Unde meritò à sponso reprehensam, & ad brutorum animantium, sequenda vestigia ablegatam esse asserit: ut inter ea, nativæ vilitatis suæ, quam cum pecudibus, magna ex parte, habeat communem, admonita, Humilitatis semitâ, ad Perfectionis tenderet sublimitatem.

S. P. Ignatius, humilitatem plurimū nobis commendavit. verbis & exemplis.

Hanc consummatæ sanctitatis viam, S. Pater noster, cum optimè calleret, plurimū eam nobis commendavit, maximè Par: 6. cap. 2. § 16. ubi disertè ait: *In omnibus humilitatis, ac submissionis ra-*

tio habeatur. Et parte 3. cap: 5 ita loquitur: Ma-
gnopere confert, quoad fieri poterit, ea munera objre,
in quibus magis exercetur humilitas. Vnde & Ter-
tiam nostrorum Probationem, scholam Humilita-
tis, & abnegationis sæpius appellavit. Non alio fine,
nisi quòd certò sibi compertum esset, ad eam, quam
nobis, in suis Constitutionibus, injunxit Perfectionis
sublimitatem, perveniri non possit, nisi Humilitatis &
abnegationis semitâ. Quod non solis tantùm ver-
bis, plurimùm commendavit, sed exemplis etiam præ-
ivit: ita enim IGNATIVM, totum in sua jura rede-
gerat Humilitas, ut dictis, factis, animi sensibus, per
suas eum artes, continuò exerceret: quod vitam e-
jus diligenter inspicientibus, liquidò constat. Ex eo
inprimis ille, quo in Humilitatem ferebatur affectu,
omnibus dignitatibus, aditum in Societate, summâ
quadam contentatione obstruxit: ac ne labefactari
posset, voti religione firmavit, summum in ea Re-
publica, quam ipse condiderat, Magistratum, alie-
no jussu invitus, vix tandem suscepit, & ne se illo
iterum abdicaret, summa sociorum contentio, agrè
demum effecit. Pauperum greges adamavit, quo-
rum viles casas, libentiùs quàm illustres Principum
aulas visitabat. Ab adolescentibus se moneri susti-
nebat, vilia domi obsequia obibat, foris rudes, Chri-
stianis elementis, jam in Societate Generalis imbu-
ebat, se omnium mortalium deterrimum, quòd do-
na Dei plura corrumperet, sæpius profitebatur, o-
ptabat

ptabat vehementer, ut post mortem, absq; ullo sepulturæ, ac tumuli honore, in fimentum abijceretur. Multis precibus impetravit à Deo, ut Iacobus Eugia, suæ conscientia & arcanorum gnarus, & confessorius, sibi præmoreretur, ne admiranda Dei dona, de se divulgaret, quod se facturum pollicebatur, si vel unicâ vitæ horâ, sibi post fata S. Patris superesset. Supremam mortis horam sibi divinitus cognitam, ne quæ inde gloriola confurgeret, constatissimè, dicere coram alijs dissimulavit, verbo, nullū fuit humilitatis genus, in quo se excellens virtus ejus, strenuè non exerceret.

Iacobus Laynes, & Franciscus Borgia, & Claudius Aquaviva, Nuntius Baretto, Andreas Obiedo, Fabius de Fabijs, multū humilitati additi.

Non degeneres à Patre filij numero plurimi, virtute insignes, Humilitate admirandi fuerunt, illi inprimis, qui in totius Societatis regimen, S. Fundatori succedebant. Primus certè successor ejus Iacobus Laynes, eâ animi submissione claruit, ut primas quasq; Infulas & Purpuras, quas ei fama sanctitatis, & doctrina conciliabat, sæpius repudiaverit, immo etiam maximæ, summi Pontificatus Tiaræ, caput ultro subtraxit. Nihil de tertio, B. Patris successore, S. Francisco Borgia dicam: palam enim est, eum in omnibus dictis factisq; suis continuam ad stuporem usq;, spirasse Humilitatem. Non minus certè Humilitatis specimen, edidit, & illè invicti semper animi, Societatis nostræ Generalis, Claudius Aquaviva, qui cum summum Christi Vicarium, Clementem ejus nominis Pontificem Octavum

Octavum

ctivum, de suâ, ad sacras dignitates evectione, serio consilia agitare intelligeret, ita eum res ea perculit, ut tum primum Claudium, quem propter incredibilem, quæ in eo semper viguit, animi magnitudinem, nulla unquam fortunæ fregerat iniquitas, pavidum, maestum, ac vix sui compotem, præ timore, viderent socij. Cæterum, in hac etiam animi perturbatione, ita omnem movit lapidem, donec innumeris votis, sacrificijs, supplicijs, cæterisque humanis, ac Divinis industrijs, imminentem turbinem disturbaret. Similis animi demissio, relucebat & in illis duobus, magis humilitate, quam honore illustribus, Æthiopix Patriarchis, Nunnio Baretto, & Andrea Oviedo, qui suarum Insularum dignitatem, de itâ veste ac pallio tegere, ægros adire, ac solari, vilissimæ turbæ ac mancipijs aures patientissimas dare, pedes hospitibus abluere, ad eamque rem, aquam è publico fonte, humeris subvectare, gloriosissimum ducebant. Accensendus his est, non minus animi demissione, quam vetusto Fabiorum sanguine, illustris, Pater Fabius de Fabijs: Hic post administratas, visitatasque plures Provincias, Vicarius Generalis Præpositus, dum Romæ in Domo Professæ degeret, venientes excipiebat hospites, non tantum humanissimè, verum etiam, in eam modestiam, compositus, ut qui pusillo corpore, & specie minus esset liberali, pro domestici operis, adiutore, ab ijs qui ignorabant hominem, sæpè habitus, o-

creas & viatorias vestes, ut detergeret, & mundraret, non semel rogatus, libentissimè eam operam hospitibus navabat: qui de viri nobilitate, ac dignitate moniti, veniam illico suæ ignorantiae, cum rubore, ac tantæ virtutis admiratione, petebant. Idem cum tironibus, in Quirinali ad D. Andreæ Magister præfesset, Clementem Octavum, dum quadam die, in domesticos hortos, humanissimè divertentem, singulari quadam modestiâ excepisset, atq; sedenti adesset, interrogatus, an adhuc esset in Societate Fabius de Fabijs, olim sibi adolescens cognitus (neq; enim eum, post tantum ævi, & curarum, agnoverat Pontifex) respondit ille brevissimè: eum superesse: ubinam degeret? rursus interrogante Pontifice: Romæ dixit: ac demum, non ante se indicavit, quàm ulteriori interrogationum indagine, coactus, ulterius tergiversari, ac se occultare non posset. Admiratus Pontifex hominis modestiam, illud secum reputabat, quòd quantum alij, laboris ac industriæ impendunt, ut viris innotescant Principibus, tantum ille oblatam, innotescendi ejusmodi occasionem, repudiavit.

*P. Bernardi
Colnagi, & P.
Thomæ San-
chez, præcla-
ra humilita-
tis documenta.*

Præclarum, & illud humilitatis specimen fuit, quod præbuit P. Bernardus Colnagus: hic cum Neapoli, Theologiam, summo cum plausu profiteretur, magnum aliquid, ad deijciendam opprimendamq; hominum de se opinionem, jam dudum meditabatur: stetit sententia, vires, experiri, atq; audere.

derè. Itaq; Rectorem adit, rogatq; ut bonâ illius
 veniâ, liceret sibi, sine pallio, tunicâ obsoleta, arcâ
 onustum, per urbem otiosè obambulare. Annuen-
 te postulatis Rectore, quanquam propriæ æstima-
 tionis, obmurmuraret amor, strenuè tamen egredi-
 tur, dejectisq; oculis, celeberrimas urbis vias, inter
 puerorum sibilos, amicorumq;, quos obvios, non
 paucos habuit, ancipitem admirationem, ac du-
 bia iudicia colloquentium: nam alij mente motâ
 insanire, alij sceleris alicuius pœnas dare suspica-
 bantur: pauci, sagaci conjecturâ, rem assequebantur.
 Egregius sui victor, lento ac suspensio gradu pera-
 grat, ac humilitati præclarè operatus, domum re-
 vertit. Prætereo innumera propè, ejusmodi homi-
 num Religionis nostræ, Humilitatis documenta.
 Insignem Theologiæ Professore, sed celebriorem
 adhuc Humilitatis Doctorem, P. Thomam Sanchez,
 tacitus præterire nequeo. Excusaverat ille, nescio
 quam levissimam suam, apud Rectorem, culpam:
 cujus facti, tanta eum pœnitentia cepit, ut datis ad
 Provinciam literis, in quibus reum se aiebat, &
 vehementissimè accusabat, redigi in ordinem, atque
 iterum cum tironibus exerceri, postulaverit, quod
 & obtinuit: tantumq; ex illa, inter Novitios, exerci-
 tatione profecit, ut unoquoq; triennio, illuc reverti
 unicè desideraret, Vita me, non dies deficeret, si

in similibus Humilitatis, hominum Societatis nostræ, relegendis vestigijs, diutius immorari vellem: quam vel eo nomine, minimam meritò appellari adverto, quòd proprium decus, vendicet sibi Humilitatem. Vnde nec miror, admirandæ virtutis, quos recensui, aliosq; propè innumeros, in ea viros, summam & constantem sanctitatis Perfectionem attingisse: siquidem nemo adhuc, ad consummatæ Perfectionis culmen pervenit, qui priùs Humilitatis semitam sedulò non trivit. Veluti enim, ad summa præalti montis cacumina, non aliter, nisi per declivia, & inferiores ejusdem collis radices itur: ita perfectæ sanctitatis celsitudinem, nemo unquam mortalium consecutus est, qui priùs declivi Humilitatis, non perrexerit viâ. Cum ergo, perfectarum ac solidarum virtutum consecutionem, nostra à nobis requirat vocatio, consequens est, hâc nos, vestigijs Patrum nostrorum, tritâ Humilitatis semitâ, ad eam, totis viribus cõnniti debere.

*Scientiam
absq; solido
Humilitatis fû
damento non
posse subsistere,
p. atuit in Pau
lo Apostolo.*

Verùm, non solum imposita nobis Perfectionis obligatio, magna indiget Humanitate, sed in omnibus etiam scientijs eruditio, & doctrina non vulgaris, quam à nobis nostrum exigit Institutum, aliter consistere nequit, nisi profunda solidetur Humilitate. Cum enim, (ut ait Apostolus) scientia inflat, & extollat, nisi Humilitatis pondere deprimatur, in immensum excresceret tumorem. Vnde & ipse sublimis (quâ consecutus est) scientiæ, profundum

dum humilitatis posuit fundamentum : antequam enim in cælesti Academia, Doctor Gentium inaugu-
raretur, prima ejus, quâ pollebat sapientiæ rudimē-
ta, posuisse se testatur, ad pedes Gamalielis, ad quos
humiliter abjectus, legem ediscebat: ut advertit lib:
5 Comment in Reg: cap: 15. S. Gregorius Papa:
*Paulus, inquit, Vas electionis, ante, ad Gamalielis pe-
des instruitur, quam rapiatur in paradysum, vel ad
cæli tertij altitudinem sublevetur. Et ideo fortas-
se, per doctrinam, alijs Apostolis excellit. Quasi dice-
ret. Nemo miretur Apostolum Paulum, summam
Doctoralis sapientiæ attigisse sublimitatem, cui tam
profunda Humilitas, ad pedes Gamalielis, posuit
fundamenta: siquidem, prius se, sui eruditoris pedi-
bus depressum, quàm ad Doctoralem exedram, as-
ferit esse sublevatum. Hoc profundius considera-
bat, & S. noster Fundator, qui Constit: par: 1. §.
27. Humilitatem, omnium scientiarum, vult esse
basim & fundamentum. Hinc illa, præsertim lite-
ris operam navantibus, ac eorum studia emensis, u-
sitata, in Societatem invexit Humilitatis exercitia:
centonibus indui, mensæ reliquijs pasci, palam ar-
gui, domum scopis everrere, ollas & scutellas ablu-
ere, xenodochijs inservire, stipem emendicare, Chri-
stianis rudimentis rudes, & pueros imbuere, victu
emendicato peregrinari, multaq; alia, his similia,
abnegationis inventa, plurimum commendavit. Cer-
tè non alio fine, nisi ut inflati literarum eruditione*

*Basim scienti-
arum, posuit
Humilitatem
S.P. Ignatius*

spiritus, vilibus & abiectis munijs detumescant.

Magnificis ædibus, & illustri palatio, quod sibi in sacro textu ædificavit, similem ego, meritò dixerim sapientiam, quæ nisi solido Humilitatis innitatur fundamento, brevi eam collabi, ac ruere oportebit. Quod unquam, perfectioris sapientiæ capitiis, extitit subjectum? illo immortalium spirituum Principe? quem Ezechiel, plenum sapientiâ & perfectum decore, fuisse attestatur: quia tamen iste sapientissimus Intelligentiarum spiritus, eam, quâ pollebat scientiam, non in submissionis convalle, sed in excelso cuiusdam elationis monte, collocatam esse volebat, ideò miserè lapsus, cecidit, cum sua sapientia in ruinam: ut supra tristem eius casum, admirabundus exclamare debuerit, idem Propheta: *Elevatum est cor tuum, perdidisti sapientiam.* Neq; verò, solus iste immortalis spiritus Humilitate destitutus, se, & suam in exitium præcipitavit sapientiam: non infrequentes, etiam inter mortales, sunt eiusmodi casus, & ruinæ. Quid enim, illa ingenii & eruditionis portenta, Salomones, Tertulianos, Origenes, Ochinos, in gravium errorum abyssum, præcipitavit? nisi summa scientia, Humilitatis destituta fundamento.

Plenus sapiē-
tiâ Lucifer ca-
elo excidit, Hu-
militate desti-
tutus.

Defectus Hu-
militatis, mul-
tis in societa-
te nostrâ, ex-
stitit causa ru-
inæ.

Sed quid ego, inter immortales spiritus, cæliq; spatia oberro? & è vetustioris recordationis memoriâ, sepulta eruo nomina? cum in nostræ etiam Religionis cætu, similes non rarò audivimus, & hisce ocu-

ſce oculis vidimus caſus: plurima enim, etiam è medio noſtri, omni eruditione inſtructa, & perpolitata ingenia, in mundanæ vanitatis lubrico, miſerè collapſa, corruerunt: quia ſolido Humilitatis fundamento, infelices ſcioli caruerunt. Nobis, ne æquè infelix contingat unquam ruina, in Humilitatis ſtudium omni ope, ac conatu incumbendum eſt: Prout in illud incubuit Theologicæ eruditionis lumen P. Franciſcus Suarez. Rogatus ille olim ab amico, quemnam Deo, ob beneficiorum magnitudinem, obſtrictum magis cenſeret? Philippumne Hiſpaniarum Regem, cuius imperio, tot & tam amplas regiones, Deus ſubiecit? an ſe? cui Chriſtianæ ſapientiæ regnum, liberaliter contulit: ad quæſitum iſtud, deſectis Pater humi oculis, ingratham ſibi eam interrogationem ſentiens, ita reſpondit: Ego verò eum, plura à Deo accepiffe, & plus eidem obſtrictum eſſe, arbitror, cui Deus & ſui cognitionem ampliorum, & animi modeſtiam contulit maiorem. Dignum proſectò, tanto viro reſponſum, quod Humilitatem, regnis & ſcientijs, præponendam eſſe docuit.

*P. Franciſcus
Soarez, Hu-
militatem,
præpoſuit ſa-
pientiæ, &
regnis.*

Pluribus, & adhuc illuſtrioribus Humilitatis documentis, ſilentio prætermiſſis, Divino magis quàm humano, propiori oraculo, eruditione, ſanctitate, inprimis autem Humilitate, inſignis, & toto orbe cōſpiciui, Sancti noſtri Indiarum Apoſtoli Xaverij, rem totam conſigno. Aſebat ille (ut ſcribit Turſelinus)

nemi-

S. Xaverius,
dicebat nemi-
nē in societa-
te posse perse-
verare absq̃
Humilitate.

neminem germanum posse esse Societatis alumnū,
nisi contemptorem sui, & de se suisq̃ rebus abjectē,
& demissē sentientem Vnde ex eo, quo spirabat
tотus, Humilitatis affectu, frequenter exclamabat.
*O arrogantia, quantum tu obes & contrariaris insti-
tuto ac Perfectioni Societatis IESU! quanto pere pi-
js ac salutaribus sociorum conatibus ad versaris!* quo
quidem iudicio suo, vir quo sanctiorem, vix unquā
conspexit orbis, manifestē declaravit: duo hæc, In-
stituto Societatis propria & unicē requisita adju-
menta, virtutem & scientiam, sine Humilitatis præ-
sidio, vigere ac subsistere nullā ratione posse. Quæ
cū ita sint, quis nostrum altum sapere, quis altas
de se, suisq̃ talentis, & eruditione cogitationes ale-
re, quis speciosa in Religione munia, desiderare, aut
quærere audebit? Immo si rectē sapit, Salvatoris
sui Humilitatem, doctrinā & exemplo profitentis,
nec non Patrum suorum, abnegationis vestigia imi-
tatus, eliget in Domo Dei esse abjectus.

ALLOCUTIO III.

*Oratio, Religiosæ Perfectionis,
alimentum est.*

Nemo unquam Viator, longum & arduum
iter, absq̃ sufficientis alimonix viatico, fir-
mus ac

*Oratio animæ
cibus est, iux-
ta S Hiero-
nymum.*

mus ac vegetus diu peregit. Adsit sanè animus, ad currendam viam promptus & alacer, sint pares itineri vires, brevi tamen illæ concident, & languescent, si requisito destituantur alimento. Idem omnino eveniet eis, quod olim contigit, illi, Salvatorem suum sequaci turbæ, de qua per cognitionem prævisionis, Divina in carne Veritas assererat: *Deficient in via, quia non habent quod manducent.* Mar: 8. Neque verò, sola corpora, ad subeundos viæ labores, victualibus confortantur: sed suas etiam animas, viatores illi, qui Perfectionis iter gradiuntur, escis spiritualibus alere, ac roborare debent. Siquidem, *non in solo pane vivit homo, sed in omni verbo, quod procedit de ore Dei,* Matth: 4. Porro inter multa spiritualis annonæ, ad nutriendam animam idonea alimenta, studium Orationis, & frequens rerum Divinarum meditatio, recenseri debet. Hoc sanè contemplabatur maximus Ecclesiæ Doctor S. Hieronymus, dum Orationis usum, *necessarium animæ alimentum*, sæpius appellaret. Et reverà ita esse, quotidiano compertum habemus experimento. Vnde, ut nos quoq;, istud quod agimus Perfectionis iter, seriò & festinanter decurramus, necesse est, ut animas nostras, frequenti Orationis usu reficiamus. Quod nos libenter, ac etiam suaviter spero facturos, postquam spiritualis alimonix hujus, ad reficiendas animarum vires, perquam opportunæ, necessitatem & utilitatem, serià consideratione degustaverimus. Congruè

Uti, corpus,
ab alimentis;
ita anima ab
oratione ro-
bur virescit, su-
mit.

Congruè satis, non tantùm eruditissimi Do-
ctoris Hieronymi sensu, & auctoritate, sed omnium,
Ascetici itineris peritorum iudicio, & experienci-
â edocemur, Orationis studium, & meditationis u-
sum, animarum nostrarum, quotidianum debere
esse alimentum. Veluti enim illud, in quo vivimus
corpus, omnem suum vigorem, & augmentum, ro-
bur & vitam, sumit ab eo, quo nutritur alimento:
ita animam in spirituali vita, Orationis usus, vege-
tat, augmentat, & corroborat: ut suis operationi-
bus, commodè ac vivaciter fungi possit: ita, ut pia-
rerum Divinarum meditatio, meritò dici possit, *Pa-
nis, cor hominis confirmans*, siquidem, omnis sancti-
tatis profectum & incrementum, viri Perfectioni
addicti, non aliunde desumunt, nisi à frequenti &
ferventi Orationis usu: cujus studium, in quocunq;
feruet affectu, multas ibi, necesse est, vigere virtutes.
Vnde ille solum, ad decurrendam Perfectionis vi-
am, aptus & idoneus est, qui se Orationis pabulo,
sæpè reficit ac corroborat. E contra verò, si hoc
negligat alimentum, brevi in via Perfectionis langve-
scet, ac deficiet: non secus ac corpus nostrum, si de-
bito sibi destituatur cibo, illico langvet, marcescit,
viribus concidit, ac etiam diuturna fame enectum,
vivere desinit. Ita & animam, nisi frequenti Orati-
onis alimoniâ reficiamus, non solum in profectu
lassescere, sed emori etiam, ac fame perire facile
efficiemus. Hanc, non solum corporis, sed animæ e-
tiam

tiam suæ inedia. incusans, confitebatur ingratus ille domûs Paternæ desertor, dum acerbè conquereretur: *Quanti mercenarij in domo Patris mei abundant panibus, ego autem h'c fame pereor.* Quam quidem, hominis inediâ consumpti querimoniam, non solum de corporalis cibi, sed etiam de spiritualis alimonix defectu, intelligunt Sacri Interpretes.

Rei, quam assero, Elias Propheta luculentum exhibet documentum. Longum ille & arduum, metu impellente, iter iniverat, dum exardescentis faminae, furorem devitans, fugeret: ecce verò in ipso itineris cursu, igneus ille Vates, sub unius arboris umbra prostratus, semianimis mortem operitur: non ob aliam causam, nisi quod fessas ex itinere vires, nullo posset reficere cibo, omni destitutus alimento. Quod dum agitur, miseratus, fame & viribus deficientis, Angelus, languentem excitat, & animat, panemq; porrigens, ait: *surge, comede, grandis enim tibi via restat.* 3 Reg. 19. Refecit pane subcinericio, languidas Propheta famelicus vires, statimq; sensit, præstò sibi robur & animum, ad iter continuandum adesse: ait namq; sacer textus de eo: *Qui cum surrexisset, comedit, & ambulavit in fortitudine cibi illius, quadraginta diebus, & quadraginta noctibus, usq; ad montem Dei Horeb.* Quod ferventissimo Prophetæ huic, semel contigit, hoc religiosi maxime hominibus, usu venire solet. Fugimus omnes, veluti alteram Iezabel, effervescentem

Elias cibo destitutus, prostratus languet.

*Religiosi, in-
flar Elias, ora-
tionis alimen-
to destituti,
deficiunt in vi-
a Perfectionis,
ex mente S.
Chrysostomi,
& D. Thomæ*

tem mundanæ vanitatis cupiditatem, agimus con-
tinuum, ad montem Religiosæ Perfectionis iter. Sed
contingit plerumq; non paucos langvere, ac etiam
viribus, in hac via deficere: non aliam ob causam,
nisi quòd misera & famelica anima, suo destitua-
tur alimento. Porro ex mente S. Hieronymi &
multorum experimento, præcipuus animæ cibus,
Orationis usus est: quem ille subcinericius Prophe-
tæ panis, benè adumbrat. Quid enim aliud agit,
pænitens præfertim anima, quando sua, in ferventi
Oratione deprecatur delicta, nisi cum Regio Vate,
cinerem tanquam panem manducat. Vnde quem-
admodum Propheta Elias, inediâ confectus, mor-
tem operiebatur, at verò subcinericio pane refe-
ctus, alacris cæptum prosequebatur iter, ita quævis
anima religiosa, Orationis pane frustrata, langve-
scit, & viribus destituitur, planèq; emoritur: ita, ut
ne unicum quidem virtutis passum, ultra facere, ac
progredi, in via spirituali possit: quodsi verò hoc
subcinericio Orationis pane, se crebrius refecerit, a-
lacri & festino passu, de virtute in virtutem progre-
ditur. Ita planè aureus Doctor D. Chrysostomus
lib. 1. de orando Deo sentiebat: *Arbitror* (inquit
ille) *cunctis esse manifestum, quòd simpliciter im-*
possibile sit, absq; precationis presidio, cum virtute
degere, & cum hac, hujus vitæ cursum peragere.
Etenim quæ fiat? ut quis virtutem exerceat, nisi
continenter, supplex ei ad genua accedat, qui virtu-

tem

tem omnem, largitur hominibus Vnde Angelicus Doctor S. Thomas dicebat: *Neminem in virtutibus, sine Oratione, proficere posse: ut in ejus vita, memorat Ferdinandus de Castello. Hinc & Climacus, cibum & fontem virtutum, Orationem vocabat.* Sed quid ego, sensa Patrum & Doctorum, ad eum finem coacervo? cum idem, falli nescia *Æterna Veritas*, suo stabiliat Oraculo, dum ait: *Oportet semper orare:* quasi diceret, quemadmodum panem quotidianum, à Divina liberalitate petere, ejusq; usu corporis vires stabilire, ita Orationis studio, menti robur addere, humana exigit conditio.

Verum, ut compendiosiori per exempla viâ, ad hujus veritatis cognitionem, perveniamus, ponamus ob oculos, perfectæ sanctitatis viros, qui in hac Perfectionis via, cursum feliciter consummârunt, & videbimus profectò neminem, qui ad consummatæ sanctitatis metas, absq; frequenti Orationis usu, & subsidio, pervenerit. Non memoro SS. Apostolos, eorumq; succedaneos Martyres & Anachoretas, quorum totus vitæ mortalis cursus, una continua fuit Oratio. Domestica, quæ non desunt exempla, magis me ad se trahunt & alliciunt. Certum est, S. P. nostrum, ad eam sanctitatis perfectionem pervenisse, quam in eo nemo satis mirari, nedum sufficienter dicere possit: sed nec illud dubium est, continuo eum Orationis usu, id potissimum effecisse. In ipso enim statim conversionis initio, ad placandum

*S. P. Ignatius
usu Orationis,
summam consecutus est sanctitatem.*

dum cæleste Numen, & impetrandi Divina Dona, longæ Orationis præsidia adhibuit, septenas enim quotidie horas, genibus nixus, Orationi dabat, Sacro præterea Missæ Sacrificio, nec non Vesperarum ac Completorii Officijs, attentissimâ curâ intererat. Sæpè inter orandum, ita abstrahebatur à sensibus, ut longissimum tempus, etiam ad octo dierum spatium, in perpetua extasi, suas produceret contemplationes. Ad sacerdotium verò evectus, etiam in operoso Societatis Regimine, binas post Sacrificium Missæ horas, in contemplatione traducebat, ut nihil dicam, de longiori, ad idem Sacrificium, ejusdem præparatione, & Oratione, cui ex legum Societatis præscripto, omnes vacare tenemur: quam ille non unius horæ definiebat spatio, sed plura etiam horarum impendia, eidem, cum per tempus liceret, tribuebat. Immo inter ipsa curarum negotia, semper orare videbatur, adeo, ut non singulis tantum (quod illi solenne erat) horis, sed toto diei tractu, ita immersum Deo præferret animum, ut non mente tantum, sed ipsis etiam oculis, Deum præsentem cernere videretur. Vnde & facies ejus, ita accendebatur, ut totus ignescere, à domesticis, cum stupore cerneretur.

*S. Franciscus
Xaverius, to-
tam sanctita-
tis basin, so-
luit esse Ora-
tionem.*

Quid, tanti Patris digno filio, Indiarum Apostolo Xaverio sanctius esse, cogitariq; potest? neq; tamen & ille, eam, quâ cælum terramq; implevit sanctitatem, absq; Orationis adminiculo, est consecutus,

secutus: immo piæ, cui semper inhærebat precati-
 oni, omnem humanam attribuebat perfectionem:
 unde & ipse rerum Divinarum contemplationi con-
 tinuò immersus, quidquid ab Apostolicis laboribus,
 supererat temporis, totum, diu noctuq;, impende-
 bat Orationi. Ex hac IGNATII XAVERIIq; scho-
 la, prodijt ille, Apostolico labore clarus, Protomar-
 tyr Societatis, Pater Antonius Criminalis. Hic
 quamvis per Commorini, & Piscariæ oras, ducenta
 & amplius passuum millia, singulis mensibus con-
 ficiens, ardenti charitate, suas lustraret Paræcias,
 nihilominus, quotidie quadragies, genua posuisse
 perhibetur, in sua coram Domino, frequentata sæ-
 pius Oratione. Magnum non solum eruditionis, sed
 sanctitatis etiam nomen, habet in Religione nostra,
 magnus ille Sacrarum Literarum Interpres, & cele-
 bris Ecclesiastes P. Sebastianus Barradias, qui licet
 usq; ad senium, dicendis concionibus, & scribendis
 plenis pietate, ac eruditione Commentarijs, conti-
 nuò destineretur, integras tamen, naturalis diei, 12
 horas, dabat devotissimæ Orationi. Iam verò, sum-
 mum illud apud nos, Theologicæ eruditionis lu-
 men, P. Franciscus Soarius, literarum studia assidu-
 is precationibus, ad sapientiæ pietatisq; incremen-
 tum provehebat: præsertim, si quis difficilior com-
 mentanti, ac scribenti nodus incidisset, illico, ut e-
 um expediret, Divinum lumen supplex invocabat,
 quod si optata lux, paululum cunctaretur, positus e-

*Antonius Cri-
 minalis. Seba-
 stianus Bar-
 radias, &
 Franciscus So-
 ares, plurimū
 Orationi ad-
 dicti.*

tiam

tiam in publico genibus, Patrem Luminum exorabat. Definitam verò matutinis precibus, ac meditationibus in religione horam, tanti faciebat, ut potius torius suæ (quam tot laboribus comparaverat) scientiæ jacturam subire, maluerit, quàm vel unicum solitæ meditationis quadrantem, negligere.

*S. Franciscus
Borgia, con-
servanda So-
cietatis medi-
um, dicebat
Orationem.
Idem & Clau-
dius Aquavi-
va sentiebat.*

Longus, ne dicam infinitus essem, si omnes Religionis nostræ viros, sanctitate insignes recenserem, verbo dixisse sufficiat: neminem ex ijs, quot quot fuere sancti, absq; singulari Orationis studio, aliquem sanctitatis gradum consequi potuisse: ut meritò insigne Religionis nostræ decus, S. Franciscus Borgia, Orationi & ipse, supra modum addictus, prophetico afflatus spiritu edixerit: Inter ea media, quibus Divina Bonitas, Societatem prævidit sanctitate augendam, principaliter studium, ac fervorem Orationis numerari. Vnde & alterum celebre itidem Religionis nostræ Caput, P. Claudius Aquaviva, uti omnis in Societate spiritualis boni, fontem esse, aiebat Orationem: ita neglectum ejusdem, omnibus virtutibus ac meritis, pestem afferre affirmabat. *Neq; enim* (inquit ille Epistolâ de felici progressu Societatis) *erga Deum, neq; erga suos superiores, neq; erga seipsum, neq; deniq; erga proximos, rectè unquam poterit, absq; meditationis exercitatione, Societatis oporarius ordinari.* nam quomodo posset quis, aut sensu cordis, Divina Beneficia percipere? nisi ea diligentius ruminaverit, aut ijs
gratus

gratius esse, vel operibus respondere? nisi ea frequentius atq; impensius cogitaverit. Quomodo poterit ea quæ videntur & sunt temporalia, seriò contemnerè? qui non gusta vit æterna. Quomodo noverit honoris appetitum amoremq; proprium, gravissimum boni communis hostem (ut eum B. Pater noster appellat) pedibus conculcare? qui clarâ luce non deprehenderit, quid sit? & cur sit homo? aut quomodo vires suppetent ad difficultates superandas? quæ se in vita spirituali opponunt, aut passiones edomandas? quæ singulis horis insurgunt ei, qui meditatione (ut D. Bernardus loquitur) non cognoscat, quid sibi desit? & oratione non impetret. Quam verò rationem servare poterit? agendi cum proximis, de rebus spiritualibus: si aut ad celestium amorem illos excitet, aut illorum animos celesti rore perfundat, ille, qui nullam, aut raram cum Deo communicationem habet, atq; adeò præ ariditate cordis, tria verba edificationis, eloqui vix possit. Quis zelus illi esse poterit? quæ sitis, aut fames salutis animarum? si non mentis intentione ingressus fuerit, in cavernam maceræ, latus inquam, Crucifixi, videritq; quàm carò ei steterit. Et ita omnino fieri videmus, ac experimur, nullam erga Deum pietatem, nullam propriæ ac proximorum salutis curam, in eo affectu vigere, qui studio Orationis, deditus non est.

Vnde rectè, odor ille Christi bonus, liliumq; castitatis, B. Aloysius Gonzaga, tantum Orati-
onis

Defectus Ora-
tionis, omni-
um origo ma-
lorum.P. Hierony-
mi Domenec-
cus quid de O-
ratione sensit?

onis studio tribuebat, ac si in ea, omnium virtutum, summa sita esset. Qui non est (inquebat ille) Orationi deditus, & interior collectus, impossibile est, eum ad perfectam sui victoriam, & excellentem aliquem perfectionis, ac sanctitatis gradum, posse pertingere, quemadmodum ipsa manifestè docet experientia. Hinc non dubitavit dicere D. Chrysostomus (quamvis ad alienos mores carpandos, aut dijudicandos, minimè præceptus) Cum videro quempiam, non amantem orandi studium, nec hujus rei, fervidè vehementius curâ teneri, continuò mihi palam est, eum nihil egregiæ dotis, in animo possidere: quo sensu & verbis, hoc exprimit S. Doctor, omnis omnino virtutis, illum expertem esse, qui crebrius ferventi non incumbit Orationi. Ita planè sentiebat, è primis B. Patris nostri discipulis, genuino Societatis spiritu plenus, & sanctitate celebris, P. Hieronymus Domenecus: aiebat enim ille, ne ipsum quidem Seraphicæ Charitatis Franciscum, in suæ sanctitatis eminentiâ, diu stare potuisse, nisi eam, Orationis alimento, continuò sustentasset. Plus asserit S. Laurentius Iustinianus, dum precationis neglectum, omnium januam, dicit esse vitiorum, dum ita Cap. 6. de Christi Agone ait: Mens, si quando Oratione neglectâ, capit à sua custodia dormitare, repente cupiditatibus fræna laxantur, & immundæ cogitationibus aditus referatur. Et meritò quidem, veluti enim, ferventis ollæ vaporem, im-
portunæ

portunæ muscæ procul fugiunt, jam verò, ubi tepidam, aut frigidam sentiunt escam, illic gregatim involant: ita pejora muscis, aut crabronibus vitia, ad ferventem Orantis spiritum, ne quidem accedere audent, jam verò animam fervore Orationis destitutam, implent & inficiunt: ita ut quidquid mali, viris præsertim religiosis, contingit, totum ex Orationis defectu soleat provenire. Ideo celebris ille, in hac etiam Provincia, Asceticus Magister, P. Nicolaus Lancicius, experimento id sibi constare asseverabat: quod in nostra præsertim Religione, quotquot in grave aliquod delictum turpiter labuntur, vel vocationem religiosam deserunt, vel propter grande aliquod scandalum, ab ea reiiciuntur, infallibile argumentum esse, illos Orationi, minimè fuisse de-ditos: ita ut illi soli, gratiâ Dei excidant, & à Religione deficiant, qui statutam matutino tempore meditationem, aut totaliter negligunt, aut ex parte decurtant, aut perfunctoriè, & ad speciem tantum peragunt. Nostram ipsi consulamus memoriam, & facile advertemus, omnes illos, qui è medio nostri, in sæculum relapsi, ad vomitum mundanæ vanitatis redierunt, fuisse homines, Orationi minimè addictos. Meditationem, aut sanitatis, verius dicerent, sensualitatis causâ, aut negotioli cujuscpiam obtentu, sæpius intermittentes. Vnde non mirum, diu illos vitâ spirituali vivere non potuisse, qui Oratione, hoc est, ut vult S. Hieronymus; & experientia

P. Nicolaus Lancicius, ob defectum Orationis, multos à religione deficere, compertum ex peritiâ habebat.

*Oratio est vi-
ta anima.*

docet, spiritus sui alimento, animas defraudabant, easq; veluti continuâ macerabant inediâ.

Strictius adhuc loquitur aureo ore suo, S. Chrysostomus: dum non alimento tantum, Orationem confert, sed etiam ipsi comparat animæ, assentq; lib: de modo orandi: *Precationem, non secus vitam animæ tribuere, atq; eam anima largitur corpori.* Vnde licet absq; cibo vivere, aliquot saltem dies possumus, at sine anima, ne ad momentum quidem: ita ut nisi semper (quod à nobis exigit Salvator noster) oraverimus, illico spiritus majorem sentiemus languorem, quàm si quadriduano jejunio, corpus maceretur: immo vitali Orationis spiritu destituti, extingvi moriq; cogimur. Ne ergo in tam miseram, & infelicem conditionem delabamur, curam & conatum convertamus omnem, ut Orationis præsidio, spiritus & Gratiæ Divinæ augmentum, vitæ religiosæ constantiam, in virtutibus protectum, consequi valeamus. Magnus enim pudor, nullaq; excusatio foret, si bis in diem corpus cibo reficeremus, animæ verò Orationis refectioem, levi de causâ, subtraheremus. Pereat potius illa commoditas, absorbeat tartarus illam, qualiscunq; momenti occupationem, aut negotium, cujus obtentu, vel minima Orationis particula, esset omittenda. Immo rem, pro anima existimemus agi, cum de Oratione agitur: sic enim Orationis pabulo refectioni, & animati, illud quod agimus iter, facile conficiemus.

ALLO.

ALLOCUTIO IV.

195

*Religiosa Paupertas, viam
Perfectionis, facit expeditam.*

GRavem omnino imprudentiæ, ne dicam a-
mentia, notam incurreret, ille Viator, qui
longum & arduum iter ingressurus, multâ se rerum
utensilium farragine, vellet aggravatum. Risui ille,
non cursui, suum exponeret iter, qui plures indutus
vestes & thoraces, humeris sarcinas imponeret gra-
ves, & appensas cingulo circumquaq; peras, nec
non plena ære secum marsupia ferret. Brevi enim,
ejusmodi gravis ponderibus cursor, tanto onere
pressus, fatisceret, ac etiam viribus exhaustis conci-
deret. Quod ne ijs, qui viam Evangelicæ Perfecti-
onis decurrunt, contingeret, cavit suo monito Ve-
ritas in carne Divina, dum Matthæi 10. sequacibus
suis svaderet: *Nolite possidere aurum, neq; argen-
tum, neq; pecuniam in zonis vestris, neq; peram in
via, neq; duas tunicas.* Et meritò equidem, satis
enim miserum, corpus quod corrumpitur, aggra-
vat animam, quanto magis deprimeretur, si tot cō-
gestarum rerum ponderibus onustum, gravem defer-
ret molem. Nos ne simili rerum caducarum ponde

*Opes abjicere
opus est, ne
gravati in vi-
a perfectionis
deficiamus.*

Bb2

re

repressi, in via Perfectionis aggravemur, suo id præstat nobis beneficio, vot a Deo Paupertas. Hæc enim, dum non tantum divitiarum gravamina, currentibus adimit, sed habendi etiam desiderium tollit, expedito & agiles, in arrepto Perfectionis itinere facit. Curremus non dubito, eius adminiculo prompti & alacres, si nihil quod nostram aggravet conscientiam, & sanctæ Paupertati adversetur, in via tulerimus.

Iumenta oneribus enervantur.

Nemo puto mirabitur, humanas vires oneribus opprimi, cum grandiora etiam & robusta animalia, multis enerventur ponderibus. Non memoro asinos, sub leviori etiam pondere pigritantes, generosi etiam, & potentes viribus equi, gravibus succumbunt oneribus. Iam verò de camelis, quamvis naturâ robustissimis, experimento constat, eos ad unum etiam, faciendum in via passum, adigi non posse, si majus viribus onus, sibi imponi sentiant. Vnde meritò Æterna Sapientia, divitem opibus gravem, camelo voluit esse persimilem: veluti enim grande animal istud, non tantum per tenue foramen acûs, se cum suis gibbis & oneribus inferre, nullâ possibilitate valet, sed etiam, superante vires, aggravatum pondere, pedem loco, nullo modo, etiam minis, & verberibus adactum movet: Ita quivis hominum, divitiarum onere & cupiditate pressus, non solum arctam, & angustam Regni cælestis portam ingredi, sed ne progredi quidem, in via

Dibitijs oneratus instar camelis hix calu ingrediuntur.

Perfe-

Perfectionis potest. Vnde plerumq; id in se experiuntur, divitiarum pondere onusti mortales, quod olim magni animi & roboris, quamvis in pusillo corpore, Heros & Bellator David, de semetipso fatebatur: hic enim, dum post suffocatos à se feroces urfos, & discerptos leones, Regis sui Saul, atiro fulgētibus indueretur armis, ut cum Philistæo manus conferret Gigante, ita pretioso loricae, ac galeae illius gravabatur metallo, ut palam diceret: *Non possum sic incedere*, Frustra me vos, inquit, aureis onustum armis, vultis cum hoste congregari, ego verò, hoc auri pondere aggravatus, ne uno quidem passu progredi valeo. Certè non pauci, Davidi similes reperiuntur, etiamnum mortales, ita suis onerati opibus, ut non tantum viam mandatorum Dei currere, sed ne mentem quidem, ad caelestia levare possint. Ex horum numero erat ille, de publicano, factus Apostolus & Evangelista Matthæus, qui quam diu suis adhærebat divitijs, vidit eum sedentem in rolenio, Divinus, quem nihil latet oculus, Ita nimirum ille, multis gravabatur opibus, ut ne Divinae quidem, sibi approximanti Personae posset assurgere, sed velut immobile saxum, loco hærebat: at postquam pondus istud abiecit, protinus prosiliens, ex illa iniquitatis sede, secutus est Salvatorem suum: donec Apostolicae Perfectionis iter, festinanter consummasset. Ea enim est, Evangelicæ paupertatis felicitas, ut dum gravia divitiarum onera submoyet, faciat suos

David auro onustum, progressi nequit.

Matthæus pressus opibus sedebat.

suos viatores, ad decurrendam sanctitatis viam, expeditos & veloces.

Iacob à patribus in viam, absq. omni comatu expeditus.

Quoties ego, celebrem illum Patriarcham Iacob, in florente adhuc & vivida ætate, è domo paterna, in remotiorem Mesopotamiæ regionem, expeditum cogito, mirari satis nequeo: quòd eum non phalerato equo vectum, non annonâ cæteraq; viaticâ suppellectili onusto currui, impositum, non famulorum comitatu stipatum, sed rudi tantum subnixum baculo, divites alioquin sui parentes, domo emiserint. Et Patri quidem ejus, jam præ senio, vix sui compoti, ac etiam cæcutienti, ignoscendum, quòd eam, proficiscentis filij sui inopiam, uti videre, ita & avertere, minus potuerit. Matrem ejus Rebeccam, magis attonitus stupeo: quòd optimum & morigerum, quem maximo prosequebatur affectu filium, omnibus, vitæ etiam conservandæ necessarijs, destitutum præsidijs, miserum & inopem, tanquam mendicabulum, non filium, domo, verius extruserit, quàm expедierit: non illa filio ad delicias bellaria, sed ne quidem ad necessitatem cibaria, providit, non nummos marsupio imposuit, non cervicalibus & stragulis, aut plumeis operimentis, sarcinas infercivit: sed his omnibus vacuum, peregre ire permisit: ita, ut in via famelicus, sub frigido Iove, duro indormire lapidi debuerit, supposito capiti saxo, pro ceryicali. Opus erat rapidum navigio trajicere fluvium, sed destitutus naulo, in suo baculo tranavit Iordanem

Iordanem: quæ omnia collecta in unum, non maternum, sed novercalem, in matre erga filium, sapiunt affectum. Cæterum dum rem accuratius considero, subeuntes hæcenus mentem cogitationes rejicio, dum manifestè adverto, non potuisse bono filio, optimam parentem, majorem testari affectum, quàm cum eum, inopem & egenum, in longinquam regionem ablegavit. Noverat enim prudentissima mater hæc, quantum ad delicias conquistæ commoditates, nocummenti afferant, quanquam omnibus, maximè tamen vividæ ætatis mortalibus: veluti enim ignis, si modico nutriatur alimento, utiliter lucet, quòd si multo abundet pabulo, protinus in grande erumpit, & insolescit incendium: ita hominum, fervens adhuc, nativo calore ratura, si utensilium, adsit parsimonia rerum, optimis resplendet moribus, at si affluat abundantia, effervescit in vitia. Vide & ista optima mater, adolescenti filio suo, eam, quam secum peregrinus ducebat inopiam, nequaquam putabat obfuturam, immo multum ei commodi sperabat allaturam: ita enim illa animo secum, ut reor, reputabat: Proderit hoc, omnibus commoditatibus destitutæ peregrinationis filio meo, experimentum, assuescet faciliè, miseræ fortis (si quæ ei olim contigerit) æquâ mente fere fortunam, si usu obduruerit in adversa: obfirmabitur asperis, in ardua quæq; , quem emollirent blanda. Erit præterea, hæc ejus patiens adversitatis tolerantia, merito-

*Commoditatæ
abundantiæ,
vitiorum se-
mentis est.*

*Inopia, virtus
in occasio est.*

meritorum, ac gratiarum Dei fertilis seges, quam olim, cum Divina benedictione ubertim metet. Neque eam, sua sefellit opinio: nunquam enim filius ejus Jacob, Divinis affatim cumulatus favoribus, cum duabus turmis, dives opum, regrederetur domum, nisi illum, patienter tolerata inopia, ad eas gratiæ Dei opes disposuisset.

*Religiosa Pau-
pertas, sicuti
optima mater,
tenuitate, su-
is consultis fi-
lijs.*

Colimus & nos, Optimam Matrem, Religiosam, quam Deo vovimus Paupertatem, sic enim eam vocat, haberiq; vult S. Fundator noster. Fatendum quidem est, quod nos Mater hæc, tenuiter alat, obsoletius vestiatur, modico instructos viatico, in varias orbis partes sæpè expediat, interdumq; solo scipione, & viatoriâ, rebus pæne omnibus vacuâ perâ, ac cinctos, peregrè mittat. Sed hoc inter beneficia, materni ejus erga nos affectûs, recensendum est: siquidem illa, eo fine & intentione, rerum ad vitam trahendam necessariarum, modicum nobis usum suppeditat, ne earum affluentia, in via quâ ad cælestem patriam pergimus, plus æquò ag gravati deficiamus. Ex intimo, ejusdem Matris nostræ amore, & illa fieri existimemus, quod nihil mutuo dare, accipere, vel dispensare, ex ijs quæ domi sunt, possimus. Illa nobis victum, vestitum, lecti rationem, cæteraq; similia, ut pauperibus accomodata providet, & ijs quæ sunt domi vilissima, contentos esse iubet: illa nos, arctioribus indies Superiorum Ordinationibus, & Generalium Congregationum statu-
tis, ar-

ris, arctat & circumscribit: sed eo ipso magis, nos
 ad viam Perfectionis facit expeditos. Præit omni
 bus, magno inopiæ studio, S. noster Parens IGNA-
 TIVS, hic enim, quam semel ingressus est Pauper-
 tatis viam, eam summâ constantiâ & affectu, ad
 extremam usq; metam decurrit: & pulcherrimis
 exemplis impressam reliquit: in ea, video abjectos,
 ipso maris littore, qui, à persoluto, amicorum be-
 nignitate, naulo supererant, nummos: aliàs cerno,
 ab amicis obtrusam nolenti pecuniam, ad obolum
 usq; inter pauperes distributam, adverte terra ma-
 riq; absq; ullo viatico peregrinantem: considero in
 angusta cellula pervigilem, ne quid Professorum su-
 orum Paupertas, quacunq; specie & prætextu, de-
 trimenti faceret: ad quod ille, ad supremam usq;
 diem, legibus, monitis, & exemplis, omnes induce-
 bat. Quid dicam de nostro Apostolo Xaverio? non
 minus prodigiosâ sanctitate, quàm miraculis claro,
 verbis & sensu destituor, dum ejus longissima itine-
 ra, & per immensa Oceani spatia, non aliqua com-
 moditate instructas, sed omnibus ærumnis refer-
 tas navigationes cogito: quas ille, durissimâ victûs
 ac vestitûs ratione, sic aggravabat, ut pedibus nudis,
 intecto capite, per æstus, & frigora incederet, ac
 præter pauxillum orizæ, aquâ macerata, crudasq;
 herbas, nihil ampliùs ad vitam trahendam adhi-
 beret: fessa diurnis laboribus membra, supra nu-
 dam humum, & aspera saxa, aut nauticos funes, ad

*S. P. Ignatius
 Paupertatis e-
 xemplar.*

*S. Xaverij sã
 ma Paupertas.*

brevem quietem abijceret: vestis illi erat è rudi canabe, cruciando, quàm tegendo corpori, aptiore. Quis reliquos recenseat? quibus, assuti vestibus centones, pro gemmis, simplex frigida potus, pro ambrosia, nullo conditus sapore cibus, pro bellarijs fuit. Ex filiali, quo ferebantur in Paupertatem affectu, erant, qui, ne scriptorium quidem calamum, chartam, aut deciduum ex arbore folium, dare, accipere, aut tollere, absq; annuente superiorum voluntate, audebant: quod, non imprudentis, cuiuspiam novitij scrupulus, sed omnibus scientijs, eruditi Theologiæ Doctoris, P. Thomæ Sanchez, religiosa observatio fuit. Quos omnes, ad consummatæ virtutis meram, festinatè pervenisse, nemo sanè miretur: citò enim eos, iter suum conficere oportebat, qui nullo unquam rerum usu, conscientiam gravabant: immo, omni illo onere, quod illis gravamini esset, semetipsos evacuabant: cùm nemo, viam Perfecti-
onis decurrat citiùs, quàm, qui non habet, unde gravetur. Iam verò, si rei cuiuspiam etiam minimæ, religiosus affectus adhærescat, si in itineribus, aut missionibus, cæterisq; occasionibus, vitæ commoditatibus invigilet, si in corporis cultu, aut vestitu, pauper esse, & videri nolit, si detritas ac consarcinatas vestes erubescat: si cibi & potûs usum, ad delicias cupediaq; trahat, si quod gulæ, & palato non ar-
ridet, illico querulus incuset: non ille Matris, sed no-
vercæ locò, Paupertatem habet: unde nec mirum,
quòd

Paupertas, nō
colitur ut ma-
ter, si contra
eius effectus,
murmuratur.

quòd ijs, quibus affectu inordinato adhæsit, prægravatus, in arrepta Perfectionis via, deficiat, aut turpiter lapsus miserè intereat.

Idem, ille sibi timeat imminere supplicium, quod olim populo Israelitico contigisse, sacra refert pagina. Divino obsecutus Imperio, Dux gentis Hebrææ Moyses, ducebat ex Ægypto, in terram promissionis, lacte & melle manantem, populum numero confertissimum: qui cùm aliquid, in vastam solitudinem processisset, fractum viæ incommodis, brevè eum, caput arrepti itineris pigere: ita ut retro respicere, ac etiam pedem, ad inimicam sibi Ægyptum referre, cogitaret: immo, contra eundem Duce[m] suum Moysen, palàm conqueri, impotenter tumultuari, effrenatâ caput audaciâ. Porro querimoniarum, & tumultûs causa, non alia, nisi itineris incommoditas, & victûs inopia, quod ita Num: 21. Sacer Textus innuit: *Tædere cepit populum, itineris ac laboris, locutusq[ue] est: deest panis, non sunt aquæ, anima nostra, jam nauseat, super cibo isto levissimo:* quas, contra victûs potûsq[ue] rationem, exortas querimonias, Vindex Dei manus, ignitorum serpentû[m] morfu, severè vindicavit, ita, ut nemo ex illo murmurantis populi cætu, terram promissionis adierit: omnes illi, modicæ inopiæ pertæsi bucolici viatores, venenatis cadaveribus suis, vastæ solitudinis campos impleverunt. Atqui isti, Paupertatis sacramento, nequaquam se obstrinxerant: præterea non

*Si Hebræorū
contra Sibi
alia murmur,
graviter ca-
stigatum est,
maior pana-
manet Reli-
giosos, eius-
dem criminis
reos.*

dapes exquisitas, non generosa vina, sed panem & frigidam requirebant: *Deest*, dicebant, *panis*, non est *aqua*: & tamen ita graviter & acerbè, ob impatienter toleratam inopiam, viperarum morfu, & veneno, pro gravitate sceleris, castigati sunt. Quòd si, propter qualemcunq;, cibi potùsq;, murmuri, & querimonijs, admissum appetitum, populum nullis votis adstrictum, nullâ perfectionis cognitione illustratum, impunè abire, vindex Dei manus, non permisit, immo seuerissimè vindicavit? conijciat unusquisq; nostrum, quantò justius & seuerius, in cætus illos, animaduertet Deus, qui Apostolicæ vitæ genus professi, & Evangelicæ Paupertati mancipati, victu honesto, de Christi patrimonio sustentati, omnem tamen, seu cibi, seu potùs tenuitatem, aut quævis alia incommoda, importunis questibus impetere, ac inculcare consueverunt: gravis omnino, serpentibus etiam, ac viperis atrocior, manet eos conscientia remorsus, & venenum aspidum insanabile.

Religiosi proprietarij, gratiam, qua Hebraei Achan, puniuntur.

Profanus homo, gregarius miles, fuit & ille, qui sub signis Iosue militabat Achan, qui ne voti quidem nomen percipiebat: quia tamè aliquid è spolijs Divino Honori devotis, impiè subtraxit, tam atrox, sacrilegum raptorem, pæna subsecuta est, ut saxis eum populus comminuerit, & cum tota progenie, ac supellectili, voracibus flammis consumendum injecerit: quamvis leve satis illud, quod subtra-

subtraxerat, regula quæpiam, seu mensoria lineâ,
 & aliquod genus vestimenti, fuit: gravem tamen vin-
 dictæ pœnam, subire debuit, lapidibus obrutus, & i-
 gne crematus. Iam si quispiam nunc, è religioso cæ-
 tu, homo Divinâ luce copiosè illustratus, juratus
 Paupertatis cultor, aliquid de rebus semel ejuratis,
 sui juris faceret, atrociorē procul dubio pœnam,
 sacrilegij reus, proprietarius ille incurreret. Vnde
 ea, ut arbitror causa, fuit: quod Oecumenica Conci-
 lia, & Christi in terris Vicarij, Summi Pontifices,
 nec non Sacrorum Ordinum Conditores, communi
 etiam, ac religioso sepulchro, eorum cadaveribus in-
 terdixerint, qui nummos aliquot, contra fas, vivi
 usurpassent. Quo supplicij genere, S. Gregorium
 Papam, in læsæ Paupertatis reos, implacabili irâ,
 usum fuisse, legimus, cum eos, communi cum asinis,
 in sterquilinio, infami sepulturâ, condemnaret.

Neq; verò, rei citra fas usurpatæ, vilitas, à gra-
 vi & atroci pœna, excusat ejusmodi Achanos: Siqui-
 dem, in Ecclesiasticis ac religiosis historijs, sæpè legi-
 mus, multos olim Paupertatis voto obstrictos, ob u-
 nius etiam rei levissimæ, absq; moderatorum per-
 missu, usum, in purgatorio igne, graves & diutur-
 nas luisse pœnas, & meritò quidem: nam veluti cō-
 missam pelago navem onerariam, non tantum grā-
 di suâ mole cetus, aut balæna turbat; ac naufraga-
 ri cogit, sed minutus etiam pisciculus, remora di-
 ctus, si eidem mordicus sese affixerit, in cursu sistit
 ac peri-

*Etiam levis-
 res contra
 paupertatem
 graviter puni-
 untur culpa.*

*Religiosi pau-
pertati non
additi, sunt
multis scanda-
lo.*

ac periclitari facit: ita affectus religiosi, si minima etiam adhæreant recula, facile ab arrepto Perfectionis cursu, retardantur, & à recto virtutis tramite abducuntur: ut post factam meritorum jacturam, promeritam subeant pœnam: & quidem justè: gravem enim ille, ultoris Dei indignationem meretur, qui cum magna, & pretiosa contempserit, vilibus adhærescit. Sed quid mirum, minoribus etiam, illatis Religiosæ Paupertati injurijs, Deum offendi? cum seculares quoq; prudentiâ utcunq; commendati homines, ea, quæ sunt contraria eidem virtuti, nequeant in Religiosis, citra indignationem videre. Quod sarcastico quondam joco, expressit unus Regum Galliar, ut Cæsarius memorat lib. 4 cap. 12. ad hunc, cum elegantius vestiti venissent quidam monachi supplices, ut Rex suo edicto, licentiam militarem coerceret, quæ monasterij bona extremè expilabat: tum Rex, intuitus eorum foccos, elegantius efformatos, respondit: apparet in calceis vestris, ne lorum quidem, vobis esse relictum, aliàs tam strictos, & subtiles non haberetis cothurnos. Simili responso, correxit unum, Ordinis cujusdam Abbatem, Philippus Rex Romanorum, ad quem in simili causa venerat, indutus artis exquisitæ calceos, non simplici corigio, sed fibulis ferreis, ad ostentationem clausos, unde Principi risum, & indignationem movit, loco ejus, quam volebat commiserationis. Putant pleriq; religiosi, se vestium nitore & elegan-

elegantia, gratiam & auctoritatem, apud homines
 sæculares inventuros, & interea referunt vilipendi-
 um, & indignationem: quod suæ abnegationis obli-
 ti, sæculari vanitate intumescant: ut non uni eorum,
 illud antiquum obijci possit: & Senatorem amisisti,
 & Monachum non fecisti. Nos ne similes, apud hu-
 manum Divinumq; judicium, incurramus crises, ac
 supplicia, filiali erga Paupertatem feramur affectu,
 nihil, quod piam Matrem lædere possit, in minimis
 etiam, unquam ausi: ita enim fiet, ut omnibus one-
 ribus ac impedimentis vacui. Viam Perfectionis
 expediti curramus.

ALLOCTIO V.

*Amænum, & festinum, ad Per-
 sectionem, Castitatis iter est:
 sed facilis in eo lapsus, nisi stu-
 dium mortificationis adsit.*

SI usquam aliàs, certè hodie, viam, quàm latè patet,
 ad aspectum amænam, fausto utinam pede! in-
 gredimur: ita enim mirâ florum varietate vernat,
 fragratq; , ut ne celebres quidem illi Poetis, Elisiij
 campi, si tantum veritatis, quantum commentariæ
 amæni-

*Via castitatis
 amæna, & ex-
 pedita, sed se-
 mul lubrica.*

amœnitatis haberent, in ejus comparationem venire possent. Habet & eam, iter illud felicitatem, quod celeri passu, ad metam suos deducat viatores, ita, ut magis pernicipibus pennis volare, quàm pedibus incédere, videatur ille, quisquis se huic committit itineri. Sed nec illud, reticendum puto, quod viæ huius, coniuncta amœnitati velocitas, sit nimis lubrica, & proclivis ad lapsum, nisi undiq; spinis, & sentibus fuerit circumsepta. Castitatis me, descripsisse semitam, credo arbitramini: neq; ego diffiteor, immo recensitas proprietates, Castimonix unicè convenire, eo illustratum.

*Via castitatis
munda, abs-
que omni ob-
scenitate &
anxietate.*

Quanta inprimis amœnitate, integerrimæ Castitatis semita, sit aspectabilis, optimè expressit Salomon, dum Prover. 3. pronuntiavit: *Via ejus, viæ pulchræ.* Quid enim in hoc itineris tractu, non amœnum? quid ad illecebram oculorum, non venustum? ubi nihil immundum, aut inverecundum, in sensus & cogitationem, mens puritati dicata, sinit irrepere. Non hîc fœtidæ imaginationis phantasmata, veluti graveolentes herbæ, aut venenati succi cicutæ, pullulant: sed piæ, ac mundæ cogitationes, veluti grata visu, & odorifera lilia florent. Procul hinc facessunt, carnalium voluptatum immunda animalia, aut venenosa reptilia: solus hîc, qui pascitur inter lilia, candidus innocentia Agnus inambulat. Scimus multos Principes, Regesque præpotentes, in adornandis viarum ductibus,

operam

operam, & opes propè immensas posuisse: quas quadrato lapide sternebant, & polito marmore attollebant, perenniq; virore conspicuis arboribus, hinc inde adumbrabant: nemo tamen, aut nitore venustiore, aut majestate grandiore viam posuit, illà, quàm castimoniam dicati athletæ, sua decurrunt olympia. Nihil siquidem ad iucunditatem, ac etiam beatiorum animi voluptatem, illis unquam deesse potest, qui hanc amantissimam puritatis semitam, ad metas consummatam Perfectionis eunt. Nullis illi tristitiæ angoribus, nullis conscientiam cruciatibus, nulla caducæ sollicitudinis anxietate, nullo æternæ damnationis metu, exagitantur: quæ tamen anxietas, & ipso etiam pejor letho timor, eos qui lenocinia carnis sectantur, continuo excruciat: castas verò mentes, perennis exhilarat lætitia.

Optimè, non Sacra tantum Pagina, sed Sancti etiam Patres, homines Castimoniam sacramento initiatos, Angelos esse volunt, & sæpè appellant: immo & Beatus Pater, dum nobis Angelicam commendat puritatem, Angelorum nos vult esse confortes felicitatis. Veluti enim Beatæ illæ Mentis, æternæ beatitudinis gaudio perfruuntur: ita castitatis fidei sectatores, in isto adhuc suæ mortalitatis exilio, cælestibus affluunt delicijs: ita ut ipsi etiam Beati Spiritus, ad spectandum cælo effusi, non unam ejusmodi puritate conspicuam, & cælestis lætitiæ torrente, disfluentem animam admirati, dicant: *Quæ*

*Castitas Virtus
Angelica, &
lætitia plena.*

est ista? quæ aſcendit de deſerto, delicijs affluens.
 Nullæ mundi voluptates, cum eis conferri poſſunt,
 quibus intemeratæ puritatis animæ, copioſe perfru-
 untur. Vnde venerabilis illa, ſanctitatis nomine,
 Ordinis Divi Domini, ſanctimonialis Magdalena
 de Vrſinis, cum libenter ſuas, quibus præerat novi-
 tias, hilares videret, dum ex ijs aliquam effuſius e-
 tiam, ridentem conſpexiſſet, ita animabat: Eja, in-
 quit, ride liberrimè filia, dum in hoc terreſtri para-
 diſo, cæleſti fruëris gaudio. Idem, proprio aſſecu-
 tus experimento, ſuis fratribus ſæpiùs inculcabat, &
 S. Abbas Bernardus, dicens: *Delectationem non per-
 dimus, ſed mutamus, de corpore in animam, de ſen-
 ſibus in conſcientiam.* Libet & ſingularem inteme-
 ratæ puritatis Encomiaſtem S. Cyprianum audire,
 Caſtimoniæ decora, de diſciplina & habitu virginū,
 ita recensentem: *Flos*, inquit, *eſt ille Eccleſiaſtici*
germinis, decus atq; ornamentum gratiæ ſpiritualis,
leta indoles, laudis & honoris opus integrum, atq; in-
corruptum. Quo quid præclarius, ad commendati-
 onem amæniffimæ virtutum Caſtitatis, dici poterat?
 Neminem proinde noſtrū pigeat, ſed delectet po-
 tius, hoc floridum iter, Divinæ Gratix ductu, &
 impulſu iniſſe.

*Celeriter viam
 Perfectionis de-
 currit, qui ca-
 ſus habet.*

Parum eſt, quòd amænum & delectabile iter
 nobis præbeat, ea quam proſitemur Caſtimonia,
 ſed magna inſuper, curſus celeritate, ſuos ad Perfe-
 ctionis metam promovet viatores: ita, ut nemo cele-
 rius

211
rūis possit consequi sanctitatem, quàm integerrimæ
puritatis, sectator. Res quam assero, patuit in illo
celebri cursu, duorum amoris prærogativâ insigni-
um Discipulorum Christi: postquam enim crudelissimè
peremptum Servatorem suum, vivum à mortuis rediisse,
intellexerunt Apostoli, duo ex illis amore fervidiores,
Petrus & Ioannes, fausto excitati nuntio, citatis passibus,
ad monumentum perrexerunt, Resurrectionis Dominicæ
vestigia inspecturi: acce autem dum ambo simul properant,
Ioannes præcucurrit citiùs Petro, ut Sacer enarrat Textus.
Rem puto non vacare mysterio, quòd in hoc Apostolorum
agone, Ioannes Petrum, ad consecratum vestigijs Christi
monumentum, prævenisse narratur. Non est (cogitabit quispiam
tacitus secum) inter prodigia recensendum, quòd Discipulus
ætate junior, ac proinde & vegetior, alterum annis
provestiorem cursu superaverit. At eam ipsam, levè,
ad speciem cursûs circumstantiam, non frustra puto,
notavit Sacer Historicus. Præsertim quòd eò temporis,
non erat adhuc ita ingravescens ætatis Petrus, ut
junioem, ac proinde & teneriorem socium, virili passu,
si non superare, saltem æquare non posset. Ergo (inquiet
quispiam alter) hoc inæquali Apostolorum cursu,
usitata hominibus, adumbrata est consuetudo: sæpè enim
contingit, ætate graviores, & meritis ampliores,
ad gratias & honores humanos, à junioribus præveniri.

Dd2

le sepul-

*Sæpe senes à
iubenibus, ad
sepulchrum
præveniuntur.*

le sepulchrum, non ad honorum gradus & subtel-
lia, concurrebant isti. Sed neq; hoc quidem, mor-
talibus insolens est, immo frequens & usitatum,
ut ad sepulchrales tumulos, grandævi senes, à ver-
nantibus ætate juvenibus præveniantur. Non ex so-
lis enim frugiferis arboribus, plures in vere flores,
quàm maturi, in autumno fructus decidunt: sed de
humano etiam genere, sæpius florentes ætate juve-
nes, quàm maturos annis senes, haurit sepulchrū.
Verum, aliam longè diversam imaginationem ha-
bet, de hoc Apostolorum cursu, gravissimus Eccle-
siæ Doctor S. Hieronymus, dum eam, junioris Di-
scipuli felicem cursûs celeritatem, intemeratæ eiuf-
dem attribuit innocentiae: ita enim ille loquitur:
*Petro tardius ambulante, Ioannes elatus virginita-
tis alis, cucurrit ad Dominum.* Quod si, S. Doctor,
corporalis etiam motûs pernecitatem, ab integer-
rima Ioannis puritate vult proficisci, quantò magis,
in hoc spirituali Perfectionis nostræ agone, virtute
Castimonix, ad velocitatem cursûs, possunt solent-
que incitari, casti Athletæ.

Quod enim Petro olim, meritò contigit, ut
quamvis integris validisq; viribus esset, in illo ta-
men, ad Christi monumentum itinere, tardius pro-
cederet: Ioannes verò, ab illibata virginitate com-
mendatus, volucris, quàm homini similior, perni-
cibus Castimonix pennis, ad propositam sibi me-
tam, citò ferebatur. Idem planè & cæteris, usue-
nit ho-

S. Hierony-
mus alio in-
fructum esse
asserit Casti-
tatem.

nit hominibus, videmus enim multos sæculi sectatores, homines Castitati parum, aut nihil addictos, in via salutis æternæ, aut nimis lento passu progredi, aut graviter cespitare: nec mirum, multa enim habent, seu curarum, seu criminum pondera, quæ eos gravant & deprimunt. Iam verò illi, qui se speciali studio, ac etiam Sacramento, Castimoniam addixerunt, soluti omnibus impedimentis, expeditum habent Perfectionis iter: immo in ipsis etiam, Religiosis catibus, quò quis integerrimæ plus studet puritati, eò celeritè, viam sanctitatis decurrit. Prætereamus alias, in nostram oculos convertamus Religionem: Quid enim quæso, illos Beatos, Castimoniam autem, ad stuporem insignes Adolescentes nostros (Stanislaum & Aloysium, cæterosq; eis per similes, loquor) intra breves vitæ mortalis limites, ad consummatam provexit sanctitatem? nisi illibata, quâ pollebant Puritatis integritas: isti enim multos in vita religiosa, longâ ætate provecos, & annos senes, qui non eâ, quâ par erat diligentia: studebant conscientia puritati, longo post se reliquerunt intervallo: quòd in obitu unius eorum, graviter erubescere, & acerbè dessebat, vir insignis doctrinæ & auctoritatis magnæ, Franciscus Toletus, postmodum Purpuratis Patribus adnumeratus, dum stupore attonitus, exclamaret: ecce unus gentis Polonæ adolescens mortuus, tantâ apud omnes sanctitatis pollet opinione! nos verò, decrepiti senes, qui
tot in

Beati Stanislaus, & Aloysius: beneficio Castitatis celeritè viam Perfectionis summarunt.

tōt' in Religione annos tranſegimus, nihil ſumus ſimile, in noſtro deceſſu habituri. Ita ſemper citò ad virtutis metam promovet, quos vehit, vitæ integritas.

*Caſti Angelis,
Velocitate præſe-
ntes.*

Libenter adhuc, Caſtimoniæ ſectatores, Angelos nuncupari audio: nam veluti Beatæ Cæleſtium Spirituum Mentēs, tantâ curſus pernicitate valent, ut intra breviffimum temporis momentum (quale illud eſt, quod uni oculorum ictui, correfpondere poſſit) è ſupremo cæli Emphyrei ambitu, per immenſa àeræ vaſtutatis ſpatia, præſentiam ſui tranſferre valent, in remotiſſimam terræ regionem: immo (ut ſentit Angelicus Doctor) poſſunt Angeli, ab uno extremo diſtantiſſimo, tranſire ad aliud, non attactio medio: quorum miræ velocitatis motum, facilè in via Perfectionis, æmulantur illi mortales, qui eoſdem Beatos Spiritus, puritate planè Angelicâ imitantur. O quæ iſta vitæ intaminatæ felicitas? nam dum cæteri in via ſalutis, lentiùs omni teſtudine ſerpunt, immo è vitiorum cæno, vix eluctati, iterum pejus labuntur, & in ſua computreſcunt iniquitate: Caſtimoniæ addicti, ad ſupremum ſanctitatis culmen, motu planè Angelico, feruntur concitatiſſimè.

Multùm hæc fateor, ad commendandam, ac etiam omni ſtudio arripiendam Puritatis viam faciunt: quòd cum ſingulari animi voluptate & celeritate, facilè tranſigi poſſit. Sed nec illud diffiteor, lubri-

lubricum nimis, ac periculi plenum iter istud esse:
liquidem, nequit numerus, ad calculum revocari e-
orum, qui olim strenuè viâ hâc gradientes, postmo-
dum turpiter lapsi, miserè interierunt, quos se, au-
ribus suis, testatur audivisse Ieremias Propheta, ita
Threnorum 4. lapsus suos deplorantes: *Lubrica-*
verunt vestigia nostra: quasi diceret: Heu nos mi-
seros & infelices! quos de semita virtutis purissimæ,
in obscœnam tot criminum sentinam, nostra incu-
ria præcipites egit: quibus idem Vates, sensu te-
nerrimo, ita compatitur: *Qui vescebantur volu-*
ptuose interierunt in vijs, qui nutriebantur in cro-
cejs amplexati sunt fœcora: incurrebant, inquit,
sapius in oculos meos, miseri non rarò homines,
qui olim, intra continentix limites, cœlestibus pasce-
bantur delicijs, postmodum verò, ad turpes delapsi
voluptates, si quis porcorum vescebantur. Sed non
est opus, ejusmodi lapsus, tristibus threnis, deplo-
rantem Prophetam, diutius audire, cum similes ca-
sus, nostram quoq; notitiam, minimè lateant: heu
quot tales, nobis etiam nosse contrigit: qui diu Ca-
ssimonix dediti, planè Angelicam puritatem æmu-
labantur, post liminium verò temporis, ita sunt mi-
serè prolapsi, ut non unius eorum, infamem casum,
cum altero Propheta, oporteat deplorare: *Quomo-*
do cecidisti Lucifer? etiam saxeï flerent te oculi,
nam qui Angelum, puritate referebas, jam obscœ-
nitate, suam in volutabro luti hærentem imitaris,
neq;

neq; verò mirum cuiuspiam videatur, facile in hac via, humana posse lubricari vestigia, sive enim naturæ nostræ, vitio originali corruptæ, fragilitatem, sive viæ hujus, inter prærupta, hinc inde præcipitia, angustias consideraverimus, mille in ea labendi occasiones, facile advertimus.

*Facilis est, in
Via Castitatis
lapsus.*

Quòd in primis, ad nostram lapsus proclivitatē attinet, plus unicuiq; id suo constat experimento, quàm ut à me enucleari possit. Quòd verò, arctam viæ hujus semitam concernit, ita hæc stricta est, ut vel latum unguem, ad quamcunq; in ea, declinare partem, sine gravi flagitio fieri nequeat, idq; ex eo: quia (ut omnes in nostra Religione, & alios docere, & proprias dirigere conscientias, sub gravi anathemate obligamur) etiam in minimo (modo voluntariè fiat) Castitatis defectu, parvitas non datur materiæ. Et in hoc, à cæterarum virtutum proprietate, discrepat Castitas, quòd in alijs virtutibus e. g. in Paupertate, modicum delinquere, non illico grande aliquod crimen incurritur: at verò, contra virtutem Castitatis, vel tantillum voluntariè deflectere, lethale scelus est. Quis autem tam faciles & frequentes in hoc genere delinquendi occasiones, ac proclivitates evitare poterit? nisi speciali gratiâ auxiliantis Dei suffultus, & diligentissimi super semetipsum vigilantissimè præcustoditus fuerit.

Noverat optimè eam, in hac Puritatis via, labendi facilitatem, Divinâ luce illustratus B. Parens noster:

nosser: unde in minimos etiam contrarios huic
virtuti defectus graviter animadvertibat. Acci-
derat semel, quemadmodum memorat P. Nerem-
bergius, ut bonus quidam, fervidus, exemplaris, &
profectioris in Religione ætatis Frater, qui ex of-
ficio hospites excipiebat, dum unius lavaret pedes,
plantam illius ita fricaret, ut adrisum eundem pro-
vocaret: quod postquam ad notitiam S. Patris per-
venit, statim Fratrem illum dimitti è Societate ius-
sit: cumq; à Patribus omnibus instanter rogaretur,
ut parceret delinquenti, semper enim religiosæ di-
sciplinæ observantem, devotum, laboriosum, ac æ-
dificativum se exhibuerat: cessit tandem supplicum
precibus B. Pater, eam tamen reo pœnitentiam im-
posuit, ut Compostellam, octingentarum leucarum
iter pedibus obiret, ac sine viatico mendicus pere-
grinaretur. Ita S. Pater, majores præcavens ruinas,
minores etiam culpas severè puniebat. Iam verò,
latæ illius Regulæ, ex communibus 34: quæ ad reli-
giøsæ decentiæ conservandam gravitatem, pro-
hibet: ut nemo alium, etiam joco tangat, eam fu-
isse occasionem, nostri scriptores referunt. Dabat
in Collegio Romano, literis operam, Iacobus Cruci-
us, nobilissimi generis puer duodennis, qui postea
Societatem ingressus, mnnere Assistentis pro Italiæ
Provincijs, in eadem fungebatur, vixitq; in ea, ad
annum ætatis suæ nonagesimum, cum præclara san-
ctitatis opinione: hujus inquam Iacobi pueruli ad-

Ee

huc,

huc, ut erat formæ elegantis, & ingenij promptissimi, quidam ex Patribus ejus verticem capitis manu attigit, capillumq; ut moris est demulsi: quod cum ad IGNATIVM, protunc Societatis Præpositum, relatum esset, illum in primis, qui tale benevolentia signum, innocenti puero exhibuit, graviter punivit, deinde ne id in posterum nostri, sibi licere putarent, latâ lege vetuit: quam, de cavendo tactu Regulam, plenus S. IGNATII spiritu P. Nicolaus Lancicius tanti æstimavit, ut sæpius affereret, observantiam ejus, ad perseverandum in Societate, esse omnino necessariam: dicebat enim sibi experimento constare, legis istius violatores, in Religione nostra communiter non perseverare: quod nobis etiam, istis usurpare oculis, utinam non licuisset. Ita nimirum, lubricum Castimonie iter est, ut quivis, minimus etiam contra eam defectus, ad gravem disponat, & protrudat lapsum.

*Tactus, etiã
joci causâ à
S. Patre pro-
hibiti violato-
res, commu-
niter in Soci-
etate non per-
severant.*

Vt tamen eâ, quam ultro arripuimus labili semitâ, tutò incedamus, post Auxiliantem Dei Gratiâ, frequenti mortificationis usu, id facile nos consecuturos speremus: quod ut exequi tantò felicius possimus, sequamur vestigia alterius, Incarnatæ Veritatis, Prodromi Ioannis. Nosse vellem quid causæ fuit? quod innocentissimus iste humana in carne Angelus, materno adhuc in utero, Divinis Gratijs affatim cumulatus, ipso vitæ puerilis initio, in vastæ solitudinis eremum secesserit? ibiq;

*S. Ioannes,
puer in ere-
mum secessit,
ut periculis
consuleret Ca-
stitatis.*

ad tri.

ad trigésimum usq; ætatis suæ annum, in summa austeritate vixerit? ita ut quidquid arrideret visui, quidquid dulcesceret gustui, blandiretur auditui, lenocinaretur odoratui, interdictum sibi decreverit: innocens & rationi obsequens corpus suum, continuâ jejuniorum inediâ maceraverit, subtractâ somni necessitate vexaverit: horridâ cilicij asperitate afflixerit, milleq; alijs tormentorum iuventis excruciauerit. Quid per Deum? parem illam Angelis innocentiam, tanta subire, pati q; oportuit? Respondet præclare S. Hieronymus, dum Epist: 4 ad Rusticum ait: *Ioannes Baptista, Sanctam Matrem habuit, Pontificis filius erat, & nec matris affectu, nec patris opibus vincebatur, ut in domo parentum, cum periculo viveret Castitatis.* quo verborum sensu, id S. Doctor luculenter expressit, quod ne ille quidem sanctissimus mortalium Ioannes, in paterna, quamvis ad omnes sanctimonix leges, ordinata domo, citra Castitatis periculum, se vivere posse judicabat. Sancta quidem illa natalis domus ejus erat, ubi & sacerdotali sanctitate Pater, & devotâ pietate mater, omnibus prælucebant: quia tamen illæ plenæ opum ædes, omnibus vitæ commoditatibus abundabant, nequaquam intra eas, integram fore Puritatem suam, Sanctus Propheta existimabat: unde relictâ, domesticarum commoditatum, inimicâ conservandæ Castitatis affluentia, in plenâ horridæ austeritatis eremum libens secessit, suoq;

palam fecit exemplo, rerum omnium copiam, sen-
uumq; indulgentiam, cum integritate Castitatis, sub
uno eodemq; tecto, commorari non posse. Quod
si illius, *Æternæ Veritatis* elogio, celebratissimi
Prophetæ puritatem, non domûs paternæ sanctitas,
non Divinarum Gratiarum subsidia, non vitæ in-
fantilis innocentia, integrè conservare poterant,
sed multâ, & diuturnâ ei opus erat vitæ austeritate,
ne domesticis afflatus delicijs, flos ille langveret.
Nos, *Æterni Verbi* Prodromo, nequaquam compa-
randis, nullo mortificationis usu adhibito, immo da-
tâ sensibus omni licentiâ, Angelicam puritatem,
quomodo consequi, ac conservare poterimus? Fal-
limur, omnino fallimur, si corpori delicatè tracta-
to, decus illud promittimus.

*Castitas belu-
ri lilium in-
ter spinas, a-
ssera castiga-
tione, in sua
integritate
conservatur.*

Aliter longè sentit, ac iudicat Sponsus Cælestis,
qui animam puritati dicatam, vult esse lilium in-
ter spinas, quasi dicat. Mens Castimonix studiosa,
nisi inter continuæ mortificationis spinas versetur,
nequaquam gratè florere, ac benè olere potest. Be-
nè Latini, Castitatem à castigatione, dictam esse vo-
lunt, quod sine eâ, intaminata puritas haberi, ac cō-
servari nequeat. Vnde & Cassianus chimæricum
aliquid esse existimat: *Absq; castigatione carnis, Ca-
stitatem obtinere, sine vigilarum labore, cordis ac-
quirere puritatem, cum requie carnis, spiritualibus
virtutibus exuberare:* veluti enim si lilium, molles
tantum flores, & languidæ circumstant herbæ, facile

vento-

ventorum impulsu humo alliditur, ac lutulento terræ pulvere inficitur: immo ab immundis etiam animalibus, sæpè conculcatur: at verò spinis circumseptum, ne cadat, ab iisdem sustentatur, & defenditur, ne brutorum pedibus conteratur: unde spinarum præsidio, gratè floret, fragratq;: haud fecus Castimonia, inter delicias, & commoditates carnis, tentationum flatu deijcitur, & à brutis cupiditatibus proteritur: jam si mortificationis spinis, flagellorum aculeis, ciliciorum asperitatibus, ac inedij obarmata fuerit, Deum, ac totam ejus cælestem curiam, vernanti oblectat candore, & suavi recreat odore, Sed quid rem per se notam, diutius elucido? cui tota Patrum spiritus, auctoritas suffragatur, Sanctorum exempla & vestigia demonstrant, uniuscujusq; experientia attestatur. Quotquot enim hac Castimoniae semitâ, nos ad beatam felicitatem præcesserunt, omnes per voluntariæ mortificationis spinas, ac sentes, lubricum iter illud feliciter confecerunt. Paterent utinam oculis nostris! reclusa cælestis Gloriæ abdita, spectaremus profectò, plumos, per asperæ mortificationis spinas, & tribulos, ad gloriosam Castimonia Lauream eluctatos, sine censu & numero, Benedictos. Hæc spinosâ asperitatis viâ, nobis quoq; incedendum est, ut periculosum, intaminatæ puritatis stadium, amænè ac festinanter, passu non labili, Dei, & heroicæ mortificationis ope, decurramus.

ALLO-

ALLOCUTIO VI.

Recta, & secunda est ad Perfectionem, Obedientiæ via, sed si vel tantillum ab ea aberratur, gravis error incurritur.

Obedientia senis baculo similis.

MUltis erroribus obnoxium, & ad fallenda vestigia proclive Perfectionis iter, constanter agentibus, Ductor & Antesignanus noster Beatus Pater, viatorium scipionem porrigit, ut eo suffulti, non ruant lapsabundi, sed recto tramite pergant securi. Porro scipio iste, senis ille baculus est, cui idem S. Pater, Religiosam Obedientiam vult esse persimilem: veluti enim debilis viribus, idemq; cæcus senex viator, scipione, quem gestat manibus, rectum pertentat iter, & pronos ad lapsum suffulcit gressus: ita affectus nostros, quos corruptæ naturæ labes, veluti quædam debilitavit senectus, & parendi studium excæcavit: jurata Deo Religiosa Obedientia, & rectâ viâ deducit, & arcet à ruina. Jam si infirmis viribus, & oculis captus senecio, suo destituatur fulcro, protinus & à recta semita procul aberrat, & pronus ruit in lapsum: haud secus Religiosus, si eam, quam semel ambabus manibus arripu.

arripuit, dimittat Obedientiam, procul dubio & à Regia Perfectionis via, longè deviabit, & in multorum criminum præcipitia ruet. Quod quàm sæpè fieri contingat, ex dicendis facile constabit.

Si inter virtutes, sive illas, quas Theologicas nominamus, sive eas, quas Morales dicimus, de primatu concertatio foret, essent credo non pauci, qui Fidei, aut Religioni, primas deferrent: hâc subnixi ratione, quòd Fides hominibus veri Numinis cognitionem ingerat, Religio Divinæ Majestatis venerationem edoceat. Descendamus, ad unum tantum particularem Religionis actum, exempli gratia, Sacrificium: Quid hoc dignius? quid ad honorandam Divini Numinis dignitatem accomodatius, esse cogitariq; potest? præsertim quòd quovis Sacrificio, Numen ipsum, aut figuratum, ut fiebat in lege veteri, aut verum, ut fit in Ecclesia Christi, offeratur. Vnde Sacrificium legis Gratiæ, ut consentiunt omnes, infiniti est valoris, & immensæ dignitatis. Iam verò Fides, etiam supra Religionem, aliquid sibi vindicare videtur. Prius enim illa, Numen verum agnoscit, quàm hæc veneretur: adeo, ut nunquam ad veri Dei cultum venerabunda Religio accederet, nisi eam invitaret, ac veluti manu duceret Fides. Cæterum his etiam primis dignitate Virtutibus, Obedientia aut anteferri, aut æquiparari debet. Et quod quidem ad Religionem atinet, ultro hæc, Obedientiæ cedit loco, & primatu, Divino.

Fides, aut Religio, inter reliquas virtutes, videntur primatum obtinere.

Obedientia su-
a cecitate, fi-
dei obscurita-
te imitatur,
& pari gan-
det certitudi-
ne.

Divino Oraculo, per Prophetam, Pontificiâ Tiarâ insignem Samuelem, ita approbante: *Melior est Obedientia quàm victima*: non alia puto de causa, nisi quòd & Divina Majestas, magis Obedientiâ quàm victimis oblectetur, & homines plus Dei Gratiâ, obsequendi studio, quàm Sacrificijs mereantur. Unde Regius Vates, clarè asserit, pluris à Deo obedientiam, quàm Sacrificium æstimari, dum Psalmo 39 ait: *Sacrificium & oblationem noluisti, aures aurem perfecisti mihi*. Quia, ut Sacri Interpretes exponunt, magis Divinæ voluntati, apertæ ad obediendum aures, quàm Sacrificiorum oblationes arri-derent. Quod verò fidei dignitatem concernit, certè huic etiam, si non anteponi, saltem aliqua ex parte, æquiparari debet, soletq; à Sanctis Patribus Obedientia: quorum Princeps Augustinus, ita in Psalmum 70. disertè loquitur: *Sola quæ Fidei meritum possidet, est Obedientia*. Et meritò equidem, S. Doctor, Obedientiam æquiparat Fidei: nam sicut Fides, obscuri luminis, ac planè cæcutiens est: neq; enim, rationes eorum quæ credit, manifestas intuetur: alioquin si in perscrutandis ejusmodi rationibus, sagax nimium & oculata esset, Fidei meritum, immo & naturam exueret. S. Gregorio Papa Hom. 26 in Evange. ita attestante: *Fides non habet meritum, cui humana ratio præbet experimentum*. Non aliter & Obedientiam, Sancti Patres, ac nominatim Beatus Pater noster IGNATIVS, cæcam esse volunt:

se volunt: si enim & illa nimis perspicax, præceptorumq; indagatrix esset, pretium meriti perderet, & Obedientiæ essentiam amitteret. Nam sicut fideles firmiter tenent, quidquid ad credendum legitime proponitur, nihil ulterius curiosè investigantes: ita qui se Obedientiæ subiiciunt, quidquid præcipitur, faciunt, nihil ampliùs inquirentes, nec rationes præcepti exigentes. Præterea, quæ admodum *sine fide* (ut ait Apostolus) *impossibile est placere Deo*: ita nisi perfecta in Religioso adsit Obedientia, omnia in eo Divino gustui desipiunt: Sed potissimum ex eo capite, merito Fidei, æquiparatur Obedientia, quod etsi quispiam, à cæterarum virtutum semita longè deviaverit, si tamen fidem firmiter teneat, nondum est extra viam salutis: jam verò si à fide, errore quopiam abductus, vel tantillum declinet, à spe vitæ æternæ, toto erravit cælo: haud aliter tenaces Obedientiæ mentes, etiamsi in aliarum observatione virtutum, impingere, aut errare eis contingat, facile tamen Obedientiæ dñctū, erigi, aut reduci possunt, ad eam, à qua errarunt Perfectionis viam: at verò, si dirigi se Obedientiā nolint, nullo cæterarum virtutum usu, juvari possunt, immo excusso obtemperandi freno, in aperta criminum præcipitia ruunt.

Rei de qua dissero, duo gentis Hebrææ Principes, iidemq; germani Fratres, Moyses & Aaron, documentum adstruunt: suum uterq; simulachrum,

Ff

popu-

Quod Aarons vitulum, non verò Moyses serpentem, populus adoravit, Obedientia effecit.

populo Israelitico proposuit ad spectandum. Aaron in primis, vitulum produxit conflatilem, Moyses verò serpentem fabricavit æneum. Inter quæ simulacra, illud discriminis est, quod Aaronis idolum, quamvis nullis prodigijs, aut Divinitatis indicijs notatum, magna pars populi, ut verum Numen adoravit: Moyses verò serpentem, licet miraculis celebrem, & Divinitatis indicia spirantem, nullus Hebræorum fertur adorasse. Aurum vitulo, ex quo erat conflatus, venerationis occasionem, crederem præbuisse. æneum verò serpentis metallum, neglectum fuisse. Cæterùm nativa serpentis prudentia, naturâ stolido, licet aureo, debebat præponendare vitulo. Eccur tamen Aaronis idolum, Divino cultu honoratur? Moyses verò serpenti, nulla similis veneratio adhibetur? sed ex ejus aspectu, ad veri Numinis adorationem unusquisque excitatur? Mitto alias, quæ gregatim circa id, menti occurrunt, considerationes, illam libens arripio, quæ rationem discriminis affert ab Obedientia. Fabricavit Moyses æneum serpentem, non suæ voluntatis placito, sed Divino obsecutus imperio. ideo nemo mortalium, æreo illi serpentis simulacro, Divinum tribuere cultum audebat, quinimò omnes, intuiti præclarum illud Obedientiæ opus, ad venerationem veri Numinis, mentes, & affectus, magno pietatis sensu at tollebant. Aaron verò, quia ex propria, populo adbladiante voluntate, aureum vitulum efformavit,

idcirco

idcirco idem populus, proposito sibi idolo, Divinum cultum exhibuit, & ad idolatriam gravi impietate aberravit. Aeneus ille serpens, magis Obedientiæ, quàm artis fusoriæ subsidio productus, ad cognitionem, & venerationem Præpotentis Dei, populum rectà ducebat: ille verò vitulus, tanquam propriæ voluntatis fætus, à veri Numinis cultu, ad turpe idolatriæ crimen, multos abduxit, & procul à via salutis aberrare fecit. Idem omnino nobis usuvenire solet, quod populo electo Dei, olim contigisse audimus. Si quis enim nostrum, qui Deo Obedientiæ votum fecit, Moysen imitatus, illa tantum in sua cogitatione effingit simulacra, quæ sancta describit Obedientia, prudentis ille format sibi effigiem serpentis, nunquam certè talis, à via sanctitatis aberrat, sed inter mille salutis discrimina, ad æternæ beatitudinis metam, quæ est summa Dei Bonitas, rectà securus pergit. Iam verò, si quis propriæ voluntatis, vituli jugum detractantis, facit sibi idolum, si sui pertinax sensus, plausum in omnibus quærit popularem, profectò ille, vitulo quovis stolidior, non à Perfectionis tantum, sed ab æternæ etiam salutis via, facile deviabit, & Divini refragator regiminis, in multas criminum labe, infelix idolatra ruet, illudq; sibi oggeri audiet, quod olim, pertinax Obedientiæ violator, audivit Saul, à S. Propheta suo Samuele, dicente *Quasi peccatum ariolandi est, repugnare, & quasi scelus idolatriæ, nol-*

Ff2

le acqui-

Idolum præ-
pria voluntatis,
multorum
causa malorum

le acquiescere. Ad eam impietatis consummationem, Divinæ, per suos vicarios intimatæ voluntatis, contemptores delabuntur, ut inter idolatras scelestissimos censeantur. Neq; hæc est auxesis exaggerativa, sed veritas genuina: cum enim Divinum illud sit in Evangelio effatum: *Qui vos audit, me audit:* sequitur ex inde, quod ille, qui proprii iudicii sensum, præponit sui superioris iudicio, propriæ voluntatis veneratur idolum: Deum verò humano ore imperantem, nihili facit: quod scelus, nonne proximum est, colenti idola impietati?

*Quantum Deo
placeat Obedientia, patuit
in S. Bernardo.*

Alia est sors, felicitas longè diversa eorum: qui Obedientiam, Divino quodam cultu observant, ita ut pietatis etiam opera, ac cælestes delicias, illi possideant: tales enim turissimâ sanctitatis semitâ, ad Deum, qui est ultima Perfectionis meta, rectâ contendunt. Ut olim patuit in observantissimo Obedientiæ Bernardo: hic, in primordiis vitæ suæ Religiosæ, cum quodam tempore, in ardentissima sua contemplatione, solito æstu ferveret, à se ipso abiit, & in illo mentis excessu, aspectabilem intuebatur Iesum, ejusq; colloquijs, mirè recreabatur: ecce verò, dum his fruitur delicijs, importunus, ad aures, appellit campanæ domesticæ sonus, quo ad everrendam domum, Religiosi Tirones evocabantur. Quid hic ageret Bernardus? abire à suavissimo IESV, relinquere suos amores, ac delicias, enimvero grave, ac durum: non abire evocante campanâ, tan-

nâ, tanquam sui superioris lingvâ, etiam nefas:
 abiit tamen illico Bernardus, etiam non salutato
 hospite gratissimo, sed non abiit IESVS, ubi enim,
 mundatâ scopis domo rediit, ad suam cellam, su-
 pra cælestes delicias, Obedientiæ appretiatur Ber-
 nardus, reperit Iesum, eodem adhuc hærentem ve-
 stigio, vultu longè amabiliore, hâc voce se com-
 pellantem: Nisi abijsses Bernarde, ego non reditu-
 rus recessissem. Ita nimirum Obedientia, dum e-
 tiam à Deo suos cultores avocare videtur, compē-
 diosior illos viâ, reducit ad eundem: siquidem o-
 ptimus Servator, inobedientes deserit, adhæret con-
 stanter obedientibus.

Sed in Principem quoq; Apostolorum Petrû,
 stupentes conijciamus oculos, & videbimus profe-
 ctò, quàm securè, difficillimis etiam itineribus, su-
 os cultores ducat Obedientia. Navem conscende-
 rant (ut Capite 14. enarrat S. Evangelista
 Matthæus) Apostoli, vix in altum provector, nox
 inprimis intempesta excepit, validus deinde vento-
 rum turbo, mare totum concussit, unde sæva tem-
 pestas coorta, jam planè fluctibus Apostolicam
 absorbebat navim. Ecce verò, inter eas, tumultu-
 antis oceani procellas, adest super undas ambulans
 aspectabilis Salvator, quem ubi, sibi à metu reddi-
 tus agnovit Petrus, in eam erupit vocem: *Domine, jube me venire ad te.* Quæ dum audio, vehe-
 menter miror Apostolum, quòd in eos, quos modò
 exsimu-

*S. Petram per
 fluctus maris,
 securè Obedi-
 entia duxit.*

extimuerat fluctus, libens proflire velit. Cur enim potius non ait? Domine, savientis oceani compesce furorem, fluctus haurientem conscende, & attolle navim, pereuntibus porrige dexteram, mari tumido, tranquillitatem redde: nihil ille precatur horum, sed intrepidus ait: *jube me venire ad te*. Sed enim, furentis pelagi vorticibus haustus demergere-ris? Non ego, inquit, Apostolus, tempestatis minas, ventorum turbines, Oceani vortices vereor: omnia pericula nihili duco, nihil pertimesco: modo jube, & impera Domine, ut veniam ad te. Duce Obedientiâ, etiam fluidi naturâ elementi, solidum & calcabile iter præbebit eunti. Neq; sua Apostolum elusit opinio: nam per tumentes etiam maris vortices, sicco & securo vestigio, ad Christum pervenit: palamq; fecit, eam Obedientiæ inesse vim, ut etiam ardua, reddat plana & facilia.

*Terra maris,
ad Perfectionem
incipit.*

Ea profectò est viæ nostræ, quam consequendæ Perfectionis causâ, suscepimus varietas: ut non terrestri tantum itinere, ad sanctitatem contendere, sed mari etiam, per tumentes procellarum fluctus, ad fortunatam beatæ perennitatis insulam navigare, nobis incumbat. Quid enim melius, humanæ vitæ procellosam conditionem, quàm turbulentæ maris exprimit, ac effingit imago? ubi, quot validè irruentes tentationum insultus, tot decumani fluctus, & procellæ: quot delinquendi occasiones, tot periculi, plenæ syrtes & Charybdes. O quot
quantis-

*Securè passio-
num suarum
fluctus calcas,
qui Obedien-
tia sequitur
ductum.*

quantisve passionum, ac cupiditatum fluctibus, cari-
riosa hæc, in qua navigamus, corporis nostri na-
vicula obruitur? ita, ut unumquemq; nostrum, in
æternæ perditionis abyssum, demergi oporteat, nisi
nos, ex hoc procelloso æstu, eripiat salvetq; Obedi-
entia, quæ similiter periclitanti adfuit Apostolo Pe-
tro, dicenti: *Iube me, venire ad te.* Veluti enim il-
la Ducis populi Israel Moyſis, clara prodigijs virga,
per profundam vastitatem tumentis pelagi, sicco
pede deduxit Hebræos: ita à Ductore nostro S. Pa-
tre, adumbrata per senis baculum Obедientia, fa-
cilè efficiet, ut omnes, fluctuantis vitæ evadamus
procellas: Si enim Beato, quem modo nominavi,
Parenti nostro IGNATIO, tantum fuit animi, ut
paratus esset, scapham clavò, malo, velis, ac remis
deslitutam conscendere, & se furentis Oceani vasti-
tati committere, si id legitima sibi imperaret po-
testas, procul dubio, nobis quoq; eadem, maximè
& præ omnibus, commendata à S. Patre Obедienti-
a, in omni discrimine aderit subsidio. Iam verò (ut
ait Pater noster Mutius, Epistola ad Patres Congre-
gationum Provincialium) *Si nos una deficiat O-
bedientia, jure nobis ab aliqua ruina timendum est.*

*Signatus abſq;
remis & malo
paratus erat
mari se com-
mittere.*

Cujus veritatem effati, probat suo luctuoso e-
ventu, memorabilis ille, è cætu Prophetarum Jonas,
quem, jussa Dei fugientem, ab irato absorptum ma-
ri, cetus grandis devoravit. Non multum ut sibi
videbatur, ab Obедientia ductu deflexerat, & ille
alter

*Ab Obедien-
tia si modicè
deflectatur, gra-
vis error in-
curritur, ut
patuit in qui-
busdā Prophetis*

alter Anonimus Propheta, prodigijs clarus, quem 3. Regum cap: 13. describit sacer Historicus. Habebat ille, non absimilem Regulæ nostræ, inter communes 15. sancitam legem, quâ prohibebatur, ne quid cibi potûsve, extra domum sumeret: contigit tamen semel, ut ejus præcepti oblitus, hospitalitate amici invitante, & sua etiam sensualitate non reluctante, aliquid de cibo & potu, extra claustrum degustaret. Sed protinus violatæ Obedientiæ, graves admodum pœnas tulit. Terra ille, non mari, iter faciebat, grauius tamen naufragio Ionæ periculum subiit, dum in sæui leonis crudeles fauces, & dentes præacutos, grauius impegit? Ita nimirum, modicus etiam ab Obedientia recessus, graui semper plectitur errore: jam uerò parendi studium, rectâ ducit viâ salutis.

S. Columbanus mira effectum fecit per Obedientiam.

Vtrumq; patuit, in illo memorabili sancti Columbani facto præerat ille in cænobio Luxoviensi pluribus religiosus, quos, cum certo anni tempore, grauis corripuisset lues, ita ut ferè omnes, longo affecti morbo, lectis detinerentur: quibus cum pleno charitatis pectore, & multis in medicinas impensis, S. Abbas nequidquam mederi posset, insolito spiritu, magnam illam, in qua infirmi decumbant, ingressus aulam, omnes illico è lectis surgere, ad fruges, in solis æstu trituras, mandat: obstupere, ad tam graue imperium ægri, delirare aliqui, putabant senem, quod grauius decumbentibus,

ac ne

ac ne pedibus quidem, consistere valentibus, adeo,
 gravem imponeret laborem, palam questi: quid iste,
 non paternæ tantum charitatis oblitus, sed mentis
 etiam impos senex, nobis fruges triturare injungit?
 quos ita gravis, ac diuturna vis morbi concussit, ut
 ne loco quidem movere nos valeamus: atq; ita im-
 prudentiam senioris cavillati, suis se detinuerunt
 lectis: Alij tamen simpliciores, imperio obsecututi,
 ægrè ut poterant, langventes artus, ad opus injun-
 ctum trahebant: ecce verò isti, subito omni mor-
 bo soluti, pristinas recuperârunt vires: cæca eos, cui
 obtemperarunt Obedientia, ad integram sanitatem
 reducente. Illi verò discreti, & oculati, nimis lon-
 gas suæ inobedientiæ dederunt pænas: toto anno,
 cum morbis graviter conflictati. Audiant hoc illi,
 quibus, si aliquid ardui, aut valetudini, aut honori,
 aut naturæ repugnans injungatur, illico suos Mo-
 deratores imprudentiæ arguunt, charitatis exper-
 tes asserunt, & sugillant: unde non mirum, quod
 langvore mentis correpti, non tantum in via Perfe-
 ctionis non proficiunt, sed etiam longè ab ea exer-
 rant: immo in aperta criminum præcipitia ruunt:
 ut benè Cassianus lib: 4. Institut: cap: 6. docet:
*Non posse Religiosum, concupiscentiæ voluptatem re-
 frenare, nec iram extinguere, nec pacem cum fra-
 tribus habere, nec in cænobio diutius perdurare, qui
 voluntatem suam, ad Obedientiæ nutum, non didi-
 cerit accommodare.* Quo suo sensu, præclarus hic,
 Gg asceti-

*Omnia vitia,
 per Obedien-
 tiam refrena-
 ri docet Cassi-
 nus*

asceticæ doctrinæ Magister, manifestè docet ac declarat: repugnantem Obedientiæ mentem, nocentissimam esse omnium virtutum pestem, & extremum.

Omnium viarum, illud ego maximè arduum, & periculosum iter esse arbitror, quod ad portas mortis ducit, & approximat. Ille felix, qui hanc etiam, opertam mortis caligine regionem, Duce Obedientiâ ingreditur: Salvatorem suum imitatus: *qui factus est obediens, usq; ad mortem*. Ejus planè insisibat vestigijs, notæ sanctitatis in Religione nostra Adolescens, Ioannes Appulus, qui cum desperata jam suâ valetudine, ægrè spiritum duceret: interrogatus à suo Rectore, & Tironum Magistro, quando ad superos vellet emigrare? quomodo (respondit) possum? nisi tuo Pater jussu discedere? delectatus tantâ simplicitate, & obediendi studio Rector, fecit abeundi potestatem, sub auroram diei insequentis: nec Ioannes commissam sibi vitæ stationem deseruit, ante tempus designatum, sed in ipso Obedientiæ termino, vitâ excessit, & omnes circumvolitantium, in globo igneo, animæ suæ hostium insidias, feliciter elusit: inmo. ut vir obediens, & victorias loquens, ivit ad triumphum. Nos, si eodem, Obedientiam adumbrante, à Beato Patre porrecto scipione, subnixi, constanter parendi promptitudinem tenuerimus, iter nostrum, citra errandi periculum, facile conficiemus.

ALLO-

Ioannes Appulus, singulare Obedientiæ exemplum.

ALLOCUTIO VII.

235

*Accurata Silentii observatio,
multa bona, violatio, plurima
adfert nocumenta.*

INfestam latrocinio viam, si quis viator habet, non à clamoribus tantum, sed ab omni prorsus abstinet colloquio, veritus, ne verborum strepitu, insidiantes ad rapinam provocet hostes: quòd non tantum hominibus, ea, quæ pollent, ratio dicat, sed animantibus etiam rationis expertibus, arcanus quidam naturæ suggerit instinctus, quòd potissimum gruibus, & anseribus, fertur esse usitatum. Cum enim volucres istæ, ita sint naturâ garrulæ, ut inter volandum, à suo sibi gannitu temperare nequeant: dum è frigidis regionibus nostris, hyemis asperitatem declinaturæ, ad temperatioris auræ se transferunt clima, multa illis nemora, & silvas, suâ vastitate propè immensas, volatu præterire incumbit: ubi aquilæ & vultures, cæteraq; avium rapacium turba, suis incubat nidis: ne ergo dictæ grues & anseres, suâ, à qua abstinere nequeunt garrulitate, latentes in silvis, dum eas transeunt, volucres sanguinarias, ad sui lanienam excitent, ac provocent, guttura arenis, & continuo gannientia ora,

*Grues, & An-
seres, ut ra-
paciū aviū
evadant cru-
delitatem, so-
lent.*

*Silentio. ho-
sies nostri co-
sitantur.*

obstruunt faxis ac lapillis, & ita dum tacent, insi-
dias hostium securè transeunt: ac demum, ad eam
quam petunt, camporum amœnitatem perveniunt:
unde huc iterum, redeunte placidiori vere, eodem
stratagemate usæ, sospiter revertuntur. Si quis-
piam mortalium, nos certè Religiosæ Perfectionis
sectatores, dum ex hac, mortalitatis nostræ frigida
regione, ad illam beatæ amœnitatis Patriam, cæ-
lestium desideriorum pennis instructi, volare con-
tendimus, plurimos crudelitæ sævos, scimus no-
bis insidiari hostes: quorum sævitiam, ubiq; laten-
tem, nullo felicius astu eludere, ac evadere poteri-
mus, quàm accuratâ lingvæ obseratione: quod
non difficulter, spero nos effecturos, postquam ser-
vati silentij, commoda, violati ingentia damna, per-
spexerimus.

*Magna Per-
fectionis, in-
cumbit nobis
necessitas.*

Quanta nobis consequendæ Perfectionis in-
cumbat obligatio, supervacaneum puto, hîc ea re-
censere, quæ superius ex mente Sanctorum Patrum
& Theologorum, dicta sunt: præsertim cùm in du-
bium, nemo nostrum revocare possit, sub lethali,
gravioris culpæ piaculo, ad id nos seriò obligari.
Porro ad eum finem, ut perfecti in omni virtute e-
vadamus, nullum posse efficacius reperiri medium,
accuratâ silentij observatione, unanimi consensu do-
cent, vitæ spiritualis magistri, quibus & Divina suf-
fragantur Oracula. Si enim certum aliquod, perfe-
ctæ sanctitatis indicium, seriò inquiremus, audiemus:
profe-

perfecto S. Apostolum Iacobum, Divino utiq; spiritu afflatum, ita in sua Epistola Canonica respondentem: *Si quis verbo non offendit, hic perfectus est.* Quia verò, ab eo verborum lapsu, ille maximè immunis est, qui suam novit refrenare linguam: sequitur manifestè, diligentem silentij custodiam, esse compendiosam Perfectionis viam: & quidem meritò, cum enim Perfectio nostra in eo maximè consistat, ut abstractà, a fluxis, ad æterna, à terrenis ad cælestia, à creatis, ad Creatorem, mente, toto affectu conscendamus: quis non videat? illum, ad ejusmodi conscensum, esse inprimis idoneum, qui ori suo, diligentem ponit custodiam: ita, Divino lumine illustrato Propheta Jeremià, Threnorum 3. attestante: *Sedebit solitarius, & tacebit, levabit se, super se.* O quæ ista taciturnitatis felicitas! quæ hominem, plumbo gravius, ad terrena decidentem, erigit ad superna, elevat ad Divina, ut benè Petrus Damianus explanans verba Prophetæ, lib. 7. Epist. 6. ait: *Plane solitarius, dum tacet, elevat se, super se, quia mens humana dum inter silentij claustra, undiq; circumcluditur, in superiora sublimis erigitur, ad Deum per caeleste desiderium rapitur, & in amore ejus, per ardorem spiritus inflammatur.*

Latet puto, in eo aliquid mysterij, quòd cum sacra Historia referat, Templi, à Rege Salomone Deo dedicandi, structuram nimis operosam, addit eam, plenam stuporis circumstantiam, quod malleus

& secu-

Et securis, Et omne ferramentum, non sunt audita in domo Domini, cum edificaretur: Humanæ omnino mentis, superat narratio capacitatem, dum admirabunda cogitat: quomodo ingens illa saxorum moles, perpoliri, & in altum erigi potuit, citra omnem cujuslibet ferramenti strepitum? Sed pandit arcanum, idem Damianus, dum hæc ita, ad sensum traducit mysticum: *Templum Dei per silentium crescit, nam dum humani cessat strepitus colloquij, construitur mente templum Spiritus Sancti: quia cum mens humana, per exteriora verba, se non fundit, in sublime fastigium spiritualis ædificij structura consurgit, tantòq; succrescens in altiora sustollitur, quantò per silentij custodiam circumclusa, sese extrinsecus fundere, prohibetur.* Novimus omnes, testimonium Apostolo perhibente, unumquemq; nostrum Templum Dei esse: unde, prout illa prodigiosa templi Salomonici structura, nullo malleo, aut quovis alio ferramento perstrepen- te, in altum erigebatur: ita animæ nostræ internum Spiritus Sancti Sacrum, in perfectum assurgit ædificium, cum malleo gravior, securi acrior, lingua non perstrepat.

*Silentium gratissima Deo,
Psalmodia.*

Quod si pernosse velimus, quo Psalmodia, ac devotionis concentu, in hisce interioribus, animarum nostrarum templis, maxime summa Dei Majestas oblectetur? facit Divinus Psalter quæstioni satis: dum Psalmo 64. canit: *Te decet hymnus, Deus in Sion,*

in Sion. Sanctius verò Hieronymus, ita ex Hebræo legit: *Tibi silentium laus Deus in Sion*, quo Hebrææ lectionis sensu, luculenter exprimitur: Divinam Majestatem, maximè silentio honorari, ac etiam oblectari. Annuit facilè huic veritati S. Gregorius Nazianzenus, dum ita Oratione 2 loquitur: *Pietatem, non in multum, & sæpe de Deo loquendo, sed ut plurimum tacendo, positam esse judicetis.* Quod si S. Doctor, pia etiam de rebus Divinis colloquia, arcto posthabet silentio, manifestè ostendit, in eo, omnem sitam esse Perfectionem nostram. Hujus planè mentis erat, & Beatus Parens noster IGNATIVS, qui, ut de eo meminit, clarus sacrarum literarum interpret noster, Cornelius à Lapide; primum & principale dicebat esse indicium, quòd in aliqua Religiosa communitate, vigeat Perfectionis studium, & amor: si diligens inibi, inveniatur observatio silentij. jam verò, si alicubi colloquia, & confabulationes passim misceantur, aut etiam clamores perstreant, non Religiosæ habitationi, sed profanæ cuipiam tabernæ, domum illam ajebat esse similiorem. Neq; verò, mirum cuipiam videbitur, in diligenti oris custodia, Religiosam Perfectionem maximè consistere, si præclarum ejusmodi taciturnitatis Encomissem, S. Laurentium Iustinianum audiat, ita in magna silentij elogio, excurrentem: *Obstrucio, (inquit ille, in Fasciculo Amoris cap: II) in utilium verborum meatu, inclusus amoris ignis, co-*
stati-

*S. Ignatius ex
observatione
silentij, iudi-
cabat de san-
ctitate unius-
cujusq; Religi-
ose commu-
nitatis.*

*S. Laur. Iusti-
niani encomi-
a silentij.*

gitationes modificat, compungit animum, fugat vitia, lacrymarum educit fontes, custodit ostia, sectatur pacem, sursum cor erigit, Deoq; conjungit. Nec minora laudum encomia, cæteri quoq; viz spirituales Duces, in commendationem observati strictè silentij, coacervant: dum illud, alij omnium passionum frenum, alij internæ pacis, & fervidæ orationis nutrimentum, alij sanctissimarum cogitationum seminarium, & Divinarum Gratiarum incrementum putant, & appellant.

*Michael maxi-
me silentio a
stare de-
bet, qui pro
communis sa-
luti maxime
operatur.*

Neq; verò quispiam existimet, eam silentij commendationem, ad solos eremi incolas, & Anachoretas, cæterosq; in propriæ tantum salutis studium incumbentes silentiarios, pertinere: iam vero illos, quibus alienæ salutis cura incumbit, minimè debere esse taciturnos: nam ab eloquio eorum, salus dependet multorum. Immo verò, his maximè, ad constans & diuturnum, opus est assvescere silentium: siquidem, ut benè, is quem proximè nominavi, S. Laurentius Iustinianus, ait: *Taciturnitas, benè loquendi principium est.* Nec mirum, nemo enim unquam, benè locutus est in publico, qui non tacuit diu in privato. Si enim, illi veteres Philosophi, eorum, quos erant erudituri, ora diuturno obstruebant silentio: ita ut integro etiam cogerentur silere septennio, antequam sapienter loqui cæpissent: quanto magis, & accuratius, illis silere incumbit? qui cælestem sapientiam, sunt alijs communica-
turi.

turi. Certè disertiorè, & ad persuadendum magis idoneum Oratorem, vidisse orbi nunquam contigit, *Æterni Verbi Præcurfore*, & tamen hic etiam Doctor planè Divinus, vix in lucem editus, in silvas migravit, in caverna delituit, ibiq; triginta ipsos annos, muto elingvior saxo, tacuit: ut postea Divinâ eloquentia utiliùs totâ personatet Palæstinâ. Immo ipsum etiam *Æternum* in carne Verbum, trinâ similiter annorum decade, siluit, ut efficacius ad salutem hominum loqueretur. Tunc demum & nos, aliquid in salutem aliorum, dicere utiliter poterimus, si lingvas & ora, Religioso consecraverimus silentio.

Admirandum rei hujus documentum, etiam in experto rationis volucré, Roma quondam stupuit. Leo Papa X. loquacissimum habebat Psitacum qui per diem multa jucundè, pluraq; etiam ineptè continuò garriens effutiebatur: contigit tamen semel, ut assumptâ quadam mæoris specie, taciturnus, & quasi cogitabundus, integrâ sileret septimanâ: quod admiratus Pontifex, accedit ad volucrem, præter solitum, diu tristem ac tacentem, tum & interrogat: Psitace quid cogitas? mox Psitacus quasi ex-pergefactus, illud ex Psalmis protulit: *Cogitavi dies antiquos, & annos æternos in mente habui.* Quo responso, perculsus Leo, Psittacum quidem, quem, præstigijs agi, existimabat, capite minui iussit, sibi tamen verbis istis, post diuturnam silentij moram

Psitacus antequam aliquot verba sacra proficeret tacitâ siluit septimanâ.

à volucré prolatis, gravem infligi aculeum sensit, quòd à creatura intellectu destituta, horrendæ æternitatis admoneretur. Quodsi garrulus naturâ Psittacus, post brevem suæ loquacitatis pausam, ea proferre valuit, quæ summo etiam Ecclesiæ Capiti, salutarem cogitandi præberent materiam? Quid humanæ non efficient lingvæ! si ad prædicationis munus, in arcto se præparaverint silentio.

Loquaces hirundines malè pereunt, ad dicti silentio olores læti moriuntur.

Et quia ab avibus etiam, filere discimus, ab ijs nondum recedamus. Sanctus Gregorius olim Antistes Nanzianzenus, graves à multis audiebat crises, quòd taciturnus ut plurimum inter hominès viveret, arguebatur inurbani inter politos silentij: quibus, ut ora occluderet garrula, talem commentus est apologum. Hirundines olim cavillabantur cygnos, quod extra hominum consortia, solitarij & taciturni, in aquis, sibi tantum viverent: at nos (ajebant illæ) inter homines, in urbibus sumus, in domibus regijs ædificamus, fallendo temporì cantu nostro plurimum commodamus. Malè olores, hæc hirundinum dicacitas habuit, unde unus eorum, obstrepentibus, ita reposuit: o miseræ, inquit, ayes, quàm vana est ista gloriatio vestra! nos quidem arcto assueti silentio, taciturni vitam ducimus, sed in morte suavè canimus læti, homines, ut nostros audiant concentus, urbibus egrediuntur, & dulcedine vocis nostræ oblectantur: vestros verò garrulus oderunt omnes, nemini non ingrata estis, tanquam

quam avium loquacissimæ, neq; enim canitis, sed incondito strepitu, & molesto garritu, omnium fatigatis aures. Vnde prima Sapientium nomina, Pythagoras & Aristoteles, vos sub eodem tecto, hominibus pati non suadebant: simile planè discrimen, inter mortales silentio addictos, & garrulitate infames reperitur. Hi enim, qui arcto adstricta tenent ora silentio, facundè possunt, & solent ad utilitatem, accommodatè loquicū proximis, ubi se campus & occasio zeli, in promovenda aliorum salute aperit.

Iam verò (quod longè majus delectabiliusq; est) quis nesciat? lætos & exultabundos, ejus modi taciturnos Religiosos Olores, mori. Talis fuit, inter multos, silentio plurimum addictus Abbas Pambo, qui (ut de eo Palladius in Lausiaca cap: 10 refert) cum lætus, & suaviter canens moreretur, interrogatus à fratribus: eccur tantum lætitiæ præferret in hoc temporis articulo, quo cæteri mortales horrere, mærare, & sua deplorare delicta solent? quibus in hunc sensum respondit: *Non memini me linguâ, quam acurato silentio coercui, aut verbo vitioso prolato deliquisse, Et ideo lætus morior, neq; enim ille errare potuit, qui Spiritu Sancto afflatus dixit: si quis verbo non offendit, hic perfectus est.* Hoc idem in Religione nostra, eruditus in spiritu, per plures annos Tironum Magister P. Ignatius Ballamon, quod ipse experiebatur, plurimum cõ-

Abbas Pambo, quod linguam coercuerat lætus moriebatur.

Garruli, ma-
gna incurrunt
damna.

mendabat alijs, ut si hilares vitam Religiosam ducere, & lati mortem oppetere cuperent, silentio, tanquam cæterarum legum compendio, velent esse addicti. Iam verò, garrulas imitati hirundines, loquaces Religiosi, quæ, & quanta incurrunt damna, nullis exprimi verbis, ac ne lacrymis quidem, satis deferri potest. Grande in primis malum est, quòd ejusmodi dicacitas, animam Divinis Gratijs, & consolationibus reddat indignam: unde cælestibus clara illustrationibus, S. Magdalena de Pazis, impossibile esse dicebat, ut anima religiosa, quæ silentio non delectatur, res Divinas gustare possit: nec immeritò, si enim in vase, nullo operculo clauso, non opobalsamum, aut quispiam alius pretiosus liquor, sed pulveres, muscæ, & araneæ reperiuntur: multò minùs, Religiosus, aperti semper ad loquacitatem oris, non Divinæ Gratiæ, ac consolationis charismata redolet, sed multorum nidus est criminum. Vnde quod de vase discooperto, Sacer Textus Num: 15 ait: *Vas quod non habuerit operculum, & ligaturam desuper, immundum erit:* hoc à fortiori congruit ori, semper ad garrulitatem patulo. Recenset ea animæ inquinamenta, cujus jam mentionem feci S. Laurentius Iustinianus, dum ex multiloquio sequi asserit: verba otiosa, detractiones, murmurationes, mendacia, contentiones, querelas, susurrations, scurrilitates, rixas, turpiloquia, temporis & meliorum actionum jacturam, aliasq; vitiorum labes.

Illud

Illud verò, longè gravius, nec non acerbis est, quòd ejusmodi, in cætu religioso loquaces graculi, totam perturbent & infament communitatem. Quoties enim Religiosos vident extranei, seu domi, seu foris, nimis esse lingvæ in garrulitatem profusæ, non benè de toto sentiunt ordine, & profectò non sine causa, siquidem nihil magis Religiosum perturbat ordinem, & evertit disciplinam, quàm passim loquendi effrenata licentia, quæ eò criminis evadit, ut quamvis legis de silentio latæ, interdum contingens violatio, leve, aut certè nullum fuerit peccatum, si tamen veniat in habitum, & assuetudinem, à lethali non excusatur crimine, propter annexam scandali, & perturbati ordinis malitiam, ut per expressum docet cum alijs, magni nominis noster Theologus P. Thomas Satchez lib: 6. cap: 4.

Loquaces Religiosi, totam infamant communitatem, & evertunt disciplinam.

Rem, memorabili confirmo, ac concludo narratione, nostra id quod dicturus sum, contigit ætate. Ante annos circiter 20. sub felici regimine Patris nostri, piè defuncti Ioannis Pauli Oliva, quod factum, idem Pater, in sua publica Exhortatione, graviter ac dolenter exaggeravit. Romæ, *Ædes est, ad Forum Agonale, Divo Iacobo sacra, in eam Adolescens illustris ortu, indole, ingenio, sed probitate illustrior, devotionis causâ, in magno, ad eum locum populi concursu, venit, ubi, vix inter sibi æquales viros, ac juvenes nobilissimos constitit, illicò à mul-*

Illustris genere & insignis pietate Adolescens, à P. nostro Paulo Joanne Oliva in publica laudatus exhortatione.

à multis, ad colloquium compellabatur familiare,
 ille verò, vel brevissimis responsis sermonem abrum-
 pere, vel defixis in Aram ac Sacrificantem oculis,
 totoq; ab ijs averſus corpore, obmutescere sat agebat:
 & quamvis sæpiùs sollicitaretur à proximis, omnem
 tamen eorum vicit importunitatem, horamq; in-
 tegram, in ea pietate, & Sacræ Ædis reverentia
 constans perſtitit. Tum verò illi, qui se eâ tacitur-
 nitate despici arbitrabantur: abeuntem è Templo
 juvenem inſecuti, graviter eam, (ut illi appellabāt)
 morum rusticitatem objurgârunt: quibus ille re-
 spondens, dicebat: si vos, inquit, in hoc me foro, in
 quo nunc sumus, ad confabulandum provocassetis,
 efficerem profectò, ut omnes loquacitate vincerem,
 at verò, ubi intra Templi ambitum constitero, Di-
 vinisq; Sacrificijs interfuero, nemo mihi unquam, in
 contemptum Divinæ Majestatis, verbum ex ore e-
 liciet. Tum illi: quorsum, inquiunt, tu adeò reli-
 giosus & mutus esse voluisti? cum illi ipsi Societa-
 tis Patres, quorum tu scholas frequentas, in eodem
 Templo, toto garrirent tempore. Tam acerbo di-
 cto, nihil perculsus Adoleſcens, ita inſectatores su-
 os rejecit. Equidem, inquit, quid Societatis Patres,
 eo tempore, quo vobis obmutui, fecerint, dixerint-
 que, non novi, neq; nosse cupio: illud ſcio, me
 ſemper ab illis monitum, eruditumq; eſſe, ut in
 quavis Divino cultui dicata Æde, linguam continē-
 rem: dabitis proinde mihi veniam, quòd magis e-
 orum

orum doctrinæ obsequi, quàm exemplum imitari
 maluerim. Hanc (ut gesta est) Historiam, postquam
 rescivit, idem Pater Generalis, primò quidem ama-
 rissimis lacrymis, factum deploravit: deinde Patrici-
 um Adolescentem, ætate juvenem, vitæ genere
 profanum, legibus religiosis solutum, in ipso æta-
 tis fervore, & vitæ licentiâ constitutum, pravis ali-
 orum exemplis, quibus nulla potentior machina,
 impetum, nihil coartaneorum ludibrijs, nihil cõ-
 sanguineorum indignatione motum, ut in sacris
 mysterijs, præsentì Numini reverentiam exhiberet,
 statuæ instar, & quovis marmore magis surdum, ac
 mutum perstitisse, deprædicabat. Religiosos ve-
 rò Societatis illius, quæ cultum Dei, tanto studio,
 ubiq; terrarum promovet, violatis Religionis &
 Christi legibus, ut fædam linguæ suæ scabiem fri-
 carent, inter ipsa Sacrificiorum tremenda Mysteri-
 a, pro gemitu & precibus, ineptos sermones mi-
 scuisse, & risus effudisse, peracerbè dolebat. Tum
 deinde, illis ipsis impotentis linguæ collocutoribus,
 rei indignitatem exposuit, facinus plenum scanda-
 li, eâ, quâ pollebat facundiæ vehementiâ, severè
 castigavit: En, aiebat, hâc vestrâ dicacitate, no-
 men Religionis infamastis. Quis enim nos domi,
 religiosæ observantiæ invigilare, & pravis moti-
 bus imperitare credet? quos in Domo Dei, tam in-
 compositos, & effusos in loquendum vidit. Planè
 dicebat, lingua vestra gladius acutus, quo Religi-
 oni fa-

*Garruli repre-
 hensi.*

*Superiores se-
verius admo-
niti.*

oni famam, mihi viscera pupugistis. Ad extre-
mum invecus in Superiores immediatos, graviter
detonabat Sed ego (inquebat) minus adhuc eo-
rum, qui deliquerunt petulantia succenseo, illorum
negligentia, per quos, impunè in hoc genere pec-
catur, vehementius irascor, dum enim Præsides, le-
gem de silentio latam, inter septa domestica, pas-
sim violari sinunt, id profectò suâ dissimulatione
efficiunt, ut domi, assveta loquacitati subditorum
ora, etiam in publico, dicatas Divino cultui ædes,
suâ dicacitate profanent, & externorum oculos gra-
viter offendant, ac scandalizent. Vt plura ejusdem
zelosissimi Patris fulmina, in dicacitatis crimen vi-
brata, omittam. Cum ex his etiam, quæ dicta sunt,
manifestè pateat, quantum multis noceat, si quis
lingvam, hoc est omnium malorum compendium,
dentibus & labijs, veluti muro & antemurali, à na-
tura circumseptam, non custodiat. Talis enim, non
tantum seipsum, Divinis Gratijs reddit indignum,
sed toti etiam communitati, gravem inurit infami-
am, suosq; in primis, crudelem in modum, lancinat
Superiores: qui nisi pro viribus, ejusmodi obsistant
lingvæ dissolutioni, delinquant lethaler: etiamsi
subditi nimis garruli, ad eam non pertingerent
gravitatem peccati. Vt primi ex Theologis, Sua-
rez, & Vasquez docent, cum alijs. Vnde, quemad-
modum veteres Philosophi, obstrepentes continuo
hirundines, humanis in ædibus, tolerandas non cen-
sebant,

*Equaces, Re-
ligiosa indi-
gni contubere-
nio.*

sebant: ita garrulitati assueti homines, religioso non sunt digni contrubernio, quos Divina sententia, omni Religiositate pridem abjudicavit, ita Apostolico D. Iacobi ore pronuntiata: *Qui non refrenat linguam suam, hujus vana est Religio*, quasi dicat: Frustra ille domum Religiosam incolit, frustra vestem sui ordinis desert, quem, ne Religioso quidem nomine, dignum loquacitas facit. Quæ cum ita sint, si in ea, qua pergimus Perfectionis via, plurimos vitiorum hostes, ad miseram nostri, & totius Religionis prædam, provocare nolumus, grues & anseres, cum quibus, iter illud capimus, sedulo imitati, obstructa silentio ora teneamus.

ALLOCUTIO VIII.

Vita communis, virtutes fovet, vitia tollit.

HAbent eam, ejusdem præsertim conditionis viatores, usitatam consuetudinem, quod vestitu, victu, incessu, cæterisque ad iter requisitis, utantur similibus: nec immerito, hæc enim, non solum ad unionem animorum conservandam, sed ad viam etiam æqualiter conficiendam, valent quàm plurimum. Observârunt hunc solitam via-

li

toribus

*Abraham cum
tres pra oculis
haberet ho-
spites, cur u-
num adoravit*

toribus morem, illi caelestes peregrini, quos Patriarcharum Principi Abrahamo, suo contigit excipere hospitio: viderat ille, tres adventare hospites, tum, ut erat, profusae liberalitatis in peregrinos, *Cucurrit, (inquit Sacer Textus) in occursum eorum, de ostio tabernaculi, & adoravit in terram. Et dixit: Domine, si inveni gratiam in oculis tuis, ne transeas servum tuum.* Sed quid sibi vult? istud, hospites salutantis Sancti Patriarchae officium? tres venire videt, & unum adorat, ac veneratur? contemni se reliqui duo, ac despici arbitrabuntur, cum uni tantum eorum, exhibetur hospitalis veneratio. Scio, Christianos Sacrae Literae Interpretes, solitos asserere, Divinae Trinitatis mysterium, in tribus hisce Caelitibus Abrahamo illuxisse: quo ille lumine collustratus, in tribus Indivisae Divinitatis Personis, unam adoravit Dei Naturam. Iam vero, veteres Hebraeorum Rabbinii dicunt, ideo Abrahamum, unum tantum hospitem, veneratum fuisse, quod tres illi advenae, vestitu, incessu, oris ac morum compositione, sibi per omnia essent simillimi, ita ut non tres, sed unus triplicatus hospes putaretur. Vnde non tribus, sed uni, propter perfectam in omnibus similitudinem, suae salutationis exhibuit Abraham venerationem. Quae uniformis Angelorum, in terris peregrinantium aequalitas, quamvis omnibus fidelibus, nobis tamen maxime Religiosae Perfectionis sectatoribus, similem, vitae communis, plurimum

Religiosos, plurimum commendat aequalitas.

rimum commendat æqualitatem: cui ut tanto studiosius incumbamus, ejus conservatæ utilitatem, neglectæ verò detrimenta, videamus.

Admirandum Regimen, quod in Cælites ac Terrigenas, Divina Sapientia exercet, celebraturus singulari commendatione, Vates Regius, ita in ejus excurrit laudem, Psalmo 67: *Deus, qui habitare facis, unius moris in domo.* Quasi dicat: Divinæ

illud Sapientiæ, Bonitatis, ac Potentiæ opus est, cum aliqua communitas, Divino Regimini subiecta, non solum animorum conjunctione, & mutuâ charitate vivit coadonata, sed morum etiam, & actionum coalescit conformitate. Magna enim exinde ubertas consequitur utilitatis: siquidem hac æqualitatis paritate, conservatur facile primarius Religiosæ Perfectionis vigor, qui est spiritus humilitatis, & compago charitatis. Dum enim illi, qui alios in Religione, antiquitate, talentis, laboribus, & meritis multum præcedunt, cum ijs, qui in religioso stipendio, sunt ætate longè posteriores, talentis inferiores, meritis propè vacui, in omnibus æquiparantur: utriq; magnum, illudq; continuum, habent demissionis exercitium, dum illi suam æstimationem demitti, isti utilitatem attolli, & ima summis æquari, pleno submissionis animo ferunt. Fovet præterea augetq; charitatem, ejusmodi religiosa æqualitas, dum invidiæ, & odii, tollit incentiva: quid enim magis humanum genus, mu-

*Æqualitas in
Religiosis, fo-
vet Charitatē,
& Humilita-
tem.*

uis accendit odijs? quid contentionibus & jurgijs, ac ipsis etiam bellis cædibusq; frequentiore præbet occasionem? nisi ea, quam homines inter se experiuntur, conditionum & opum diversitas: dum quos natura, suâ origine fecit æquales, ambitio & cupiditas, variâ possessione rerum discriminavit: eoque ipso graves, nativæ sortis violatores, mutuis accendit dissidijs: quæ diversitas, cum in vita religiosa tollitur, per æqualem rerum omnium usum, integrè extincto, invidiarum & odiorum fomite, viget regnatq; charitas.

*Deum, equali
tati addictis,
sua largiri be-
neficia, docu-
mento sunt Ni-
nivita.*

Magnum est & illud, ex religiosa æqualitate, proveniens emolumentum, quod summa (apud quam non est personarum acceptatio) Dei Bonitas, illis sua beneficia, & gratias copiosè largitur, quos æqualitati novit esse addictos. Teneor ego, non mediocri admiratione, quoties cogito, in magnam illam & populosam civitatem Ninive, non magis hominibus, quàm sceleribus refertissimam, à Divina Iustitia latam sententiam, facile immutatam, & imminentem ejdem vindictam, fuisse condonatam. Publicaverat per suum Prophetam Ionam, immutabilis in suis Decretis Deus: *Quadraginta dies, & Ninive subvertetur.* Scimus tamen, eam Dei nomine proclamata edicti severitatem, non esse ad effectum deductam: siquidem civitas illa, non est suis insepulta ruderibus, sed perstitit permansitq; à decreto sibi interitui, intacta. Sunt qui eam, volunt inesse.

inesse vim pœnitenti æ, ut Divina etiam valeat im-
 mutare Decreta : præsertim conditionatè facta ,
 quam quia egerunt Ninivitæ, firmissimâ naturâ suâ
 Dei edicta enervârunt: immo prædictam pœnæ se-
 veritatem , in uberrimas Dei misericordis gratias
 commutârunt. At enim, ex sacris profanisq; histo-
 rijs scimus, maximo etiam pœnitentium eiulatu, de-
 cretam semel Dei vindictam, immotam perstitisse.
 Non unus inter mortales Antiochus, rogabat scele-
 stus Dominum, à quo misericordiam non est con-
 secutus. Est & illa, olim suâ celebritate clara: nunc
 ruina famosior Ierosolyma, firmiter edicta sua, exe-
 quentis Dei, grande documentum : cuius statutum
 à Deo interitum, nullæ unquam sanctorum preces,
 & pœnosæ austeritates, avertere valuerunt. Quid
 ergò causæ esse poterit, quòd sanctam olim, & ve-
 ri Dei cultu celebrem Ierosolymam, nulla pœni-
 tentium austeritas, à ruina protexit? Civitatem ve-
 rò Ninive, hoc est criminum, & superstitionis E-
 thnicæ colluviem, rigor pœnitentiæ salvavit? Con-
 gruam, ut puto, D. Ephrem rei hujus dat ratio-
 nem, dum collatam Ninivitis salutem, confert in e-
 am, quam illi pœnitendo servârunt uniformitatem:
 Postquam enim, ut Sacer Textus ait: *Prædica ve-*
runt jejuniū, & vestiti sunt saccis, à majore us-
que ad minorem, misertus est Deus super malitiam,
quam locutus fuerat, ut faceret eis, & non fecit,
 quod attendens S. Ephrem, ait: *Unus erat aspectus*
omnium

Non quæbis pœ-
nitentia Deum
placabi lem
reddit

omnium, unus amictus, unus divitibus & pauperibus
cibus, unus ex aquo potus, dominis & servis.
Et hoc est, quod ex mente S. Doctoris, ad obtinen-
dum Dei beneficium, Ninivitas juvit: quia pæniten-
tiæ rigorem, omnes æqualiter subierunt: non niti-
dior regem, grossior subditos saccus tegebat, sed
æquale omnibus adhærebat cilicium, non delicati-
ori cibo, potuq; , reficiebant sua jejunia divites,
quàm pauperes, eundem per omnia servabant pæ-
nitendi modum, docti ac rudes, senes & juvenes,
in nullo discrepabant à subditis, in magistratu po-
siti præsides. Vnde non mirum, quòd eà vivendi,
ac pænitendi æqualitate, Divinam sibi conciliârunt
Iustitiam, & in gratiam commutârunt minas. Hie-
rosolymis verò, quia pauperes vacabant ieiunijs, di-
vites indulgebant luxui, illos crassa, sacci adinstar,
tegebat vestis, istos molles operiebant panni, ideo
miseri homines, hac inæqualitate, Divinam in se
concitârunt vindictam. Deus enim, qui fecit ho-
mines, naturâ pares, odit inæquales.

*Religiosi æqua-
litate additi,
donis cumulâ-
tur Divinis.*

Quod istis contigit urbibus, idem & Reli-
giosis usuvenit cætibus: ubi enim rationem victûs,
potûs, ac vestitûs, communis omnibus æquat pari-
tas, ubi nullæ quærentur, ac ne quidem admiteun-
tur, quæ sensualitatem, aut vanitatem oleant sin-
gularitates: ibi Divinarum beneficia Gratiarum cõ-
fluunt camulatissimè. Iam verò, si in quapiam Re-
ligiosa cummunitate, dici posset illud, alius quidẽ
esurit,

esurit, alius autem ebrius est. si (quod Deus ever-
 tat) cæteris ad vitæ sustentationem religiosa de-
 esset sufficientia, & conquerentibus, illud sapius og-
 gereretur: si non habueritis satis, mementote pauper-
 tatis: alij verò, etiam ultra temperantiæ limites, su-
 is indulgerent commodis, & calicibus studerent e-
 potandis: gravis procul dubio, in tales irrueret vin-
 dicis Dei pæna. Ruere ibi, cum multarum inte-
 ritu animarum, Paupertatis murum, & omnem vi-
 tæ Religiosæ vigorem collabi necesse foret. Quod
 ne unquam, nostræ contingeret Religioni, cavit di-
 lentissimè S. Parens, & Fundator ejus, dum vitam
 in omnibus communem, in suis Constitutionibus,
 nobis plurimum commendavit. Hoc idem Gene-
 ralium Congregationum Decreta & Canones, se-
 riò imperant: hoc Superiores Ordinationibus præ-
 scribunt, & persvadent exemplis: hoc viri ætate
 proveci, talentis insignes, virtute perfecti, meri-
 tis pleni, dicunt & faciunt: omnem verò, seu in vi-
 ctu, seu in vestitu, etiam minimam singularitatis no-
 tam, tanquam virulentam Religiosi vigoris pestē,
 remis velisq; fugere, svadent. Et habet eam (quæ
 specialis Dei Gratia est) Societas nostra, laudem,
 quòd in ea viguerit semper, vigeatq; adhuc, vitæ
 communis, praxis & amor. Neq; enim hîc, ætati
 & meritis, ullæ à communi observatione concedun-
 tur immunitates, aut nescio quæ Iubilationes: o-
 mnes illud, Divini servitij jugum, trahimus æqua-
 liter,

*S. P. Ignatius
 vitam commu-
 nem, plurimis
 suis commen-
 davit :*

*In societate
 viget vita co-
 munitas*

liter. Divinum quidem, sed Indaicæ condescen-
dens infirmitati, fuit illud præceptum, quod ara-
re in bove & asino, vetebat. Perfectior novæ legis
charitas, in hoc fertilissimo Societatis nostræ agro,
boves etiam, trituram doctos, associat asinis: dum
pares, Thomæ Aquinati, doctrinâ, mugienti bovi,
Doctores, veluti rudibus asinis, jungit & æquat i-
diotis, idem utrisq; proponit pabulum, eundemq;
propinat potum, similiter sustentat omnium labo-
res. Vnde non mirum, ex hac agricultura, Religi-
osæ humilitatis, mutux charitatis, & gratiarum
Dei, admirandos, eosq; uberimos fructus provenire.

*Operarij gra-
tiam Patrisfa-
milias indigna-
tionem, in se
concitarunt:
quando aqua-
les in mercede
esse noluerunt.*

Sed ex hoc, quem leviter attigimus agro, in
vineam abeamus. Grandem fateor reprehensionis
crisim, retulit ille vineæ operarius, quem suus Pa-
terfamilias, contractâ ad indignationem fronte, ita
est paulò severius allocutus: *An oculus tuus ne-
quam est, quia ego bonus sum?* Cujus tantæ in di-
cendo severitatis, causam prorsus ignoro: strenuè
ille, in vinea Domini, à primo diei diluculo: ad ve-
speram usq; laboravit, sustinuit pondus diei & æ-
stus. Ecce verò, justæ mercedis locò, tantis verbo-
rum perstringitur aculeis. Illud crederem, paulò
ferventior, Domino bilem movisse, quod impor-
tunus operator iste, debitam sibi mercedem avi-
dius requisierit. At enim eo fine in vineam conductus
est, ut laboris sui gauderet fructu: ergo illud po-
tius ad indignationem, mitem alioquin naturâ, com-
movit

mouit Dominum, quòd mercedis exactor iste, cum
 cæteris murmuraret, contra Patrem familias. Gran-
 de non diffiteor, crimen est, quodvis contra altio-
 rem potestatem murmur: sed addidit criminis gra-
 vitati pondus, murmurationis materia, quam ille,
 hac suâ prodidit expositulatione: *Hi novissimi, unâ
 horâ fecerunt, & pares illos nobis fecisti, qui por-
 tavimus pondus diei & æstus.* Malè hoc, antiquio-
 res in vinea operarios habebat, qui cum integram
 diem, labori impendissent, tantundem tamen mer-
 cedis acceperunt, quantum & illi, qui unius tantum
 horæ spatio, breviter laborârunt: corquebat nimi-
 um istos, parum consultæ mentis homines, dum
 suis laboribus, imparem aliorum operam, æquari
 viderent, unde & indignabundi dicebant: quod
 est istud, distributivæ (ut vocant) iustitiæ factum? mul-
 ta merita, & commensos longo tempore labores,
 operæ brevi, & exiguæ, æquiparare? Quæ impru-
 dens invidia, & tabescentis animi expositulatio, cum
 æquissimo rerum arbitro displicuisset Domino, ple-
 nas indignationis voces, ab eo meritò elicit.

Nonne in Religiosis quoq; contubernijs, si-
 mile quid contingere solet? certè si aliquam, no-
 stram ego Religionem, hâc vineâ, optimè adum-
 brari video. Sunt inter nos, qui primo mane, hoc
 est, vix perfectæ rationis exorto sole, ad Religiosæ
 vineæ hujus, vocati labores, in ea, usq; ad decrepi-
 tæ ætatis vesperam, strenuè pro viribus laborârunt,

Kk

pluri-

*In Societate se-
 nes emeriti in
 senibus, docti
 idiotæ, in o-
 mnibus æqui-
 parantur*

*Crimen est,
contra aqua-
litatem mur-
murare.*

plurima pro Dei gloria & animarum salute ege-
runt: reperiuntur etiam, qui tribus, sex, novem,
undecim, paulò pluribus, vel paucioribus annis,
Religiosæ vitæ spatia metiuntur: hi propriâ convi-
cti conscientiâ, norunt se parum, aut nihil, in
vineâ laborasse. Ecce autem cum ad mercedem
venitur temporalem, quâ Religio ex charitate pro-
videt, ad vitam operariorum suorum sustentandam,
accipimus singuli, eiusdem pretii & ponderis denari-
um: eundem enim omnes manducamus cibum, &
bibimus potum, simili operimur vestitu, in nullo
prorsus, ex necessitatibus nostris discrepamus. Iam si
quispiam (quod absit) inveniretur, qui ejusmodi
æqualitati indignatus diceret: *Hi novissimi, unâ
horâ fecerunt, & pares eos nobis fecisti, qui por-
ta vimus pondus diei & æstus.* Vis, & injuria labo-
ribus nostris ac meritis infertur, cûm, qui novi re-
centesq; venerunt, & vix scopis, ad expurgandos
domûs angulos, aut scriptorijs, ad aliquid ediscen-
dum, aptarunt manus calamis, nobis tamen ætate
profectis, laboribus fractis, & emeritis, in omnibus
conferuntur: si quis inquam, in has, vel his similes,
infami murmurationis abductus affectu, erumperet
querelas: gravem ille indignationem, ac etiam re-
prehensionem, apud Cælestem Patrem familias incur-
reret: illudq; ipsum, sibi dici audiret: quod vineæ
Dominus, uni ex murmurantibus operarijs: expro-
bravit, dicens: *An oculus tuus nequam est, quia*
ego.

ego bonus sum? Execrabilis mihi est iste, contra-
ritus æqualitati sensus. Quod si antiquiores etiam,
& diurni laboris operarios, æqualitati minùs ad-
dictos, adeo graviter vineæ Dominus castigavit,
ultra tamen verborum acrimoniam, in pæna non
processit: quid putamus, si ex recentioribus aliquis,
plùs sibi deberi existimasset, aut expostulationibus ex-
torquere voluisset, quantam ille non vineæ tantùm
Domino, bilem movisset, sed omnium etiam odi-
um, contra se concitasset? Omnes credo, dato
velut classico, rei indignitate moti, lingvis in eum
acrioribus insurrexissent, acclamassentq;. Et quod
istud, effrontis audaciæ propudium est? nondum la-
bor tuus, tērentio dignus, & jam plus cæteris debe-
ri tibi præsumis? Immo, non à verborum tantùm,
sed à verberum etiam asperitate, in castiganda e-
usmodi præsumptione, vix sibi temperassent. Sed
ipseus longè foret, si in Religiosa vinea, ex juniori-
bus quispiam operarijs, communi æqualitate non
contentus, indulgentiùs se præ alijs haberi, tracta-
riq; vellet: nam gravem & iste, reprehensionis, ac
etiam in vindictam usq; prorumpentis indignati-
onis castigationem, apud Deum hominesq; incurre-
ret: quod ne unquam coningat, non indignante,
sed applaudente sensu & animo, dicat unusquisq;
nostrum, Divino Spiritu pleno, vineæ hujus Procu-
ratori, S. Patri nostro: pares nos fecisti: singulare
est hoc Religionis nostræ decus, & præclarum Dei

*Religiosi æqua-
litati non ad-
dicti gravem
incurrunt mul-
torum indigna-
tionem.*

*Applaudendū
S. Patri, quod
nos pares fecerit.*

*Laboris imparitas,
imparē recipit mercedem.*

Sapientiæ inventum, per servum suum IGNAT I-
VM nobis intimatum, quod ea, cordi nobis sit Re-
ligiosa in omnibus æqualitas: quæ non in sola tan-
tū consilii temporanearum necessitatum coæqua-
tione, sed in virtutum quoq; & asperitatum paritate,
quatenus præter æternam, transitoriam etiam, si-
mitem omnibus recipiamus laboris nostri mercedem.
Ne id nobis in iusto Dei iudicio eveniat, quod alibi
lepidè contigisse audivimus. Intimabat unus promo-
re è suggestu, hebdomarias penitencias, ita præci-
nens: Omnes hanc septimanā teria quarta, & sexta,
& sabbatho disciplinas facient, & jejunabunt, exce-
ptis Doctoribus, Lectoribusq; nostris, pro quo vi-
tam æternam habebunt: tum alter ex angulo, non
minùs ridiculè, quàm veraciter adjecit, exceptis Do-
ctoribus Lectoribusq; nostris. Nos ne similis, in Reli-
giosæ austeritatis observatione inæqualitas, ab æter-
næ mercedis segreget præmio, vitam omnibus du-
camus communem. In quo, præter alios, prope in nu-
meros, præclarè nobis præluxit, cui nuper parentavi-
mus, Pater Generalis noster, Carolus de Noyelle,
qui vitæ communis, insigne specimen, secururis re-
liquit sæculis: habet enim illud, ab omnibus testi-
monium, quod toto vitæ suæ spatio, etiam in sum-
mo, quem gressit magistratu, nihil unquam in victu,
aut vestitu, admisit singulare: nullis Religiosæ con-
suetudinis, ordinarijs defuit oneribus: cujus vestigi-
js, si insistere, ut par est, volumus, nullas unquam in
communi

communi vita indulgentias, aut exemptiones appetamus.

261

Absit procul à nobis, delicatulus ille Ioseph, quem conspicati fratres, quod à patre plus cunctis filiis amaretur, oderant eum, nec poterant ei quidquam pacifice loqui. Incedebat Ioseph polymitam indutus vestem, fratribus comprior cæteris, delicatioribus à Patre nutriebatur cibis: frigore & æstu, in pascendis gregibus, urebantur alij, variasq; cæli tolerabant injurias, ille domi, in delicijs, suis vacabat commoditatibus: unde in tantum, fraternum contra eum exarsit odium, ut parum abesset, quin ejus extinguveretur sanguine. Et unde, in Religiosis quoq; cætibus, frequentiores perturbatae pacis odiorumq; fomites? quàm, si cæteris, temperatè viventibus, & strenuè pro Dei Gloria laborantibus, alij se solitis oneribus subducant, & indulgentius in omnibus haberi velint. Grandis iste, mihi credite, in Religiosis communitatibus, solet esse dissensionis scopulus, & internecivum charitatis offendiculum: hinc enim illæ indignationes, murmuraciones, querelæ, oblocutiones, cæteræq; charitatis pestes, oriri & augeri solent. Nullus nostrum, & illum, graphicè descriptum in Evangelio Pharisaum, velit amulari: qui, etsi suas jejuniorum abstinentias, devotionis fervorem, & alias legales Iustitias, longa seriè recenseat, quia tamen proprio sui ipsius testimonio, non erat sicut cæteri, Divinae Boni-

Ioseph fratribus exosus, quod indulgentius præ alijs à Patre haberetur.

In Religiosis inaequalitas, magnum Charitatis offendiculum.

Pharisaum imitantur, qui non sunt sicut cæteri.

na Bonitatis, non est consecutus gratiam. Demittebant se alij, ad humilia obsequia, invisebant carceres & hospitalia, ille, non erat sicut cæteri, dum ab omni demissionis abhorreret specie. Componebant cæteri, omnes suas actiones, ad leges modestiæ, ille sua dilatabat philacteria. Verbo, erat, quod de semetipso afferebat: Non sum sicut cæteri, in omnibus exoticus, & particularis: unde Divina extitit incapax justificationis & gratiæ. Illum potius imitemur: *Qui in similitudinem hominum factus, habitu inventus est ut homo:* in omnibus particeps esse voluit nostræ infirmitatis: cujus vestigijs (omnem in vita communi, detestati singularitatem) si insistere voluerimus, ad ejus Gratiæ & Gloriæ consortium, Religiosæ æqualitatis tramite, perveniemus.

ALLOCUTIO IX.

*Fraterna Charitas, vinculum
est Religiosæ Perfectionis.*

Viatores debent esse concordantes.

SI hostiles etiam, & à se invicem aversos animos, sult esse in via concordantes, ille, qui dirigit gressus, & vestigia pedum nostrorum considerat, humana in carne Deus: dum ita, unumquemque viatorem

rem Matthæi 5. commonet: *Esso consentiens adversario tuo, dum es in via cum eo*: quanto magis fraternos, viam Perfectionis, gradientes affectus, mutuâ charitate decet esse conjunctos. Hoc mentis suæ perspicacitate considerabat, à singulari prudentia, commendatus Princeps ille Ægyptius, gentis Hebrææ Ioseph, dum fratribus suis, in propriam regionem, ad Parentem redeuntibus, illud moniti daret: *Ne irascimini in via*. Notandum verò diligenter, quòd, non in loco morantes, sed iter agentes, à mutuis revocet dissidijs, hoc, ut puto, mysterio, quia quanquam omnibus, maximè tamen viam Perfectionis seriò derurrentibus, concordibus animis opus est. Cui optimo, præclare applaudit, consilio, D. Ambrosius, dum Lib. de Ioseph cap. 13. ait: *Quam bene docet, maximè in via fugiendam esse discordiam, ubi ipse viandi comitatus, debet esse inviolabilis, & gratiæ habere consortium*. Nec mirum, veluti enim humani corporis, firmiter nervis juncta compago, ad progrediendum, ac etiam concitatori passu currendum, apta est, & idonea: jam verò, tali soluta nexu, protinus langvet & collabitur: ita quælibet sanctitati dicata communitas, si mutuâ charitate, (quam vinculum Perfectionis vocat Apostolus), adstringatur, facile celeres facit in virtute progressus: at verò, si eo charitatis vinculo destituatur, veluti dissolutis membrorum nervis, cadit & ruit in præceps. Assertæ veritatis,

*Ioseph fratres
in via ad concordiam hortabatur.*

*Arduam Per-
fectionis viam,
Charitas facili-
tat.*

tati, demus operam, clariùs pernoſcendæ.

Arduam & perdifficilem, ſuâ naturâ eſſe Perfectionis viam, ille tantum ignorat, qui ſuâ preſſus deſidia, ne unum quidem adhuc, fecit in hoc itinere paſſum: at qui eo tramite, vel tantillum proceſſit, multis ſe novit obrui difficultatibus: ſeu enim viæ aſperitatem, ſeu propriam conſideret viator infirmitatem, plena omnia, in hoc agone, eſſe ardui laboris, ſuo edoctus experimento, ultro fatebitur: cui, ſi mutua in curſu accedat diſcordia, tantò magis fiet iter aſperum & difficile: ſi unus ab altero in progreſſu impediatur, aut etiam retro abſtrahatur. Iam verò, ſi inter currentes adſit ſocialis amor & charitas, facilè viam, ſuâ naturâ arduam, reddet facilem, atque jucundam. Veluti enim cæteri viatores, amica colloquiorum ſuavitate, annexas itineri, minuunt moleſtias, & dum amicabili ſermocinatione tempus, & laborem fallunt, ad propoſitam itineris metam, ſenſim, ſine moleſtiarum ſenſu, perveniunt: ita qui plurimis difficultatum moleſtijs, intricatum Perfectionis iter decurrunt, mutuâ charitate viæ aſperitatem leniunt, & facilè eum, ad quem collimant, contingunt ſanctitatis terminum.

*Concordia animalium,
faciebat Ar-
cani Noe, pro-
ſperè naviga-
re.*

Rei de qua diſſero, præclaram ſimilitudinem, in celebri illa Arca Noe, clauſam eſſe adverto, quam dum diligentius inſpicio, mirari ſatis nequeo: quomodo, inter tumentes fluctus, totam terræ molem involventis pelagi, facilem tenere curſum, & ad o-
ptatum

pratum appellere portum, oneraria illa potuerat?
 quæ tot diversæ species, & oppositæ qualitatis, ac
 naturæ animalia in se continebat. Sacri Textûs In-
 terpretes, eam navigationis prosperitatem, defe-
 runt paci ac concordia, inter prædicta animantia
 exactissimè conservatæ. Quod enim in vasta totius
 orbis illuvie, inter ventorum turbines, & sævos o-
 ceani fluctus, cæliq; fulgurantis minas, placido cur-
 su securè navis illa ferebatur, mira id quamvis con-
 trariæ è diametro naturæ, animalium efficiebat
 concordia. Ibi enim animantia, naturâ fervida ac
 crudelia, miribus ac mansuetis placidè commane-
 bant: sublime volantia pennata, non aspersionibus
 humi repentina: homines ratione præditi brutis con-
 vivebant, pecudibus. Nullus ibi ferarum contra se
 frementium rugitus, nullus mordentium latratus au-
 diebatur. sed pax, concordem reddebat convivium:
 unde interior Arcæ tranquillitas, pacatum exteri-
 us tenebat cursum. Quod si in illo, animantium do-
 micilio, discordiâ & rixis omnia perstreperent? si
 vulpes gallum deplumaret, canis leporem, lupus o-
 vem lamaret, leo cum tigride, atroci pugna concur-
 rerent, ceteraq; ferocium bestiarum turba, horren-
 do rugitu, stridore dentium, & sævis ungvibus invi-
 cem dimicaret? neutiquam navis illa prospero cur-
 su portum teneret: sed in media furentis oceani
 vastitate, intestinis quassata dissidijs mergere-
 tur. Quanquam omnem humanum, maximè ta-

*Arca Noe, Re-
ligiosam ad-
umbrat com-
munitatem,
quam prospe-
rat concordia*

men Religiosum, Arca hæc videtur mihi adumbrare, convictum: ubi naturæ varietas, complexionis dissimilitudo, inclinationum diversitas, in pluribus reperitur, fervet in quibusdam, velut in leonibus bilis, sunt alij, tanquam agni mites, & mansueti: vasrum nonnullis, & subdolum tanquam vulpibus, dedit natura ingenium: imitantur alij simplicitate columbas, volat sublimè, instar aquilæ, perspicax quorundam intellectus, serpit aliorum vis intellectiva humi: omnes tamen ad unam, eandemq; Religiosæ Perfectionis metam navigamus. Quod si inter eas, diversas naturæ dotes, ac inclinationes, adsit unanimis amor & concordia, prospero haud dubiè, tranquilloq; cursu, propositum beatæ felicitatis portum, nostrum tenebit navigium. Velimus tantummodò, ut svadet Apostolus, alter alterius onera portare, naturæ ac morum diversitates invicem tolerare, alienos defectus pallio charitatis operire. Vivamus in Communitate nemini dantes offensam: & sic in mutua charitate fundatam legem, facile adimplebimus, & quod inde sequitur, ad instar illius, concordem animantium turbam, vehementis Arcæ, non jam ad Armeniæ montes, sed ad Cælestis Patriæ portum, sospiter nostras devehemus animas. Iam verò, si in hoc vitæ Religiosæ contubernio, (quod Deus avertat) foveantur animorum aversiones, gliscant odia, perstrept contentiones & jurgia, fiant schismata & scissuræ. Si ferus & i-
ra im-

ræ impotens quispiam leo, agnos invadat innocentes, si famæ alienæ per detractiōem, mordax aliquis oblatret sæpius molossus: nullum ibi fiet virtutis augmentum, nullus in spiritu progressus, sed omnia, in continuæ amaritudinis stagno, miserè interibunt.

Neq; illud, vacare mysterio puto, quòd cum idem Noe, suâ onerariâ duas emiserit volucres, corvum & columbam, hanc redeuntem ad Arcam recepit, illum semel ejectum, amplius non conspexit. Et quid quæso causæ, subesse potuit? quod columba ad Arcam redijt, corvus in ea, ultra non comparuit? si corvum, innata ei voracitas, cæterarum alitum consortio indignum reddebat? at enim, non gratis, vexat quoq; censura columbas, neq; enim & illa, est omnis vitij expers. Immo verò multo, eoque selecto guttur ejus, infercitum grano, edacissimam avem, inexplibilis arguit ingluviei. Cæteræ præterea volucres, guttatim haustâ, sitim extinguunt aquâ: secus bibit columba, totum torrenti, dum potat, immergit rostrum: omnem illa fugit laborem, non ferit, non metit, selectis tamen, usq; ad ingluviem, pascitur pisib. Insuper quamvis optima fruatur valetudine, gravi tamen eoq; continuo gemitu, nescio quem fingit, ac simulat morbū. Eccur tamen, illa redux ad Arcam recipitur? ad quam misero avium corvo, aditus non patet amplius. Multæ, varijs, rei hujus congruentiæ, facilè in

*Columba
quandis quibusdam obnoxia vitij, quia tamen pacis amans ad Arcam Noe, recipitur. Corvus aditum persecutor ab eadem rejicitur.*

mentem venire possunt: mihi sufficit illa: cum enim corvus sit innocentum, persecutor & lanio avium, contra quas & rauca sæpè croeitat voce, & rostro ac ungvibus sævit: ideo intestinæ turbator pacis, semel Arcâ dimissus, amplius ad eam redeundi copiam non habet. Iam verò mitis naturâ, & sine felle columba, esto plerisq; non careat vitijs: quia tamen, & innatâ mansuetudine pollet, & rostro ramum oleæ (quæ pacis symbolum est) ad Arcam defert, meritò pœnitens, ad commune illud animantium conclave & consortium, admissa intrat: Haud aliter, in religiosis maximè cœtibus, fieri videmus: in quibus, quamvis aliqui, pluribus notati defectibus vivant, licet inertem æmulati columbam, nihil labori, multum cibo & potui indulgent, ac interdum ut laborem fugiant, genitu ægritudinem fingunt; si tamen mitis instar columbæ, pacatè in communitate vivunt, facillè tolerantur in ea: sed si corvorum morè, alios perstrictivo, verborum crocitu turbulenter infestant, indignos se Religioso convictu reddunt. Si quam aliam, nostræ certè Societatis Religionem, tot in se diversa animantia, continens Arca hæc, optimè adumbrat. Sumus hîc, sumusq; semper, ex omni lingua, tribu, & natione, ad præstandum Deo nostro obsequium, coagmentati: differimus ingenijs, judicijs, complexionibus, cæterisq; naturæ dotibus & attributis: vivimus tamen, vivereq; debemus, mutuâ nos charitate

*Paci addi.
Hos religio
tolerat, cœcit tur-
batores.*

269
tate coadunante. Id à nobis unice desiderar, id
studiosè requirit S. Fundator noster, ut idem sapi-
amus, idem quoad fieri potest dicamus omnes, hanc
animorum unionem, adeò nobis necessariam exi-
stimat, ut Constit. pap 8. cap. 1. asserat: *Nec con-
servari, nec regi, atq; adeò nec finem, ad quem ten-
dit societas, consequi potest: si inter se & cum capite
suo, membra ejus unita non fuerint.*

Et sanè habet eam, nostra Societas præ-
claram laudem, quòd in ea mutua charitas, & ani-
morum unio constanter vigeat: hoc illa præsidio
& adjumento, tantùm in virtute, & lucrandis Deo
animabus profecit, quantum nulla satis explicet
facundia: quòd de primis decem Patribus Societatis,
Annales nostri, luculenter testantur: *Quos* (loquor
Historici nostri Orlandini verbis) *numero admodum
paucos, sed animorum unione invictos, industrie
sue fructus tulisse scimus tantos, quantos Dei be-
neficio ipsi videmus, ac fruimur.* Vivebant sem-
per in ea Religionis nostræ oneraria, homines licet
natione diversi, humorum temperie, & naturali in-
clinatione planè contrarij, mutuâ tamen charitate
unitissimè conjuncti: ut proinde non sit mirum, e-
os prosperum semper, in virtute tenuisse cursum.
Non eo quidem ego inficias, inveniri aliquos, qui
in hac Arca, inertium more columbarum, otio va-
cent, & nihilominus indulgenter haberi, ac hono-
rificè tractari velint. Sunt, qui ut laborem fugiant,
agri-

*Societas no-
stra, plurimū
semper laudis
ex mutua ha-
buit charitate*

*Ceteri in so-
cietate tolerā
tur deficiēs,
dissensionū in-
cettiores ab
se separantur.*

ægritudinem obtendunt, & nescio quos gemitus
cient. si tamen animi mansuetudine, & charitate
columbas imitantur, in Religioso consortio facile
tolerantur. At, si qui discordes corvos æmulati, ore
continuo crocitante, alios perstringant, innocen-
tes sæpius invadant. famam aliorum obscurent ac
denigrent. Eos Sanctus Fundator, imperat procul
ablegandos, dum ita loco Constitutionum citato
loquitur: *Si quis divisionis, vel dissensionis, eorum
qui unâ vivunt, inter se, vel cum suo capite, au-
thor esse cernatur, diligentissimè ab ea Congregatio-
ne, velut pestis, quæ eam potest summopere inficere,
(nisi præsens remedium adhibeatur) separandus est.*

*Apostoli, cur
ab eâ virga in-
terditi expedi-
antur?*

Sed jam navigationi nostræ fine imposito, ex
navi in littus descendamus, ut reliquum moderni
itineris spatium, terra conficiamus. Prefectæ san-
ctitatis fons & Præceptor, Salvator noster, dum se
quaces sui Discipulos, in viam Perfectionis expedi-
ret, ita signanter præcipiebat eis: *Nihil tuleritis
in via, neq; virgam, neq; peram, neq; pecuniam.*
Nimio stupore abreptus, scire cupio, qua ratione,
permota Æterna in carne Sapiencia, usitata hæc,
omnibus viatoribus adjumenta, Apostolis interdicta
esse volebat? utiq; iter agentibus, scipio, lasso cor-
pori sustentando, pera victualibus referta, refici-
endis viribus, pecunia multis inservit usibus? Di-
vinum tamen Christi imperium, cur omnibus hilce,
non solum utilibus, sed pernecessarijs etiam ad iter
adjumen-

adjuventis, vult suos carere Discipulos. Et requi-
 sitis sanè ab Apostolis, eam Paupertatis Perf. etio-
 nem, ut nullis onerati sarcinis, ac crumenis, emen-
 dicato ostiatim victu, iter suum agerent: sed bacu-
 lum, quo, egentissima etiam mendicabula fulcium-
 tur, cur iisdem vetitum esse voluit? D. Ambrosius,
 eam, ejusmodi prohibitionis, adfert rationem, dum
 prædicta expendens verba ait: Dominus IESVS,
 dimittens ad Evangelizandum Discipulos, misit e-
 os sine auro, sine argento, sine pecunia sine virga:
 ut & incentiva litis, & instrumenta eriperet ul-
 tionis. Noverat nimirum, ex mente S. Doctoris,
 Divina Christi Sapientia, omnium inter mortales
 litium, rixarum, ac discordiarum fomentum, ac in-
 centivum esse pecuniam, sciverat ob unum etiam
 frustum panis, lites ac jurgia exerceri, viderat e-
 osdem, baculis etiam, ac fustibus, in aliorum defectu
 armorum, atrociter pugnare, ac dimicare invicem:
 optabat ex alia parte, suos ubiq; concordēs, ac una-
 nimes esse Apostolos, unde & imperans dicebat:
 Hec mando vobis, ut diligatis invicem, & iterum
 In hoc cognoscant omnes, quia Discipuli mei estis,
 si dilectionem invicem habueritis. Proinde, ideo e-
 os marsupijs vacuos, & baculis destitutos esse vole-
 bat, ne pecunia, occasionem & incentivum litiga-
 di, baculi darent oportunitatem, invicem fustigan-
 di. Quodsi, tanti Redemptor noster, mutua in-
 ter Discipulos charitatem aestimabat? ut conservan-
 da illi-

*Incentiva litis
 & instrumen-
 ta ultionis, sub-
 trahenda Sten-
 toribus.*

dæ illius gratiâ, opes contemnere, pugnx instrumenta abijcere imperaret. Eo & nobis fine, Divinus ejus perſuadet inſtinctus, ut divitijs renuntiaremus: quatenus amoris hiſce litium, ac contentionum incentivis ac instrumentis, fraternam charitatem, in Religioſo convictu, ſanctè conſervaremus.

*Charitas fraternæ
omnia omniſque
mundi opibus
pretioſior.*

Eximium profeſſor illud eſt, fraternæ charitatis pretium, & æſtimatio: quod ejus gratiâ, divitiarum gazas prope infinitas, & armorum fulgores, tot viri fortes & opulenti, contemptim projecerunt: ut in ſancto vitæ Religioſæ cætu, nullam haberent lædendæ charitatis anſam. Diademata alij, Regna, & Imperia deponebant, ut in Religioſa viverent pace, & charitate: nemo tamen unquam mortalium, pretioſum illud charitatis margaritum, æquali perſolvit pretio: nam ut ait Regum ſapientiſſimus Salomon: *Si dederit homo, omnem ſubſtantiam domus ſux, pro dilectione, quaſi nihil deſpiciet eam.* Neq; verò quiſpiam mirabitur tantum inelle charitati pretium, ſi commoda, & emolumenta ab illa manantia, perpenderit accuratiùs. Parumne Bone Deus! afferre utilitatis charitas cuiſpiam videbitur? quæ ſui cultores, omni bono cumulat ac replet. Quid enim melius & optabiliùs homini, rectè, juxta legem æternam iudicanti, poteſt contingere? quàm Divinis obſequi ad amuſſim mandatis? quod præ alijs virtutibus, in primis charitas conſequitur, Doctore Gentium ita atteſtante: *Qui diligit*

*Dilectio legem
implet.*

diligit proximum, legem implevit. Hâc credo motus ratione, idem Apostolus, cæteras quoq; virtutes, pretium ac valorem suum, à Charitate desumere arbitratur, ita ut omnem sanctitatem inanem esse, ac evanidam putet, nisi Charitate fuerit informata, dum 1. ad Corinth. 13 ita loquitur: *Si habuero omnem fidem, ita ut montes transferam, si distribuero in cibos pauperum omnes facultates meas, & si tradidero corpus meum, ita ut ardeam, Charitatem autem non habuero, nihil mihi prodest.* Quod non de illa solum, quæ in Deum fertur, sed de ea etiam, quæ in proximum tendit, Charitate dici, intelligunt Sacri Interpretes.

Scio, suaviter modulante citharâ, Charitatem symbolicè adumbrari: veluti enim cithara, consono & uniformi concentu, aures demulcet, & recreat mentem: si verò, in ea, vel unicus discordi tintinnu nervus, à cæteris discrepet fidibus, ingrato auditum offendit strepitu: ita in Religioso convictu, mutuæ Charitatis, unanimis concordia, omnia svaavia & jucunda reddit, adeo ut ei suaviter accinnat Psalter: *Ecce quàm bonum & quàm jucundum, habitare Fratres in unum.* Iam si quispiam discors affectus, communi paci, dissonis obstrepat vocibus & factis, svavem concordiae sonum ingratiè turbat.

Neq; ille, ejusdem Charitatis fructus minor est, quòd malignorum spirituum, retundat incursus. Habet enim, sibi arcano quodam naturæ benefi-

Citharam charitatis, posse reprimere spiritus malignos, est documento David.

cio, insitam vim & enērgiam, sūavē sonantis citharæ concors harmonia, quōd infernalium potentiam furiarum, pellat ac ēnervet. Quod olim in suo Principe Saul, probavit Psalter insignis David. Quodocunq; enim, ut Sacer Historicus refert: *Spiritus Domini malus arripiebat Saul, tollebat David citharam, & percutiebat manu suā, & refocillabatur Saul, & levius habebat, recedebat enim ab eo spiritus malus.* Pollet longē fortiori virtute Charitas, ad coercendas malignorum spirituum furias: ut benē consonat D. Bernardus, dum serm: 41. de modo benē vivendi ait: *Non timet diabolus nostra jejunia, quia ipse nunquam comedit, non horret nostras vigiliis, quia ipse nunquam dormit, neq; paupertatem nostram, quia ipse nihil habet: timet autem vehementer nostram concordiam, quia hoc tenemus in terra, quod ipse tenere noluit in cælo.* Iam verò, Charitatis defectus affligit hominum, maxime verò nostrorum Præsidum, & excruciat mentes, si quod in Religiosa Communitate contingat dissidium, aut verbum, quōd vulneret Charitatem. Unde idem Sanctus Abbas dicebat dolenter: *Ante mihi contingat mori, quā audire ex vobis quempiam iuste clamitantem: Filii Matris meæ, pugnaverunt contra me.* Adeo acerbē sanctus & Religiosus Præses iste, ejusdem Religionis materno planē affectu, prognatos enutritosq; Fratres, sibi invicem aduersari ferebat, vt mortali potius pulvere.

*Matrem vulneret, qui le-
dit charitatē.*

verè oculos sibi, offundi, quàm dissidium quodpiam, inter Religiosos Fratres videre maluerit. Nec mirum, sæpe enim mente volvebat, grande illud effatum Diui Hieronymi dicentis: *Sine Charitate Monasteria sunt Tartara, & habitatores in illis, Dæmones, è contra verò, cum hac: Clausura sunt Paradisus, & in eis degentes, Angeli.* Quo quid gravius seu ad detestationem dissidii, seu ad commendationem mutux uinionis, dici poterat? Si quæpiam alia, nostra certè Religio, ita illatam charitati injuriam detestatur, ut famæ, ac æstimationis aliæ detractiōem, aut discordiarum seminationem, inter crimina grauiori piaculo notata (quæ, Casus Reservatos nominamus) referre non dubitauerit. Quin immo, Diuinæ etiam Redemptoris nostri aures, maximè ejusmodi fraterna dissidia averfantur: ita eodem mellifluo Doctore, graviter interrogante: *Quid tu quæso animi habes? contra quem Christus, anxie clamat, de pectore fratris tui: Filij matris meæ pugnaverunt contra me.* Vtinam ille leonæ cujuspian, ursæ, aut tigridis catulus, non Religiosa propago fuisset, qui Charitatem fraternam audet mordaciter vulnerare. Gravi ejusmodi feras, non homines, ferit flumine, Apostolus dicens: *Vtinam abscindantur, qui vos conturbant.* Nos ne tali obruant, læsæ Charitatis tela, nunquam ejus vinculum dissolvamus, sed potius, unanimi dilectione conjuncti, viam Perfectionis decurramus.

Societas in blolutores charitatis, merito graviter animadvertit.

ALLOCUTIO X.

*Animarum Zelus, ad nostram
Perfectionem requisitus: iuncta
virtuti scientia, animatur, e-
xemplis Christi, & Sancto-
rum, incenditur.*

*Perfectionis
nostra: studiū
ideo arduum,
quod aliene e-
tiam prospici-
at salutis.*

GRave satis & arduum, nobis hactenus varijs
virtutum semitis pergentibus, Religiosæ Per-
fectionis iter, forrè visum est, Ecce verò dum con-
tinuo usu, & assuetudine tritum, facilius reddi de-
buit, magis hodie ingravescit: quandoquidem ex-
vocationis nostræ debito, non solitarij, sed multis
agminibus comitati, iter istud agere, & Beatæ Fe-
licitatis metam attingere obligamur. Compatia-
tur sanè, viatoribus solitariè incedentibus, sapien-
tissimus Regum Salomon, dicens: *Vie soli, quia cum
ceciderit, non habet sublevantem se.* Mihi magis
arduum, & periculosum esse videtur iter sociale,
quàm ab omni hominum consortio sequestratum:
in hoc siquidem, non huc tantùm, curam & oculos,
opus est habere intentos, ut tuum in lubrico securè
figas gressum, sed ut alijs etiam prospicias, ne in
eadem plena periculi via, cespitent, & labantur.

Ethic

Et hic noster est, non minus labor genuinus, quam meriti campus uberrimus, quibus non propriæ tantum, sed alienæ quoque salutis cura incumbit. Gaudere fateor istud est, & periculosa plenum opus aleæ, inter tot salutis æternæ discrimina, non proprias tantum, sed alias etiam animas, ad beatam felicitatem deducere, pede inoffenso. Cæterum istam quoque, proveniente ex alienæ salutis cura difficultatem, ardens & usitatus, in Religione nostra animarum Zelus, medijs ac motivis efficacibus accensus, nullo negotio reddet perfacilem.

Nulla verborum copia, satis explicari potest, quantum nobis oneris & laboris, Instituti nostri ratio imposuerit, dum nos non solum saluti & Perfectioni propriarum animarum, cum Divina Gratia vacare, sed cum eadem, impensè in salutem proximorum voluit incumbere. Tanta enim oneri huic inest gravitas, ut Angelicis etiam viribus, sit profectio formidanda. Vnde ex infinita propè Beatarum Mentium multitudine, illi solum, humanæ salutis cura, & ministerium fuit demandatum, qui in suo nomine, DEI Fortitudinem sonabat & referebat, Prodiomo & Caduceatori salutis nostræ Gabrieli. Iam verò, ex infirmiori mortalium genere, quamvis solidæ virtutis homines, onus illud omni studio refugiebant. Princeps Prophetarum Moyses, ad intimandam Dei voluntatem Ægyptijs, non vires tantum, sed verba etiam deesse sibi agebat. Ieremi-

Cura animarum, Angelis & sanctis hominibus gratia vis semper grata est.

as, ne

as, nē gentibus, ad aquas mittebatur, prædicaret, puerilem prætendebat balbutiem. Ionas furentis potius Oceani fluctibus, se committere, quam vindicis Dei pænā, Ninivitas terrere eligebat. In nova verò lege, illa Antoniorum, Paphnutiorum, Macariorum, cæterorumq; Anachoretarum admirandæ sanctitatis nomina, omnem humanum vitando aspectum, cæcis se specubus, & cavernis includebant: ne dum alienæ saluti operam darent, iacturam propriæ subirent. Vicit eum, sibi in primis consulentis sanctimonix, timorem, Beati Ducis ac Parentis nostri IGNATII, excelsa animi magnitudo, qui, ut de eo referunt Annales nostri, cum propriæ etiam animæ dispendio, aliorum se cupiebat totum impendere saluti. Quid enim non egit ille? ut solidam virtutem, quæ est primarium procurandæ alienæ salutis adjumentum, perfectè consequeretur. Mentem in primis, continuo pijs contemplationibus, diu noctuq; exercebat, corpus verò, detecto capite, nudis pedibus, sacco malè tectus, cilicium indutus, ferreis catenis cinctus, flagellorum crebra diverberatione cruentatus, perpetuò divexabat. Idem assiduitate jejuniorum quærebat, jugiter manantibus lacrymis exposcebat, sanguine perfusus evincebat. In eundem deinde finem, homo militaris & annosus, ut prima literarum rudimenta edisceret, & requisitam, ad id munus scientiam compararet, quæ, Deus bone! odia? quos labores & ludibria,

S. P. Ignatius multa pro salute animarum fecit, passus est, & a nobis simili fieri voluit.

dibria, ceterasq; difficultates non devoravit? ut collectâ virtutis, ac scientiæ forti armaturâ, militem sub signa scriberet, centuriatas legiones in aciem educeret, animas proximorum, e dæmonum tyrannide, & æterna perditione eriperet: quod cum ipse indefessus lucrandis Deo animis fortiter perficeret, idem nobis, sua castra secutis, in Constitutionibus ubiq; ardentem commendavit, ac planè Imperatoriâ potestate indixit: ut post quassatam propriæ salutis securitatem, toto conatu & robore, in subsidium pereuntium animarum prompti ruamus. Quid enim sunt illæ nostræ, in variis probationibus, humilitatis, abnegationis, contemplationis, aliarumq; virtutum exercitamenta? quid perpolita tot scientijs doctrina? nisi probatissima, contra animarum hostes panoplia. Hoc nos Religio maximè respectu, tot tantisq; educat impensis, ut ad Beati Patris mentem, virtutum ac scientiarum soliditate præditi, pro vindicandis ab æterna perditione animabus, ardua quæq; pati, & agere valeamus.

In quo, Divinam cum Paulo Apostolo Providentiam, Religionis nostræ æmulatur consuetudo. Rem singulari consideratione dignam esse arbitror: et quid causæ fuerit, quod Doctorem Gentium, non post exantlatos Apostolici muneris labores, Divina Bonitas, ad tertij usq; cæli arcana dignanter admisit, sed in ipso zelosi operis initio, hanc

*S. Paulus cum
initio sue conversionis
ad
tertium cælum
raptus est.*

hanc ei præstitit dignationem: ut Annalium Ecclesiasticorum Chronologus observat Baronius. Nonne convenientius erat, ut post impensam salutis proximorum operam, & consummatas Zeli Apostolici plenas molestiarum curas, in præmium, facti animarum lucri, inter Empyreæ sedis penetralia, promeritam referret consolationem? juxta illud, quod ipse edixit effatum: *Nemo coronabitur nisi qui legitime certaverit.* Consummasset & ipse arduum laboris sui cursum, & tum, repositam sibi meritò recepisset coronam Iustitiæ: sed ante pugnam, utquid canit, agitq; triumphum? Verum longè aliter expedire judicavit Divina Sapiencia, dum non ad consummatas laboris Apostolici metas, sed in ipso ardui operis limine, cælesti eum voluit potiri visione. Optimam facti rationem adfert S. Maximus dum Homil: I, de SS Petro & Paulo ait: *Paulus ultra humana, raptus ad tertium cælum, secreta cælestia agnovit, ut Ecclesiarum futurus Doctor, inter Angelos disceret, quod inter homines prædicaret: quasi diceret: ut Apostolicus circa salutem animarum Pauli Zelus, tantò fructuosior esset, in illa virtutum ac scientiarum, cælestis Hierarchiæ schola, erudiri eum oportebat. Quatenus & ab ignito Seraphinorum affectu, ardentem charitatis virtutem, & ab illuminata Cherubinorum mente, perfectam edisceret scientiam: ut duplici, sanctimonix, & eruditionis adjutus præsidio, salu.*

S. Paulus
Zelum ani-
marum in cæ-
lo didicit.

dio, salutem animarum felicius suam navaret operam. Eadem planè est, de nobis, Religionis nostræ mens, idem propositum: ad hunc illa finem, in isto, in quo degimus, Religioso convictus nostri Paradiso, ad Angelicam vult nos eniti puritatem, ut Beatos spiritus virtutis & scientiæ soliditate imitati, tanquã veloces Angeli, in animarum accuramus subsidium.

Quod ut tantò alacrius, aggrediamur, ardens Salvatoris nostri, humanæ salutis desiderium, & indefessum circa animas laborem, propositum ante oculos habeamus. Prodigiosa fuit illa Dei Incarnati fames, qui postquam in vastæ solitudinis eremo, jejunasset 40. diebus, & 40. noctibus, postea esuriit. Itane verò, ex eius Omnipotentiae inexhausta penu, brevè omnis defuit comeatus? ut qui integras quatuor, dierum decades, citra omnem cibi potûq; usum, suã sustentatus virtute, sanus ac vegetus vixit, diutius eadem sustentari, & ferre inedia non potuit? Sed nec illud minorem meretur admirationem, quòd cum malignus spiritus advertisset, tantum famescere Dominum, gratiam aucupaturus, duos ei lapides porrexit, in panem efformandos. Ecce verò, qui se obsequium famenti, & favorem demereri putabat, gravi objurgatione castigatus est. Ecquid tamen quæso mali, in eo malus iste commisit spiritus, quòd Dominum diuturnâ inediã confectum, factò de lapidibus pane, reficere voluerit? Bonum ille opus, se operari arbitrabatur, ecur tamen gravioribus verborum, quàm saxorum

Christus in Eremo, magis salutem animarum quàm cibum esuribat.

Lacrymas pa-
nitentium, nō
potum sitibat
christus.

ictibus lapidatur? S. Præsul Mediolanensis Ambro-
sius, in eo illum, errore deceptum, deliquisse existi-
mat. quod putaverit, quasi famescens Dominus, pane
temporali, suam vellet reficere famem, ille verò æ-
ternū victuras esuriebat animas, quod S. Doctor
ita serm: 36 asserit. *Esuriit Christus, non cibum
hominum, sed salutem: cibus enim Christi, est redem-
ptio populorum.* Vnde si talem esuriem Christi in-
tellexisset, illos ipsos, quos digito monstrabat lapi-
des, non in panes, sed in animas poenitentes con-
uertendos, Domino, etiam de lapidibus filios, Ab-
rahæ suscitare potenti, promptē utiq; obtulisset:
quod si fecisset, non plenam reprehensionis indi-
gnationem, sed favorem meruisset. Ea nimirum
animarum esuries, ac perpetua sitis, Dei humanā:
in carne Filium, tenebat continuo, ut cibi etiam,
ac potūs immemor, solam animarum salutem e-
suriret ac sitiret. Lacrymas ille pænitentes, non
haustum ē puteo fontem, apud Samaritanam pre-
cabatur mulierem, dum ei, *da mihi bibere*, salutis
ejus sitibundus, diceret, nec eis, quas discipuli affe-
rebant, tunc refici voluit: nam præsto alium habebat ci-
bum, in conversa muliere peccatrice exhibitum. Et
quamvis ex conversione peccatorum, multo sæpe
frueretur solatio, nunquam tamen in eo, hæc ex-
arescebat sitis: in tantum, ut in cruce etiam disten-
tus, magis sitim, quàm doloris sensum pateretur:
ubi non vinum myrrhatum, sed amaritudinem pæ-
nitenti-

nitentium, sitiebat animarum. Quodsi Christum Dominum. prout vitæ nostræ ratio exigit, imitari volumus, animarum salutem necesse est ut perpetuò esuriamus, atq; sitiamus.

Talis erat, in Patre Ioanne Baptista Romano, animarum sitis, quam, ne totus quidem Oceanus, suis fluctibus extinguere poterat. Navem ille conscenderat, ut pereuntibus in superstitione Ethnica, opem ferret Indis, sed vix à littore solvit, oneraria ad scopulum allisa, naufragium fecit, & omnes, quotquot in ea navigabant homines, in pelagi effudit voraginem. Fluctuabat inter alios, tabulæ innixus, hic quem memoravi Pater, luctabatur cū fluctibus, non procul ab eo, homo Iudæus, omni subsidio destitutus, cujus, in periculossimo illo rerum articulo salutem, minimè sibi Pater negligendam ratus, eum de Christi fide amplectenda compellat: sed fremente mari, & plurimā undiq; incurrente mortis imagine, audiri non poterat: ergo ne auxiliantem sperneret, qui monentem non audiebat, toto virium nisu, Pater appulit ad periclitantem Hebræum, illi tabulam, qua se sustentabat ultrò concessit, pactus cum homine, si enataret, Baptismum: ipse interim sinè tabulâ, solâ charitate vectus, prior litus occupat, ac paulò post, appulsum Iudæum ex aquis eripit, ut melioribus undis mergat ac salvet: quod & re ipsa, cum magna spectantium, ardentis Zeli admiratione, sua verò con-

P. Ioannis Baptiste Romani magna salutis proximi sitis.

solatione præstitit felicissime. O quanta hæc fuerat pereuntis animæ sitis, & charitas! quam, aquæ multæ extinguere, & fluminum receptaculum mare, obruere non poterat.

*Magnum est,
cuiuslibet ani-
ma pretium,*

Et profecto, nulli nostrum difficile videbitur, non laborem tantum, sed vitam etiam pro salute animarum impendere, si immensum quoddam, earum pretium, perpendere voluerimus, quod tantum illis novimus inesse, ut unica etiam rationalis anima, omnes, quotquot in hac mundi machina reperiuntur, expertes rationis creaturas, longè suâ præponderet æstimatione non ex eo solum capite, quod quævis rationalis anima, Divinam in se referat imaginem, sed etiam ratione Christi sanguinis, cuius infinito est appretiata valore, ita ut Angelicam etiam, hoc titulo superet dignitatem. Quod si sacra auri, aut gemmarum fames, eo humana urget pectora, ut ijs perquirendis, non curas tantum, & labores impendant, sed vitam quoque postponent ipsam. Quis enim nesciat, avaritiam hominum, divitijs sæpè litare vitâ, quanto magis nos, in coacervandis animarum lucris, decet esse sollicitos, & ad quævis vitæ etiam discrimina resolutos. Præstitit hoc re ipsa magnus ille in Religionem nostra animarum Zelator, P. Ioannes Gonzalez, qui videns hominem, suâ notitiâ multis infectum sceleribus, absque eorum sacramentali expiatione, omnibus destitutum sensibus agonizare, obtulit inter

*P. Ioannis
Gonzalez, ma-
gna erga pro-
ximum Chari-
tas.*

Missa

Missæ Sacrificium vitam propriam, pro anima moribundi. Accepit Divina Bonitas factam oblationem, nam peracto Sacrificio, quasi certus acceptationis, dum morientem festinanter revisit, reperit ad mentem rediisse, & quod majus est, audit cum detestatione scelera confitentem, cui impertita absolutione, dum lætus domum regreditur, subito lethali morbo correptus, animam Charitate inflammata, Deo in holocaustum obtulit, pro converso peccatore. Sed quid ego, unam tantum, præclaram ejusmodi victimam Charitatis, commemoro? cum innumeras prope Religio nostra, eorum recenseat myriades, qui pro salute animarum, inter cædeles tormentorum catastas, vitam cum sanguine profuderunt: Authorem vitæ imitati, qui posuit animam pro amicis suis. Vnde quantum mercedis, & gloriæ sunt consecuti, difficile est cogitatione attingere, nedum verbis exprimere,

Assequor, non ex vana (ut reor) conjectura, cur dum sacra Beati Perentis nostri IGNATII, lipsana, aliquot post mortem ejus annis, inviserentur, apparuerunt spectantibus scintillantes in ejus pijs cineribus stellæ. (quæ ut ego interpretor) zelosos Sancti Patris Filios repræsentabant, quod enim olim, Hebrææ gentis Parenti Abrahamo, Divinum enuntiavit Oraculum, dicens: *Multiplicabo semen tuum, sicut stellas cæli*: hoc ipsum S. Patriarcham nostrum, in promissis habuisse, vel hæc ipsa, è corpore ejus,

missa. I. 2.
missa. I. 2.
missa. I. 2.
missa. I. 2.

S. P. Ignatii
Reliquia, stellæ
illis illustres.
Zelosos ejus filios designata

*S. Xaverius
multa anima-
rum millia ca-
elo inbexit.*

re ejus, scintillantiâ lumina resplendent abundè De his (ni me meat fallat opinio) constellationibus, purpurâ Babilonicâ clarus Propheta Daniel, ita vaticinabatur: *Qui docti fuerint, fulgebunt quasi splendor firmamenti, & qui ad justitiam erudiunt multos, quasi stelle in perpetuas eternitates.* Tales illi erant Apostolici Societatis nostræ viri, quos Seraphica Virgo S. Theresia, cælesti circumfusos lumine, cum multo animarum, quas lucrificerant comitatu, similes triumphantibus, cæli adita ingredi, infusæ mentis excessu, cum magna animi voluptate conspiciebat. Oculi credo nostri, veluti ad ista radijs solaribus cera, subito diffuerent, si vel unius zelosissimi nostri Apostoli Xaverij, saltem tenuissimum cælestis gloriæ radium, mortali conspicerent intuitu. Magna ille, uti novimus, tulit fecitq; pro salute proximorum: mens stupore obri- gescit, dum immensos ejus labores, ærumnas, vigi- lias, inedias, cæterasq; cogitatu horridas asperita- tes, causa animarum exantlatas, levi etiam cogita- tione attingit, sed non sunt condignæ passionēs & tribulationes ad gloriam, quæ in eo est revelata. Plurimis quidem ille, è faucibus Erebi ereptis ani- mabus, cælum implevit, sed gloriæ & prodigiorum ejus fama, cæli terræq; non capitur immensitate. Veniunt facile in ejus mercedis consortium, quot- quot è nobis, heroica S. Apostoli facta æmulantur. Sed gratis ego, diu mentes nostras ad fer-
ventem

ventem animarum Zelum, talibus incitamentis al-
licio: cum nos ipsa (ut jam memoravi) vocationis no-
stræ obligatio, eò urgeat, ac impellat: ita ut nemo
nostrum, postquam signis adhæsit Ignatianis, inte-
grum sibi esse, possit arbitrari, à cura animarum
vacare. Dum enim Deus, ob eam vel maximè cau-
sam, nos è profana vivendi consuetudine secrevit,
ut Evangelium propagaremus, vitia extirparemus,
pietatem promoveremus: severam à nobis exigeret
rationem, si nos, muneri nostro deesse, contingeret.
Ideò nos præ alijs Religiosis cæterisq; Ritibus Ec-
clesiasticis exemerunt: ideò ex Benefactorum mu-
nificencia, annuis redditibus, ad vitæ sustentatio-
nem necessarijs, frui permiserunt: ut tantò commo-
dius, de salute æterna periclitantibus proximis, sub-
sidio esse possemus. Vnde si quis nostrum, pluri-
mas missionum incommoditates, & pericula refuge-
ret, si dare diutius pœnitentibus aures fastidiret, si
carceres & xenodochia nauscearet, ad ægrotos &
moribundos, promptus non accurreret, teneræ ju-
ventuti, pietatem cum literis non instillaret, pro-
fugellu vitia non extirparet, virtutem non implan-
taret, si in familiari cum alijs colloquio, nescio
quibus jocis, facetijs, rumusculis, & novitatibus, ne
dicam ineptijs, & scurrilitatibus, aures extraneo-
rum pasceret, de Christiana verò pietate, differere
negligeret, aut erubesceret, probum iste Religio-
nis, non

nis, non genuina propago forèt, & neglecti muneris, graves pœnas daret. Oggeri nobis in zelo tepescentibus illud S. Gregorij Papæ Hom. 17. in Evang. meritò posset: *Officium quidem sacerdotale suscipimus, sed opus officij non implemus, qui enim unquam per linguam nostram conversi? qui de perverso opere nostrâ increpatione correpti? penitentiam egerunt? quis luxuriam, e nostra eruditione deseruit? quis avaritiam, quis superbiam declinavit?* Ad quæ, desidiæ nostræ objecta, si ne hiscere quidem possemus, gravibus profectò adjudicaremur supplicij. Quod ne unquam nobis eveniat, ferventioris Zeli studio succensi, salutis animarum, Patrum secuti vestigia, seriò incumbamus, ut cum iisdem, Perfectionis metam gloriôsè attingamus.

ALLOCUTIO XI.

Christi in Cruce afflictio, Religiosæ est Patientiæ, Idea.

*Viator multo
pati debet.*

Non à proposita tantùm itineris meta, sed à recto etiã iudicij tramite, multùm aberraret viator ille, qui nihil in via molestiæ experiri, patiç veller: cum ita, naturâ comparatum sit, ut quodlibet iter, plurima, & ardua, sibi annexa habeat

beat incommoda: ubi interdum cæli ferventioris æstus, interdum frigidi Aquilonis asperitas, itinerantes vexat: & quos, modo mitis, ac serena afflavit aura, jam imbrium, aut nivium, affligit sæva tempestas, ventorumq; turbo exagitat. Si amænum per aprica, & virides campos, iter interdum contingat, mox in asperas saxorum rupes, & scopulos desinit: quibus vestigia non rarò lædit, & cruentat: aut hærentes cænosæ caligini, gressus fatigat. Quòd si fessus ex itinere viator, nocturnæ quietis gratiâ, ad quodpiam declinet diversorium, nihil ibi frequenter edulij, aut potûs reperit, quo sitim extinguere, aut famem sedare possit: ita ut jejunus, & super nudam humum projectus, in pervio ventis, ac stillicidijs hospitali, magis rigescere, quàm quiescere cogatur. Verùm, modica hæc, & exigua sunt, paucis memorata, itinerum incommoda: si ijs comparentur molestijs, quibus in spiritualis viæ progressu, Ascetici viatores, suam patientiam continuo exercent. Quas, itineris nostri procellas, nullibi cumulatiùs, uno simul intuitu, spectare possumus, quàm in Patientissimo Viatore Deo. Quantas qualesve ille, omnis generis tempestates: quanquam toto vitæ mortalis tractu, potissimum tamen in Passionis suæ decursu, ac nominatim in crudeli crucis theatro toleravit, nemo satis dicere, ac ne quidem cogitare sufficit: Idq; non alio fine, nisi ut nos, ad patiendum, suâ animaret Patientiâ. Faciemus non

*Ad superan-
das in via spi-
rituali mole-
stias, Christi a-
nimamus Pa-
tientia.*

dubito ejus intentioni satis, postquam Patientem in Cruce, eundem Dominum, tanquam Perfectissimam nostræ Patientiæ Ideam, seriæ considerationi proposuerimus: additis quibusdam alijs morivis, ad tolerantiam adversitatum accommodatis.

Magnam Patientia necessitatem, exigit à nobis Christi exemplum.

Habent eam, insitam à naturâ vim, & efficaciam, plurimæ virtutum, quod mirâ sui suavitate, humanos ad se affectus trahant, & alliciant: verum Patientia, necessitate insuper urget, ac impellit, ut Perfectionis studiosæ mentes, sibi in omnibus obsequantur: Apostolo 10. ad Hæbr: ita attestante: *Patientia vobis necessaria est.* Indicit nobis eam patiendi necessitatem, nostræ saluti impensa, & imitationi proposita, Patientis Christi multiplex, & invicta Patientia. Si enim miles, etiam gregarius, Ducis sui, in ardua quæq; ruentis, vestigia premere tenetur, ut gloriâ, & stipendio dignus censeatur: quantò magis, Religiosæ militiæ Heroes, Christi signa secutos, Imperatoris sui, laborum, ac ærumnarum tolerantissimi, decet esse æmulatores: nisi militari gloriâ, & præmijs, velint esse exauctorati.

Christi Patientia, maximè in Cruce enituit.

Plurimis quidem, ijsq; humanâ capacitate majoribus, insuperabilis tolerantia documentis, Salvatoris nostri, tota, quàm in mortali carne, traduxit vita, fuit celebris, & illustris. Cæterum in cruce, hoc est Regali Patientiæ throno, maximè enituit Divina ejus fortitudo, ubi omnes exseruit, & inten-

291
& intendit virēs, ne multiplici dolorum, ac ærumnarum succumberet insultui. Vix enim in illo atrocitatis folio, constitit Rex Patientissimus: illico contremuere luxati corporis artus: impactis, manibus pedibusq; clavis: ruptæ fibrarum venæ, & dissoluta, cum nervis membrorum compago, non sanguinis tantum copiam elicuerunt, sed ingenti etiam dolore sensum affligerunt. Contrahebantur manus, digitis in pugnum coactis, palpitabat cor, doloris vehementia agitatam, tremebant omnia & obrigescebant, toto trium horarum, crudeli spatio, tot tantisq; torturis, excrucitata membra.

Auxit dolorem, sæva crudelitas: non solum enim, cruci affixam, innocentissimi corporis patientiam, extremè afflixit, sed famæ etiam, & æstimationis integritatem, odio intoxicatis, & omni gladio, magis acutis obtreclatorum lingvis, proscidit, & dilaceravit: dum tot sarcasmis, irrisionibus, & execrationibus, eidem improperavit, & insultavit. Dei detraxit Omnipotentiam, scelerum labes inussit innocentiam, irrisit sapientiam, læsit ac denigravit famam. In omnes deniq; Patientis Christi sensus desavijt, dum oculis, ad ludibrium, caput agitatione illudit, aures probris, & scommatibus perstrinxit, os myrrhâ, & fellis amarore afflixit, caput spinis, manus & pedes clavis terebravit, impacta visceribus hasta, cor crudeliter lancinavit. Ut taceam, in ea afflictionis acerbitate, sub tracta cæ-

*Christi in Crucis
fama, multum
est exagitata.*

lestis consolationis lenimenta, & spiritum, in amaritudine animæ derelictum, ac desolatum. Quæ tamen pœnarum acerbitates, ex ore Salvatoris, nullum querulosius verbum, nullam indignantis, aut mærentis animi notam in vultu, extorquere valuerunt. Hæ verò, omnes dolorum, ac ærumnarum, centuriatæ acies, ideo, dato velut classico, Dei Filium, gregatim, quanquam ubiq;, maximè tamen in cruce invaserunt, & exercuerunt: ut in hoc dolorum theatro, exhibitam Christi Domini Patientiam, nos, qui Religiosam Crucem sumus amplexi, magno animo æmulari velimus.

Religionis nostræ institutum, requirit homines mundo crucifixos, ut Christi & Crucis pendentis imitentur patientiam

Et hoc credo, intendit Societatis nostræ Institutum, quod unice desiderat, ac requirit, homines mundo crucifixos: hoc est, si usquam alias, maximè in cruce, dolorum ac ærumnarum Patientissimo Redemptori, in omnium adversitatum, heroica tolerantia, persimiles. Quod, hac nobis persuadeamus similitudine. Si lignum rude, & nulla ex parte dedolatum, non ad fabulosi cujuspiam Mercurij simulacrum, sed ad effigiem pendentis è ligno Dei hominis, efformandam, ab artifice manu assumptum, sensûs aliquid, & animi haberet: multa illud, à varij generis ferramentis, inflicta sibi vulnera, ac puncturas sentire, patiq; deberet. Sæpius procul dubio, informis ille truncus, scindi se, dedolari, pungi, ac proforari persentisceret. Quis numerare sufficit? quot ille tuniones, ictus, ac punctu-

puncturas toleraret, donec humano conformis corpori, membrorum compago, ex sua indigesta ruditate prodiret. Dum enim formantur oculi, attolluntur supercilia, efferuntur genæ, dividuntur labia, excavantur aures, pectuntur comæ, tornantur manus, excavantur ossa, ducuntur nervi: mille puncturis opus est, miserum torqueri lignum. Iam si difformibus invicem membris, male fabricatum opus, in conspectum prodeat? O quot hominum crises, & censuras patitur! multis dicentibus: Ecquod istud monstrum, non Dei hominis effigies est? quàm torvus ad horrorem vultus, distorti oculi, diducta nimis labia, gracile collum, manus oblongæ, non proportionati corpori pedes. Ita informe lignum, si sensus adesset, multa pati deberet, ad repræsentandam, pendentis è ligno Salvatoris speciem, assumptum.

Hinc inferamus, quantò magis, nobis adversa tolerare incumbit: donec, ex voto Apostoli, Christus, & hic crucifixus, formetur in nobis. Præsertim quòd in hac Religiosa, quam sumus amplexi cruce, plurima, nostræ, in Crucifixo Salvatore Idææ, non absimilia occurrunt adversa, æquo animo toleranda. Non memoro varios, ex facta, naturæ, perpetua violentia, & susceptis laboribus, contractos non rarò morborum dolores. Prætereo magis nausææ, quam refectiioni, viles, & inconditos eduliorum cibos, & potus, cæteraq; ejusdem generis incom-

Multa in Religione occurrunt patienter toleranda

incommoda. Gravius plerumque illa afficiunt, quæ animum, non corpus affligunt: quales sunt aculeatæ, & mordaces aliorum linguæ, quæ obrectationum & convitiis probis, nimium delicati sensus famam, & æstimationem proscindunt, ac dilacerant. Huc accedunt falsæ delationes, & odio instigante accusationes, quæ conscientias innocentiam mentes, nimiam afflictione exulcerant: pungunt non minus graviter, frequentes animorum aversiones, & odiosæ persecutiones. Iam si quispiam, (quod non raro evenit) sentiat se deprimi, sui dotes ingenij despici, ad viliora munia, & functiones abijci, sua optimè facta, censurari, talenta depretiari, doctrina & virtute inferioribus postponi: graves omnino, afflictas taliter animas, mæroris acerbitates, opus est experiri. Quod si adhuc amaras ejusmodi tribulationes, nulla Deus consolationis dulcedine condiat, immo omnem devotionis gulum adimat, & in amaritudine animæ, hominem desolatum relinquat: jam deest verbis copia, qua sufficienter exprimi possit, quantam doloris acerbitatem, sentiant, & experiantur, in eum modum afflictæ mentes Religiosæ. Quas afflictionum gravitates, non alio fine Divina permittit Providentia, nisi quod in statu Religioso, velit habere homines, mundo crucifixos: hoc est. Cruci affixi Salvatoris, in tolerandis patienter afflictionibus, perfectos æmulatores. Ideo enim Christus, teste Apostolo Petro:

*Etiam si nulum
consolationis
ad sit timentium,
nostra
tamen non debet
deficere
Patientia.*

tro: Cum malediceretur, non maledicebat, cum pateretur, non comminabatur, tradebat autem iudicanti se injuste. 1. Petri 2. ut ex hoc Apostoli testimonio pateat, pendentem de ligno Christum, licet acerrimis premeretur doloribus, & innumeris afficeretur opprobrijs, ad nullas tamen querelas os aperuisse, nullo, se nimium gravari, signo ostendisse, sed obfirmatâ in Patientiam constantiâ, omnes illas, corporis & animi torturas, mente pacatissimâ tulisse: eoq; ipso, homines cruci potissimum Religiosæ affixos, in omni afflictionum pressura sui imitatores habere voluisse.

Prout eum imitatus est, ille inter veteres Ascetas, singulari Patientiâ celebris Abbas David, de quo refert Theodoretus, Relig. Hist. cap. 4. eum per 40. annos, quibus quinquaginta & centum Monachis convixit, inter varias, easq; innumeras, quæ stomachum movere poterant occasiones, nullum unquam acerbius verbum protulisse, nullâ levissimâ etiam animi perturbatione, commotum fuisse. Tales erant duo illi, singularis Patientiæ Eremitæ: qui, ut de ijs scribitur, in vitis Patrum, etiam de industria, ad explorandam Patientiam, varijs laceßiti injurijs, nunquam tamen eo adduci poterant, ut vel minimum, indignantis animi proderent indicium. Quod illi, constantis tolerantia, præclarum specimen, certè non de alio sumpserunt prototypo, nisi ex Patientissimo in Cruce Salvatore suo.

Mira aliquorum Eremitarum Patientia

Sed

Sed frustra ego per Eremos, & Asceses, inter veterum Anachoretarum specus, & cavernas, Christo Crucifixo, similem Patientiam quæro: cum eam, in Duce nostro IGNATIO, præ oculis habeam. Postquam enim ille, relictis profanæ militiæ signis, ad vexillum Crucis accessit: ita se clypeo Patientiæ protexit, ut nulli variantis fortunæ insultus, nullæ adversitatum procellæ, eum de mentis tranquillitate possent unquam deicere. Ita ille Patientiæ effigiem, quàm in Crucifixo contemplabatur Salvatore, altæ menti suæ impresserat, ut eam, genuinè, in se expressam circumferret. Vnde cum Ierosolymis, Patientis Christi vestigia relegendem, barbarus quidam Armenus, truci primum vultu, ac fuisse terrere, deinde verbis admodum asperis arguere, immissa ad extremum manu, apprehensum, minimè renitentem trahere, ac pugnis protrudere cæpisset: ille Christum contemplatus præsentem, omnes illas contumeliarum injurias, pacatissimâ sustinuit Patientiâ. Peregrinabatur altero temporis intervallo, cum Laynio, B. Pater, cum accurrens, à vicino grege, agrestis quidam bubulcus: qui primò, novorum hospitem admiratus habitâ, deinde, in cachinnos & scommata effusus, petulanter irridebat peregrinos. Substitit loco, diu immotus IGNATIVS, seq; procaci mancipio, ad satietatem usq; concessit irridendum: monenti verò Laynio, ut gradum faceret, & se petulanti subduceret

ceret rusticitati: Respondit: non esse subtrahendam eam puero voluptatem. Habitabat deinde Romæ, idem B. Pater jam Generalis, in cubiculo perquam modico, ex quo in vicini aream, erat prospectus: id non ferens homo inurbanus, ut IGNATIO agrè faceret, gallinas & anseres, in unam coniectas caveam, ibidem collocavit, quorum irrequieto cantu, & clangore, commentanti, atq; meditati continuè obstreperetur. Hanc ille molestiam, non querimoniâ, aut quapiam admiratione, sed constanti silentio superavit.

Non degener, à B. Patris Patientia, immo & Christi tolerantia ex asse hæres, P. Claudius Aquaviva, gloriosum & ipse, nostræ Societatis Caput, inter alia, admirandum edidit Patientia specimen. Iuraverat homo quispiam furibundus, in quem primum incidisset Iesuitam, eum se fuisse bene castigaturum: casus tulit, ut ipse Generalis Claudius iret, sub meridiem, cum socio, oculis humi dejectis, totoq; corporis habitu, ad modestiam compositus: hunc conspicatus, vir ille, iræ impotens, ac furibundus, Patrem fustiaro, crudeliter cedere aggreditur: ortus à prætereuntibus clamor, domesticos Cardinalis Aquaviva, è vicinio excitavit; qui propè accurrentes, ut quod ageretur viderent, strictis illico gladijs, in sceleratum invasorem irruebant, de illata Cardinalis Patruī, tam luculenta injuria, vindictam, dignam ausu, facturi. Verūn

P. Claudij Aquavivæ, admirandæ Patientia specimen

Claudius eos quiescere, & hominem illæsum dimitti iussit: ipse verò contumeliam, quasi spectaret ad alium, urbe ad stuporem attonitâ, dissimulatione texit.

*Unius è
Societate, gra-
vis calumnia
amore Christi
Crucifixi, pati-
enter tolera-
ta.*

Ex infinitis propè alijs, similibus Patientiæ nostrorum documentis, unum adhuc profero, magnæ quidem afflictionis, sed non minoris tolerantiae, specimen memorabile: cujus meminit Nicius Erithræus. Quidam è nostris Sacerdos (doleo nomen immortali memoriâ dignum reticeri) erat à confessionibus, cuidam matronæ, non minùs generis claritudine, & formæ elegantia, quàm virtute præstanti. Hanc juvenis quidam, clarus & ille sanguine, sed impuritate obscænus, usq; ad insaniam deperibat: sed cum omnes aditus, intercludi sibi, ad eam videret: existimavit, id confessarij consilij, & monitionibus fieri: unde credidit, illud munitum pudicitiae præsidium, se facile expugnaturum, si daret operam, ut Patris auxilio nudaretur. Itaq; Sacerdotem illum, apud suum Superiorem, facti criminis insinuat, fictos testes adducit, qui pro testimonio asserunt, se eum, in stupri flagitio deprehensum vidisse. quod cum ita, ab hominibus fide, ut apparebat dignis constanter affirmaretur: omnis misero Patri, vindicandæ à calumnia innocentiae, ratio præcidebatur. Quamobrem Superior, de consilij sententiâ, graviter in eum animadvertendum statuit: ac primo sacris eum interdi-

terdicit, tum abjectis officijs præficit, & publico abstinere jubet: quam ille injuriam, Christi Domini Crucifixi causâ, tacitè ferendam arbitratus, calicem illum, omni felle acerbior, generosè exorbebat: hanc durissimis etiam tormentis, graviores famæ torturam, cum diu patienter tolerasset, sensit Divini juvamen subsidij: nam impudens calumniator ille, morbo lethali percussus, dum suâ, confessione expiat peccata, etiam illud crimen aperuit, quo innocentem infamavit. At prudens Confessarius, non posse eum peccatorum consequi veniam asseruit, nisi famam, quam iniquè subtraxerat, restitueret: qui facti pœnitens, rem totam sacerdoti permisit: tendit ille rectâ ad Collegium, rem Superiori aperit, innocentem falso crimine infamatum liberat: effert laudibus insignem, innocentis rei patientiam Superior, & suam apud eum deprecatur credulitatem: instituitur ab amicis festiva gratulatio. At longè ampliori mercedis præmio, coronata est à Christo, ad sui imitationem Patris patientia, ob ignominiosam crucem, adeo constanter & patientur toleratam.

Verùm, non solum Christi patientis exemplo, ad omnes afflictionum æumnas æquo animo ferendas allicimur: sed ipsâ etiam patiendi necessitate impellimur. Si enim, mundanæ vanitatis fidi sectatores, quamvis solis, semper & ubiq; velint frui delicijs: sæpius tamen adversitatum molestijs affli-

Pp2

guntur,

Magna Patientia necessitas est, quod afflictiones evitari nequeant.

guntur, quàm suavitatē voluptatis delectantur: quanto magis, ad exercendam Patientiam, ex professo initiati homines Religiosi, plures, & frequentiores habent patiendi necessitates, & inevitabiles occasiones. De quo, magnum spiritūs nostri Magistrum Thomam à Kempis, audiamus, lib: 2. cap: 12. ita differentem: *Dispone & ordina omnia, juxta tuum velle, & videre, & non invenies, nisi semper aliquid pati debere, aut sponte, aut invite, & ita Crucem semper invenies, aut enim in corpore dolorem senties, aut in anima spiritūs tribulationem sustinebis. Interdum à Deo relinquēris, interdum à proximo exercitaberis, & quod amplius est, saepe tibi met ipsi gravis eris.* Proinde tantis undiq; adversitatum circumventi agminibus, quæ, fugâ evitare non possumus, patienter tolerando superemus. Gravis enim impatientis, in adversis animi, dementia est, dum & ingruentem invitus patitur afflictionem, & graviores adhuc, debitas suæ impatientiæ pœnas meretur: ita, ut miser, bis in id ipsum puniatur. Iam verò, si quispiam, illas ipsas, quas subterfugere nequit, tolerat patienter æumnas, brevem cum sua afflictione certamen, æternæ mercedis præmio, habebit compensatum: Præclaro Patientiæ Athletâ Paulo Apostolo ita attestante: *Momentaneum & leve, tribulationis nostræ, supra modum in sublimitate, æternum pondus gloriæ opertatur in nobis 2. Cor: 4.*

Verita-

Lazarus in
sinum Abra-
he ab Ange-
lis deportatus
in premium
patientia.

Veritatis, quam asserit Apostolus, testis & documentum est, plenus ille ulcerum, & calamitatum Lazarus, quem post impostum vitæ mortalis finem, delatum ab Angelis, in sinum Abrahamæ, Evangelica refert narratio. Grande, & heroicum, actionis meritiq; genus, necesse est, hominem istum exhibuisse in vita, propter quod, post mortem, famulante sibi Angelorum obsequio, meruit in gremium S. Patriarchæ deferri. At enim scimus, nullas ejus in Evangelico codice, virtutes enumerari. Nulla ille in seipsum, rigidâ flagrorum aut ciliciorum animadvertibat severitate. Non legimus eum ferventes produxisse orationes, aut altis immoratum fuisse contemplationibus. Nullum in convertendis ad Deum peccatoribus exercuit zelum, nullos causâ animarum subiit labores, multò magis, nullas in egenos, & pauperes largiebatur opes, cui propria egestas, omnem ad id eripuerat potestatem. Quod ipsum miratur, & exaggerat D. Chrysostomus: dum ita Hom. 1. loquitur: *Pauperis illius, nullum præclarum facinus inveniemus, non quòd pauperibus sit misertus, non quòd oppressis assuerit, non quòd aliquid aliud boni effecerit.* Vnde tamen illum Angeli, tanto dignantur honore, ut ad hominem omnium vilissimum, se demittant, in exoptatam requiei sedem deferendum. Certè, non aliud, ad exhibendum pauperi ejusmodi honorem, & obsequium, cælestes excitavit Spiritus, nisi invicta ejus-

*Patientia ca-
tum debetur.*

At ejusdem Lazari tolerantia, quâ ille tot calamitatum, & ærumnarum procellas, animo sustinuit æquissimo: ut idem sentit Doctor memoratus. Quod si sola, quæ de spinis, colligit Patientia rosas, felicitatis coronam huic hominum miserrimo concinnavit, & Angelos in ejus obsequium deduxit? eandem nobis, tam Beatarum Mentium dignatione, quàm æternæ Beatitudinis possessionem, obfirmatus in Patientiam animus conciliabit: *Æterna Veritate sic affirmante: In Patientia vestrà, possidebitis animas vestras.* Luc: 21. Vt enim poliuntur & lucent, attritu valido corpora, quæ solido constant, & splendescunt derafa marmora? ita afflictiones patienti animo toleratæ, omnium, quas speramus, sunt causa felicitatum. Nec enim tantum, injecta vivis carbonibus, rudis suffimenti massa, gratum subito spirat odorem: sed dedita etiam sanctitati anima, igne tribulationis undiq; adusta, *ascendit sicut virgula fumi, ex aromatibus myrrhæ, ex thuris.* Atq; ita suarum, cæli Incolas, mirâ recreat virtutum suavitate. Proinde, si non tantum Christi Patientis exemplo persuasi, sed patiendi etiam necessitate impulsî, & cælestis præmij desiderio accensi, omnem ad patiendum occasionem, libenter arripuerimus, brevî ad Religiosæ Perfectionis, & *Æternæ salutis metam* consistemus.

ALLO-

ALLOCUTIO XII.

303

*Christi Patientis Imitatio, &
Religiosa Perfectio, continua
efficitur, ac conservatur mor-
tificatione.*

Patiantur sanè, quas declinare nequeunt, sub-
terfugiant verò, quas avertere possunt, viæ
molestias, cæteri viatores. Religiosæ Perfectionis
iter ingressos, non tantum ingruentium adversita-
tum procellas, libenter tolerare, sed spontaneas e-
tiam afflictiones accersere, par est. Cum enim,
(ut ait Apostolus) *Per multas tribulationes, oportet nos intrare in Regnum Dei.* Act. 14, patet manifestè, illos ampliori in termino, potituros præmio, qui plures afflictiones toleraverint in via. prout superior innuebat in decursu Allocutio. Sed ne mercenario animati spiritu, iter hoc multis obsitum afflictionibus, spe cuiuscunq; præmij, aggredi ac decurrere videamur Salvatorem in primis nostrum, in suæ mortalitatis agone, plurimas, immo omnes afflictionum ærumnas, ultrò arripientem intueamur. Neq; enim ille, ullâ unquam necessitate, ad patiendum adigebatur, sed omnia, toto mortalis vitæ, ac Passi-

*Spontaneas
mortificationes,
ad Christi
imitationem
sunt assumenda.*

ac Passionis suæ tractu, afflictionum genera, liberâ voluntate acceptabat: ut nos quoq; qui eum sequi in omnibus tenemur, non tantum inflictae telo necessitatis molestias, libenter patiamur: sed in spontaneas etiam afflictiones, omni studio, ac conatu incumbamus. Quod non sola, debita Salvatoris imitatio, sed Religiosæ etiam Perfectionis integra cōservatio, à nobis postulat & requirit. Vtrumq; illud voluntariæ mortificationis motivum, paulò diligentius perpendamus.

*Christi Passio,
continua à
nobis requi-
rit mortifica-
tionem.*

Ex duplici credo ratione, voluntariæ afflictioni afficiebatur Regali in purpura Vates, dum Psal: 43. diceret: *Propter te, mortificamur totâ die.* Coniciebat ille, inprimis, prophetico obtutu, futura à longè lustrantem mentis suæ oculum, in omnes illas afflictionum species, quas Dei Filius, corpus humanum indutus, erat passurus: unde imitationis ejus impulsus affectu, dicebat: *Propter te, mortificamur totâ die:* quasi diceret: Tua id, à nobis Deus, exigit dignatio, ut te, tam dira, & acerba, nostræ salutis causâ, spontaneè toleraturum, corporis sensuum, & animæ potentiarum, voluntariâ afflictione, toto vitæ nostræ decursu, imitemur. Et verò, quisquis ad seriam mentis trutinam revocabit, & devotè contemplantur: Quid erat necesse Dei Filium, hominem factum, tam multa, & acerba, nostri causâ pati? Cum, unico (ut Theologi docent) interni actûs sui merito, non sufficienter tan-

ter tantum, sed abundanter etiam, poterat compensasse omnes offensas, ac injurias, Deo à nobis illatas. Siquidem (ut eorundem est consensus Theologorum) quælibet Theandrica Christi actio, valoris erat infiniti. Vnde sequitur: Salvatoris nostri unam piæ mentis elevationem, aut lacrymantis oculi stillam, fuisse sufficientem, ad delenda omnia criminum nostrorum delicta. Eccur tamen ille, non solum voluntariæ egestatis, inedia, æstus, ac frigoris, diuturnâ tolerantia, ad expianda hominum scelera, corpus suum afflixit, sed exquisita etiam tormentorum crudelitate, excruciarî illud permisit? opprobria, & calumnias libentissimè sustinuit? En genuinam facti hujus rationem, suggerit Primas Apostolorum, dum ait: *Christus passus est pro nobis, vobis relinquens exemplum, ut sequamini vestigia ejus.* 1 Pet: 2.

Et quanquam omnibus, qui Christiano nomine censentur, unicè incumbit, ut in spontaneis, corporis, & animi afflictationibus, Redemptorem suum imitari studeant: nostræ tamen vocationis ratio, potiori jure id à nobis exigit: ut mortificationem IESV, in corpore nostro circumferamus, cujus nomine sumus insigniti. Ex quo enim, ad instar Apostoli, summâ Dei dignatione, facti sumus vasa Electionis, ad portandum Nomen IESV coram gentibus, gravem voluntariæ mortificationis, suscepimus obligationem. Siquidem, *sub spinoso ca-*

Christus maxime à Religiosis exigit studium mortificationis.

*pite (ut Bernardus sentit) non decet membra esse
 delicata. Eo fine, & animo, sub signa Sanctissimo
 Nomini IESV consecrata convolvimus. ut Impe-
 ratorem nostrum IESVM, voluntariâ, mentis, &
 corporis afflictione, imitari velimus. Prout B. Pa-
 ter IGNATIVS, de Regno Dei, & duobus Vexillis,
 in suis contemplatur meditationibus. Quod ut ef-
 ficaciùs exequamur, continuam in rebus omnibus,
 vult nos quærere mortificationem. Veluti enim
 Rex noster Christus, toto vitæ mortalis tractu, nul-
 lam sibi mortificationis occasionem elabi patieba-
 tur: sed omnes, animo, & affectu arripiebat avidis-
 simo, adeo, ut veluti celebris olim, artis pictoriæ
 peritus Apelles, nullam diem sine lineâ, ita ille, sine
 afflictionis voluntariæ puncturis, nullum omnino
 tempus, transire sinebat. Immo, ut testatur Apo-
 stolus, ad Hebr. 21. *Proposito sibi gaudio, crucem
 sustinuit, confusione contemptâ,* Hoc est: quam-
 vis in libero, voluntatis suæ arbitrio positum habe-
 ret, seu gloriosam, & delicijs affluentem, seu au-
 steritate rigidam, & contemptibilem suæ mortalita-
 tis vitam agere: postpositis tamen opum, ac commo-
 ditatum illecebris, austerioris vitæ horrorem, non ex-
 timuit, sed contemptui habuit.*

*Tota Christi
 in terris vita,
 continua fuit
 mortificatio,
 propter nostrâ
 imitationem.*

Poterat sanè Redemptor noster, inter augu-
 sta Regum Palatia, in lucis usuram prodire, & o-
 mnimodâ in cunis deliciarum copiâ affluere. In su-
 a manu positas habebat, omnium divitiarum ga-
 zas.

zas. Erat illi integrum, Mydam aut Cræsum, quempiam opibus, Salomonem delicijs, Cæsarem Augustum, Regnorum amplitudine, & imperio superare. Ille tamen vile & pervium ventis stabulum, suæ Nativitati destinavit. In summâ rerum egestate, à prima infantia vitam exorsus, toto, trium supra triginta annorum spatio, continuavit. Ætate maturior, corpus inediâ, & labore fessum, supra nudam projiciebat humum. Animam, perpetuâ intellectûs, ac voluntatis abnegatione, ubiq; affligebat. In atrocissimam sui necem, conspirantem hostium crudelitatem, non fulminum tantum ictibus, aut armatis, plusquam duodecim Angelorum legionibus, sed unico etiam, oris Divini verbo prostertere, ac proterere in promptu habebat. Erat ei facillè, obstruere os loquentium iniqua, & muta facere labia dolosa: ne acribus verborum aculeis, graviter perstringeretur, & opprobrijs satiaretur. Ille tamen, & impias hostium manus, in sui corporis innocentiam, crudeliter sævire permisit, & impudenti lingvarum procacitati, se in famâ denigrari concessit. Parum erat mortificationis avidissimo Dei Filio, voluntatem suam, Patri Æterno resignasse, & Matris, ac Tutoris, pio quidem, humano tamen imperio, subditam fecisse, nisi eam, in crudelibus etiam, hostium, ac carnificum manibus positam, & ex toto abnegatam, reliquisset: nullum corporis sensum, nullam animæ potentiam, à gravi af-

afflictione immunem habuit. Quod non alio fine, eum fecisse existimemus, nisi ut nos quoque, suae mortificationis, serios haberet imitatores. Vti enim sui Nominis nos fecit participes: ita & voluntariae afflictionis vult esse consortes. Et hoc ipsum B. Patrens noster, Regul: Sum: II studiose commendat: *Vt contumelias, falsa testimonia, & injurias pati, ac stulti haberi, & existimari optemus, ut imitari aliquomodo Creatorem, ac Dominum nostrum IESUM Christum, ejusque vestibus, ac insignibus indui possimus, quandoquidem illa, ipse propter majorem profectum nostrum spirituales induit, nobisque exemplum dedit, ut in omnibus quoad fieri poterit, Divinae Gratiæ aspirante, eum imitari, ac sequi velimus.* Quod obligationis nostrae debitum, si serio perpenderit, rursus cum Regio Vate, ardenti voluntariae mortificationis desiderio accensi, exclamabimus: *Propter te, mortificamur tota die.* Quasi dicamus: rapit corda, & affectus nostros, tuum exemplum supra modum mortificate Deus: ut omnes corporis sensus, & animae potentias, voluntariam afflictione perpetuo exerceamus.

*Ad Religiosæ
Perfectionis
conservationem,
continua opus
est mortifica-
tione.*

Verum, non sola Christum Dominum imitandi obligatio, sed integra etiam Religiosæ Perfectionis conservatio, continuum voluntariae mortificationis studium, à nobis serio requirit. Magna nobis, (ut scimus optimè) acquirendæ, sed non minor conservandæ Perfectionis, incumbit necessitas.

Siqui.

Siquidem non minus est quærere, quam parca tueri, aliàs, gratis in acquirenda sanctitate, nostra defudaret industria, si quod arduo labore acquirimus, facile dilabi permittamus: hoc enim, esset divitias in saccum pertusum mittere, aut aquam dolio infundere perforato, prorsus insanæ mentis labor. Si pretiosis mercibus onerata navis, grave & dolendum subit naufragium: longè acerbior est, comparatæ virtutis jactura. Porro ad conservandam Perfectionis integritatem, optimum medium mortificatio est: ut integris librorum voluminibus docent, & evincunt, vitæ spiritualis Magistri. Quod considerantibus, iterum cum Psalte exclamandum est: *Propter te, mortificamur totâ die.* Res enim ipsa exigit, ut in virtutem, Perfectionis nostræ conservativam, omni ope, à studio incumbamus.

Hoc credo, insigne Societatis nostræ decus, mortificationi apprime & ipse addictus S. Franciscus Borgia significavit: quando Religionem nostram, vineæ Evangelicæ persimilem esse voluit. Cujus comparationis plures mihi occurrunt rationes. Strenuos in primis, & labori ferio addictos, vult nos esse operarios S. Generalis: ut in Religiosa vinea, gloriantes, dicere possimus: Portavimus pondus diei, & æstus, usq; ad virium defatigationem. Scimus vineas lepimentorum munimentis, ac mace rijs, suos conservare fructus, quibus collapsis, noxia hominum, bestiarumq; tutba, illico in vineam irrum-

*S. Franciscus
Borgias Reli-
gionem vinea
comparabit,
quod in eâ
continuum mor-
tificationis a-
ctu vigere de-
beat.*

irrupere, & vites devastare consuevit. Vri contingit vineæ illi, cuius possessor Psal: 79. ita arguitur: *Vt quid destruxisti maceriem ejus, vindemiauerunt eam omnes, qui pratergrediuntur viam: exterminavit eam aper de silva, & singularis ferus depastus est eam.* Quod in vineis contingit, hoc & in Religionibus usu venit: in quibus si Legum ac Regularum sepes corruant, ac nominatim, Religiosæ Paupertatis murus collabatur, protinus illuc, nocentiora brutis irrumpunt vitia, & cupiditates: quæ Perfectionis devastant vindemiam. Et congruæ quidem istæ, quas breviter innui, inter vineam & Religionem nostram, possunt esse analogiæ. Cæterum, aliam comparisonis istius, magis convenientem rationem, adfert memoratus S. Generalis noster: dum ita Epist. de medijs conservandi spiritû, scribit: *Verendum est, ne Societati idem contingat, quod vineæ: quæ suis temporibus non putatur: quam silvescere, & interire, paucis annis videmus, neq; uvæ ferre, sed in palmites & sarmenta silvescere.* Ita planè nos, si qui animum, ad commodâ suâ induxerint, periculum est, ne mortificationis obliti, pro racenis, sarmenta proferant, quæ ad nihilum valeant, nisi ut in ignem mittantur. Ex quo gravi verborum sensu, facillè intelligimus, continuum voluntariæ mortificationis usum, ex ea in primis ratione, esse omnino nostræ Perfectioni necessarium, quòd eam, ne pullulantibus vitiorum spinis, ac

nis, ac urticis suffocetur, omni ope tuetur, dum ejusmodi noxia, passionum ac cupiditatum germina arcet, & præscindit. Aliàs, omnes virtutum fatus, opus foret interire, nisi seriâ mortificationis operâ, omnia Perfectionis impedimenta præciderentur. Immo prout gnavus vineæ operarius, non sentes tantum, & lolia, ferro armatâ manu succidit, & submovet à vitibus: sed in ipsas etiam sævit vites, & præsecat palmites, ne racemis ad maturitatem, necessarium subtrahant humorem. Haud secus, ad præcidendos passionum nostrarum inordinatos affectus, mortificatione opus est, ne Perfectioni suum adimant vigorem.

Sed parum est, mortificationis usu, ea quæ sunt Perfectioni contraria, submovisse, nisi etiam, ad integram sanctitatis conservationem, seria conferatur opera: Quod quàm efficaciter præstet, mortificatio, ex genuina rei hujus, in veteri lege figura, facile intelligemus. Celebre illud, ad amissum Divinæ Voluntatis, fabricatum à Moyse Dei Tabernaculum, inter alia pretiosa opera, sagis etiam cilicinis obtegi jubebatur, de quo Exod: 26. tale Deus statuit mandatum: *Facies saga cilicina, ad operiendum tectum Tabernaculi.* Teneor non mediocri, præcepti hujus admiratione. Si enim Davidis, aut Salomonis Palatia, vel quæpiam aliæ profanæ ædes, acri cilicio operiri Divinum mandaret imperium, nemo id justè mirari posset. Siquidem

in il-

Deus sanctuarium suum sagis cilicinis obtegi voluit, quia omnis sanctitas ad suam conservationem continuè indiget mortificatione.

in illis Regum pēnetralibus, & profanis domibus, plurima intemperantiæ, luxûs, ac injuriarum latebant crimina, quæ pænali cilicio, meritò obtegerentur. Sed soli Divino cultui, ac venerationi, consecratis Tabernaculi Ædibus, quid cum rigidis pœnitentiæ setis? nisi fortè, ille etiam dicatus Deo, & pietati locus, id exigeret, si aliquibus delictorum inquinabatur culpis. Nolo quidem ego, ut à me Dei Sacrarium, judicio vapulet temerario: cæterùm, multa tamen ejus delicta, menti etiam renitenti, per vim occurrunt. Si enim Tabernaculum Dei, non à vulgari tantùm plebe, & politioribus mundanæ vanitatis sectatoribus, profanabatur? Sed etiam Divino cultui, dicata Levitarum, ac Sacerdotum sanctitas, in eodem, non rarò delinquebat Sacrariorum? Si sacer ille locus, carebat cultorum Dei, debitâ reverentiâ, & devotione. Si in æde summo Numini dicatâ, colloquia & fermocinationes, diu & sæpe miscebantur? Si huc & illuc, minùs verecundo aspectu, in Sacrario volitabant oculi? Si subterfugiebatur, in expiando populo, debitus sacerdotibus labor? meritò tot nævis infectum, asperitate cilicij operiebatur Dei Tabernaculum: ut eo pœnitentiæ cultu, sua expiaret delicta. Cæterùm, sacræ Paginæ Interpretes, aliam: rigidioris istius operimenti, rationem adferunt, dum ajunt: Deum hoc factò, nos docere voluisse: nullam sanctitatem, absq; mortificationis adjumento, subsistere, ac conservari

servari posse. Perhibet assertæ veritati testimoni-
um celebris Ascetarum Magister S. Dorotheus Tó:
3. Bibliothecæ Patrum: Ille, (inquit) *veram sancti-*
tatem assequitur, & conservat: qui adversus con-
cupiscentias, & propriam voluntatem, strenuè cer-
rat, subigit innatas passiones, & vitia, Vnusquisq;
nostrum Dei Tabernaculum est: ut asserit Aposto-
lus: *Templum Dei vos estis*. Vnde quemadmodum,
vetus illud Dei Sacrum, sagis operiebatur cilici-
nis: ita Religiosa sanctitas, continuâ mortificatio-
ne, ad sui conservationem involvi debet.

Minus fortè, Apostolum Petrum, aut Magda-
lenam, plenam austeritatis duxisse vitam, quispi-
am mirabitur: si mentem, ad contractas ab eis cul-
pas converterit: Angelum in carne humanâ, Inno-
centissimum Ioannem Præcursores Domini, à pri-
mis infantia incunabulis, rigidam in eremo au-
steritatem arripere, quid necesse erat? Non pote-
rat (ut ego conijcio) illud quoq; sanctissimum Dei
habituaculum, absq; cilicio, ex pilis camelorum con-
texto, suam conservasse innocentiam. Ut inde Re-
ligiosa discat sanctitas: absq; continuo mortifica-
tionis usu, se subsistere, & in sua conservari integri-
tate, minimè posse. Percurramus aliquas (dum
non vacat omnes) Perfectionis nostræ constituti-
vas virtutes. Ordior ab ijs, quæ nostram animant
Religiositatem. Nemo in primis, addictus ex animo
erit Paupertati, qui innatam plura habendi, non

S. Ioannet ple-
nam austeri-
tatis vitam, à
pueritia du-
xit in Eremo,
ut doceret vir-
tutes absq;
mortificatio-
ne conservari
non posse.

Rr

eradi-

eradicavit cupiditatem: nullus ei, voluntariæ egestatis sapiet effectus, qui suæ non imposuit frenum sensualitati. Non est possibile, illum fore perfectè obedientem, cui proprium vivax est iudicium, & voluntatis non mortificata libertas: grave ei, & prudentiâ destitutum, videbitur quodlibet imperium: contra iussa, mille remurmurabit vicibus. Multò magis, æmula lilijs castimonia, non alibi efflorescet, nisi inter asperas mortificationis spinas. Non subsistet Fraterna Charitas, quæ est Perfectionis vinculum, & compago, nisi mortificatio, omnes ferventiores passionum commotiones represserit. Non habebit locum Humilitas, nisi exanita fuerit sui æstimatio. Non sustinebit, violentos adversitatum impetus Patientia, si non fuerit diuturno mortificationis exercitio præmunita. Idem de alijs virtutibus esto iudicium: quas acquiri, & conservari non posse, absq; continua corporis & animi mortificatione, patet ex enumeratis. Ut enim magnes, inter aspera ferramentorum segmenta repositus, conservat vim ferri tractivam: at verò, si molli gossipio, aut sericis operiatur involucris, omnis in eo, vis illa languascit, ac deficit: Ita Religiosæ animæ, inter rigidas mortificationis asperitates, virtutem Dei Gratiæ attractivam retinent, delicatioribus verò, addictæ oblectamentis, omni sanctitate destituuntur.

*Virtus magnæ
tis instar, inter
aspera conservatur.*

Verita-

Veritatis istius, etiam ab avibus, possumus
 usurpare documentum. Quid quæso causæ est?
 quod passeret, quamvis inter exesas arborum ca-
 vernas, & tectorum abscondita, somno cubilia quæ-
 rant, & taciti in silentio quiescant: nihilominus ta-
 men, à nocturnis volucrum prædonibus, tuti esse
 nequeunt: sed sæpe ab acutis noctuarum ungvibus,
 ex suis extrahuntur nidis, ad laniemam. Iam verò,
 suaves cantu Philomelæ, licet in apertis hortorum
 areis, sonarâ vocis suæ modulatione, totâ nocte per-
 strepant: non tamen in prædam bubonibus cedunt.
 Sed faciliè, cogitanti, discriminis occurrit ratio. Sci-
 mus Philomelas, inter spinarum aculeos, & aspera
 senticeta, suas occinere cantilenas, quorum acutis
 sentibus, crudeles bubonum rapinas, omni ad se
 vetant accessu. Miseri verò passeruli, mollibus af-
 fveti stratis, dum in suis plenis plumarum, ac de-
 liciarum nidis placidè quiescunt, crudelibus noctu-
 arum ungvibus, ex plumeis extracti delicijs, atro-
 citer laniantur. Quod avibus, idem & Religiosis
 plerumq; contingit hominibus. Illi, qui asperæ
 mortificationi, veluti horridis spinarum sentibus
 inhærent, infernales, cum suâ ferocitate bubones,
 omni ad se prohibent aditu: suæ verò sensualitati
 indulgentes affectus, faciliè ejusmodi prædonibus,
 veniunt in prædam captivi.

Vnde non miror, in Romanâ occidentis Ec-
 clesiâ, primum vitæ Religiosæ Authorem S. Abba-

*Passeres in
 suis mollibus
 nidis crudeli-
 ter laniantur:
 Philomela, in
 ter spinarum
 sentes secure
 cantant.*

*S. Benedictus
P. Iosephus
Anchietæ P.
Gonsalvus Sil-
veria inter
nas suam con-
servavit san-
ctitatem.*

tēm Benedictum, insigni sanctitate claruisse, & integerrimā castitate floruisse, quam ille spinarum aculeis, protexit, ac conservavit. Sed ne domestica rei hujus, præteream documenta. Celebris, immo prodigiosa est, magni in Religione nostra Thaumaturgi, Patris Iosephi Anchietæ sanctitas: quam ille, etiam ex spinarum fasce, sæpius capiti, pro cervicali supposito, decerpfit. Vnde, ut olim alijs incubare rosis, extremum deliciarum fuit, ita huic viro, spinis indormire, limes ultimus extitit austeritatis. Admiranda sanctitate, non Europæum tantum, sed Indiarum etiam orbem, illustravit gloriosus ille Martyr Gonsalvus Silveria, qui inter pluri- mas, ad excruciansum corpus torturas, etiam aculeatis spinarum virgis, lumbos humerosq; sæpius atrociter dilacerabat. Vnde ex hac spinarum asperitate, non candida tantum innocentiae lilia, sed purpureas etiam Martyrij rolas, non est mirum effloruisse. Destituerer verbis, ac viribus, si omnium in Societate nostra, voluntariæ mortificationi apprime deditorum, plura ejusmodi enumerarem specimina.

*SS. Ignatij &
Xaverij ma-
gna mortifica-
tionis documē-
ta.*

Rem totam, Sanctorum Patrum nostrorum, evidenti documento sufficiat consignasse. Certè, SS. IGNATII & Xaverij sanctitatis incrementum, cæli terræq; non capit amplitudo: quod ex continuo voluntariæ mortificationis studio, non est dubium excrevisse. Quantum enim in primis B. Pa-
ter,

ter, in sanctioris vitæ suæ primordijs, asperis se
exercebat afflictionibus, testatur hoc, horridus ille
saccus, pedes, & vertex perpetuo nudi, somnus hu-
mi raptim captus, genu flexiones, ad septem usq;
horas, quotidie productæ, & sæpius ad sanguinem
repetitæ flagellationes. Ut taceam ferventioris na-
turæ, edomitos ad prodigium motus, & passiones:
quod ille, continuâ in rebus omnibus, nobis speci-
aliter commendatâ, à se verò absq; intermissione
frequentatâ, effecit mortificatione. Iam verò India-
rum Apostolum, non solum illi funes nodosi, qui-
bus se, in ipso vitæ perfectioris ingressu, Deo, usq;
ad vitæ periculum, obstrinxerat, sed nautici etiam
in spiram involuti rudentes, ad modicam quietem,
lateri suppositi, & anchora capiti, pro cervicali ad-
hibita, præter, nunc ferventibus arenis, nunc ge-
lidis nivibus, nunc horridis vepribus, obsitas itine-
rum vias, & ferreis instructa stimulis, cruenta ni-
mis flagella, cæteraq; prope infinita cruciamento-
rum inventa, ad summum sanctitatis culmen pro-
moverunt, ac deduxerunt.

Vnde meritò, sæpe jam, nunquam tamen dignè
memoratus Tertius noster Generalis, insigni, & ipse sa-
ctitate clarus, S. Franciscus Borgia, non ex suorum
tantum documento Patrum, sed ex proprio etiam
experimento, indubitatè asseruerit: omnem virtu-
tis soliditatem, solâ firmari ac conservari morti-
ficatione: ejus verò subsidio destitutam, corruere.

Quod

*S. Franciscus
Borgia, cont
nua mortifica
tione, Religio
sam Perfecti-
onem conserva-
ri, dicebat.*

Quod non nudâ tantum, verborum assertione constanter affirmabat, sed usu etiam, ac exemplo evidenter demonstrabat, siquidem tota ejus sanctitatis ratio, continuis, ad extremam usq; corporis extenuationem, jejuniorum alebatur inedijs, ciliciorum, visu ipso horridis fovebatur asperitatibus, cruentis excitabatur diverberationibus: iterum proficiebat molestijs. Verbo, quidquid naturâ arduum, plenumq; afflictionis erat, inter delicias habebat. Ut taceam reliquos, heroicæ virtutis viros, in Religione nostra propè innumeros, nullis unquam corporis, & animæ afflictionibus satiatis, qui per multas, voluntariè assumptas tribulationes, ad sublimem Perfectionis sanctitatem Salvatoris sui vestigijs, in satiabili patiendi affectu, sunt gloriolè eluctati.

Quam Sanctorum Patrum, continuo voluntariæ mortificationis usu, comparata n sanctitatis gloriam, dum attonitâ mentis cogitatione, & suffusis pudore oculis, intuemur: ejusdem desiderio, pro nostra tenuitate accensi: rem, Davidis verbis & affectu, concludamus, ingeminantes: *Propter te, mortificamur totâ die.* Dignus enim est Deus, humanâ in carne extremè mortificatus, ut eum in voluntaria afflictatione, heroico imitemur ausu. Digna, æterno in calis coronanda præmio, Religiosa Perfectio, ut eam continuâ in rebus omnibus mortificatione, quæramus, ac conservemus.

DIES



DIES TERTIA

Via Unitivæ.

Tertia Dies, consummata virtutis monstrat iter: quod viam Unitivam appellamus: Hæc ex mente, & sensu eorum, qui ad ejus decursum, experimentaliter pervenerunt, in eo consistit, quod in hac viâ constitutus Viator, ita Deo arctè uniatur, ut unus cum eo spiritus efficiatur, vivatque vitâ planè Divinâ, quia & Deus ipse, ita in eo manet, ut eum suis impleat perfectionibus. Vnde viæ hujus decursor, ad Beatam comprehensorum in cælis felicitatem, proximo gradu accedens, eorum Beatitudinem æmulatur. Quemadmodum enim, vitæ in cælis Beatæ, Perfectio, duo intendit: primo, ut Beati Deum, quem amant, præsentem intueantur & possideant: deinde, ut ex illa visione, & actionibus vitæ suæ proprijs, ejusdem Dei Gloriam augeant quàm maximè: Ita viæ unitivæ perfectionem ingressi, summo, & continuo amore in Deum feruntur, præsentîâq; ejus, in sua stabili cogitatione, perpetuò fruuntur. Ex quo Dei amore, & intuitu, in ea, digna Deo opera prorumpunt,

*Via Unitivæ
ducit ad uni-
onem cum De-
o, & Beatæ fe-
licitatis partem
cipationem*

punt, quibus semper, & ubiq; , Gloriam ejus promoteant.

S. P. Ignatius multum profecit in his unitibus.

Via Unitibus difficultates, Dei Gratias agimus.

Et ea fuit, Sancti Ducis nostri IGNATII consummata, Perfectionis felicitas, ut ex eo, quo totus, erga Deum, aestuabat amore, praesentia ejus ubiq; frueretur: & ad propagandam majorem ejus Gloriam, omnes virium suarum nervos intenderet: unde non tam citò currere, quàm perniciousiter volare, in hac via videbatur, saepe in aëra sublatus, & caelesti lumine circumfusus. Multum quidem arduae difficultatis, iter istud habet, quod non pigrao gressu, sed gigantæo passu decurrendum est. Cæterum, si ad summum Perfectionis culmen anhelans anima, in Primæ Diei itinere, omnes suas deterfit, ac expiavit labes? Si alterâ cursûs sui Die, perfectas est consecuta virtutes: non habet, quod vereatur, tertium istud perfectæ cum Deo unionis, iter ingredi. Aderit suppetias postulanti, cum gratijs auxiliaribus ille: qui hæc monstraturus olympia: *Exultavit ut Gigas, ad currendam viam suam.* Erunt ab oculos praesto, Sancti Ducis nostri, & sequacium ejus Patrum, & Fratrum nostrorum, etiam hîc, passim relictæ vestigia: quæ jam, ut ijs, magno, & audenti animo insistamus, gressus nostros invitant, & animant.

ALLO.

ALLOCUTIO I.

321

*Perfecti erga Deum amoris
meta, sola & unica, Excellens
Dei Bonitas est.*

TOtam quâ latè patet, orbis machinam, tri-
plici cingi zonâ, & Astronomi perhibent, &
multorum experientia docet. Illi enim, qui glo-
bum circumeunt terraqueum, nunc sub frigida,
nunc sub temperata, nunc sub torrida, sentiunt se
versari zona. Cælum dici, vel eo nomine, status
religiosus potest, quòd illum quoq;, simili cincturâ
involutum, in comperto habeamus. Quid enim
in illa, primæ Diei, via Purgativa egimus? nisi
teporem, quasi in regione gelida, omni ope, ac co-
natu fugiebamus. Iam verò, in alterius Viæ Illu-
minativæ decursu, ab animi passionibus liberi, qua-
si temperatâ aurâ perfruebamur. Diem demum ho-
diernam, veluti sub Zonâ Torridâ constituti, ferven-
ter incalescere facilè experiemur, postquam viam
intraverimus unitivam. In cujus primo aditu, o
quantus, Bone Deus, allat me, Divini Amoris
ardor! quantus charitatis adurit ignis! Terram si
aspicio? plurimos mortalium Dei Amore nimium
incalescentes video. Cælum si contemplor? Sera-

*Triplex cæli
Zona, tripli-
cem Perfectio-
nis viam ad-
umbrat.*

*Via Unitiva,
Dei Amorem
servat.*

Ss

phico

phico Beatarum Mentium, & animarum, charitatis igne, totum fervere adverto. Non memoro alios, numero propè innumeros, terræ, cæliq; incolas, ardenti Amore Dei æstuentes, Ductor viæ, & Antesignanus noster B. Pater, totus ab Amore Dei ignitus, primus incurrit in oculos IGNATIVS: cujus vestigia, Charitate Divinâ, etiamnum calentia, premere si libuerit, magnam amandi Deum, ejusdemq; Amoris perfectionem, Ipero nos, non difficulter consecuturos. Nunc ad solam Divinæ Bonitatis Excellentiam, noster amor collimabit.

*Excellent Dei
Bonitas, perfecti
amoris
meta est.*

Novimus humanas, Divinasq; scientias, à suo objecto, & fine, totam desumere perfectionem: neq; aliter, in hac Divini Amoris Palæstra sentiendum est. Tota namq; ejus perfectio, æstimari debet, à suo primario fine, & motivo: quod scholæ Asceticæ Magistri, non aliud esse volunt, nisi solam, & unicam Divinæ Bonitatis Excellentiam: ita, ut ille solus perfectus Dei Amor, ab ijs censeatur, quem Divina Bonitas incendit, & inflamat. Vnde perfectè Deum amanti, nullum in eo, debet relucere attributum, præter solam ejus Bonitatem, & Excellentiam infinitam. Fateri quidem ego debeo, ferri amorem nostrum, in Deum posse, propter dona, & beneficia, nobis, liberalissimâ manu ejus, sine censu, & numero collata. Caterùm, Perfectionis culmen, beneficiarius amor iste, attingere nequaquam poterit, nisi primario,

mario, Bonitatis & Excellentiae Divinae, accendatur intuitu.

323

Bovem non asinum, cur Deus sibi offerre voluit?

Rem ut magis exploratam habeamus, in duobus animalibus, quamvis rationis expertibus, mysterium videamus. Quoties ego, Divinas veteris sinagogae leges, accuratius perpendo: tenet me non mediocris admiratio: Quid causae mysterijque fuerit? quod cum supremus Legum Arbiter Deus, quaedam ex brutis animantibus, sacrificijs, suo honori immolandis, destinasset, quaedam rejecisset, inter ceteras pecudum species, bovem sibi offerri, asinum, à suis Aris procul arceri imperavit. Vtrūque hoc animal, novimus esse naturā humile, & labori addictum: eccur tamen, unum, Divini Sacrificij jure donatur? alterum aditu ad Altare prohibetur? si asinum, nativa inertia, & hebetudo, ad cultum Araeque Dei, fecit ineptum? certè nec bovem, natura formavit magis solertem: unde ignavum quemque hominem, utrumque pecus hoc, æqualiter designat, ac denominat: siquidem destitutus ab ingenio homo, bos, aut asinus, appellatur. Quid ergo est causae, quod unius nativa hebetudo, ab Aris rejicitur, alterius digna eis censetur? Noverat haud dubiè Divina Præscientia, æquè bovem, ac asinum, nascituro in carne humanā Infanti Deo, ad stabulum Bethleemiticum famulatu- & tamen, non æquali donantur præmio, qui Conditore suo, pari famulantur obsequio. Grande istud

*Deus munda
exigit sacrificia.*

*Deo, cuius
commodi in
cultu, servire
non expedit.*

fateor, Iudiciorum Dei arcanum est: dum unus fervorum, ad honorem assumitur, alter suæ vilitati relinquitur. Bos, ut Deo in victimam cadat, dignus judicatur: asinus ab Altari arcetur. Scio Sacrae Legis Interpretes, ejusmodi discriminis, hanc afferre causam: quod bos, inter munda animalia conseatur, asinus immundus habeatur. Neq; contravenio rationi, non ignarus, quodvis Divino honori, dicatum Sacrificium, illibatam exigere munitiæ, dedignari, leve etiam inquinamentum. Erudiunt hæc, intellectu destituta animalia, nos homines, rationis lumine præditos, ut munda Deo efficiamur sacrificia. Habeat ergo vim suam, literalis Interpretum, responsio. Cæterum ego, aliud quoq; non incongruum, ad solvendum propositæ quæstionis nodum, possum eruere responsum, ex speciali Isaia vaticinio. Conjecerat ille, propheticum, mentis suæ obtutum, in nascentis Dei cunas, quibus, cum bovem, & asinum, pariter famulatos advertisset, dignum nostrâ consideratione, protulit effatum, dum ait: *Cognovit bos possessorem suum, & asinus præsepe Domini sui.* Quo verborum sensu, utrumq; animal, etsi pari obsequio, non eodem tamen intuitu, & motivo, in cognitione, & cultum Conditoris sui, devenisse Propheta testatur. Et bovis quidem, prælitum Divino Numini obsequium, ex sola apprehensione, supremi in se Domini, & infinitæ Excellentia Possessoris sui, ortum

ortum duxisse asserit. Asinum verò, ob escam, & pabulum, quod ei, suum affatim suppeditabat præsepe, eidem Homini Deo, obsequiosam affirmat exhibuisse venerationem. Quæ cum ita eventura, non Isaias tantum prædiceret, sed Divina etiam Scientia prævideret, non mirum, quòd bovem, solius Divinæ Excellentie intuitu, Æterno Numini obsequentem, ad sacram, suo Honori victimam addixit: asinum verò, solâ Dei beneficentiâ, escam sibi in præsepi, continuo largiente, ad obsequia, eidem Creatori suo exhibenda, inductum, ab Aris & Sacrificio exclusit. Quòd si in brutis animalibus, talia considerare, licuit Prophetæ? in hominibus ratione pollentibus, similia, crebrius veriùsq; evenire, citra dubium est. Fertur quispiam mortali-um, bovem imitatus Bethleemiticum, in Dei Amorem & obsequium, solâ ejus, motus Excellentie, & Bonitate: jam hic gaudet jure, ut charitatis igne succensus, dignam perfecti amoris cedat in victimam. Iam verò si quispiam, solis, Dei in se Beneficentissimi donis, ad amorem, & obsequium Divino Numini exhibendum, quasi asinus, ad præsepe opimè passus, inducitur? nunquam talis, perfecti in Deum Amoris adolebit sacrificium.

Asinum credo, imitabatur, plebs illa Iudaica, quæ, humanâ in carne Deum, terrâ mariq; studiose secuta: pro bono (ut putabat) opere, du-
 riori verborum, quàm saxorum ictu, lapidata est:

*Iudæi asinum
 imitati, Chri-
 sto ob bonum
 temporale ad-
 hærebant.*

dum

dum ab eodem servatore Ioan. 16. audivit: *Queritis me, non quia signa vidistis, sed quia manducastis de panibus, & saturati estis.* Quasi dicat Aeterna Veritas: quia non intuitu Divinae Excellentiae, & Bonitatis meae, quam, ex tot patratis à me prodigijs, facile assequi poteratis, sed ex copiosis, quas vobis, liberali manu prae bui, esculentis, vestros mihi affectus, & obsequia exhibetis: non multum me in isto, vestro erga me amore, noveritis, complacere: mercenarius iste, non filialis amor est, quem, mea liberalis merces, non dignitas, persvadet amantibus. Quod si, non beneficia tantum alliciant, sed paenarum quoque metus quempiam impellat, ad obsequendum Deo? servili ille, notatus timore, non liberali amore gloriosus, ante Dei oculos comparebit. Nos, ne solus Dei beneficiorum usus, aut, quod deterius est, servilis paenarum metus, ad amorem Dei inducat, & impellat, serio adlaborandum est.

*Quod Deo non
spe premij, a-
ut timore pa-
nae, serviendū
sit: ceterus di-
dicit quidam
Eremita.*

Porro, ne infamem inuri nobis notam patiamur, non minus celebre, quam notum, revoce-
mus factum ad memoriam: quod uni veterum Eremitarum contigisse dicitur. Secesserat ille è suo eremitorio, in vastam eremi solitudinem, Divina commodius contemplaturus: ubi deambulans, dum hinc profusam, in praemianda virtute & meritis, Dei contemplatur liberalitatem, inde verò in puniendis vitijs, ac criminibus, confide-
rat

rat rigidam ejusdem severitatem: & , modò ad æternæ Beatitudinis, infinitam prope bonorum congeriem, oculos attollit: modò, ad exquisita Erebi cruciamenta, & urentium flammarum vortices, horrore plenum, mentis obtutum demittit: ex utroq; hoc, vero equidem, quamvis imaginario spectaculo, in talem erupit affectum. O Deus! non minus bonitate, quam severitate præstans: nisi hæc cælestis gloria, quam præparasti diligentibus te, sæpius mentis meæ oculis obversaretur, ego de hac, quam profiteor vitæ austeritate, & perfectionis cura, aliquid remitterem. Hic me, in totam æternitatem, succensus inferni rogi, in arrepto severioris disciplinæ proposito retinet: hæc, ipso visu horrida, cogitatione atrocia, flammæ infernalis cruciamenta, ne ad sæcularium voluptatum illecebras regrediar, gradu cohibent: si non inescaret mentem, suâ suavitate cælum, si non deterreret, infernalis tortura, proclivem in vitia carnem: ego abjectâ vitæ monasticæ inediâ, & asperitate, mundi voluptatibus indulgerem. Tuâ me Deus, & in premiando libertate, & in puniendo severitate, velut duplici freno cohibes, & in austerioris vitæ officio contines. Hæc dum cogitat: ecce præ oculis habet, ignotam hominis speciem, unâ manu facem accensam, alterâ, hydriam, aquâ plenam, præferentem: tum stupore, Eremicola attonitus, interrogat: Ecquid in tam vastâ solitudine ageret?
quo

quo finē, ignem & aquam deferret? sed mōx tale responsum, audit: Hāc, inquit, flammā, omnes cæli venustates, ac delicias combustum eo: hac verò undā, omnes Erebi ignes, extingvendi propositum mihi est: ne ullus mortalium, præmij cuiuspiam desiderio, aut formidine pænæ, Deo adhærere præsumat. His dictis, scena ex oculis evanuit: Anachoreta verò graviter confusus, suam erubuit, & damnavit cogitationem: quod aliquando cælestis gloriæ appetitu, aut infernalium pænarum metu, ad serviendum Deo se inductum senserit. Vnde postea sæpius protestabatur: Pereat hodie, cum suis delectamentis cælum, annihiletur, cum omnibus panis, ac tormentis infernus, mihi tamen, tibi Optime Deus, propter inæstimabilem Bonitatem, & Excellentiam tuam, adhærere bonum est. Tuus me in posterum, Honor, & Gloria, non spes aliqua præmij, aut timor pænæ, tuo Amore accendet.

*S. P. Ignatius,
solā supremi
Nominis Ex-
cellenti Boni-
tate, ad Amo-
rem Dei incē-
debatur.*

Qualem iste, Divini Amoris perfectionem, serio didicit: talem, totus ab Amore Dei ignitus, continuo exercuit, Beatus Pater noster IGNATIVS. Nam præterquam, quòd omnes, vitæ suæ actiones, majori Dei Gloriæ, quam semper in ore habebat, semper in omnibus quærebat, in Amoris victimam consecrasset, auditus est non semel [dicere: si libera optio daretur, vel hinc abeundi, atq; in sinum Beatæ Felicitatis, evolandi, vel diutius, inter ærumnosæ

mnosæ mortalitatis pericula, vitam protrahendi,
 cum ancipiti etiam, salutis æternæ jacturâ, malle
 se, Beatitudinis incertum vivere, & interim, de
 majori Dei Gloriâ, optimè mereri, quàm certum
 æternæ salutis, cælestibus perfrui delicijs. A deo il-
 le, appretiativo Amore Deum æstimabat, ut se, su-
 amq; cum Deo, optatissimam conjunctionem, post
 Divinæ Gloriæ rationes haberet. Hoc demum est,
 indomitam amoris indolem, (quæ olim in Paulo
 sæculis omnibus miraculo fuit) senescente mundo
 repræsentare. Ex eodem perfecto Dei Amore, exar-
 sit & ille, ferventi corde affectus: Subjerat semel B.
 Patri cogitanti: Quid si Deus, gehennæ se addi-
 ctum esse æternum vellet? Hic verò (inquit) duo
 mihi offerebantur, ex una parte cruciatus, quos,
 eo loco perferrem, ex altera, maledicta in Deum,
 quæ illic audire deberem. Et in priorē quidem,
 non poteram dolorem mihi repræsentare, neq; ijs
 cruciatibus commoveri: atq;, ita de pænarum acer-
 bitate, ad divinæ justitiæ conformatus voluntatem,
 non eram sollicitus, verum ad percipiendas aures,
 in Divinum Numen blasphemias, vires mihi, & ani-
 mum deesse sentiebam. Qui Divinæ æstimationis,
 heroicus Amoris actus, palam omnibus fecit: I-
 GNATIVM, non cælestes tantum delicias, sed in-
 ferni etiam cruciamenta, præ Amore Dei, nihil
 duxisse.

Tale Divini Amoris, prodigium erat, ille i-

Tt

guea

gnea charitate ab IGNATIO paſſus, ſolâ tēpo-
ris morâ, poſterior Elâ, Xaverius: qui dum or-
bem Amore Dei, incenderet, ipſe ſape, cælum, &
terram teſtabatur. Non ſe, cæleſtium bonorum de-
ſiderio, trahi, non infernalium panarum metu im-
pelli, ſed ſolius Divinæ Dignitatis intuitu, ad A-
morem Dei allici. Cum ſæpius, totus amore exa-
fluans, inſclamaret: Non ut in calo ſalves me, aut
ne in æternum damnes me, amo Te, & amabo De-
us: ſed ſolùm, quia Rex meus es. Hâc viâ, veſti-
gijs Sanctorum Patrum, adhuc calente, ſi ad eam,
Dignitatis, & Gloriæ Dei metam, omnibus affe-
ctûs noſtri viribus, veluti ſagittis ardentibus, col-
limaverimus, facilè Divini Amoris perfectionem,
attingemus.

*Etiâ Dibi-
nis Beneficijs
noſter erga De-
um amor in-
dari poteſt.*

Quod dum ago, non hoc eviſum eo, (ut
jam me innuiſſe memini) quaſi profuſæ in nos li-
beralitati Divinæ, cæteriſq; Dei attributis, nullum
prorſus amorem debeamus, immo verò, urſo, aut
tigride, ingrator mens hominis illius foret, qui
Divinis beneficijs, ſibi abundè collatis, ad aman-
dum, liberaliſſimum in ſe Deum, non moveretur:
cum ſævas, etiam & truculentas naturâ beſtias, be-
neficio miſcelcere, ac cicurari ſciamus. Inanimum
Romani puteum, coronabant, ex quo ſæpius aquâ
hauriebant: nos Deo, hoc eſt, perenni beneficiorum
fonti, immortalē grati animi, & Amoris coro-
nâ, denegabimus? abſit ea, à nobis impietatis
labes.

labes. Certè Divina Liberalitas, cuius beneficio momenta in singula, vivimus, movemur, & sumus, quæ nos, tot suarum gratiarum donis, cumulat opulentissimè, millies, & ultra, meretur? ut ei grati animi, & Amoris perpetuum vectigal pendamus. Igni quò plura inijcis ligna, eo magis fervet, & in altiorem assurgit flammam: eo planè modo, plurima Dei beneficiorum fomenta, nisi gelu quovis, frigidiores simus, cordibus nostris, accendendis, inflammandisq; sunt opportuna.

Habeat ergo ius plenum, & integrum, ad exigendum à nobis Amorem, Dei Liberalitas: quæ nos, tot, ac tantis, ad amandum accendit beneficijs. Sed nec Divinæ Iustitiæ succensendum est, si quando nostra delicta, pro merito vindicat: cum non minus pænarum inflictu, quàm beneficiorum usu, Paternum nobis affectum exhibeat. Ille enim vel maximè cælestis Pater, diligit, quem castigat: unde non tantùm beneficas, sed vindices etiam optimi Parentis manus, intimo, & filiali affectu deo-seculari, bonæ incumbit filiorum indoli. Non itaq; Dei Liberalitatem, aut Iustitiam, cæteraq; Divinæ naturæ annexa Attributa, ab amore nostro ablegare, immo speciali affectu digna asserere, mihi propositum est: sed hoc tantùm, non minus liberè, quam verè enuntio: Illum solum Amorem Dei esse perfectum, qui ad Divinæ Bonitatis Excellentiam, suo collimat intuitu, & affectu. Non

*Patriarcham
Iacob, Iob a-
moris perfecti
one superabit
quod ille suū
commodum, i-
ste Deum ipsū
quaesierit. Da-
vid utriq; pal-
mā præripuit.*

*Iacob in d. 14
-m. 14. 14. 14.
-m. 14. 14. 14.
-m. 14. 14. 14.*

*Sua commoda
homines non
amiciam
querunt.*

ausim equidem ego, Patriarcham Iacob, culpæ
gravioris damnare, quòd Divinæ munificentia don-
is illectus, suum Deo cultum, & Amorem obtule-
rit, dum Gen: 28. votum tale nuncupavit: *Si fue-
rit Dominus mecum, in viâ per quam ego ambulo,
& dederit mihi panem ad vescendum, & vesti-
mentum ad vestiendum, erit mihi Dominus in De-
um.* Congruum enim viro sancto videbatur, Dei
beneficia, grati animi significatione & affectu re-
pendere. Cæterum, longè perfectiorem judico,
viri secundum cor Dei sensum: qui postquam Di-
vino Amore abreptus, dixisset: *Inflammatum est
cor meum.* Protinus Psalm: 72 in talem exarsit
affectum: *Quid mihi est in celo, & in terrâ, quid
volui à te?* Quasi dicat: Exeste, toto orbe affatim
sparsa Divinæ Liberalitatis donæ: me non ea, quam
ex vobis habeo, vel habiturum spero, utilitas, aut
quævis alia illecebra, sed Divina Bonitas, & Excel-
lencia, ad Æterni Numinis Amorem allicit, & in-
flammat. Hoc enim magis Deo cordi esse existimo.
Et iusta equidem, hæc Regis Vatis cogitatio erat.
Nam si Parentibus, gratiora sunt filiorum, quàm
servorum obsequia, & exhibiti affectus: quòd illi
se, isti, sua quærant. Vnde veterum sapientum,
lumen Socrates, prædiviti cuipiam hero, iustè in-
doluit: quod multâ famulorum catervâ, veluti mu-
scis, sua, non se, sectantibus, stipatus incederet.
Si celebris illa, (ut refert Dio, & meminit S. Hiero-
nymus)

nymus) Romanæ gloria gentis, Martia, cum defuncto, morte immaturâ viro, florens atate, genere, & opibus, famina, à multis interrogaretur: cur tot illustres, profapiâ, & divitijs viros, sui connubij competitores, rejiceret? respondisse fertur: quia mea, non me, omnes isti quærent. Quanto magis optimus rerum Arbiter Dens, illum rationalis creaturæ Amorem, præliget, quem sibi, non suorum beneficiorum donis, novit esse mancipatum. Multo minus gratum, innatæ Bonitati ejus, poterit cõtigere, si quis, minis, ac flagellis, à se intentatis, ad Dei Amorem impellatur. Siquidem humana dominia, si rectè obeantur, amari potiùs, quàm timeri, à subditis sibi voluntatibus, desiderant.

*Deus se, non
sua, vult à nobis
amari.*

Hunc planè, spiritum, instillat nobis Beatus Legislator noster, dum Const: p. 3. c. 5. § 26. enixè optat: Nos servire, & placere Divinæ Bonitati, propter seipsam potiùs, quàm ob timorem panarum, vel spem præmiorum: quamvis, hinc etiam, nos juvari posse, non vetet. Quod non monebat tantum, sed & ipse præstabat accuratissimè, ut jam vidimus, & ex Oraculo, Dei in terris vicem gerente, accepimus: IGNATIVM solius Dei Gloriam semper in ore habuisse, semper in omnibus quævivisse. Hunc si Ducem, & Doctorem sequamur assiduò, Perfecti Amoris metam, facili negotio contingemus.

ALLO.

ALLOCUTIO II.

Perfectus Dei Amor, nihil præter Deum intendit.

*Via Perfectio
nis ardua.*

Non ita angustis circumferentiæ li nitibus circūscriptus est, Amor Divinus, ut ad ejus perfectionem, unâ, eâq; brevi dicton e pertingere valeamus. Si quodpiam aliud, certè amantium, longum est, & arduum iter. Vnde erudita veterum antiquitas, alatum fingebat, pingebatq; amorem: non ideò tantùm, quod non solus, inertibus timor, sed ferventioribus etiam, addat amor alas: immo dum serviles animæ, pænarum incitatæ metu, humi vix repunt, Divino Amore inflammatæ mentes, prætervolant potiùs, quàm decurrunt Perfectionis viam: sed ideo etiam, quòd longum, & perplexum amoris iter, nisi ab instructo pennis viatore peragi, conficiq; possit. Amoris credo alas, Regium ambivisse Prophetam, quando columbæ desiderabat pennas, ut arduam, sancti moniæ viam conficeret faciliùs. Cæterùm, ne ipsa quidem, pernecium alarum volubilitas, quamvis pennatum viatorem juvabit, si ille, à recto itineris, tramite, huc & illuc divertere, ac morari voluerit. Vnde, Aquilæ etiam pernecitatem, sed ad cadaverum exuvias, sapius aberrantem,

*Ad creaturas
malè debiatur*

rantem, à resludine, lento quidem, recto tamen passu, ad metam contendente, praventam esse, & fabularum commentis scimus. Ita perfectio, quamvis incitatissimo mentis affectu, homo fertur in Deum, si tamen, de itineris rectitudine, interdum deflectat, & miseræ cupiam adhæreat creaturæ, metam perfecti erga Deum Amoris, nequaquam poterit attingere. Assertæ veritatis certitudinem, clariùs percipiemus, postquam viderimus, perfectum Dei Amorem, nemini præter Deum affici debere, ac ne quidem posse.

Nemo prudens, artis jaculatoriæ, peritum, sed ne quidem sanæ mentis compotem, judicabit hominem illum, quia unâ eademq; ex directo arcu sagittâ, binam, à se invicem distantem, intendat contingere metam. Sed nec ille rectius sciret, qui duas paulò grandiores sphaeras, unâ manu complecti vellet. Immo oculi etiam vis, & perspicuitas, objecta, ante, & retro posita, simul visu non attingit. Certè humano intellectu, nihil promptius, aut volubilius produxit natura: at ne hic quidem, diversos difficultatum nodos, unâ cogitatione apprehendere, minùs autem, dissolvere potest. Neq; aliter, de amore sentiendum: limitatæ, & ille potentia est: dirigere simul, in Deum, & creaturam affectum minimè valet. Neq; enim est cor humanum, tantæ capacitatis, ut Deum, cum quapiam creaturâ, suo possit tenere, ac complecti amore. Et

Deus, & creatura simul a mari non possunt.

Mancos &
monoculos,
Gult nos esse
Christus, ut
solum Deum
respiciamus &
apprehenda-
mus.

re. Et influxerit sanè, binis oculis, ac manibus natura hominem, ut plura simul objecta intueri, & arripere possit: ad Deum, affectu amoris apprehendum, uno tantum oculo, unâ manu opus est.

Rem, *Æternæ Veritatis* stabiliamus doctrinâ Scio equidem, effatum illud: *Bonum tibi est, ad vitam ingredi, debilem*: Salvatorem, non in sensu absoluto, sed respectivo protulisse, nam protinus addidit: *Quam duas manus, aut oculos habentem, mitti in gehennam ignis*. Et equidem meritò: nâ in plurium malorum concursu, minus eligendum, naturalis etiam instinctus, & ratio docet. Cæterum, si in sensu quoq; absoluto, *Æterna Sapiensia*, unicuiq; nostrum, ita consulisset: *Bonum est tibi, cum uno oculo, & cum unâ manu, ad vitam ingredi*: nihil omnino à veritate deviasset. Sed mirum fortè, & insolitum, cuiquam videretur? quod ille speciosus formâ præ filiis hominum, Rex cæli & terræ, monoculos, & mancos, vellet habere famulos. Vtiq; Divinum ejus beneplacitum, in Legis antiquæ Sacrificijs, nihil sibi claudum, aut cæcum, de brutis etiam animantibus, offeri voluit. Et homines, cur sibi assistere mancos, & monoculos, non dedignatur? Terrenos etiam Reges, ac Dynastas, non nisi aspectu decoris, & formâ venustis, novimus delectari ephebis. Supremus rerum Dominus, membris mutilos, & visu deformes, qui patietur servos? Verum non de externa hîc mem-

brorum

brorum integritate, aut orbitate agi, apud Sacros Interpretes, in confesso est. Proinde, non corporis manum, aut oculum, sed voluntatis affectum, vult Servator noster, nobis esse unum, ut solum, & unicum Deum, amore, & affectu nostro, veluti uno oculo, & unâ manu, conspiciamus, & apprehendamus.

Certè, pia illa in Canticis Anima, si externam spectes formam, binos, eosq; sæpius, à Cælesti Sponso laudatos, habebat oculos, & tamen, vulneratum se ab ea, in uno oculorum, idem Sponsus fatabatur. Sed cur quæso, in uno tantum? an quia alter displicebat? Sed alterum illa, mentis suæ oculum non habebat, quo res humanas intueretur: uno scilicet, & indiviso amoris affectu, in Deum, quem unicè diligebat, ferebatur: ideo unius tantum, interioris oculi ictu, devictum se ab eâ, Deus profitebatur. Tum demum, & nos, ad viscera Divinæ Bonitatis pertingemus, si uno cordis affectu, in Deum intenti, altero careamus, quem ad creaturas convertamus. Non monoculos tantum, sed mancos etiam, efficiet nos Divinus Amor, si prætermissis creaturarum illecebris, solum Deum, infinitè Bonum, amore nostro apprehendere, & complecti voluerimus: ut veritatem in nobis inveniat, Prophetia illa, quæ perfecti amoris mortales, Soph: 3. prædicit: Servituros Deo, humero uno: quasi alio destituti, etiam vel leviter attingere nequeant cre-

*Inftar cælestis
sponse, soli
Deo nostros
debemus affe-
ctus.*

Vu

aturas.

aturas. Quod profecto, nemo mirabitur, si consideret, quantopere Deus, erga suos amatores zelotypus est: qui neminem, præter se, amari patitur. Prout, unamquamque ad Divinum Amorem, aspirantem animam, magnus Asceticus Doctor Thomas, ita admonet: *Dilectus tuus talis est naturæ, ut alterum non velit admittere sed solus vult cor tuum habere, Et tanquam Rex in proprio throno sedere.* Si enim, quamvis rationis usu, destitutus generosissimus ille equorum Bucephalus, neminem alium sessorem, præter magnum Macedoniæ Regem, patiebatur: quanto magis homo, rationabile, Deo factus jumentum, ejus solius, sive jugum admittere, & ductum sequi, reliquos verò, procul excutere, tenebitur.

*Cum rigorose
non de congruo,
Christus pro peccatis
satisfecit Divinæ
Iustitiæ.*

Sed Theologiam quoque super hoc, paucis consulamur. Quærent Theologi, utrum satisfactionem, pro delictis generis humani, ab Æterni Verbi Personâ, Divinæ Iustitiæ fieri omnino oportebat? Quæstionis nodum, ut facilius solvant, duplicem esse asserunt, ejusmodi satisfactionis modum: quorum unum, de congruo, alterum, de condigno vocant: docentque satisfactionem de condigno, Personam satisfaciendam, Infinitæ Dignitatis, qualis est in Æterno Dei Filio, requisivisse. Cum enim Deum, infinite dignum, constet ab homine fuisse offensum, pro tanto læsæ Divinitatis crimine, nemo de condigno, et ad æqualitatis lancem, satisfacere poterat,

poterat, nisi satisfaciens Persona, æqualis dignitate, Deo offenso. Vnde supposito, quod Divina Iustitia, rigorosè, & de condigno, sibi satis fieri vellet, requirebatur omnino, ad id muneris, superdignissima *Æterni Verbi Persona*. Verùm, si eidem Divinæ Iustitiæ placuisset, suam lenire injuriam, minori aliquâ, de congruo dictâ, compensatione: prout citra dubium, poterat talem, satisfaciendi modum, admisisse. Siquidem, nullâ etiam, requisitâ satisfactione, integrum erat, Liberalitati Divinæ, omnem culpæ, & pænæ reatum, gratis hominibus condonare. Ad eam itaq; minùs ponderosam satisfactionem, si Divina se inclinasset voluntas, Infinito *Æterni Verbi* pretio, humani generis debitum persolvi, opus non fuisset. Tali enim, Redemptoris munere, aliquis, ex Beatis Mentibus Spiritus, fungi poterat. Immo etiam hominem, singulari sanctitate præditum, idem suis meritis, præstare potuisse, nihil vetabat. Et hic est communis Theologorum sensus. Sed ego adhuc doceri volo: Si genus humanum, ab aliquo Angelorum, aut etiam hominum, redimi de congruo poterat: quid necesse erat, tot tantisq; laborum, ac meritorum, impensis, contracta à nobis debita, per Dei Filium, iustitialiter, & rigorosè persolvi? Non exquiro aliorum, ad propositam quæstionem, responsa. *Hugonis Victorini*, contentor doctrinâ, Lib: Sent: ita docentis: *Ne amorem divideres, idem tibi factus est,*

*Ne amor no-
ster didere-
tur, eundem
Creatorem, &
Redemptorem
habemus.*

Creator, & Redemptor. Quo brevi, sed nervoso, verborum sensu, id expressit, Doctor hic eruditus: quòd, si alium naturâ Conditorum, alium Redemptorem, nos habere contigisset: cum Creatorem & Redemptorem nostrum singulari affectu prosequi obligemur, bipartito amore, neutri satisfaceremus: ut ergo perfectus, qualis Deo debetur, amor noster foret, Personâ tantum, diversum, naturâ omnino eundem Conditorum, ac Reparatorum nostrum, habere nos oportebat. *Amor enim* (ut ait idem Victorinus) *consortem non recipit, socium non admittit.* Quòd si, Amor imminutus, in suâ perfectione esset, si alterius naturæ Redemptori impenderetur: quantò magis debilis, & infirma Dei dilectio est, quæ, vilibus ex nativa origine creaturis, suo adhæret affectu.

*Dei & mundi
amorem simul
consistere non
posse dicebat
Arsenius.*

Hoc planè sentiebat ille, non minùs profanâ eruditione, quàm sanctitatis professione clarus, mundi heroicus contemptor Arsenius: hic rogatus, ut quid spreto aulæ nitore, relictâ illustri, Principum, quam moderabatur Palæstrâ, posthabito Imperatoris Theodosij favore, ad deserti squalorem, secessisset? respondit: Non possum dividere me, Deo, & hominibus: quâ dicti energiâ, innuebat: se, terreni Regis gratiam, & Dei, aucupari, simul non potuisse. Nullum inveniebat modum, ut simul fieret Principum Magister, & discipulus Christi. Nimirum experiebat ista, optimus rerum æstimator

stimator, opum, honorumq; curis, ac desiderijs,
 Divinum in se Amorem, sensim, sine sensu minuit,
 ac extingvit: proinde abjectis, desideriorum suorū
 illecebris, ad Eremitam quietem secessit, ubi soli Deo,
 liberius vacaret, & cordis sui Amorem eidem ex
 toto immolaret. Præterea consultò, in eadem
 fortè eremo, vicinum Arsenio, alterum, plus mihi
 de famâ, quàm de nomine, notum Anachoretam,
 qui, cum in summâ, rerum omnium inopiâ, & ri-
 gidâ austeritate, vitam, ad aliquot annorum deca-
 des, perduxisset, post extenuatos, perenni inediâ
 seniles artus, & exesam ferro cilicioq; carnem,
 postquam integras, dierum & noctium horas, piæ
 precationi, ac ferventi contemplationi, impendisset:
 induxit tandem in animum, se, omnium mor-
 talium, perfectissimum esse, in Amore Dei: cuius
 gratiâ, omnia se facere existimabat: ecce verò di-
 dicit, à suo Tutelari Angelo, summum Ecclesiæ Ca-
 put Gregorium Papam, in summo opum, ac ho-
 norum culmine constitutum, longe perfectioris es-
 se in Deum Amoris: eò quòd Eremicola ille, plus
 misero, quem fovebat cato, quam Sanctus Ponti-
 fex, suis afficeretur opibus. Tantum est, animum
 Divino Amori, semel consecratum, vilissimæ etiam
 a dhasse creaturæ: ut illico in Dei deficiat dile-
 ctione. Viderint proinde, perpendantq;, conse-
 cratæ Divino Amori Religiosæ mentes, quantum,
 Deo debitam, imminuant charitatem, cum vilissi-
 mis

*S. Gregorius
 Papa super-
 sit sua sancti-
 tate Anacho-
 retam quod
 creaturis mi-
 nimè afficeretur*

*Malum est,
 Religiosum
 affectu vilissi-
 mis etiam ad
 habescere re-
 bus*

mis etiam reculis, tenaciori affectu adhærescunt. Si enim Eremitam, virum alioquin sanctum, & in virtutis palæstra, diu multumq; exercitatum, ad felem, satis utiq; abjectum animal, inclinatus tantisper affectus, à perfecto Dei Amore, retraxit: quid non facient, aliæ creaturæ? si ad se inclinaverint cordis affectum: imminuent certò enervabuntq; omnem in nobis Divini Amoris vigorem. Exiguum, vix palmi unius pisciculum, Remoram dictum, magnis etiam, & onerarias naves, si eis adhæserit, in cursu sistere, & immotas tenere, solitum, audivimus: pari ratione, quamlibet minutissimam etiam creaturam, nos ab Amore Dei remoraturam: existimemus, si eam, cordi tenaciùs adhærere, permiserimus. Vnde verè, & meritò, propriâ, non dubito, experienciâ doctus Augustinus, ita Deum alloquitur: *Minus te Domine amat, qui tecum aliquid amat, quod propter te non amat.*

S. P. Ignatius omni se erga creaturas exuerat affectu, quod à nobis quoque exigit.

Sed quid rem aliunde stabilio, cui domestica etiam, non desunt documenta. Conijcite unâ mecum oculos, in perfectum, rei istius exemplar, Beatum Patrem nostrum, Amore Dei, continuo æstuantem: & videbitis luce meridianâ clariùs, quàm perfectè ille, omni se, erga creaturas affectu expoliaverit. Certè, propinqui sanguinis, non curam tantum, sed naturam etiam, ita exuerat, ut spretis mundi opibus, rerum omnium inops, pauperum hospitale, paternæ domûs incunabulis, præpo-

præposuerit: immotus ad fraternas, ut suæ domi,
 quietis aliquid caperet, quamvis urgentes, ac fere
 violentas preces. Exutum carne & sanguine ani-
 mum ejus, testantur literæ, cognatâ manu scriptæ,
 toties non oculis, sed flammis admotæ, & foco in-
 jectæ: quod ille non alio faciebat fine, nisi ut ex
 integro, consecratum Deo, cordis sui affectum, sa-
 gvinis, aut cujusvis alterius creaturæ, non obrueret
 amore. Cujus perfectionis nos quoq; vult esse con-
 sortes dum Constitutionum par. 3. cap. : 1. §. 26. ita
 loquitur: *Deum in omnibus quærant, exuentes se
 amore omnium creaturarum, ut affectum uni ver-
 sum, in ipsorum Creatorem conferant.* Nomina-
 tim verò Exam. cap. 4. §. 7. seriò præcipit, ut u-
 nusquisq; nostrum: *Omnem carnis affectum erga
 sanguine junctos exuat, & illum in spiritualem con-
 vertat.* Hoc est, Deum, (ut alibi loquitur) in o-
 mnibus quærat. Noverat ille optimè, quovis, pro-
 fani amoris accessu, Divinæ charitatis ardorem, pel-
 li ac extingvi: proindè, omni custodiâ, cor nostrum
 servari volebat, ne propensis in naturam affectibus,
 facile pateret, ad exterminium Amoris Divini.
 Immo sensuum quoq; nostrorum portas, & ostia, di-
 ligenter vult præmuniri, ne quis mundanæ cupi-
 ditatis affectus, in sacram Deo, cordis nostri se-
 dem, violenter irrumpat, & inde Divinum Amo-
 rem expellat, ac exturbet. Sit itaq; ratum, fixumq;
 nobis, ut omnes mentis & animæ nostræ vires, so-
 li Deo, & ejus pateant Amori.

Quod

*Deus propter
se amari de-
bet, alia crea-
tura, propter
Deum diligi
possunt.*

Quod dum ita concludimus: jamne reliquam creaturarum turbam, ab amore nostro, de toto excludimus? sicine nostros, seu in terris degentes, seu transcriptos cælo amicos, amare vetamur? qui ad inimicos etiam, & hostes diligendos, Dei mandato obligamur. Sed non est mentis consilijq; nostri, cæteros quoq; nobis naturâ similes, terræ cælijq; incolas, ab amore nostro extorres fieri: immo fatemur nos, multis, & gravibus Divinæ legis præceptis, ad amandum eos, qui nobiscum in hac mortali vitâ degunt, graviter obligari. Tantò verò magis, Cælestes Animæ, & Beati Spiritus, requirunt à nobis, debiti amoris contestationem, quantò pluribus nos obligant & devincunt beneficijs. Illud ergo tantum nostra intendit dissertatio: quòd solus Deus primariò, & propter se, cæteri verò mortalium, & cælitium, propter Deum amari debeant. Neq; enim Divino Amori obesse potest, inclinatus ad quamcunq; creaturam affectus, si ad Deum, tanquam finem ultimum, dirigatur. Amari præterea potest, tota, terram inter & cælum conclusa, creaturarum multitudo, Dei beneficio ad nostrum commodum proposita. Amabilia sunt, bona corporis, robur, sanitas, pulchritudo: & protracta longitudo vitæ, quæ Dei Bonitas, sæpè non rogata, in nos elargitur. Digna amore censentur, ornamenta animæ, intra cancellos naturæ contenta: qualis est scientiarum capacitas, & propensa,

facili-

facilitas ad virtutes, ut pote, singularia Dei Optimi dona. Trahit ad se animos, Divinae Gratiae, supra naturam, decor & venustas. Vrit corda sui amore, caelestis Beatitudo, felicitatum omnium coacervata possessio, à summo bonorum fonte & Authore Deo profecta. Sed Author istorum Deus, omnia hæc, suâ bonitate superat, unde infinitis partibus, est amabilior. In eum itaq;, tanquam flumina in pelagum, nostris, interdum ad creaturas directis affectibus, influamus, ut Perfecto Dei Amore impleamur.

345

ALLOCUTIO III.

Perfecto Dei Amori, proprium est agere, & pati.

Felicem, & opulentam sortem, nobis obtigisse existimemus, si de Amore Dei, bis jam in-
stituto discursu, Perfectionem ejus sumus consecuti: Neq; verò, difficile aliquid creditu, me dixisse quispiam arbitretur, dum audit, Divino Amori intentos, opes reperisse: cum optimè sciat, in sacra pagina, Amorem Dei, auri nomine, sæpius nuncupari Divites protectò, & opulenti, facti sumus nimis: si eâ, quovis auro, potiori, Divini A-

Amor Dei dives, & aurius est.

Xx

moris

*Aurum Divi-
ni amoris, ex-
plorare opus
est.*

moris gazâ, sumus jam potiti. At enim, non omne genuinum, quod rutilat, aurum: nec semper verus amor, qui pijs, sæpe scintillat affectibus. Vt enim illi, qui intra terræ viscera, vestigant aurum, si in venam, nitido colore scintillantem incidant, ad divitem auro latebram, ejus ductu putant se perventuros: contingit autem non rarò, ut spe delusi, incidant in æris, aut alterius vilioris cujuscumque metalli massam: ita Amoris Dei, cupidi indagatores, dum se ad pretiosum Divinæ Charitatis aurum, pij affectûs ductu, pervenisse existimant, suâ decipiuntur opinione. Non terrenis opibus, sed Divini Amoris divitijs, potitum se arbitratur ille, qui Apoc. 13. gloriabundus dicebat: *Dives sum & locupletatus*, quasi diceret: tantâ me Divinus Amor locupletavit opulentiam, ut omnes mortalium opes, facile me superare credam. Quam imaginariam tantum, divitiarum affluentiam, dum cogitatione volvit: ecce, ab Arbitro, summæ veritatis Deo, falsæ opinionis arguitur, & extremæ inopiæ admone-ri jubetur: *Nescis quia tu es miser, & miserabilis, pauper, cæcus, & nudus*: ac si diceret, vide hominum miserrime, quantum te, tua delusit persuasio: tu in animum tuum induxisti, te Divini Amoris esse ditissimum, cum, graviori, quovis mendicabulo, spirituali premaris egestate. Proinde, svideo tibi emere, aurum ignitum probatum, ut, quod speciem boni, præfert, non illicò tale existimes. No-
bis,

bis, ne similis unquam illudat error : aureum Divini Amoris valorem, explorare velimus, uno, & altero, utroq; probatissimo modo.

347

Bene, & satis congruè, Sacra Eloquia, Divino Amori nomen, & analogiam auri tribuunt : veluti enim aurum, cæteris mineralibus, nitore, & pretio præstat, ita Amor Divinus, inter totam virtutum congeriem, principatum tenet. Insuper, prout auri virtus, & valor, multis probatur experimentis : ita & Amori Divino, ad indagandam veritatem, non desunt complures modi. Inter alia, ut verum, & genuinum dignoscatur aurum, lapis explorat Lydius, & demonstrat : habet & Divinus Amor, suum quoq; lapidem Lydium, quo suus potest facilè, explorari, & agnoscì valor. Mox, hujusmodi lapidis, Dei Amoris, explorativam virtutem, in medium proferam, postquam Divinâ manu, descriptas Decalogi Leges, prius breviter inspexero. Ecquid quæso, causæ fuit, quòd Summus Legum illarum Author Deus, non in quopiâ alio codice, sed in præduro lapide, sua voluit exarare Præcepta? Si leviori ventis, & facilè perituræ chartæ, suas æternùm perennaturas leges, non credidit Divina manus? Cedro digna notari edicta sua, immortalì, cur non commisit, arbori? si, liberum quidem à carie, flammis tamen, & cineribus obnoxium : verebatur lignum? præsto erant æris, argenti, auri, quovis ævo, diuturniores tabulæ,

*Amor Dei, nō
aliter, quàm
aurum proba-
ri debet.*

*Dei Præcepta
cur in lapide
exarata?*

Observatio
Præceptorum
Dei, Divini
Amoris Lydium
lapis est.

læ, quæ Divinas legēs, & libenter suscepissent, & perenniter conservassent. Immo, majori etiam pretio, æstimati saphiri, aut adamantes, gloriæ sibi duxissent, & æstimationem sui auxissent, si innatam sibi perennitatem, Dei mandatis commodassent. Nihilominus, non istas, à pretio, & diuturnitate commendatas, sed saxeas, inserendis, suis legibus tabulas, Divina præelegit Sapiencia. Vultis facti rationem nosse? hanc ego (si me mea, non fallit opinio) arbitror fuisse. Volebat, non dubito, Numen Æternum, Præceptorum suorum mandatis saxo commissis, veluti ad Lydium lapidem, nostri erga se affectus, explorare sinceritatem: non secus, atq; ad ejusdem lapidis vim, examinatur aurum: ita, ut illi tantum mortales, verum erga Deum Amorem habere censeantur, qui ejus præcepta, ipso exequuntur opere. Quod ipsum, si ad specialem, cogitationis suæ trutinam, admisisset S. Gregorius Papa, non aliter & ipse sensisset, qui in universaliori sensu, illud effatum protulit: *Probatio dilectionis, exhibitio operis est.* Ex quo S. Doctoris sensu, illud inferre, rectè possumus. Quod Divinus Amor, ut verum. & genuinum dici possit aurum, Præceptorum Dei integrâ executione, velut ad Lydium lapidem probari debet. Sed quid ego, super hoc, humanum sensum exquiro? cum Æterna, humana in carne Veritas, id clarè Ioan: 14. asserat: *Si diligitis me, mandata mea servate.* Unde intelligi-

telligimus, veræ sinceræq; dilectionis Dei, documentum nullum certius esse, Dei Præceptorum observatione. Falluntur proinde, non rarò illi, qui, dum vehementiori devotionis æstu abrepti, fervidos Divini Amoris actus eliciunt, putant se perfectæ charitatis incendi flammis: & interim heroicis virtutum documentis, id minimè probant: immo subinde Divinas Leges prævaricantur. Fiunt profectò tales, quasi æs sonans, non verò aurum, suo valore pretiosum: ita ut meritò de eis, illud usurpari possit: *Vox Iacob, manus autem Esau*. Hoc est, si verba, Divino Amore calentia attendas? amantissimum Dei Patriarcham Iacob, referunt: si manus, virtutum opere destitutas inspicias? reprobum à Deo, & vacuum charitate Esau representant.

Quod si, ad Christianam tantum Perfectiorem, obstricti in sæculo homines, non nisi perfectæ Præceptorum Dei observatione, & virtutum documento, veluti Lydio lapide, possunt aureum, erga Deum Amorem probare: quantò potiori jure, strictius Deo obligatis hominibus Religiosis, perfecta insuper legum suarum executione, & continuo heroicarum virtutum exercitio, solidum Dei Amorem, velut ad Lydium lapidem examinare incumbit. Non solum enim, porrectum olim Moyse Præceptorum Decalogum, in lapide Divina manus descripsit, sed nostræ quoq; Religionis Institutum, ejusdem dexteræ, opus est: Pontificio etiam

Oracu-

*In Religiosis,
perfectus erga
Deum amor,
observatione
Regularum
comprobatur.*

Oraculo attestante icum enim summo in terris Dei Vicario, Paulo III. Constitutiones nostræ, fuissent oblata: singularem in eis, junctam prudentiæ sanctitatem, admiratus Pontifex, Divino afflatus spiritu, exclamavit: *Digitus Dei hic est.* Quo præconij epiphonemate, declaratum est: Legum nostrarum statuta, non minus, atq; Decalogi Præcepta, Divinâ manu, esse conscripta: quibus, nec tabulæ defunt lapideæ, si firmam, ac tantum non saxeam, in earum observatione, fortitudinis constantiam, & necessitatem consideremus. Neq; verò, alio fine, hæc facta credamus, nisi, ut ad eas, observationi nostræ propositas leges, velut ad Lydium lapidem, nostri erga Deum Amoris soliditatem, exploremus: & tunc demum, nos perfectio Dei Amore pollere, existimemus, si Regularum nostrarum, exacti observatores fuerimus: quas omnium virtutum heroicarum, compendium esse, optime novimus. Pateat sanè oculis intuentium, ad modestiæ leges expolitus, compositionis nostræ, ad extra nitor. Incalescant ardenti æstu, à sapius elicitis Divini Amoris actibus, præcordia nobis. Inflammet etiam alios, ignitum planè, Zeli nostri eloquium: si interim, sancta legum nostrarum statuta transgredi, si superiorum ordinationes violare, si contumelias, & confictas etiam delationes, falsa testimonia, & injurias pati displicuerit, si abnegationem, & sui contemptum, mens exhortuerit:

*Legas Religio-
sa, instar lydy
lapidis, Dei ex-
plorant Amo-
rem.*

ruerit? exiguum id, aut profectò nullum, nostri in Deum Amoris, indicium foret. Iam si è contra (loquor verbis B. Patris) *Constanti animo incumbamus. ut nihil perfectionis, quod Divinâ Gratiâ consequi possimus, in absoluta omnium Constitutionum observatione, nostrig; Instituti, peculiari ratione adimplenda prætermittamus.* Si præfinitum meditationi, examinandæ conscientiæ lectioni spiritali, tempus, cum omni diligentia impendatur: si nobis, naturâ, alioquin acerbi, Paupertatis effectus sapiant, si tuendæ Angelicæ puritatis gratiâ, sensuum custodiâ, & continuâ in omnibus mortificationi, incubuerimus: si voluntatis propriæ, & iudicii abnegatio, in rebus etiam arduis & difficilibus, sine excusationibus & obmurmurationibus, obedientiæ immolletur: Si labores, seu in puerili ætate, literarum rudimentis erudiendâ, seu rudî populo, in fide excolendo, impendamus: Si in obsequiis missionibus, excipiendis confessionibus, tradendâ doctrinâ Christianâ, Patrum nostrorum exemplo, omnibus, etiam ad vitam conservandam necessitatibus, destituti, immoriamur: tum demû, perfectò Dei Amore, nos esse animatos existimemus: talibus enim documentis, verus probatur Amor.

Si præ oculis nostris, gratum illud spectaculum ageretur, quando non tantum Gentis, sed Religionis etiam nostræ insigne decus, B. Stanislaus Kostka, concepto præcordijs Divinis Amoris æstu, planè

B. Stanislaus
Kostka, quod
verè Dei amo-
re arserit, ob-
servare ab eo
Leges Religio-
se sunt docu-
mento.

planè visibiliter conflagrabit: ita ut cor, ne incendio Charitatis opprimeretur, frigidà perfundi opus esset: cui, si mihi quoq; adesse licuisset scenæ, nondum ex ea redundantia Amoris, & erumpentibus pectore flammis, verò sinceròq; Amore: Dei, B. Adolescentem agi, & ardere crederem, cum ejusmodi, insoliti affectuum æstus, varijs illusionibus; possint esse obnoxij: at verò, cum intelligam, gloriosum hunc militiæ nostræ Tironem, in accurata legum nostrarum observatione, fuisse exactissimum: cum me non lateat, heroicus in eo mundi contemptus, demissa abnegatio sui, perpetuus in oratione fervor. Filialis Paupertatis amor, Angelicæ puritatis nitor, punctuale obtemperandi studium, Cæteraq; in nostris Constitutionibus comprehensa, innumera planè, virtutum decora, in eo reluxisse intelligo: jam fidem non derogo, sed libens potius annuo, vero illum, sinceroq; Amore Dei, ad prodigium usq; æstuasse. Illum & nos, dignum Deo, Amoris nostri valorem existimemus, quem, ad legum nostrarum, & virtutis heroicæ cotem, probaverimus De quo, libet iterum audire sensum S. Gregorij Papæ, Hom. 30. in Evang. dicentis: *Nunquam est Amor Dei otiosus, operatur enim magna, si est, si autem operari renuit, Amor non est.* Ex quibus S. Doctoris verbis, intelligimus, verū sincerumq; Amorem Dei, in omnium virtutum conservanda congerie, operose laboriosum esse. Non
horret

*Amor Dei nū
quam est otio-
sus.*

*Amor Dei nū
quam est otio-
sus.*

horret aduersa, non timet metuenda, non succumbit labori Amor. Vt benè de eo Theologus noster, Asceticus Thomas Lib: 3. cap: 5. asseruerit: *Amoronus non sentit, labores non reputat, plus affectat, quàm valet, de impossibilitate non causatur: quia cuncta sibi posse, & licere arbitratur*. Iam verò, si quispiam Deum se diligere, totâ vocis, & affectûs contentione profiteatur, minimam autem in aduersis difficultatem, metuatur, ac declinet, molestiam in assequenda virtute perhorrescat, & laborem fugiat, fictum ille amoris simulacrum, non verus cultor erit.

Sed jam ad alteram, aureum Divini Amoris valorem, explorandi rationem, passum faciamus. Non Lydio tantum lapide, sed igne etiam, virtus probatur auri. Ferantur ad mensam, duo splendida, aureo colore vasa, quorum unum sit, solido auro fustum, alterum viliori metallo, extra tantum & intus deauratum. Iam dicite, aut, si potestis divinate, quodnam ex his duobus, vas solide aureum est? & quod aureâ tantum superficie investitum? certè id, nullo sensu humano discerni poterit: Feratur utrumq; ad ignem, & ecce protinus patebit, quod erat verè, & quod mentiebatur aurum. Haud secus hominum affectus, interdum solido Divini Amoris auro constant, interdum externâ tantum, aureæ charitatis specie, nostris illudunt sensibus. Res ut discerni possit, igne hîc quoq; opus est, ex

*Aureum, Dei
Amorem, ignis,
tribulationis probat.*

David & Iob
tribulationes
patienter to-
leratâ, suum
erga Deum A-
morem com-
probarunt.

mente Doctoris Gentium, ita 1. ad Corint. 3. de-
cernentis: *Vniuscuiusq; opus, quale sit? ignis pro-*
habit. Nondum ad illas, vindices erebi flammâs,
quas hîc, intelligit Apostolus, provoco. in hac eti-
am mortalis vitæ usura, talis præsto est ignis, qui
simulatum, à vero, nostrum amorem discernat. Scio
SS. Patres, quaslibet tribulationum molestias, ignis
nomine appellare. Et hæc est, afflictionis flamma,
quæ verum, & genuinum Dei Amoris aurum, à fi-
cto ejusdem simulacro discernit. Vocabatur in du-
bium viri secundum cor Dei, intensus in Deum A-
mor, quem ille, tot piè elicitis affectibus sæpius te-
statur. ergo ut aliquid haberetur certi, ventum
est ad eum afflictionis ignem quem, cum invicto
robore, David sustinisset, & omnes, non aliunde
tantum irruentes, sed ultro etiam adscitas, animi,
& corporis afflictiones, mente ad stuporem quietâ,
& hilari, pertulisset, tum demum, ex illis urenti-
bus flammis egressus, planè gloriabundus, Psal: 16
dicebat: *Ignem me examinasti, & non est in me in-*
venta iniquitas. Verum sincerumq; (quo Deum
prosequor) Amorem, hic, meæ afflictionis, ignis
latis probavit. Insimulabatur & ille alter, prodigi-
um patientiæ Iob, ab invidio hostis maligni livore:
quasi in faciem benediceret Deo: quo verborum
sensu, conficta in eo, ad speciem, Divini Amoris
simultas, criminabatur: sed postquam, ignis cecidit
de calo, qui multas secum, ad exercendam homi-
nis,

nis iusti virtutem, traxit calamitates: quas cum ille, insuperabili patientiâ excepit, fecit omnibus manifestum, nihil fuci, & simulationis, in suâ erga Deum Amoris contestatione, unquam fuisse: Prodiitq; ex illo ardenti afflictionis foco, quasi aurum igne examinatum.

Sed non est necesse, ex veteribus Legis antiquæ ruderibus, talia me, amplius eruere documenta: cum similibus abundet copiosius Lex Gratiæ. Hoc igne probatus erat, qui ad Rom: 8. dicebat: *Quis nos separabit a Charitate Christi? tribulatio? an angustia? an fames? an nuditas? an periculum? an persecutio? an gladius? Certus sum, quia neq; mors, neq; vita, neq; Angeli, neq; Principatus, neq; virtutes, neq; instantia, neq; futura, neq; fortitudo, neq; altitudo, neq; profundum, neq; alia creatura, poterit nos separare a Charitate Dei.* Et dubitamus adhuc, Herodem istum, eximium Dei Amatorem fuisse? qui tot, & tantas, adversitatum flamas non expavit. Immo superminentem Dei Charitatem adeptum fatebimur: qui in labore, & ærumna, in vigilijs, in fame, & siti, in jeunijs multis, in frigore & nuditate, velut aurum, igne probatus est.

Neq; ego tantopere miror, virili robore præstantem Apostolum, nullis afflictionibus cessisse: cum in fragiliori etiam sexu, Amor Dei similia operabatur. Talis enituit, tota Charitatis incendio, flagrans,

355

S. Paulum, nihil à Dei Charitate poteras separasse.

S. Tereſſia Divino afflata amore pati continuo desiderabat.

flagrans, Diva Tereſia, quæ, poſtquam ignito Amoris Dei jaculo, cor ſibi tranſfigi ſenſiſſet, extaticò quodam affectu, correpta, continuò clama-
bat: *Domine, aut pati, aut mori.* Neſcio, an non ultra, in patientiæ deſiderio, progreſſa eſt S. Magdalena de Paſis, quæ, cum Divini Amoris æſtu, ſimiliter arderet perpetuò, illud frequenter in ore habebat: *Pati, non mori.* Ita charitas, quæ, iuxta Apoſtolum, patiens eſt, inſignes ſanctitate animas, ad voluntariæ afflictationis inſatiabile ſtudium, inflammabat. quarum una, vitam, ſi patiendi occaſiones non ſubminiſtraret, altera mortem, ſi eaſdem ſubtraheret, odio habebat.

Sed ad domeſtica, quæ magis ſtimulant, oculos, & animos convertamus attentos: & videbimus, SS. Patrum noſtrorum, IGNATII & Xaverij, beatum par, inſigni Amore Dei, fuiſſe conſpicuum. S. in primis Pater, adeo Charitate præſtabat, ut ſolum Amorem ſpirare, & eo conſtare, veluti vivum ejus ſimulacrum, videretur: relucebat, etiam de facie in eo, ardens Dei Amor, ſed inerat pariter ei, fervens, ac planè igneum Amoris documentum, tanto enim patiendi deſiderio, cor ejus ardebat, ut velut ignis, qui nunquam dicit, ſufficit, nullis, ſeu aliunde immiſſis, adverſitatibus, ſeu ſpontaneæ ſuſceptis afflictationibus, ſatiari poſſet: prout de eo, Pontificiâ fretum authoritate, Romanum Breviariû, loquitur: *Mirum eſt, quas ubiq; locorum arumnas & ludibria*

S. P. Ignati-
us quantaprop-
ter Dei Amorem,
poſſus ſit.

ludibria devoraverit, isperissima quæq; & vincula,
& verbera, pane ad mortem usq; perpeffus, quibus
tamen longè plura, pro Domini sui Gloria, semper
expetebat. Sed parum erat heroicæ Virtutis viro,
alienâ malitiâ, injectas adversitatum flammæ, in-
fatiabili tolerantia, Dei Amore sustinuisse, nisi ipse
etiam, juxta nomen suum, ignis instar (cujus perpetua
actio est) multas addisceret afflictiones. Hinc illi
usitatum erat, somnos perbreves, in modico fra-
mine humi carpere, corpus eruentâ verberatione
castigare, emendicato pane, aquâ macerato, victi-
tare, diuturnis, ac laboriosis peregrinationibus, vi-
res atterere, contentioso, atq; improbo, in ediscen-
dis literarum rudimentis, labore insudare, & adul-
tam viri militaris famam, inter vilem puerorum
gregem, abijcere. Iam verò, novo, vitæ Religiosæ
Instituto, & à Sede Apostolica approbato, in Præ-
positum Generalem electus, quas ille curas, labores,
defatigationes, in regendâ, promovendâ, & tuen-
dâ Religione suscepit, exhausit, exantlavit? longum
esset recensere. Vt omittam continuam ejus, in re-
bus omnibus mortificationem, quam & ipse, usq;
ad ultimum vitæ terminum, usitatam, constanter
habuit, et nobis, seriò observandam, lege speciali
sanxit. Et hæc omnia docent, ac evincunt, quàm,
auro solidior, in B. Patre, erga Deum Amor eni-
tuit, quem, tantâ adversitatum, planè invictâ tole-
rantiâ, igne veriùs comprobavit.

Quod

*S. Xaverij ad-
versitatum pro
Deo, toleran-
tia.*

Quod ad Indiarum Apostolum Xaverium at-
tinet, difficile dictu est, quàm, opulentam, & ipse
Divini Amoris copiam, coacervavit: cujus magni-
tudini, unus, non suffecit orbis. Sed excedit pariter
dictionis vires, superat cogitationis facultatem:
quibus ille, & quantis tolerantia documentis exi-
mum, erga Deum Amorem, probavit. Quidquid
enim terrarum, marium, ac cæli ambitu continetur,
totum id sui laboris, ac patientia, implevit ampli-
tudine: ita, ut mirum, ad stuporem usq;, videat-
ur, tot tantisq; viarum, & navigationum, æru-
mnis, tempestatibus, ac procellis, tot diurnis no-
cturnisq; vexationibus, tot hominum, & lemurum
injuris, tot spontaneis corporis cruciatibus, fragi-
les hominis vires, non succubuisse. Divinus haud
dubiè Amor, addebat robur, qui in urentibus: ad-
versitatum ærumnis, maximè nitefcit.

*Homines so-
cietatis, mul-
ta pro Dei a-
more faciunt
& patiuntur.*

Hoc afflictionis igne, Duces suos imitati,
cæteri quoq;, insignes sanctitate Patres, Fratresq;
nostri, suum, erga Deum affectum, explorabant:
quos legendis, scribendisq; libris imputrescere, in
docendis, diutiùs literarum rudimenta pueris vires
enervare, ægros lectis, criptisq; detentos invisere,
lue corruptis præsto adesse, terrestres, maritimas-
que peregrinationes, fideles inter, atq; infideles o-
bire, rerum omnium, inopiam pati, calumnias,
ac persecutiones ambire, equuleos, distensiones
membrorum, cruces, gladios & lenta iucendia to-
lerare,

lérare, solenne usitatumq; fuit. Quos si quis requi-
 rat: Quid, genere, ingenio, cæterisq; talentis,
 ac dotibus, viri insignes, terredinum instar, libris
 inhærescitis? inter puerorum facies infordescitis?
 vilem inter plebem, & mendicabulorum sterquil-
 nia, vosmet ipsos dehonestatis? peste infectis, da-
 tâ operâ, vitam prodigitis? ut quid ergastula &
 patibula maleficiorum ambitis? Quibus interroga-
 tionibus, procul dubio, respondissent illi: *Chari-
 tas Christi urget nos:* cuius impulsu, hæc agimus,
 ut nos verum sincerumq; Dei Amorem conteste-
 mur. Quæ nostrorum, solidi in Deum Amoris do-
 cumenta Patrum, eo nobis sine, sæpe proponi exi-
 stimemus, ut nos quoq; perfectum Divini Amoris
 valorem, hoc laborum, adversitatum, & afflictio-
 num igne examinemus. Si enim continuam, in o-
 mnibus mortificationem, nobis familiarem reddimus,
 si in camino (ut loquitur Propheta) Paupertatis,
 probati fuerimus, si vires, & conatus, omnes susce-
 ptos, pro Dei Gloriâ, & proximorum salute labo-
 ribus, impenderimus, si à docendis primis litera-
 rum rudimentis, obeundis missionibus, visitandis
 Xenodochijs & carceribus, cæterisq; vocationi no-
 stræ proprijs, quamvis arduis, & naturâ molestis
 functionibus, nulla nos absterruerit difficultas,
 tum primum nos Amore Dei præstare, agnosce-
 mus. Quibus omnibus & singulis, ut serio afficia-
 mur, Divinâ Charitate urgemur. Si enim Patri

*Emulari in
 tolerandis ad-
 versis, Patres
 nostros debe-
 mus.*

*Amor scâtes
 facit utrum nos*

archam

archam Iacob, profanus alioquin amor, eò impu-
lit, ut multorum annorum, in continuis laboribus
& ærumnis, duræ servitutis acti dies, svaves ei, &
pauci viderentur, præ magnitudine amoris quan-
tò magis, par est, ut Dei superdignissimi Amor,
dulces nobis efficiat, omnes laborum, & afflictio-
num amaritudines, ad sinceram sui contestationem.

Et hæc duo sunt, solidè aurei, nostri in De-
um Amoris experimenta. Accurata in primis, Le-
gum nostrarum observatio, & contenta in ijs, soli-
dum virtutum consecutio, Lydius lapis est, ad ex-
plorandum Divini Amoris valorem. Continuus de-
inde mortificationis usus, & insuperabilis laborum
tolerantiâ, ignis speciem repræsentat, ad præstanti-
am Divinæ charitatis examinandam. Vtroq; hoc,
Amoris documento, si nostros erga Deum affectus,
probaverimus: facilè, solido Divini Amoris auro
locupletati, gloriabimur, facti omnibus mundi opi-
bus ditiores

ALLOCUTIO IV.

*Perfectus Dei Amor, pijs sem-
per fervet affectibus.*

TOtum igni vigorem adimeret, qui eum na-
tivo calore, vellet esse destitutum. Fervens
naturâ elementum istud, iners, & evanidum foret,
si per illatam sibi violentiam, vel ad modicam tem-
poris

poris moram, vi privaretur uſſivâ. Habet enim id proprium, ignis natura, quod ſemper ferveat, & ſpiret calorem: Haud ſecus, igne ferventior Divinus Amor, eam, quam ſolidè inflammavit animam, pijs ſemper facit fervere affectibus. Si enim eum, quem lucere tantum, & non ardere ignem, conſpicimus, fatuum appellamus? multò magis, gravior illa amentia foret, ſi cui mortalium, lucem ſolùm doctrinæ ſpargere, & non piâ affectione fervere, in uſu eſſet. Flagrantiffimus certè Dei Amor, in pios, & ferventes affectus, continuo erumpit, & eo ſe prodit indicio, quod inter cordis abſcondita accenſus, veluti ex ardenti foco, perpetuò Divinæ Charitatis æſtuet aspirationibus, & pios affectus, abſq; ullo interpoſiti temporis intervallo, veluti miſſiles ejaculetur ignes. Sed juvat, accuratori mentis oculo, ignita hæc Divini Amoris jacula diligentius intueri.

Magiſne arduum fuerit, ignem ſinu celari, an corde, Dei Amorem latere poſſe? utramq; quæſtionis partem, putaverim ego, æquâ difficultatis lance ponderandam eſſe. Siquidem, non minùs, urit ſinu incluſus ignis, quàm ardeat, corde accenſus amor. Pari omnino fervore, ille in flammas, hic in ferventes erumpit affectus. Quod ad ignem attinget, rem, omnibus documentis certior experientia, facilè evincit. Quod Dei Amorem concernit, pijs Beatarum Mentium, erudiamur affectibus.

Zz

Rem

*Amorem ſem
per pijs ſerve
re affectibus
diſcimus ab
Angelis Sera
phim diſtis*

Rem puto, aliquid continere arcani, quod inter
 plura (quàm, ut humanâ calcula tione computa-
 ri possint) Angelorum millia, illæ tantùm Beatæ
 Mentis, quas Seraphim appellamus, venerandum
 illud Trisagion, coram Divinæ Majestatis throno,
 continuò occinunt, ut auritus testis, refert Isaias:
 dum cap: 6. ait: *Seraphim stabant, & clama-
 bant. Sanctus, Sanctus, Sanctus, Dominus Deus Exercitu-
 um plena est omnis terra Gloria ejus.* Scio, ex Sacræ
 Paginæ, & Interpretum ejus autoritate, in tres
 Hierarchias, novem verò Choros, totam Angelo-
 rum multitudinem esse distinctam. Primum verò
 inter eos obtinere locum, Beatos Spiritus, Sera-
 phim, appellatos. Ecce ergo, ceterâ Angelorū
 tacenta multitudine, soli Seraphini, in veneratio-
 nem Divinæ sanctitatis, pijs assuant affectibus? Di-
 vinam id (cogtabit quispiam) requirere Digni-
 tatem, ut non nisi, à Principe Angelorum Choro,
 laudis suæ encomia audiat. At enim, scimus opti-
 mē, Deum, eò usq; suam inclinare Excellentiam,
 ut, non ab Immortalibus tantū Beatarum Menti-
 um Spiritibus, sed à nobis etiam, naturā vilissimis
 homuncionibus, laudes suas audire, non dedigne-
 tur. Immo tantū sibi, de inclinata, ad suarum vi-
 litatem creaturarum, Divinæ Majestatis, persua-
 det vir secundū cor Dei David, quod non Ange-
 los solū, & homines, sed bruta etiam animantia,
 ceterasq; rationis, & sensus expertes creaturas,
 longā

Deus etiam à
 vilissimis cult
 laudari crea-
 turis.

longâ serie, ad dilaudandam Dei Dignitatem, ducere & invitare non vereatur: dum sæpius ingeminans ait: *Laudate eum omnes Angeli, Reges terræ, & omnes populi, bestia & universa pecora. Laudate eum sol & luna, & omnes stellæ, montes, & omnes colles, ignis, grando, nix, glacies &c.* Quod si, vilissimæ etiam creaturæ, quarum longum catalogum recenset Psalter, jure laudandi Deum, non sunt privatæ? inter naturæ, & gratiæ donis, excellentes Angelorum Choros, cur tantum Seraphim, in Divinis laudibus æfluare referuntur?

Novimus, apud Sacros Interpretes, nomen hoc Seraphim, à Divini Amoris fervore, suam habere appellationem, quod si inter Beatos Spiritus, illi potissimum in laudem & amorem Conditoris sui, pio affectu feruntur, qui cæteris, præstant ardore charitatis? certè & in mortalium animis, Amor eundem præstabit affectum: ut quos Seraphici Amoris fervore, repleverit, eos Divinis laudibus, & pijs affectibus, faciet, continuo incallescere Semper enim Amor Dei, hominum, quas incendit mentes, ardentium desideriorum, virtutumq; inflamat actibus. Quod in eo, quem proxime nominavi, Vate Regio patuit evidenter: magno ille Divini Amoris æstu exarserat, ita, ut præ vehementia ardoris Psalm: 72 inclamaret: *Inflammatum est cor meum.* Quo charitatis, vehementiori incendio correptus, in eos erga Deum, ferventi affectu actus,

Nomen seraphim ab amore dicitur.

David quia amore Dei æstuabat ideo pijs affectibus fervebat.

continuo erumpebat: *Quid mihi est in caelis? & à te quid volui super terram? & rursus, nullà ad respirium interposità morà: Defecit caro mea, & cor meum, Deus cordis mei, & pars mea, Deus in æternum.* Et iterum: *Mihi autem, adherere Deo, bonum est, & in Domino Deo ponere spem meam.* Ut taceam cæteros, prope innumeros, ejusdem, Divino Amore ardentis. Prophetæ, plenos pietatis fervore, erga Deum affectus.

*Petrus Aposto-
lus sæpius in-
ferbentes erū-
pebat affectus*

A Rege, æstu Divini Amoris inflammato, gradum facio, ad Principem Apostolorum Petrum. Quid quæso causæ, afferemus? quòd Apostolus iste, in ferventiores præ alijs affectus, erga suum Salvatorem, sæpius prosilicbat? Ex ejus enim ore, illam ferventem fidei professionem percepimus: *Tu es Christus Filius Dei vivi.* Ille, quidquid mundus amat, & amplectitur, contemptui habebat: Apostolicæ verò Perfectionis, summo tenebatur desiderio: dum diceret: *Ecce nos reliquimus omnia, & secuti sumus te.* Illius, digna Divinæ Excellentie, erat æstimatio illa: *Verba vitæ æternæ habes.* In ejus animo, patiendi cum Christo, sitis illa exarserat: *Domine paratus sum tecum, in carcerem, & in mortem ire.* Illum cælestis Gloriæ, maximus afficiebat æstus, dicentem: *Bonum nos hic esse.* Sed ut brevitati consulam, prætereo cæteros, pios & ardentis ejusdem Apostoli, erga Deum, sensus, & affectus: causam tamen, adhuc investigo, quæ in eo,

in eo, tam pia accendebat desideria. Scio, eam esse
 Iustitiæ legem, ut Dei Beneficiorum magnitudini, &
 mensuræ, pia hominum respondeat affectio. nam
 cui plus datur, plus requiritur ab eo. Si ergo Petrus,
 liberaliorem præ alijs, Divinam erga se munificen-
 tiam experiebatur? non mirum, ampliori illum, de
 eâ, affectu, & obsequio, mereri voluisse. Sed cæteris
 quoq; Apostolis, collatas Dei Gratias, nemo nostrum
 mensus est, aut ponderavit. proinde, temeritatis
 ille, notam non evaderet, qui amplioribus Petrum,
 quàm cæteros ejus Coapostolos, cumulatum fuisse
 Dei Beneficijs, ex suo tantum sensu, & arbitrio as-
 sereret. Sed demus sanè, Petrum donis Dei, ultra
 alios excelluisse. Numquid inde, oportebit inferre?
 etiam sanctitate, cæteros superasse? Certè ad e-
 am illationem, nullâ cogimur necessitate. Siqui-
 dem ex mente mysticæ Theologiæ Doctorum, opti-
 mè scimus, eos qui minori pollent gratiâ, plura nõ
 raro, præstare Deo obsequia, quàm præstent illi,
 qui majori Divinæ Gratix illuminantur lumine.
 Ea namq; est, Dei Gratix natura, ut non cogat,
 sed excitet, & invitet, liberum arbitrium ad pieta-
 tis exercitium. Vnde fieri potest, ut minori illustra-
 tus gratiâ, majorem sanctitati navet operam, quàm
 ille, qui ampliori ejusdem gratix est instructus sub-
 sidio.

Quòd si, non excellentiora Dei dona, Princi-
 pem Apostolorum Petrum, ferventioribus incende-
 bant.

*Petrus quia
plus ceteris a-
mabat ideo
sepius pijs ar-
debat affecti-
bus.*

*SS. PP. Irena-
rij & Xaverij
magnus er-
ga Deum A-
mor, continu-
o in pios eru-
pebat affectus*

abant affectibus? In eam fortè, quâ cæteris præla-
tus est, dignitatis auctoritatem, res tota refundi
debebit? Et conveniens equidem foret, ut cujusli-
bet Prælationis Dignitati, eminentia sanctitatis
annecteretur. Sed sæpe, proh dolor! fieri videmus,
ut positos in sublimi honoris gradu, viles & abje-
ctæ mentes, sanctitatis superent excellentiâ, & fer-
vore. Iam si, ne ipsa quidem, summa honoris digni-
tas, ad sublimes virtutum actus, Principem Apo-
stolorum exexit? Quid tandem causæ erit? quòd
ille ferventioribus desiderijs, & affectibus æstuaret
frequentius. Nè me mea fallat opinio, Amoris ve-
hementia, quâ ille, erga suum flagrabat Salvato-
rem, tales in pectore Apostolico, excitabat flam-
mas. Siquidem ille, coram eo, quem nullum latet
cordis secretum, Divinâ Æternæ Veritatis notitiâ,
in testimonium advocatâ, ita suum profitebatur A-
morem: *Tu scis Domine, quia amo te.* Dei (auda-
cter assero) Amor, qui in corde Apostoli, præ alijs
ferventiùs ardebat, fomes perpetuus erat, ex quo
pij affectus, & sancta desideria erumpebant. Sem-
per enim Divinus iste, quem adurit ignis, in pios
excitat, & inflammat affectus.

Rei, quam constanter assero, post B. Petrum,
clarius, S. Patre nostro documentum, vix reperio.
Postquam enim, pro eâ (quam sibi commissam
habet) militantis Ecclesiæ curâ, in robur subsidi-
umq; ejusdem, S. Apostolus, langventem IGNA-
TIVM,

TIVM, pristinis viribus restituit: talis in eo Divi-
 ni Amoris exarsit ardor, ut etiam, inter varios ne-
 gotiorum tumultus, pijs semper erga Deum ferve-
 ret affectibus. Hinc illæ crebrò, ex ejus corde pro-
 siliebant flammæ: *Quam sordet terra, dum calum*
aspicio. Alias sæpe ingeminabat: *O Deus! si te nos*
sens homines, nunquam te offenderent. Non minus
 usitatus erat ipsi, & ille affectus: *O Deus! Amorem*
tui, solum mihi dones, Et dives sum satis, nec ali-
ud quidquam posco. Taceo reliquos (quibus recen-
 sendis non sufficio) B: Patris, pios & ardentis, er-
 ga Deum, continuò ab eo frequentatos affectus: in
 quibus eliciendis, *Tantis ardoribus* (ut scribit ocu-
 latus testis, & singularis Encomiastes Patris sui,
 Petrus Ribadeneira) *astubat, ut omnes in eo par-*
tes corporis exardescerent, facies instar purpuræ ru-
beret, venæq; omnes, manifestâ palpitatione mica-
rent. Hoc à suo Patre, succensus Divini Amoris
 igne, totus fax ignea Xaverius, ita exarserat, ut
 charitatis ejus incendium, ne totus quidem, quâ
 latè patet orbis, suo ambitu posset comprehende-
 re. Hoc ille correptus æstu, ex domicilij angustijs,
 in camporum latitudinem prosilire, ærisq; refrige-
 rio, conceptum ardorem temperare cogeatur.
 Major hæc humanâ capacitare, erat in S. Aposto-
 lo, Divini Amoris flamma: sed & ille, omnem ad-
 mirationem superabat, piæ affectionis fervor, qui
 inde magna vi erumpebat: dum sæpius repeteret:

O Deus

O Deus! ego amo te, quia Rex meus, & Deus meus es. Aut continuò precaretur. *Quis mihi det? ut ego moriar pro te? & cognoscant te, omnes fines terra.* Non minorem, & illud, spirabat ardorem: *Amplius Domine cruciari, amplius!* Quod non vigilianti tantum, sed omnibus somno sopitis sensibus, illi familiare erat, in eas erumpere, plenas Amoris voces: *Mi IESU, Dulcis IESU, O IESU! O Creator mi!*

P. Petrus Cot.
Sonus etiam
dormiens, &
pijs non vaca-
bat affectibus.

Incaluerunt, ab his ferventissimæ charitatis, duobus SS. Patribus, multi in in Religione nostra, viri Divino Amore pleni: qui, etiam unico momento à pijs in Deum actibus, vacare non poterant. Vnum è plurimis memoro, P. Petrum Cottonum, celebrem olim Regis Christianissimi Ecclesiastem: de quo illud, memoriæ proditum est: quòd ex frequentis Divini Amoris actibus, eam contraxerit consuetudinem, ut Xaverij æmulatus ardorem, etiam liberi arbitrij, in somno destitutus usu, in eliciendis, pijs erga Deum affectibus, multis annis, totas noctes insumere audiretur. Tantum est! Divino, dum vigilas, liberaliter indulgere Amori, ut etiam dormiens, Deum, non possis non amare! Et hoc est, Deum perfectè amantis animæ, evidens documentum: si piè ferventibus, in eum semper feratur affectibus. Iam inde, unusquisq; nostrum, colligat, judicetq; quantum sibi, Divini Amoris insit! si enim pijs erga Deum, virtutum actibus sentit se incallescere.

calefcere? certus fit, & fiducia plenus, Divinum Amorem sibi non deesse. Quod si verò vanis, & quæ mundum olent, immerfis cogitationibus, & desiderijs, nullas, aut certè raras, easq; debito fervore destitutas, mentis ad Deum elevationes eliciat, multum se in Amore Dei intepuisse sciat, & ingemiscat

Iustæ rationi innixa, erudita Antiquitas, pharetratum amorem, menti et oculis proponebat, gnara optimè, quemlibet mortalium, ad propositam amoris sui metam, continuis desideriorum jaculis collimare. Atq; ita videmus, quod mens avaritiæ dedita, in congerendis opibus & divitijs, toto labore affectu Inflatu ambitionis fastu animus, ad sublimes honorum fascēs, percupidis desideriorum votis collimat. Obscuro calore incensa voluptas, ad suas delicias, pennatâ velocius volat sagittâ. Sed & Divinus Amor, suis nequaquam est, destitutus jaculis: immo, quo puriori animos accendit ardore, eò validiora, frequens ei subministrat desideriorum tela: quibus in summam Dei Bonitatem, toto affectu collimet, & feratur: ita. ut quævis Dei Amore flagrans anima, dicere cum Propheta possit: *Posuit me sicut sagittam electam in pharetra.* Isaïæ 49. Tale prorsus ignitum telum, erat cor Augustini, quod ille, cum perpetuò ad Deum dirigeret, dicebat: *Inquietum est cor meum, donec perveniat ad te.* Tali nimirum Divini Amoris igne ardebat

*Amor semper
ad suam iaculis
collimat
metam.*

debat ille, ut non tantum, plurima de & deriorum suorum tela, in Deum dirigeret, sed cor etiam ipsum, missilis pyroboli instar, ad eandem Divinæ Bonitatis metam jaceret.

Amor Dei instar tormenti bellici concepto igne inflammatus erumpit.

Sed quid levioribus sagittis, aut missilibus pyrobolorum ignibus, pios erga Deum affectus, comparatos esse volo? cum grandioribus etiam tormentis, æquiparari possint. Scimus enim, eam machinam, gravi globo oneratam, non prius injectū sibi pondus, cum fragore, in auras eijcere, donec admoto fomiti igne, flammam concipit: sic demum incensa, plumbeam glandem eructat, & ad propositam fulminat metam. Sed nec Divino Amore, hominum succensæ mentes, minores exerunt vires: postquam enim & illæ, Charitatis Divinæ conceperint flammam, illico in vehementiores, heroicarum virtutum actus erumpunt: & per eas, quas jaculatorias nominamus orationes, ad destinatam, votorum suorum metam Deum, concitato affectu potenter feruntur.

Amor Dei aquam igni admotam & bitalem imitatur calorem.

Foco adhuc ardenti, rem de qua agimus, illustratam esse velimus. Scimus, aquam ollæ infusam, igniq; admotam, fervere, & ebullire: flammis verò procul submotam, sensim tepescere, & tandem frigere. Idem planè, nobis persuasum habeamus. Si enim Deum perfectè amaverimus, fervere nos pijs affectibus, continuo sentiemus: si verò ex Amore Dei, vel tantillum remiserimus, nativo tepo-

vo tepore infrigidati, omnem in nobis, piæ erga Deum affectionis calorem, desisse experiemur. fatēbimurq;, illum solum esse perfectum, & vividum Dei Amorem, qui piis semper calet affectibus. Ut enim vitalis, quo vivimus calor, continuis se prodit respirationibus, qui postquam spirare desierit, eò ipso, extinctum se indicabit: non aliter Divinus, qui vitam in nobis fovet spiritualem, Amor, ubi à frequentibus ad Deum aspirationibus cessaverit, jam nullum sui vestigium, superesse manifestabit. Quæ cum ita sint. Si vivere Deo volumus, illud in votis habeamus, quod, præclarum Divini Amoris receptaculum S. Melchidis, ardentè desiderabat, & omnibus optandum existimabat: ut singulæ vitales nostræ respirationes, sint ad Deum aspirationes.

371

ALLOCUTIO V.

Frequens pī colloquīi usus, certum est, Perfecti in Deum Amoris documentum.

PArum est, Perfectum Dei Amorem, ardentibus semper fervere affectibus, nisi etiam, verborum sæpius scintillet ferventi pietate. Scimus ignem, solum, reliqua inter elementa, sonorum &

Cetera Elementa muta, solum ignem fecit natura vocalem.

*In linguis il-
lignis Spiritus
S. descendit
in Apostolos,
semper enim
disertus Amor
Dei est.*

vocalem esse. Silet continuo terra: vasi infusa confitescit aqua: aer, nisi ventorum turbine agitur, tacet quietus: solis ignis: dum ardet, strepit: quo suo usu, & consuetudine, bene iterum, Divini Amoris illustrat perfectionem: nunquam enim, verus perfectusq; Dei Amor, mutus, & e'ingvis est: sed ubi opportunum fuerit, in pia solvit linguam colloquia. Non frustra ille, Divini Amoris calo delapsus ignis, lingvarum specie, Apostolorum implevit pectora: fecit enim eos, pie desertos, & loquentes magnalia Dei. Ut inde colligere, ac etiam demonstrare possimus, perfectum Dei Amorem, ibi solum fervere, ubi lingua, libenter sancta colloquia miscet, & frequentes, pijs de rebus, facit sermonationes.

Habet & eam, sibi à natura inditam virtutem, is, qui nobis Dei Amorem, sæpius adumbrat ignis: quod nusquam abscondi celariq; possit. Sunt cæteris elementis, suæ latebræ, & involucria, quibus recondita, perspicacissimos etiam, intuentium oculos, effugiunt, & declinant. Atq; ita aer, suâ subtilitate involutus, licet acutissimo sæpe non attingitur visu. Terræ & aquæ elementa, opacis corporibus tecta, aut suæ profunditati immersa, vel certè tenebris involuta, omnem oculorum effugiunt perspicacitatem: sola ignis, nunquam otiosa virtus, nullis operiri latebris, nullis tenebrarum potest obtegi involucris: sed ubiq; suo se lumine, & erumpentibus

pentibus inter flammascintillis, prodit, & ostentat: Ita planè cæteræ virtutes, eâ, cui plurimum afficiuntur, se obtegunt humilitate, videriq; nolunt. Divinus Amor, dum intra cordis abdita contineri nequit, in pios colloquiorum sermōnes, crebro erumpit, & exardescit. Talis enim est, in humani corporis, Dei opere, structâ compage, linguam inter, & cordis arcana, nexus, & unitas: ut quod, intra suas cor condit latebras, lingua ad extra promat, & evulget: *Ex abundantia enim cordis* (ut *Æterna Veritas* Lucæ 6. testatur) *os loquitur*. Unde experimento discimus, quod ea, quæ corde latent, in ore patent. Veluti enim, vas opobalsamo plentim, grato adstantes recreat odore: jam si toxico repleatur virulento, tetro afficit, aut pestilenti perimit fatore. Non aliter, quod intus, cor humanum continet, per os exhalat ad extra. Atq; ita, cui est, amor pietatis cordi, non nisi quæ probitatem olent, promit ille verba. Iam si quis obscenitate aliquâ, aut fædâ quaptam aliâ cupiditate, sentit se esse affectum: solus ex ore ejus, turpiloquij, aut scurrilium ineptiarum eructat fator. Idem & Divino Amori, usu venire solet: qui postquam cordis intima repleverit, illico in pia, & sancta prorumpit verba: adeo ut nullum, possit esse nostri, erga Deum, perfecti Amoris, ac pietatis, magis evidens documentum, quàm de sanctis, pijsq; rebus, frequens loquendi usus.

*Lingua cordis,
index est.*

Veritas

*Abraham pro-
pter pios ser-
mones à Gen-
tilibus Dei
Princeps di-
ctus est.*

Veritas quam adstruō, quanquam in multis, potissimum tamen in Antesignato Patriarcharum Abrahamo, patet ad oculum. Mirum est, quanto olim studio, & reverentiā, Gentiles Hæthei, in suam regionem advenam Abrahamum, persecuti fuerint. Peregrinum se ille, & exulem inter eos, ingenuè fatebatur, humilisq; ad illos, ac precabundus, accedebat. Ipsi nihilominus, eum apud se, tanquam Dei Principem salutabant, ac venerabantur: *Audi* (inquiunt) *nos Domine, Princeps Dei es apud nos.* Gen: 23. Vnde quæso, tantum authoritatis, apud ignotos sibi homines, conciliavit Abrahamus? Vnde terræ incolis, in advenam, tanta reverentia, & opinio sanctitatis? ut eum non vulgarem, sed Dei Principem nominare, & venerari voverint. Totam facti rationem, existimat Philo Hebræus, Lib: de Nobilit: evenisse, propter sanctitatem verborum, quibus utebatur Abrahamus: *Honorabant eum* (inquit ille) *quasi Dei Principem, suspicientes ingenium, augustius humano fastigio, nec enim sermonibus utebatur vulgaribus, sed Divinitatem quandam præferentibus.* Audiebant homines illi, quamvis fidei lumine destituti, ex ore Abrahami, nunquam vanum, aut leve verbum excidisse, sed omnia, quæ cum gravitate proferebat dicta, insolitam sapere pietatem: unde non vilem, è vulgari plebe hominem, sed ut virum Deo unitū, ac familiarem, arbitrabantur, & cultu singulari profe-

prosequebantur. Ita secum ratiocinati, fieri aliter non potest, nisi quod homo iste, Divinâ quadam virtute polleat, qui nihil eorum loquitur, quæ levitatis alicujus censuram, aut mundanæ affectionis notam, afferre possint: sed illa tantum, ex ore ejus verba proueniunt, & audiuntur, quæ ad Divini Numinis notitiam, cultum & amorem ducunt, & inflammant. Et merito quidem illi, eam de Abrahamo, sanctitatis opinionem concipiebant. Nul- lum siquidem, clarius esse potest, Divini Amoris, & pietatis argumentum, quàm frequens colloquium de rebus pijs, ac Divinis institutum. Tunc demum & nos, Perfectum Dei Amorem, in nobis fervere experiemur, si in quavis temporis opportunitate, verba ad pietatem Amoremq. Dei accommodata proferre in usu, & consuetudine habuerimus.

Verum clariùs, rei istius evidentiam, exhibet nobis, clarus prodigijs Propheta Eliseus: quem, cum illa, à suæ devotionis pietate, multum commendata Sunamitis, hospitio sæpius excepisset, viri sanctitatem non mediocriter admirata, 4. Reg: 4. dicebat: *Animadverto, quod vir Dei sanctus sit iste.* Tenet me, magna sciendi cupido: unde Sunamitis hæc, ad internam, & soli Deo notam, Elisei sanctitatem, oculis potuit pertingere corporeis? Si externa, ad omnem modestiam, composita viri species, eam illi, de sanctitate Prophetæ, ingerebat opinionem? nonne poterat, ex sua etiam
notitia,

*Eliseus cur
sit sanctus, &
Sunamite ap-
pellatus est?*

*Musca in cœ-
nacul Elifai
dum non cō-
parebant, sin-
gularem Pro-
pheta absti-
nentiam, de-
notabant.*

notitia, in partem contrariam, ita secum cogitare? Leve illud incertumq; est, solidæ sanctitatis argumentum: ad leges modestiæ compositi mores, cum experimento compertum habeamus, sub ovium etiam pellibus, posse, & solere latere lupos. Immo & maligni spiritus, transfigurant se in Angelos lucis: quanto magis inter homines, sæpe ejusmodi conficta ad speciem probitatis simulacra, & ementitas virtutis imposturas, hisce usurpamus oculis. Vnde prudenti faminæ, hominis modesta agendi ratio, non potuit fuisse sufficiens sanctitatis documentum. Scio Salomonem Rabbi, apud Lyranum, existimasse, ex eo Sunamitem, magnam de Elifai sanctitatis opinionem concepisse, quod in cœnaculi ejus mensa, nulla unquam compareret musca. Quod arbitrium Hebræi istius commentum, si aliquid similitudinis, ad rei veritatem habere potest: facile mihi assequi conjecturâ esset: ideo Elifai mensam, & habitaculum, muscis vacuum fuisse, quod abstemius Propheta, nulla ubi unquam asservaverit edulia, aut poculenta. Vnde non mirum, muscas cibis, & cupedijs deditas, locum singulari abstinentiæ dicatum, aversatas fuisse. Itaq; ex mente ejusdem Rabbini, dum Sunamitis hæc, hospitem suum Elifai, à ciborum lautitia, abstinere considerat, perfectam viri sanctitatem extollit, & deprædicat. At enim, primum hoc est, in Pa & Ira virtutis rudimentum, non consumma-
tæ san-

ræ sanctitatis elogium: turpe Gastrimargiæ vitium,
 detestari. Quod enim, etiam tirones, perfectionis
 agonem incipientes, plurimum infamat, solidæ
 sanctitatis viros, non usq; adeo commendat. Ergo
 alia fortè, absentium ab hospitio Elisæi muscarum
 proprietas, Prophetæ indicabat sanctitatem. Novi-
 mus, muscam esse animal vagum, inquietum, im-
 portunum, laboris expers, cupediarum avidum:
 quod vitiorum agmen, quia ab habitaculo Elisæi
 aberat, viri sanctitatem declarabat. Atqui ista, vi-
 tiorum tantum negationem, non verò sanctitatis,
 inferunt affirmationem: proinde ego, mera hæc
 somniantis Rabbini figmenta, una cum natis in e-
 jus cerebro muscis, excutio, & repello. Magis ve-
 rò, Erudito Cardinali Cajetano, cæterisq; à virtu-
 te & doctrinæ, autoritate, commendatis Interpre-
 tibus essentior, asserentibus: quod ex frequentiori,
 cum Elisæo sermone, ad magnam, ejus sanctitatis
 æstimationem, Sunamitis hæc, facile devenierit. Au-
 diebat illa sæpius Prophetam, non captatos percõ-
 pita platearum rumusculos, narrantem, non quæ
 levitatem saperent dictoria, aut facetias proferen-
 tem, sed de pietatis studio, nec non Divini Numinis
 cultu, & amore, ardentius differentem: unde san-
 ctitatem ejus, non ex vano assecuta, dicebat: *Ani-*
madverto, quod vir Dei sanctius sit iste. Non enim
 aliter fieri potest, nisi cum eximiâ sanctitate præ-
 ditum esse, & Divino Amore, continuo asluare,

Elisæi, ex fre-
quenti ppi serm-
onis usu, sã-
ctitas effulsit.

ex cuius ore, adeo pia, sancta, & Deum sonantia verba, prodeunt.

*Abconditam
in carne mor-
tali Divinita-
tem Christi unde
de Petro asse-
cutus est?*

Sed quid, ego, sanctos quidem, homines tamen, erroribus subjectos, in rei istius adduco testimonium? cui *Æterna Veritas*, fidem adstruit. Scimus igneam esse Dei naturam, Moysē, cælesti luce illustrato, ita attestante: *Deus noster, ignis consumens est.* Et hunc Divinitatis suæ ignem, Filius Dei, secum in terras detulit, sed humanæ mortalitatis cineri, infossum & insepultum: ita, ut Divinitas ejus, carne obvoluta, à creaturis, intellectu præditis, non tantum oculorum perspicacitate attingi, sed ne rationis quidem subtilitate percipi possit. Vnde tamen Principi Apostolorum Petro, ea mentis sagacitas? quod latentem in carne Christi Divinitatem, sit assecutus, & palam confessus? *Tu es Christus, Filius Dei vivi.* Tot (per Deum) millia hominum, præ oculis habebant Christum Dominum: neq; tamen in eo occultam Divinitatem agnoscebant. Perspicaces, & multa à longè cognoscentes oculos, coniciebant in eum, veteris Testamenti Prophetæ, nec tamen Divinitatem ejus, sago mortalitatis obtectam, visu percipere poterat, quare agebant: *Vidimus eum, & non erat ei aspectus, neq; decor, unde nec reputavimus eum.* *Isai. 53.* Petrus verò, unde tantum hausit intelligentiæ, ut quem cæteri hominum, fabri progeniem putabant, ille Dei Filium confiteretur? Opera credo, Salva-

Salvatoris nostri, prodigijs plenam, eam Divinitatis
 suæ confessionem ab Apostolo, evicerunt. Sed non-
 ne in oculis, tot hominum, è vicino spectantium,
 faciebat signa, & prodigia Christus? neq; tamen
 quisquam repertus est, qui daret Gloriam Deo, &
 Divinitatem ejus, tot convictus prodigijs fatere-
 tur: immo erant, qui blasphemio ore dicerent. In
 Principe dæmoniorum eiecit dæmonia. Cælesti,
 (dicet quispiam) lumine, Petrus affatim illu-
 stratus, latentem in Christo Domino Divinitatem
 confessus est. At nonne & ipsa, Divinæ Boni-
 tatis Liberalitas, in omne hominum genus, copio-
 sè effundit Gratias Illuminantes? ecurr tamen
 hoc Cæleste Lumen, solius Petri intellectum, ita
 collustravit, ut absconditum, in homine Deum, a-
 gnosceret, & confiteretur? Certè facti istius, nul-
 lus Interpretum, Doctoremq;, adferre potest ratio-
 nem magis sufficientem, illa, quam attulit, idem
 ipse, Divinitatis Christi, confessor Apostolus. dum
 ita Ioan: 6. Salvatorem suum alloqueretur: *Verba*
vite æternæ habes, & ideo nos credimus, & cogno-
vimus: quia tu es Christus, Filius Dei. Quasi di-
 ceret: Eslo alia, ad agnoscendam Divinitatem tu-
 am defuerint argumenta: ego te Verum Deum,
 de ore tuo judico. Tanta enim verborum tuo-
 rum sanctitas, & Divina virtus, auribus, cordi-
 busq; nostris illabitur, ut hominem (nisi bruto sto-
 lidior fuerit) Divinitatis tuæ, facile convincere
 possit.

possit. Audiebat nimirum Petrus, Salvatorem nostrum, illa tantum proferre verba solitum, quæ aut Amorem Dei, in animis hominum accenderent, aut pretium pietati facerent. Hinc, quasi certo convictus argumento dicebat. *Verba vitæ æternæ, habes & nos credimus & cognovimus quia tu es Filius Dei.* Quod si, latens in Christo Divinæ naturæ Ignis, ab ore ejus, quasi ex ardenti foco, per sermonis pietatem, vel maxime erumpebat, & in hominum notitiam deveniebat? certè & nostri, ardentis erga Deum Amoris, evidentius argumentum esse non poterit, quàm si pijs colloquiorum sermocinationibus assvescamus.

S. P. Ignatius in insignem sanctitatem suam verborum pietate comprobabit.

Omnino Salvatoris sui, pressè insistens vestigijs B. Pater noster, præclarum rei hujus exhibet documentum. Magnus fateor, in corde IGNATII, Divinæ Charitatis ignis exarserat: sed non minor erat in ore ejus, pietatis fervor, qui in pia colloquiorum verba, continuo erumpebat. Nullum siquidem ille sermonem, nisi qui pietate, & Dei Amore caleret, proferebat: quod, cum eo fervore & ardore vultus (prout magnus B. Patris sui cultor, P. Nicolaus Lancicius testatur) faciebat: ut flammæ, non verba, fundere, & corda urere videretur. Et se-
sererunt profectò, plurimi mortalium, vim prope Divinam, verba spirasse IGNATII, quibus ille multos, ad exsecrandam vitiorum inveteratam consuetudinem animabat, multis, à mundi vanitate
abstra-

abstractis, austerioris vitæ rationem persvadebat,
& ad arctiores perfectæ sanctitatis semitas, mirâ
verborum efficaciam deducebat. Quod, suo edoctus
experimento, insigne Religionis nostræ decus, P
Hieronymus Natalis, ingenuè fatebatur, se ex solo
familiari, cum IGNATIO sermone, ad Societatem,
à cuius Instituto abhorrebat, animum adiecisse.
Nihil minùs, quàm vitæ Religiosæ Professionem,
cogitabat & ille alter, Laureâ Theologicâ insignis
Doctor, Michael Turrianus, qui cum in alio, longè
diverso negotio, convenisset IGNATIVM, ita se,
inter colloquendum, totum ejus pietate, sensit in-
flammatum, ut illico, spretis omnibus, opum ac
honorum pollicitamentis (quibus eum, & sua e-
ruditio, & apud viros Principes, non vulgaris æsti-
matio lætabat) IGNATIUM se voluntati, & vitæ Re-
ligiosæ jugo submiserit. Ut abstineam reliquos,
sine censu & numero recensere, verbis IGNATII,
ardorem pietatis spirantibus, ad meliorem frugem,
& vitæ sanctioris propositum, inflammatos. Vnde
quisquis se ferventiori B. Patris sermone, ad piete-
tem vehementius accendi sentiebat, dubitare non
poterat, tanto eum æstu Divinæ Charitatis arsisse,
ut cum intra cordis angustias, arctari non posset,
flammæ instar ardentis, per oris repagula, in ver-
ba erumperet, Dei Amore inflammata: ad cæte-
rorum mentes & affectus, pietatis ardore incenden-
dos: ut meritò, de eo dici possit, quod de igneo Va-
te Eliâ

380
Hieronymus
Natalis & Mi-
chael Turria-
nus pio S. Igna-
tij sermone
ad magnam
sunt accense
sanctitatem.

*Pius colloqui-
um usus plu-
rimus est no-
bis à S. P. cō-
mendatus.*

te Eliâ Sacer Textus memorat: *Verba ejus quasi facula ardebant.* Ita ille, aliud, quàm de Deo, loqui nesciebat, qui Deum toto pectore hauserat. Sed parum erat B. Patri, in Divinæ Charitatis evidens documentum, & proximorum, ad pietatem vehemens incitamentum, pios instituere sermones consuevisse. Sed nobis quoq; plena ejusdem pietatis colloquia, cum quovis hominum genere, voluit esse familiaria. Vnde, cum socios in diversas mundi partes, expediret: Ite (ajebat) orbem incendite: non alijs utiq; nisi lingvarum tadis, Dei Amore ardentibus. Quod ut facilius omnes præstaremus, unam nobis meridie, vesperti alteram, à mensa horam indulsit, spiritualibus colloquijs insumendam: ut discamus domi, quid foris ad proximorum salutem, & ædificationem, loqui debeamus. Faciebat, hâc in re satis, menti & votis S. Patris, in ipsis vitæ Religiosæ primordijs Gentis Polonæ, & Religionis nostræ, insignis Gloria, B. Stanislaus Koslka, qui dictas piorum colloquiorum horas, eo implebat fervore, ut ad Religiosam Perfectionem, quotquot aderant, vehementius accenderet: unde viri etiam, annis & autoritate in Religione graves, ut ab ejus sermone incalescerent, libenter audiebant piè differentem. Ita Sarmaticus Phœnix iste, eo se intus Divini Amoris igne, æstquare, verbis ostendebat, quo brevi temporis spatio, totus conflagravit.

Vnde quivis faciliè, ex dictis colligere potest,
q uòd

quòd sicut illi, perfecto erga Deum, probant se ardere Amore, qui, cum singulari quadam animi voluptate, pia loqui consueverunt. ita è converso, modicum, aut nullum, in illis Divini Amoris superesse indicium est, qui nihil unquam, quod pietatem sapiat, domi forisq; proferunt; sed eos, qui nugas, & mundi vanitates olent, ubiq; miscent sermones. Quod S. Laurentius Iustinianus, de Perfectione Monasticæ Conversationis cap: 15. acerbo verborum sensu, ita deplorat: *Videmus agricolas, cum in unum coadunantur, repente, & sine tædio, de ijs, quæ agricultura sunt sermocinari. Artifices ce mechanicos, de artificijs, mercatores de mercimonijs suis, Oratores de facultatibus confabulari. Et proh dolor! soli Dei servi, quæ proprio congruunt statui, loqui non curant, aut ignorant. Hic noster pudor, hæc infelicitas est! quòd, cum de bobus narret arator, enumeret pastor oves, vulnera miles: nos vitam Religiosam professi, nihil sæpe pium, ac religiosum loquimur, sed ad vanitates, & ineptias, homine Religioso indignas, ora laxamus: quâ ratione, nos Amore Dei vacuos, & omni pietate destitutos palam facimus. Quam profanæ loquacitatis, nobis inustam, ut aboleamus notam, ea quæ Deo, & nostrâ vocatione digna noverimus, loqui asvescamus. Ita aperiamus os nostrum, ut atrahamus spiritum, qui nos Dei Amore, & eâ, quæ decet Religiosos, impleat sanctitate.*

282

*Verba quæ
mundi Vanitatem olent,
Divini Amoris
inducunt Vanitatem.*

ALLO-

ALLOCUTIO VI.

Regularum S. IGNATII observatio, summa Perfectio est.

*Certat viatoribus
leges ob
servare opus
est.*

Sunt certæ viatoribus leges, & statuta, quibus illi, suum accomodant, & moderantur iter. Hinc mane, è stratis impigrè surgere, tempore antelucano, viam aggredi, & meridianos solis ardores prævenire, quasi è præscripto, in usu, & consuetudine habent. Præterea, iusto tempore, iter definiunt, gressum, ultra modum non intendunt, & concedunt justam quieti moram: cum nimia siti cælo fervente, se assuare sentiunt, etiam frigidam, putant esse, sibi interdictam: ne ex motu incalescenti, & sudore defluenti, sint nocumento corpori. Hæc, aliaq; similia, legum suarum sancita, qui accurate observant, integris viribus, viam strenuè decurrunt, & felices ad terminum veniunt. Illi verò, qui usitatæ viatorum consuetudini, nihil tribuunt, sed pro suo libitu, omnia agunt, facile in via deficiunt, & metam non apprehendunt. Quod si terrestre iter, certis legum statutis, dirigere opus est: quantò magis, cælestem sanctimonix viam agentibus, suæ conditionis leges, sunt observari necessaria. Mittamus alia, alijs conducentia ad Perfecti-
onem.

onem sancita: nobis à Beato Ducē, & Patre nostro
IGNATIO, ad facilius conficiendum iter Perfecti-
onis, leges præscriptas, intueamur: & videbimus,
in earum diligenti observatione, omnem virtutis
nostræ Perfectionem consistere, ac contineri.

Parum est (ut supra diximus) ad accuratam
legum nostrarum observationem, veluti ad Lydi-
um lapidem, Divini Amoris explorari valorem. to-
ta insuper vis, & integritas, ejus, ad quam seriò o-
bligamur, sanctimonix, diligenti Regularum no-
strarum comprehenditur executione. Hinc ad con-
sequendam vocationis nostræ Perfectionem, eremos
& solitudines obire, rigidis Anachoretarum specu-
bus, & antris includi, corpus exquisitis atterere
tormentis, & extenuare inedijs, minimè opus est.
Vnde B. Pater, jejunijs, vigilijs, ac cæterâ cultûs
victûsq; asperitate, nos ab alijs, Religiosæ sanctita-
tis sectatoribus, superari facilè permittit: nostræ
verò Perfectionis: *In absolutâ omnium Constitutio-*
num observatione, nostriq; Instituti, peculiari rati-
one adimplendâ, vim & robur omne, consistere
asserit Debitam vocationi nostræ, ut consequa-
mur Perfectionem, varias orbis plagas circumire,
maria tranare, ultra Indos & Garamantas excurre-
re, nobis non incumbit. De majori quidem Dei
Gloriâ, & proximorum salute, ibi mereri possu-
mus: sed sanctitatis medullam, in nostris Consti-
tutionibus, & Regulis, comprehensam, ubiq; præ

*Tota Perfectio
nostra, in ob-
servatione le-
gum consistit.*

oculis habemus. Demus tantum operam, inviolata legum nostrarum observationi, & brevi, summum sanctitatis culmen consendemus: ita ut quolibet cælestis Patriæ Incolas, meritis & gloriâ insignes, non æquare solum, sed superare etiam sanctitate, solâ, eâq; integrâ, Regularum nostrarum observatione, facile possimus:

*Omni nostra
sanctitas, ad
similitudinem
veteris Testa-
menti Arca,
ex observatio-
ne legum ha-
betur.*

Stabiliendo, huic Legum nostrarum encomio, firmitus documentum, in illâ veteris Testamenti, plenâ prodigiorum Arcâ, sedulo inquiramus. Hanc Regius Vates, diligentius contemplatus, ita Divinum Numen, Psalm: 131. alloquitur: *Surge Domine, in requiem tuam, tu, & Arca, sanctificationis tuæ.* Deum à Propheta, humili obsequiorum veneratione, ad æternam invitari, ac deduci quietem: non est quod miremur: cum Divinæ sanctitatis, quietissimum illud cælestis Patriæ Palatium, summo jure deberi, nulli dubitemus: sed quod idem Vates, Arcam quoq; licet prodigijs claram, arte tamen humanâ fabricatam, cum Divina Majestate, æquali planè deducat passu, & denominatorem tribuat sanctitatis: hoc, locum dat, justo stupori. Noverat optimè cælesti sapientiâ eruditus Rex & Propheta David, solam & unicam rationalem (qualis est in Deo, Angelis, & hominibus) naturam, sanctitatis, ac Æternæ Beatitudinis, esse capacem: ecurr tamen, Arcam intellectu, ac voluntate, ex toto destitutam, sanctitatis nomine compellat?

pellat? & in Beatæ quietis atria, solennitèr intro-
 ducit? Et quod majori admiratione dignum est:
 opulentam, & copioso, intus & extra, involutam
 auro, quomodo sanctitatis vult esse capacem Ar-
 cam? cum *Eternæ Sapientiæ* consilium, etiam
 homines, spernere aurum jubeat, ut sanctitatem
 consequantur perfectam. Si duo Cherubim ad cu-
 stodiam Arcæ destinati, suam ei sunt impertiti sa-
 ctitatem: nonne & homines, tutelari Angelorum
 præsentia gaudent? & tamen rarò sanctitate pol-
 lent. Pontificia credo, quæ intra Arcam asservaba-
 tur, Aaronis virga, sanctum faciebat sui recepta-
 culum. Vnde & nos experimento discimus, in il-
 lis tantum hominum cætibus, sanctitatis famam,
 & nomen vigere, ubi virga, severioris disciplinæ
 vigilat asservata. E contra verò, proscriptus ex
 communitate, justæ animadversionis, in errata ri-
 gor, in omne nefas, laxat licentiæ frena. Atqui
 non omnes (obstinatæ præsertim in malo, homi-
 num mentes) infligis sapiunt pænis: immo, ple-
 rumq; fiunt, deteriores plagis.

Scimus, præter severitatis virgam, etiam sva-
 ve edulium manna, in eadem Arcâ asservatum fu-
 isse: ut hinc colligamus, non solâ rigoris severita-
 te, sed charitatis etiam suavitate, sanctitatis vigo-
 rem conservari. Veluti enim, non diu, onus tra-
 heret in viâ, jumentum illud, quod continuis ver-
 beribus stimularetur, nullo verò, aut tenui pabulo

*Non rigor
 aut lenitas, sed
 Amor Dei so-
 let sanctita-
 tem.*

reficeretur: ita debilis (quæ nostra est) infirmitas, non solius rigoris impulsu, urgeri, sed lenitatis etiam, & beneficiorum incitamento, induci debet, ut alacrius in via Perfectionis progredi possit. Cæterum, qui Deum, purâ intentionis sinceritate quærit, citra utrumq; motivum istud, consequi sanctitatis Perfectionem facile potest. Brutæ pecudis, hæc propensio, non præditi ratione hominis, indoles est: plagis impelli, aut beneficijs allici ad virtutem: Ne nomine quidem Religiosi, illum ego, dignum esse arbitror, quem, interdum panis urgere, interdum beneficijs inescare, ad currendum in via Perfectionis opus est. Solidæ virtutis studium, solius Dei Amore incitatur. Quod si, non duo Cherubim, non virga & manna, Arcam effecerunt sanctam: Divinis id Legibus, quas, in se quoq; continebat, tribuendum est. Ita planè sentit Aureus Orator, & Sanctus Doctor Chrysostomus, qui totam Arcæ sanctitatem, ex literis, seu tabulis Divinæ Legis, in eâ contentis, asserit provenisse. Quod Psalmes contemplatus, agebat: *Surge Domine, in requiem tuam, tu, & Arca sanctificationis tuæ*. Vel, ut Chaldaeus legit: Tu, & Arca, in qua est lex tua. Ex quo verbotum textu, & S. Doctoris sensu, clare intelligi datur: Totam Arcæ sanctitatem, ex Divinâ (quam asservabat) Lege, emanasse.

Quod si Regio Vati (interprete Chrysostomo) Arcam, rem omnino inanimum, sanctitatis titulo

tuto honorare licuit? quòd Divinæ Legis Decalogum, digito Dei exaratum, intra se verò, localiter tantum, depositum asservaret: quantò magis Leges nostræ, insignem nobis sanctitatem comparabunt: si earum accurati observatores, fuerimus. Præsertim, quòd legum quoq; nostrarum, sanctum codicem, eadem, quæ Moysis Decalogum, dextera Dei conscripsit, ut Divinum, per suum in terris Vicarium Paulum V. asserit Oraculum: & plurima alia, gravissimæ authoritatis, per Nicolaum Lancium, fusè collecta, evincunt testimonia. Habet hæc habuitq; semper (quæ Dei Gratia est) nova Religionis nostræ Arca, plurimos ingenio, & doctrinâ, insignes Cherubines, viros omni literaturâ eruditos. Viget in eâ (ejusdem Dei Beneficio) vigilans religiosæ disciplinæ virga. Adest cælestis doctrinæ manna, quo, & nosmetipsi, in vitam alimur æternam, & plurimis alijs, Divinum istud pabulum, abundè communicamus. Tantis, pleriq; Patrum nostrorum, claruerunt miraculis, quantis, ne ipsa quidem, prodigiola Aaronis virga, aut cælo delapsum manna, clarebat olim. Caterùm tamen, non istæ, aliæq; similes, Religioni nostræ cælitus communicatæ dotes, sed Divinâ manu traditæ, à nobis verò, accuratâ diligentia, conservatæ Leges, solidæ virtutis, impertiuntur donum. Superemus sanè Anxietas, Realinos, ceterosq; nostros Thaumaturgos, prodigiorum numero, & magnitudine, hæc ta-

Non naturæ
 dotes, aut Dei
 dona, sed Re-
 gularum ob-
 servatio, san-
 ctos facit socie-
 tatis viros

hæc tamen omnia absq; integræ, Legum nostrarum observatione, nos sanctitate non facient conspicuos: siquidem & istos, quos nominavi claros prodigijs viros, non thaumaturga, quæ patrabant opera, sed legibus nostris inscripta, ab illis verò, inviolatè observata virtus, fecit toto orbe sanctitate celebres. Paucis, multa concludo: dum non minus, liberè, quàm verè enuntio: totius sanctitatis nostræ, exactam Regularum observantiam, viam compendiosam esse: quòd non ex meo, sed ex omnium, insigni spiritu, & eximiâ sanctitate, illustrium Patrum nostrorum sensu, & experimento, loquor.

*Observatores
Constitutionis
Societatis I.E.
S. Magni A.
Apotheosis.*

Quibus, præbet iterum assensum, Dei in terris vicaria Veritas, per suum Interpretem, Gregorium (si non fallor in nomine) Papam XIII qui perspectis Constitutionum nostrarum statutis, quasi extatico spiritu actus, coram assistentibus dicebat: si certò posset mihi constare, quempiam societatis istius hominem, omnes istas leges, quas hic descriptas lego, inviolatè servâsse, eum ego, si non viventem adhuc, certè demortuum, omissis omnibus scrutinijs & inquisitionibus (quales, Processus requirunt Canonizationis) immediatè sacrâ donarem Apotheosi, & magnum, in Ecclesia Dei pronuntiarem Sanctum. Et omnino veritati consonum, erat Pontificium istud iudicium. Quidquid enim in omnium Religiosorum statutis, ad summū

Perfe-

394
Perfectionis gradum facilius consequendum, erat
maximè accomodatum hoc Legislatoꝝ noster, ve-
luti argumentosa apis, ex florum varietate, nectar
collegit, & ad suum transtulit Institutum, ita ut
nihil mediorum, ad sublimem sanctitatis perfecti-
onem esse, aut cogitari possit, quod in nostris legi-
bus. hoc est, in absoluto solidarum virtutum com-
pendio, non inveniatur. Quid enim leges istæ nõ
sanctum? quid continent non perfectum? quas re-
velantis Dei digito conscriptas, ex Pontificio eti-
am novimus oraculo, & à Sanctissima Dei Matre
MARIA, materno ore, Beato Patri non dubitamus
de esse promptas. Magnam proinde, evisceratâ
grati animi significatione, nostram fateamur feli-
citatem: quod leges nostras, tantâ solidarum vir-
tutum copiâ, refertas habeamus, ut solâ, & unicâ,
diligenti, earum observatione, ad summum perfe-
ctissimæ sanctitatis culmen, eniti facile valeamus.

Quod quali ratione, & methodo consequi
possimus? à S. Prophetâ Elisæo, edoceri velimus.
Redeo ad propositam superiori Allocutione, de sancti-
tate, ejus quem nominavi Prophetæ, quæstionem.
Et dictis ibi, non satis contentus, rursus inquirō: un-
de celebris illâ, & devotâ mente, optimè S. Prophe-
tæ affecta sunamitis: tale de eo 4. Reg: 4. for-
mavit judicium? *Video quod vir sanctus sit iste.*
Audiebat. (ut dixi) ex ore ipsius verba, spiritûs,
& devotionis plena: aderat non raro zelosissimis,
pro

*Unde de Eli-
sæi sanctitate
opinio sunamit-
is?*

pro concione sermonibus: hinc virum sanctum, non intra se tantum judicabat, sed alijs etiam, palam deprædicabat. Atqui istud, nondum est omnino certum, sanctitatis argumentum. Plurimi enim reperiuntur, qui (ut Evangelica Veritas ait) *Dicunt & non faciunt*. Commendamus plerumq; alijs, humilitatem, & sui abnegationem: svademus patientiam, ingerimus cruces, alienis humeris tolerandas: inducimus ad inferendas corporis severiores afflictationes: laudamus voluntariam paupertatis inopiam: deprædicamus jejuniorum inedias, cæterasq; virtutum praxes, ad sidera tollimus: ipsi verò hæc omnia negligimus, sensus indulgenter habemus, superflua congerimus, irâ de facili effervesceamus, alijsq; passionibus, frena laxamus. Dicam, ex sensu Evangelij, verius: Pharisaicum imitati zelum: Onera gravia alijs imponimus, digito autem nostro, ne tangere quidem, ea audemus! Solvebat (ut meminimus) propositam quæstionem, Interpres Sacri Textûs Lyranus, ex mente Rabbinarum asserentium: ex eo Sunamitam, Elisæi sanctitatem, plurimi æstimasse, quod in ejus mensâ, & hospitali cænaculo, nulla unquam musca comparuerit. Scio, (præter ibi dicta) per muscam, laboris fugam, sensuum indulgentiam, & vagam ubiq; discurrendi licentiam, designari. Vnde, Seraphicus sui ordinis Fundator, S. Franciscus, si quem ex suis, otio affici, laborem fugere, sensibus indulgere, huc,

Religiosos vagos & otiosos, muscis similes dicebat S. Franciscus.

huc, illuc vagari, ac discurrere, in aliorum colloquia, importunè involare, adverteret: talem, Fratrem muscam, appellabat: & merirò equidem: nam veluti vile, & inquietum animal musca, ubiq; se ingerit: & quamvis, nihil unquam operis faciat, prima tamen, ad quodvis opsonium advolat, & quærit cupedias: ita in religiosis etiam cætibus, plerosq; reperiās, qui omnem laborem declinant, & excusant, otio indulgent, commoda postulant, indulgenter haberi tractariq; volunt, ad januam claustrī venientibus, primi occurrunt, & salutant. Extra domum sapius evolant, externorum domos circum-eunt, & calices, more muscarum, degustant, & ex-hariunt. Quorum, cum nihil in moribus, & habi-taculo Elisæi, videret Sunamitis, sanctitatem ejus mirum in modum deprædicabat. Cæterum, modi-cæ in Prophetâ virtutis, hæc conjectura fuisset. Vi-tijs eum abstinuisse enumeratis: quæ non Asceti-cam tantum, sed sæcularem etiam dedecent gravi-tatem, & verecundiam. Melius proinde, ac soli-dius documentum, de sanctitate Elisæi, opinan-tem, habuisse Sunamitim, docent alij Interpretes: dum existimant, piam ac prudentem fæminam, in S. Prophetâ, vocationis suæ, legum ac consvetudi-num, exactam observationem, oculis sapius usur-passe, & exinde eximiæ sanctitatis opinionem de eo concepisse. Videbat illa toties, in suo Hospite, modestam vultûs, & oculorum compositionem, gra-

*Eliseus dum
suas observat
leges, sanctus
judicatur.*

Ddd

vem in

vem in agendo maturitatem : intuebatur in vestitu & cultu, abnegationis speciem, non mundanæ vanitatis elegantiam, & concinnitatem : admirabatur cibi, & potûs parsimoniam : audiebat ex ore ejus, non humanæ eruditionis jactantiam, & rerum politicarum tractationem, aut leves, & vix parasitis, dignas, jocosum ineptias, sed plena spiritûs, & pietatis dictamina : experiebatur, non suis commodis, aut quibusvis alijs temporaneis lucris, sed Majori Dei Gloriæ, & proximorum salutis, Prophetam fuisse semper intentum, continuæ orationi addictum, & Deo in omnibus actionibus conjunctum : hinc in stuporem acta, sanctitatem ejus, plurimum appretiabat, & admirabunda dicebat : *Vide quod vir iste, sanctus sit.*

Quam Elifæus Propheta, ex accurata, legum suarum observatione, non Divino tantum, sed humano etiam judicio, approbatam sanctitatis opinionem est consecutus : eandem & nos, non difficulter obtinere, & sancti, non dici tantum, sed esse etiam poterimus : si in exactam Regularum nostrarum observationem, omni studio, & conatu incubuerimus. Elucet, in quopiam nostrum, illa à B. Patre, magis lacrymis, quàm atramento, descripta modestiæ species? apparet voluntariæ paupertatis filialis amor? floret Puritatis Angelicæ perfecta imitatio? supereminet, obedientiæ capta oculis, promptitudo? Est animus ad contumelias,

falsa

Regula S. Ignatii solidiorum plena virutum, facile efficiunt sanctos.

falsa testimonia, & injurias, exemplo Salvatoris nostri, patienter, & hilariter tolerandas? Fervet studium, quærendi majorem sui abnegationem? & continuam in rebus omnibus mortificationem? sunt in desiderio, abjecta, & humilia, à quibus sensus magis abhorret officia? Tribuitur quotidie examini, orationi, lectioni, cum omni diligentia, præfinitum tempus? Impenditur in virtutum solidarum ac perfectarum, & spiritualium rerum, fervens studium? Nihil perfectionis, quod Divinâ Gratiâ consequi possimus, omittitur? Datur opera, in absoluta, omnium Constitutionum observatione adimplenda? Magna hæc sunt, & evidentia, perfectæ sanctitatis argumenta. Quod, si Deo, & hominibus patuerit: isti sanctitatem nostram laudibus efferent: ille Beatâ, in cælis Apotheosi, præmiabit. Excedit cogitationis, & facundiæ vires, illa sanctimonix copia, illa cælestis præmij magnitudo, quam inviolata legum nostrarum observantia, nobis conciliare potest soletq;.

Rem clariùs inspecturi, attonitæ mentis cogitationem convertite, in illud par Beatum, humanâ in carne Angelorum, Kostkam, & Gonzagam, & dicite: quid eos, brevi vitæ mortalis spatium, ad eam Sanctitatis, & Gloriæ magnitudinem, provexit? quam, terræ cæliq; Incolæ, nunquam satis in eis mirari, minùs autem prædicare possunt. Non illi, teneræ complexionis corpus, nimia severi-

*Beatos Stanislaum Kostka
& Aloysium
Gonzaga, Regularum Soc:
IESU accur-
rata observa-
tio, eximie san-
ctos effecit-*

tate excruciabant, non continuâ, jejuniorum inediâ macerabant: nam ejusmodi, fervidos licet, rigidos in se animadvertendi ardores, Superiorum, in eis, temperabat prudens moderatio: Nullis illi, barbaras inter gentes, in propagandâ, veri Numinis fide, & convertendis infidelibus, defatigabantur laboribus. Nullas ab ethnicis, aut hæresi, persecutiones, & catastas patiebantur. Etsi enim ardens, patiendi, pro sui Salvatoris amore, desiderium, Beatis Adolescentibus non defuit. Quamvis per vastas, Indiarum, Japoniarum, Brasiliarum, aliarumq; Gentium, terras, & regiones, veri Numinis fidem & cultum edocere, Gloriam propagare, prædam animarum, è faucibus Erebi eripere, mancipia dæmonum, in filios Dei afferere, in votis haberent: nondum tamen eos, ætas immatura, & literaria eruditio, non satis adulta, Apostolicos labores subire permittebat. Prodigijs etiam nullis, aut paucis, in vitâ mortali claruerunt: & tamen, tantâ sanctitatis famâ, & cælestium donorum copiâ, immensa terræ, cæliq; spatia, impleverunt, ut inter Beatorum fastos adscribi, & publicæ fidelium venerationi exponi, mererentur. Quid igitur eos, tantâ sanctitate, ad prodigium usq; insignes, tantâ, supra humanæ cogitationis captum, gloriâ, fecit illustres? Certè nemini debent eam felicitatem, nisi religiosis Legibus, à se omni diligentia, inviolatè custoditis: quarum, ea in illis fu-

it, obser-

it, observationis integritas, ut nullius unquam minutissimæ etiam laxatæ Legis, reos quispiam adverteret: immo omnes, ad amissim observatas videret: hinc, tanta eorum sanctitatis, crevit apud omnes magnitudo. Ex hoc fonte, cælestium donorum, ingens copia emanavit: verbo, exacta Regularum observantia, duo hæc, Stanislai & Aloysij, Nomina, fecit Beata.

Sed quid ego, duos tantum, à nostris legibus, accuratè observatis, felices, & Beatos memoro Adolescentes? Cum plurimi, senes etiam annosissimi, in nostris Annalibus memorentur, simili laude conspicui. Talis è multis, enituit P. Franciscus de Mendoza, vir doctrinâ, & pietate insignis, Sacræ Literæ commentarijs, in lucem editis, scriptor eruditissimus, ac fere Interpretum Princeps: quæ nosler Generalis Præpositus, ad orbis stuporem, prudentiâ præstans. Claudius Aquaviva, virum omnibus numeris absolutum, sæpius appellabat. Hic talis tantusq; vir, ex Religiosis Legibus, contra quas, nunquam deliquisse visus est, maximam laudem & gloriam tulit. Pater verò Franciscus Ribera, non minùs & ipse sanctitate, eruditione, & Sacrarum Lingvarum peritiâ præstans, Divinarum Scripturarum clarus pariter Interpret, adeò Religiosis Legibus afficiebatur, ut nullo studiorum, nullo ullius negotij pondere, impelli se pateretur, ad aliquam illarum, vel minimâ ex parte, laxandam. hinc
nulla

Franciscus Ribera & Fabius de Fabijs, Regularum observatione, eximiam adepti sunt sanctitatem.

*De P. Francisco Mendoza
judicium Claudii Aquavivæ*

nulla eum sitis adexit, ut frigidâ etiam, sine per-
missu, eam extingveret. Vnde tantis grâtijs, san-
ctitatem ejus, Divinâ suâ dignatione illustravit
Christus, ut illi, verba è suggestu, ad populum fa-
cienti, benignissimo vultu, assistere dignaretur.
eundemq; famulæ suæ, S. Tereziæ, conscientia
moderatore, unicè gratularetur. Post mortem
verò, visus est, Divinæ lucis illapsu, totus perfun-
di, & insolito lumine, Beatorum illustrare con-
fessum. Idq; in præmium, rectæ Intentionis, quâ,
plurimum suis commendatam legibus, in omni-
bus actionibus, sæpius eliciebat & continuabat.
Quid memorem Patrem Fabium de Fabijs, ulti-
mum vetustissimæ Fabiorum Gentis decus, & hæ-
redem: Virum omnibus, ex præcipuis, in Religio-
ne nostra munijs (excepto Generalis officio) cum
dignitate perfunctum. Hic tantæ authoritatis
homo, tam altè regulas, moribus suis combiberat,
ut nullius unquam læsæ observaretur: unde viva
Societatis Lex, passim appellabatur: cujus à morte
Gloriam, vir sanctitate non minùs celebris, Pater
Julius Mancinellus, instar cæli sereni, stellis preti-
osè distincti, & opulentæ hereditatis à Deo ac-
quisitæ vidit, ob integrè servatas sui Instituti Leges.

*Regularum
Soci. IESU ob-
servatores glo-
riosi, transgres-
sores sunt in-
fames.*

Quin singulos, planè innumeros, recenseat?
quos, ad sublimem sanctitatis, & Gloriæ cælestis
gradum, Legum suarum promovit observatio.
O si mortalibus oculis, cælos liceret spectare aper-
tos! vi-

tos! videremus profectò, cum effusâ animi lætitiâ,
 innumeros propè Patres, Fratresq; nostros (lo-
 quor Apostoli verbis) *Factores Legis*, eximie justi-
 ficatos, ac glorificatos. Quot illi Regularum, non
 præterierunt apices, tot in eis, cælestis Gloriæ re-
 lucent dotes. Summâ (ut jam, innui) & iterum
 fateri cogor, sanctitatis perfectione, igneis (dono
 post Apostolos nusquam in orbe viso) Spiritûs S.
 lingvis, inter scribendum illustratus Beatus Pater,
 suum implevit Institutum: cui, hâc de causâ,
 non minus excellentem, in cælo Gloriam, per
 proportionatæ Iustitiæ leges, necesse est responde-
 re: inquam, dum oculos, gaudio perfusos attol-
 lo: pudet, pigetq; eos, ad infames, Legum earun-
 dem transgressores, demittere, ne ex inspecto Re-
 gularum præmio, conceptam, animo lætitiâ,
 acerbâ, eâq; ut plurimum æternâ, violatorum in-
 felicitate, fermentem, ac luctu misceam. Men-
 tem potius, & animum, genuinis S. Patris filiis
 addo, ut sui Instituti Leges, post præmissa oratio-
 num, lacrymarum, sacrificiorum, afflictionum, &
 alia pietatis subsidia, insigni Beati Patris labore,
 & prudentiâ conscriptas, Beatissimæ Dei Matris
 dignatione instillatas, deniq; lingvâ Spiritûs San-
 cti, dictatas. omnes, & singulas, exactissimè ob-
 servemus. Quod si, ut par est, fecerimus, subli-
 mem (quam Leges nostræ spirant) sanctitatis
 Perfectionem, & parem, cælestis præmij gloriam,
 facile consequemur.

ALLO

ALLOCUTIO VII.

*Perfecto Passionum dominio,
celeriter supremus sanctitatis
gradus obtinetur.*

*Suaviter equi-
tat, qui passio-
nes habet do-
mitas.*

NOVIMUS, diversos esse itinerandi modos, quidam enim pedites, quidam equites, aut curribus insidentes, iter suum faciunt: inter quos, illud discriminis intervenire adverto: quod illi, qui pedestri itinere vadunt, & defatigentur amplius, & viæ conficiant minus. Iam verò, equis aut curribus vecti, & equitant suavius, & currunt celerius. Dum enim illi, fessis viribus, lento passu procedunt, hi equorum, quos frenant ac dirigunt, pernici cursu, ad propositum viæ terminum, devehuntur. Pedestres ego, illos in via spiritali, arbitror viatores, qui, non satis bene frenatis passionibus suis, iter illud, gradu tardo nimis trahunt. Qui verò, perfectè domitas habent suas passiones, longè celerius, ad destinatum Perfectionis bravium, perveniunt: immo jam, ad consummatæ sanctitatis metas consistunt. Nobis verò, claro sunt documento, in perfecto passionum dominio, absolutæ virtutis, summam consistere Perfectionem.

Huma-

Humanæ conditionis, in primis Parētibūs nō-
stris, infelicem lapsum, nunquam satis, vel eo nomi-
ne, iusto dolore prosequi, ac de flere possumus, quòd
cum originali iustitia, quam in illo misero casu, per-
didimus, jus quoq; & dominium, in nostras passio-
nes amisimus. Ex quo enim, Deo contumax ho-
mo, Supremum Conditoris sui excussit imperium,
protinus innatas animo, corporiq; suo, rebelles sen-
sit passiones. Parum erat, truces naturā feras, con-
tra homines, Deo perduelles, depositā obsequij
subjectione, nativā rabie, insurrexisse, nisi etiam,
omnibus belluis, ferociore, internæ ejusdem passi-
ones, contra naturale humani intellectūs domini-
um, effervescerent: ita, ut vix non facilius, sævos
leones, urfos, aut tigrides, ad sui imperium cicu-
rare, quàm effrenatas animi passiones, ad ordinem
redigere, humana industria possit. Cæterum non-
dum eò rei transactæ, processit infelicitas, ut cau-
sa, debeat haberi pro desperatā. Possumus, Dei ad-
juti gratiā, in hoc etiam, lapsæ conditionis nostræ
statu, rationi obsequium, recusantes nostras, pro
potestate habere passiones. Quòd enim prima, de-
pravati jam generis humani, propago, hominum
primogenitus Cain, ex ore Divino audivit: *Sub te
erit appetitus tuus & tu dominaberis illius* Gen: 4.
hoc unusquisq; nostrum, præstare, Deo auxiliante,
poterit. Nunquam intra nos, ita potest effervesce-
re ira, ut eam, serio conatu adhibito, illico compri-

Eee

mere

401

*Primum A-
dami peccatū
rebelles fecit
in nobis passio-
nes.*

*Dei Gratiā
adiuti, rebelles
possumus doma-
re passiones.*

merē nequeamus, Nunquam, rectæ rationi dissonus amor, eò nos, violenter impellere valet, quò naturale, aut Divinum dictamen, vetat. Nullus, constanter fortem in pietate mentem, percellet, aut à proposito virtutis, deterrebit timor. Erit non unus David, qui centuriatis ejusmodi passionum suarum terroribus, impavidus respondebit: *Si constant ad versum me castra, non timebit cor meum.* Ponamus ob oculos, in unum coactos (nam quis sigillatim recensere omnes) passionum nostrarum cupiditates, nulla certè illarum, eam nobis poterit inferre violentiam, cui heroicæ virtutis, & Dei Gratiæ Clypeo protecti, resistere facile nequeamus. Si enim impotentes iræ leones, cæterasq; truces naturæ feras, cicurare humana solertia potest? multo facilius, intra se, commotos animi affectus compescere valebit. De quo Orientis Ecclesiæ, aureum decus Chrysostomum ser: 2. in Gen: audiamus, ita differentem: *Subjuganda sunt, ac domanda, à ratione alienæ, ac belluine cogitationes, earumq; dominatus, rationi committendus. Et quomodo fieri potest? dicet aliquis: ut belluinam cogitationem, quis subigat? Quid agis mi homo? leones subjugamus, eorumq; animos cicures reddimus, & dubitas, an tuarum cogitationum feritatem, ad mansuetudinem possis traducere? tametsi leoni, naturalis est feritas, præter naturam verò mansuetudo, tibi verò e contra, naturalis est benignitas, feritas præter naturam.*

Vidit

Vidit quondam Hispania, ut Nerembergus, in naturali historia refert, leonem, qui inspectante confertâ hominum multitudine, ut ex nativo fervore, ebullientes iræ impetus, cohiberet, adeo eos animosè compressit, ut præ violentiâ naturæ factâ, subito exanimatus, concideret. Grandi profecto pudore, nos suffundi oporteret, si cum expertes rationis feræ, virtutem, vitæ pretio æstimant, nobis ad subjungendos efferatos animi nostri motus, nihil curæ, & laboris esset

Leo dum nativum iræ impetum comprimit, exanimis concidit.

Cæterum, procul ea mentis inertia, & confusionis probrum, aberat, ab exercitatis, in hac Palæstra solidæ virtutis viris: quibus tantum animi, ac roboris erat, ut subactis rationi, passionum motibus, profecto illorum potirentur dominio. Quod, priusquam eos strenuè, ac etiam gloriose effecisse recenseam, currum Dei Gloriâ, prout eum, Propheta Ezechiel, visu percepit, produco inspiciendum. Plenam mysterij quadrigam, fatendum est, fuisse illam: quæ Dei Gloriam, currui insidentem triumphali, magnificè provehebat. Quatuor currus ille, animalium genera juncta sibi habebat, Hominis, Leonis, Aquilæ, & Bovis. Satis profecto gloriose ad pompam, & ostentationem, Divina in terris Gloria vehebatur: quæ animalibus, naturâ præcipuis, frena iniecit, & pro libitu eorum licentiam rexit. Potest non in congruè, quatenus iste animalium numerus, virtutes quatuor re-

Eec2

præsenta-

præsentare Cardinales, ita, ut homo ratione præditus, Prudentiam, pollens viribus leo, fortitudinem, aquila, à putridis abstinens cadaveribus, Temperantiam, bos, ex mente, superstitiosæ antiquitatis, Supremo Deorum Iovi sacer, Iustitiam exprimat, ac designet. Et commoda quidem est, hæc interpretandi ratio. Nunquam enim Divina in terris Gloria, comparet magnificentius, quam dum eam, dicta virtutum quadriga, vehit & promovet. Comuniùs tamen Interpretes, cum Origene, & Nanzianzeno, per hæc animalia intelligunt, varios passionum nostrarum motus. Commodè enim, homo animal sociabile, exprimit amorem, ferus naturâ leo, designat iram, è meticoloso volucrum grege, aquila, repræsentat timorem, bos ceteras denotat cupiditates. Quæ quidem passiones, si rationis freno, in suo contineantur officio, prosperè & laudabiliter, promovent provehuntq; Dei Gloriam. Scimus Imperatores, Regesq; præpotentes, leonibus aut elephantis, ad pompam, & ostentationem, vectos, non de victis tantum barbaris gentibus, sed de ferocibus, etiam belluis, freno subactis, famam sui nominis auxisse. Supremus Rex Cæli, & terræ, in suo (quod intra nos est) regno, triumphat longè gloriosius, cum in ejus obsequium, nostras subijcimus passiones.

Humana sanctitas, dominis passionibus gloriose triumphat.

Sed & humana sanctitas, nunquam gloriosior comparet, & velocior præfixam consummatæ Perfe-

Perfectionis metam, attingit, quàm cum suis dominatur passionibus: In eum planè sensum, præsentatam Ezechieli quadrigam, exponit Magnus è veteribus Asceticis, Perfectionis Magister, S. Abbas Macarius, dum Hom: 1. ait: *Quemadmodum illa spiritualia animalia, non pergebant quocumq; libuit, sed quò noverat & volebat, is qui sessor erat, & dirigebat: sic in hac vita, cohibet ipse, & impellit spiritu, ita ut proficiscantur, non pro arbitrio suo.* Quo verborum sensu, docet sanctus hic Asceta, hominibus sanctitati seriò addictis, usitatum esse, recto rationis, ac Divinæ legis dictamine, suas regere, ac coercere passiones, ne quæ exorbitent, deflectantq; de itineris rectitudine. Quod dum faciunt, Dei imitati Gloriam, ad consummatæ Perfectionis metam, suam provehunt sanctitatem.

Planè, ad eam pervenerat felicitatem, maximum inter filios hominum, Dei humana in carne delictum, Ioannes Apostolus & Evangelista, quem Christianæ Theologiæ antiquissimus Doctor, Dionysius Areopagita, perfectissimum suarum passionum, habuisse dominium, scripto reliquit, dum ita eundem, in insulam Pathmos relegatum, sui eruditorem Apostolum alloquitur: *Equidem non sum ita insanus, ut arbitrer, te aliquid pati, immo & passiones corporis, hac tantum in parte te sentire credo, ut eas solum dijudices.* Idem omnino, ex eodem

S. Ioannes Apostolus habebat passiones perfecte demittas.

eodem Dionysio, oculato teste, mutuatus asserit, de dilectissimo Christi Apostolo, Laurentius, Iustinianus: Ioannes, inquit, *carnis non cedens blanditijs, voluptates ejus tenebat edomitas: sensuum lenocinia, sub disciplina censuræ spiritualis, cohibens: sicut mentem Deo, sic spiritui subdebat carnem.* Magna fateor, plurimis illustrata prodigijs, fuit sanctitas S. Turonensis Episcopi Martini, quam ille non alio, nisi suarum passionum, rationi subjugarum, vehiculo, in sublimè provexit: ut de eo Severus Sulpitius, ita memorat: *Nemo unquam Martinum vidit iratum, nemo merentem, aut ridentem, unus idemq, semper, caelestem quodammodo letitiam, vultu præferens, extra naturam hominis videbatur.* Præclarum, & illud est Elogium, quod S. Ioannes Damascenus, ex Regio Principe, Sancto Eremitæ Iosaphato, tribuit: quem id consecutum esse asserit: *Ut vitiosas omnes affectiones extinguere, carnisq, affectum, spiritui, non secus, ac servum domino subiceret: deliciarum omnium, animiq, remissionum, oblivione caperetur: somno, tanquam improbo mancipio, imperaret.*

S. P. Ignatius
supendum
supra suas pa-
ssiones habuit
dominium.

Longam nimis, narrationis seriem retexerem, si omnes, ex veteri Christianæ sanctitatis Palæstra, suorum affectuum gloriosos recenserem dormitores. Ad domestica Ductoris nostri IGNATII, relegenda, in hoc passu vestigia, festinus propero: quem ad sublimem sanctitatis gloriam, stupendo suarum

suarum passionum dominio, esse provectum, gra-
 ves, ijsq; non pauci, virtute, prudentiâ, & autho-
 ritate insignes viri testantur. Rerum inprimis no-
 strarum Scriptor fidelissimus, Petrus Ribadeneira,
 non oculatus tantum, ex diuturno tempore specta-
 tor, sed juratus insuper testis, ita asseruit: *Appeti-
 tus omnes, sic IGNATIVS, Dei Gratiâ, studio, la-
 boreq; pervicerat, & obediens rationi effeceret,*
ut non quidem à natura, & absq; animi affectione ef-
set (hoc enim ab hominis natura, est alienum) sed
certe, ut ab omni animi commotione, vacuus vide-
retur. Eratq; id consecutus, ut cum calidus natura,
 corporisq; constitutione bilosus esset, propter sum-
 mam tamen lenitatem, quam in omni sermone, vi-
 tæq; consuetudine adhibebat, frigidior, ipsis medicis,
 lentusq; potius videretur. Hoc ipsum, Sacra insi-
 gnes Purpurâ, Vaticani senatus Patres, sexcentis
 septuaginta quinq; juratis testimonijs edocti, Pau-
 lo, hoc nomine Pontifici Quinto, retulerunt, dum
 de sacra Beati Patris Apotheosi ageretur: *IGNATIVM*
habuisse pacem interiorem, & dominium suorum
motuum, ac passionum, idq; peperisse admirationem
alijs, quod semper fuerit, in eadem animi dispositio-
ne, nec unquam se turbasse, de aliqua re, sed sem-
per fuisse animo tranquillo. Hinc proveniebat, ut
IGNATIVS, passionibus, suo subactis imperio, non
ad vitium, sed ad virtutem, juxta rectæ rationis,
ac Divinæ legis præscriptum, uteretur. Vnde sæpe,
 affabi-

affabiliter hilariterq; loquens, cum ex contingenti, casu aliquo, quispiam meritò objurgandus esset, vultu repente commutato, & ad severitatem composito, graviter reprehendebat delinquentem, statimq; illo abeunte, ne puncto temporis interjecto, ad suam ille animi tranquillitatem, captamq; sermonis jucunditatem, sereno vultu, & explicatâ ad lætitiâ fronte redibat. Nullæ illum unquam, fortunæ adversantis procellæ, & infelices rerum eventus, de mentis tranquillitate poterant dejecisse. Iam verò inanis gloriæ aura, quæ interdum, exercitata etiam virtutis, animos affare solet, ita procul ab IGNATIO aberat, ut nullum minùs vitium, quàm vanitatis, & inanis cujuspian gloriæ, extimesceret. Simili in omnes animi sui motus, dominabatur imperio.

*SS. Ignatium
& Xaverium
ad magnam
sanctitatem
progrexerunt
domita passi
ones.*

Quod quantum, solidæ virtutis sit documentum, non ex peritis tantùm Asceticæ doctrinæ Magistris, intelligimus, sed propriâ insuper, convincimur experientia: dum in edomandis passionibus nostris, conatus & operam eludi omnem sentimus, ita, ut cum jam dominos, nostrorum affectuum, nos esse existimemus, subitò in misera eorundem mancipia relabimur. Quò tamen heroica IGNATII virtus, postquam Deo strenuè militare cæpit, nunquam se sentit dejectam. Insistebat gloriosis, optimi Patris vestigijs, dignissimus filiorum ejus Xaverius, supra humanam id puto esse intelligentiam, quantam

quantam sanctitatis suæ gloriam, per utrumq; orbem, circumtulit, hic prodigiosæ virtutis Heros. Non diffiteor quidem ego, plurimo eum, heroicarū virtutum subsidio, ad metas consummatæ virtutis festinanter pervenisse, maximè tamen, ad moderamen rationis, coercitas passiones, ad tantam eum, virtutis sublimitatem, evexisse existimo: dum præclare factorum ejus scriptorem Turselinum, audio: ita differentem: *Omnes animi motus domitos, compressosq; in sua ditione habuit. Hinc illa perpetua mentis tranquillitas, & idem semper vultus.*

Æmulabatur SS. Patres, celebris sanctitate, in nostra Societate, ex diuturno vitæ Religiosæ Magister, P. Balthasar Alvarez, quo, dum viveret (ut S. Terefia ex Divino intellexit Oraculo) sanctiorem militans Ecclesia non habuit, quamvis illo temporis ævo, plurimi sanctitate conspicui, & jam à Vicaria Christi in terris Potestate, Sacra Apotheosis, insignes Sancti, eidem convixerint: ad quam ille, rei conformem, sanctitatis opinionem, suarum vel maximè passionum, evectus est, singulari dominio: ut de eo, dignus tanto, Magistro, discipulus, Pater Ludovicus de Ponte, testatur. *Divino eum Beneficio obtinuisse, ut sui ipsius, & affectuum omnium, tam exactū dominiū, ut nemo turbatū aut iratum viderit: passiones enim, quæ antea oberant, postea non solum non nocebant, sed rationi obtemperabant, in illis, ad quæ illa invitat. Abstineo, ab alia filiorum*

P. Balthasar
Alvarez imi-
tabatur SS. suos
Patres in edo-
mandis passio-
nibus.

*Cælesti in ter-
ris perfruitur
elicitate, quæ
domitas ha-
bet passiones.*

IGNATA, similium consummatæ virtutis docu-
mentorum enumeratione: cum satis hæc, quæ re-
censui, doceant, ut evincant, in absoluto passionum
dominio, summam sanctitatis consistere perfectio-
nem, & humanæ sortis felicitatem: ita ut jam cæ-
lestis consortes beatitudinis, in suo adhuc mortali-
tatis cursu, summâ perfruantur felicitate, homi-
nes illi, qui suas passiones habent in potestate. Do-
ctore venerabili Beda, ita attestante: sermone 18^o
de sanctis: *Quid hac vitâ beatius, ubi irascitur ne-
mo, nemo invidet, cupiditas nulla exardescit, nul-
lum honoris, desiderium pulsât, aut potestatis ambi-
tio.* Veluti enim cælestis Patriæ, Beati Incolæ, in-
de suam maximè experiuntur felicitatem, quod
nullis cupiditatum fluctibus, jactentur amplius: ita
cælestem planè æmulantur tranquillitatem morta-
les illi, qui in summa mentis pace constituti, suo-
rum affectuum imperant fluctibus, & procellis, ut
de ijs, ad imitationem Romani Oratoris, dici que-
at. Animum superare, iram vincere, cupiditatibus
imperare, fortissimi est: hæc qui faciat, non modò
ego eum, summis in terra viris comparo, sed cæ-
lestis etiam Imperij Indigetibus simillimum judico.
Tantum est, effrenes animi motus, rationi subje-
cisse! ut in hac etiam mortalis vitæ, lacrymarum
valle, frui cælesti beatitudine possis.

Scimus, ferventem spiritu vatem Eliam, cur-
ru flammeo, in sublimè raptum, per æra trium-
phasse.

phâsse. Igneis ille quidem equis vehebatur: Morales tamen Scripturæ Interpretes, suis eum strenuè edomitis passionibus, ad tantam gloriæ sublimitatem, provectum fuisse existimant: quæ equis igneis benè repræsentantur. Quasi dicant: ideo Prophetam, felicius fabuloso Phaetonte, igneos per æthera equos, rectâ ad paradysum direxisse, quod fervidus naturâ vates, suos posset fervores temperare. Vtor proinde firmo, à pari (ut vocant) argumento, quamvis in re diversa. Divi Apostoli Iacobi, cap: 5. suæ Canonice dicentis: *Elias, homo erat nobis similis, passibilis.* Quodsi tamen ille, suâ sibi non obstante, fragilis naturæ passibilitate, veluti effrenibus equis, suis poterat, frenum injicere passionibus, ut gloriosus per æthera triumpharet. Nos idem, Dei roborati gratiâ, præstare non poterimus? Absit ea à nobis ignominie labes. Aliàs, quâ fronte, & animo, unusquisq; nostrum, exprobrantem audiret Augustinum? *Potuerunt hi, tu non poteris?* En suarum passionum domitorem Eliam, imitati, tot insignes virtute, quos legisti Heroes, suis infrenatis affectibus, ad summum virtutis, & gloriæ culmen, mirâ celeritate cucurrerunt. Tu vires tibi, & animum, ad idem præstandum, deesse, quâ verecundie, & veritatis integritate, dices? Immo verò (nam meliora polliceri placet) simili perfectæ sanctitatis incensus studio, ad edomandam passionum tuarum ferociam, vires,

Fff2

& cona-

& conatus adhibebis omnes, Huc & nos, quotquot in Religiosæ Perfectionis agone, ad summam virtutis metam, & cæleste bravium contendimus, seriam conferamus operam, ut Heroicis Sanctorum vestigijs, per subjectas rationis dominio passionibus, in supremo sanctitatis gradu, passu concitatissimo, consistamus.

ALLOCUTIO VIII.

Perfectæ virtuti, quævis afflictio suavis.

*Ut quibusdam
viatoribus, ita
& solida vir-
tuti, sapiunt
molestiæ.*

Quantum in hominum animos possit, longo usu continuata assuetudo, quanquam multi mortales, potissimum tamen, experiuntur plerique viatores: qui dum continuis se exercent itineribus, eò felicitatis perveniunt, ut violentos ventorum insultus, imbrium procellas, solis ardores, cæterasque cæli injurias, ac viarum, per sentes, & rupes, asperas fatis molestias, non forti tantum, sed hilari etiam animo ferant, ac superent. Haud alia mens, & animus, longo, ac constanti passu, viam mandatorum Dei, currentibus viris inest perfectis, quibus omnes, naturæ molestiæ adversitatum, & afflictionum acerbitates, mirum in modum placent, ac sapiunt: ita,
ut se,

ut se, tum vel maximè felices, ac beatos esse existi-
ment, cum sibi plurimæ adversitatum procellæ,
incumbunt tolerandæ. Nec mirum, sciunt enim,
optimè, solidæ virtuti, deditæ mentes, summum per-
fectionis gradum, in percepta ex afflictionibus
suavitate, consistere. Quod ipsum, nos quoq; e-
docebunt.

Non sine mysterio, provida rerum natura,
effectricem mellei operis apem, acri ad pun-
gendum telo instruxit. Hoc enim (ut ego interpretor)
arcano, perfectæ virtutis studiosas mentes, edoctas
esse voluit: ex acribus, & punctivis afflictionum
telis, dulce solationum nectar emanare. Prout He-
bræo contigisse olim populo, gentis ejusdem Rex,
& Propheta testatur David: dum de Moyse, Tri-
bus Israel, ad perfectam pietatis culturam, in ere-
mo erudiente, Psalmo 80. narrat: *De petra mel-
le saturavit eos.* Mirum in primis est, coronatum
Vatem, constanter asserere, Hebræos in eremo, mel-
le de petra saturatos fuisse: cum nullam hujus rei
mentionem, Sacra faciat Historia. Scimus Moy-
sem, ut Sacer perhibet Textus, è duro silice, ad se-
dandam Hebræorum sitim, aquas elicuisse copio-
sas, sed mel de petra, eundem eduxisse, nusquam
Sacri memorant Fasti. Eccur tamen Prophetico
spiritu afflatus David, ait: Moysem, de petra. mel-
le saturasse Hebræos? Vnde verò, ea metamor-
phosis, quod aqua, in mellis transierit naturam?
nequa-

413
*Apes acribus
instructa telis
dulo nectar
colligunt.*

*Hebræi aquæ
mellis instar
sapiebant.*

nequaquam, eò rem deductam fuisse, testis est Chrysostomus, qui elicitum è rupe fontem, non substantiam, sed accidens mellis habuisse asserit. Neq; enim aqua, propriam amisit naturam, sed mellis mutuavit suavitatem: ut Hom. 2. ad populum Antiochenum os aureum ait: *Postquam sitientes Hebraei, ex indigentia defatigati, in frigidiores aquas inciderunt: ex potu, voluptatem aperire volens, mel aquam appellavit, non mutatâ in mel naturâ, sed bibentium dispositione, fluenta illa, melle jucundiora faciente.* Tantâ nimirum (ex mente S. Doctoris) siti æstuabat populus ille, ut destituta omni sapore aqua, mellis instar, sitibundis dulcesceret hominibus. Et meritò, siquidem fames, ac sitis, cibi & potus, optima sunt condimenta, ut regio in diademate, Proverb: 27. testatur Sapiens: *Anima esuriens, etiam amarum, pro dulci sumet.* Sed jam à literali, ad moralem Scripturæ sensum, transeamus. Quid durities petrae, quid aquæ insipidus liquor? nisi adversitatum, & afflictionum designat molestias? quibus se circumfusus sentiebat ille, qui ajebat: *Intraverunt aquae, usq; ad animam meam,* Psal: 68. Quod si, charitate mens quæpiam æluet, & multa pro Amore Dei pati sitiat? facile ei, quivis afflictionis silex, melle dulciores, tribulationis aquas propinabit. Nulla ei, seu aliunde inflicta adversitas, seu sponte assumpta afflictatio, propter Deum non dulcescet.

*Adversitates
vires perfectis
necesse.*

Sensit

Sensit eam, tribulationibus inesse suavitatem, perfectissimum sanctitatis humanæ exemplar, Salvator noster Christus, cum ardenti desiderio accensus diceret: *Desiderio, desideravi, hoc Pascha vobiscum, manducare.* Quod non solum de Eucharistico Epulo, sed de cruenta ejusdem Salvatoris passione, explicant multi Interpretes. Sed quid, plena acerbis doloribus, Christi passio, cum Paschalis convivij solennitate habere poterat convenientiæ? ut ad eadem, veluti ad suavissimas epularum delicias, Salvator noster Christus, anhelaret? Funes tibi, & catenas, virgarum fasces, spinas, clavos, crucem, & vinum myrrhâ conditum, Optime IESU, scitities parat Iudaica, & tu hæc crudelia, acerbis doloris tui, & funestæ necis tormenta, suaves vocas epulas? doloribus impleberis, & tu ad hæc, veluti ad instructam dapibus deliciosis mensam, tantâ aviditate properas? Tanto videlicet, pro Dei Gloria, & salutis humanæ augmento, patienti desiderio, tenebatur Redemptor noster, ut ei, ipsa suppliciorum amaritudo, dulcis esse videretur. *Cruciatus enim (ut ait Cyrillus Alexandrinus) & opprobria, delicias esse putabat.*

Eundem planè, in afflictionibus habebat gulum, ad sui Salvatoris imitationem Protomartyr Stephanus, cui, ut de eo, vaticinatum est: *Lapides torrentis dulces fuerunt.* Siquidem, inter ipsam ingruentium lapidum procellam, Beatus Athleta

Christus D.
passionem suam,
suas epulas appet-
labat.

SS. Stephanus
& Paulus pa-
tri, amici erant.

athleta iste, cælestibus repletus delicijs, agebat: *Video calos apertos, & IESVM stantem a dextris Dei, Actor 3.* Experiebatur similem tribulationis svavitatem, oratione Stephani, fidelibus aggregatus, Doctor Gentium Paulus: ille enim, sive ter virgis cæsus, quinque quadragenas passus, saxorum turbine lapidatus, in profundum pelagi merfus, probris affectus, sive vigilijs, & jejunijs maceratus, frigore & nuditate afflictus, fame & siti enectus, ultro sibi inflictis verberibus castigatus, cæterisque calamitatibus, supra quàm dici, cogitariq; potest exagitatus: In his omnibus mirâ animi svavitate perfusus, quas læto pectore, non poterat continere delicias, his ad extra verbis exultabundus promebat: *Superabundo gaudio, in omni tribulatione, 2. ad Co 7.* Ita huic consummata virtutis viro, sapiebat Deus, ut in acerbissimis quibusque afflictionibus, propter eum toleratis, cælestem planè experiretur svavitatem, ut de eo, aureo ore, loquitur Chrysostomus, Hom: 23. in Genesim: *Paulus inquit, cum videret tentationes, quasi nivis cumulos, quotidie ingruentes, non aliter, quàm si in medio paradiso vixisset, gaudebat.*

SS. Martyribus tormenta lepiebant.

Insistebant Apostoli vestigijs, laureâ Martyrij coronâ insignes Heroes, qui tormentorum exquisita supplicia, inter summas reputabant delicias: Ex eorum numero, erant Marcus, & Marcellianus, Romani Martyres: quos ab Ethnica crudelitate, pedibus

pedibus clavis confixis, ad stipitem alligatos, cum tyrannus, quid sibi animi superesset, interrogaret? Nunquam se jucundius epulatos esse, responderunt, quam cum hæc, libenter Christi causam perferrent, & hoc, quam diutissime tolerare, sibi in votis esse.

Quod in Paulo deprædicavit, hoc ipse suum æmulatus Doctorem, præstitit abunde Chrysostomus: nam cum non Eudoxiæ Imperatricis tantum, muliebribus furijs exagitatus, sed Episcoporum etiam, conjuratam in se invidiam oppressus, insuper ab Arcadio Imperatore, in exilium, pulsus, infinitis prope calamitatibus, de industria affligeretur, omnia hæc, læto semper animo exhauriebat: ut ipsemet Epist. 14. ad Olympiadem, ita suam effudit lætitiā: *Quis enim, quæ nobis in via, perferenda fuerunt, oratione complecti queat? pericula, mortes, quæ quidem ipse, quotidie recordans, animoq; circumferens, præ lætitiâ volito, & exulto: ob idq; te obsecro, ut hoc nomine læteris, gaudeas, exultes: Deumq; cujus beneficio hæc consecuti sumus, laudes, ac celebres.*

Sed jam ab extraneis, revocor ad domestica, ejusmodi consummatæ virtutis documenta. Quam sublimè sanctitatis culmen, attigerit, in primis Beatus Pater noster IGNATIVS, inter plurima, quæ id demonstrant argumenta, est læta & insatiabilis, adversitatum tolerantia, tanti enim æstimavit ille,

Ggg

perse-

S. P. Ignatius
miram in ad-
versitatibus eo
periebaturs
vitatem.

persecutiones, vincula, & verbera sibi pro Christo, non raro inflicta, ut teste Maffei, diceret. Si, quæ à Deo creata sunt, omnia, alterâ in parte stateræ collocarentur, in alterâ verò, carcer, catenæ, calumniæ, & his similia, vix illa omnia, præ istis, momentum ullum, apud se habitura. Sed enim, diceret aliquis, Beato Patri, inter cæteros procreatrix Dei Potentiæ effectus, cæli delicias, & æternæ beatitudinis felicitatem recenseri. Ergone horum, quoq; valori, ac suavitati, tristis naturâ, quævis afflictio anteposenda erit? objectioni, certo certius, responderet IGNATIVS: cælestem quidem Beatitudinem, se non aspernari: persecutiones tamen, probra, calumnias, & voluntariam rebus in omnibus mortificationem, illis anteposere. Immo malle se, incertum æternæ beatitudinis vivere, & interim, pro Deo, & proximorum salute, plurima pati, ac tolerare. Vnde proveniebat, ut quamvis ille, plures ærumnas, ac ludibria devoraverit, vincula, ac verbera, pæne ad mortem usq; perpeffus fuerit, plura tamen, pro domini sui gloria pati, fame insatiabili expetebat. Coortas verò, in totum societatis suæ agmen, undecunq; adversitatum procellas, summo perfusus gaudio, lætâ fronte excipiebat. Hinc cum aliquando in allatis literis, graves eidem undequaq; tempestates, contra Societatem commoræ, ex Hispania nuntiarentur, in læto id omine, censebat numerandum, illamq; ad
versita-

verſitatem, optimi in Societate præventis, prænun-
tiam eſſe. Eò enim, (inquirebat ille) uberiores, læti-
oresq; terræ ſolent fruges effundere, quo major eſ-
ſet hibernæ tempeſtatis antegreſſa triſtitia: Socie-
tatemq; ſemper in ijs locis, fuiſſe fæcundiorẽ, u-
bi magis vulgò depreſſa, majoribuſq; jaçtata inju-
rijs fuiſſet.

Beato Patri, digniſſimum ejus filium, accen-
ſeamus Xaverium. Quanta virtutis moles, fuerit
viri hujus Apoſtolici, eſſi humanæ cogitationis ra-
tio aſſequi nequeat, ex ea tamen, quam ille in re-
bus adverſis, percipiebat animi voluptate, facile
ſanctitatis ejus ſublimitatem, metiri poteſt. Quã-
to hic Antipodarum Apoſtolus, ad extremam uſq;
ſui defatigationem, exantlatos labores, barbarorũ
odia, & perſecutiones, inſlicta ab inferni etiam le-
muribus verbera, cæli tempeſtates, viarum, terrã
marĩq; ſuſcepta incommoda, inediaſ pæne con-
tinuas, ſuper nudam humum, aut nauticos funes,
quietis capiendæ conſuetudinem, cæteraſq; afflicti-
onum moleſtias, tulerit, vultu ſemper ſereno, &
animo ad lætitiã ſupra modum effuſo, nemo ſa-
tis dicere, ac ne cogitare quidem poteſt. Adeo ei,
graviffimæ quævis afflictiones ſapiebant, ut eis cæ-
leſtes etiam delicias, quibus abundè, non rarò im-
plebatur, poſthabere videretur. Vnde voluptati-
bus, Divinã liberalitate, in ſe copioſè effuſis, quaſi
ad nauſeam ſatiatus, modum imponi petebat, ſæ-

*S. Xaverius
pati, in deli-
cijs habebat :*

pius inelamans: Satis est Domine, satis est. Iam
verò labores, ærumnas, desolationes, aliosq; afflic-
tionum cruciatus, insatiabili quadam orexi, conti-
nuò appetebat, dum eis abundè repletus, ampliùs,
inelamabat Effudit eam, in afflictionibus exube-
rantem lætitiā, calamo in chartam, dum ex Ia-
ponia, socios Goæ degentes, sic per literas est al-
locutus: *Quæso vos Fratres Charissimi, ut me in a-*
gendis Deo gratijs, pro tanto beneficio, adjuvetis.
Iam singulari Dei munere, in Iaponiam perveni-
mus, summa est rerum omnium inopia, quod qui-
dem in maximis Divinæ Providentiæ beneficijs nu-
m ero. Eundem in eo affectum, demonstrant lite-
ræ, ex Maurica ad socios Romanos scriptæ lib: 2.
Ep: 6. Terra, inquit, est aspera, & sterilis alimento-
rum, frumento, & vino caret: caro quid sit? fere
incolæ ignorant, aquæ dulcis magna inopia. Reli-
qua sçq; similes, postquam recensuisset egestates, ac
miserias, subnectit deinde: Hec vobis Fratres Cha-
rissimi, eò scripsi, ut sciatis, quantum hæ Insule, cele-
stibus affluant gaudijs: nimirum hæc omnia pericu-
la, atq; incommoda, Christi Domini nostri causâ, su-
scepta, thesauri sunt celestibus solatijs refertissimi:
sic prorsus: ut has Insulas, appositas esse credas, ad
lumen oculorum, pascentes animum, in suavissimi
fletûs suavitate perdendum. Equidem nunquam
me, tam liquidâ perpetuâq; animi voluptate, perfu-
sum esse memini, nec tam leviter, labores omnes &
ærumnas

ærumnas corporis pertulisse, quàm cum Insulas concursarem istas, inimicis cinctas, easdemq; vel morborum subsidijs, vel vitæ tuendæ præsijs, atq; adjumentis destitutas. Itain hunc, toto agmine irruentes ærumnæ, solidæ virtutis Virum, non eum aliquâ amaritudine affecerunt, sed mirâ dulcedine delibutum, recreârunt: adeo ut non horridis egestate & tribulatione Insulis, sed cælesti paradiso, sibi interesse videretur.

Mitto alios prope innumeros, consummatæ virutis, Societatis nostræ viros, eo ulq; perfectioni deditos, ut nihil magis in votis, ac etiam delicijs haberent, quàm pro Dei Amore, aspera quæq; pati. In præclarum Religionis nostræ decus, & Ordinis Præpositum Generalem S. Franciscum Borgiam, essem injurius, si ejus hoc loco, admirandam virtutem, tacitus præterirem. Magnam fateor, orbis miratur in eo sanctitatem: sed non minorem, erga omne afflictionum genus, suspicit amorem. Ita ille, universis afflictionibus afficiebatur, ut nihil ei saperet, quod non esset aliquâ molestiâ conditum. Vnde illa maxime edulia, gustum ejus recreabant, quæ suo amarore, eundem affligebant. Illæ ædes, præ Regum, Principumq; Palatijs, magis placebant, quæ ruinas agerent, & perviæ ventis, ac imbribus essent. Illud iter, erat ei amænissimum, quod, pluviâ madidus, nivibus obsitus, frigore congelatus, aut sole adustus, conficiebat. Hoc itineranti hospitale,

S. Francisco
Borgia solus
nisi insipidasse
piebant

tale, videbatur ad gustum, in quo ad reficiendas,
 & exhaustas ex itinere vires, nihil cibi ac potus repe-
 rirer, ac stramen etiam fessio corpori deesset.
 Quibus delicijs, minimè contentus, in multam no-
 ctem, corpus severâ, ac cruentâ castigabat diver-
 beratione. Cum verò prostratis viribus, satis sibi,
 pro voto fecisset, pansi ad Deum manibus, oculisq;
 in cælum defixis, laudes ei persolvebat: quod se ta-
 li solatio, ac voluptate digniretur. Et hoc demum
 est, virtutem ex digno colere, cui nihil unquam
 triste, & acerbum poterit contingere: sed omnia
 sapiunt, quæ aliorum debiliior virtus, non sustinet.
 sed horret, & nauseat. Applaudit & Chrysosto-
 mus: *Excellentissimus*, inquit, *virtutis gradus est,*
non solum patienter, sed letanter quoq; res adver-
sas perferre.

*Amor Dei &
 Exemplū Chri-
 sti, dulces fa-
 cit adversitates*

Neq; verò mirum, cuiuspiam videatur, solidæ
 virtutis Heroibus, omnes afflictiōnum acerbita-
 tes, tantopere sapuisse: noverant enim illi optimè,
 eos, quibus ejusmodi, sunt ad gustum alimenta, in-
 ter dilectos Dei filios accenseri: Paulo attestante:
Quem diligit Dominus, castigat, flagellat autem o-
mnem filium, quem recipit. Ad Hebr: 12. Excita-
 bat in illis, & illud, insatiabilem afflictionis famem,
 quod humanâ in carne Dei Filium, non alio nisi tri-
 bulationum cibo, scirent fuisse enutritum. Si enim
 simplex, & rude lignum, amaris naturâ aquis, à
 Moyse injectum, salubres, & gustu syaves, fecit eas-
 dem?

dem? quid in hominum animis, non efficiet, Salvatoris nostri patientiâ, crux delibuta? de qua ille, cum singulari gusu, agebat: *Hanc amavi & exquisivi, a juventute mea.* Sap: 8: faciet procul dubio, dulces nobis, omnes afflictionum ærumnas. Alliciuntur ad easdem adversitates, suaviter tolerandas, perfectæ virtutis percupidæ mentes, quod non dubitent, deliciarum epulis, quamvis è cælo submissis, virtutem sensim emolliri, ac enervari: duriori verò affl. et cnum alimento augeri, ac roborari. Proinde, non consolationum lacte, puerilem teneritudinē, sed solido afflictionum cibo, virile virtutis robur nutriunt, ac roborant. Narrant naturæ animalium, accurati indagatores, robore & fortitudine, cæteris volucribus præstare struthionem, nec mirum, ferro enim, iisdem testibus, pro cibo, ales hic vescitur. Quod naturæ in struthionibus, hoc in solidæ virtutis hominibus, virtus efficit: quibus, dum ferro durior, quavis adversitas, tibi instar delicati sapit, fortes efficit. Hinc credo, tribulationibus copiosè passus, prodigium patientiæ Iob, struthionum societate gloriabatur, dum diceret cap: 30 *Socius fui struthionum*, quod afflictionum, ferreo planè, quò alebatur nutrimento, insuperabili robore, ac viribus augeretur.

Hæc planè nobis vovet, ac optat S. Apostolus Iacobus, ita nos in sua Canonica cap: 1. adhortatus: *Omne gaudium existimate Fratres, cum in*

varias

Struthio assumit robur, ex ferro quo vescitur.

Stabilitas in tribulationibus, perfectæ sanctitatis, documentum est.

varias tentationes incideritis. Annuit Apostolo, & noster insignis, in spiritu Doctor, Thomas à Kēpis, dum lib: 2. cap: 12. ad unumquemq; nostrū directo sermone, rem concludens ait: *Quando ad hoc veneris, quòd tribulatio tibi dulcis est, & sapit pro Christo, tunc bene tecum esse existima, quia invenisti paradysum in terra.* Hoc enim præstat perfecta virtus, ut illi solū experiantur se, teste scripturā Deutor 32. *Sugere mel de petra, oleumq; de saxo durissimo,* qui ex ipsa afflictionum duritie, dulcem animo percipiunt suavitatem: eoq; ipso, in viros evadunt perfectos.

ALLOCUTIO IX.

*Conformitas cum voluntate
Divina, facit securum, & sva-
ve Perfectionis iter.*

*Qui Divinam
sequitur volū-
tatem, nulli
errori, aut mo-
lestie obnoxio-
sus est.*

Magna est, spiritualis profectus nostri, ex eo infelicitas, quòd non tantū, viam Perfectionis, ingredi incipientes, labi, deficere, aut quòd pejus est, retrò etiam abire soleant: sed illi quoq;, qui se non procul jam, à perfectæ sanctitatis metâ, abesse existimant, interdum à recto tra-
mite,

mite, defleunt : aut postquam , suscepti itineris
 rādere eos cæperit, molestiā victi, de cursu remit-
 tunt. Quod, ne unquam viris prope jam perfectis,
 contingat, Divinam in omnibus Voluntatem am-
 plecti, eiq; se ad amissim accomodare studeant.
 veluti enim, qui ducem itineris gnarum, & ad le-
 vandas viæ molestias, accommodatum sequitur,
 non solum aberrare, sed ne quidem, molestum i-
 ter, sentire poterit : ita qui in via Perfectionis,
 Dei Voluntatem Ductricem habent, nulli unquam
 errori, aut molestiæ, obnoxium iter tenebunt. sed
 tuti, & hilares, ubiq; pergent. Scimus populum
 Israeliticum, prosperè ad terram promissionis fu-
 isse deductum, duplici columnâ, quarum una i-
 gnem, altera referebat nubem. Collucens liqui-
 dem, ante eos ignis, rectum, ac securum, monstra-
 bat iter. nubes verò, umbraculi instar, à ferven-
 tioris cæli, urenti æstu, protegebat viatores, &
 svavem pergentibus faciebat viam. Bina hæc, i-
 gnis, & nubis columna, Divinam nobis Volunta-
 tem, optimè, adumbrat, & graphicè exprimit :
 cujus, quicunq; ductum, constanti passu sequitur,
 igne illuminatur clariùs, ne obrutus inscitiae tene-
 bris, in devia feratur erroris. Nobis verò imagi-
 nem, ideo Dei Voluntatis præfert, quia sequaces sui,
 & ab annexis viæ periculis protegit, & cælestis so-
 latij gratum instillat rorem. Vtrumq; hoc Divinæ
 Voluntatis beneficium, ut experiamur, ejus nos du-

*Divina Volū-
 tas illustrat,
 & protegit*

Hhh

Qui,

*Viri etiam
perfecti, inter-
dum à semitis
justitiæ aber-
rant.*

Qui, in omnibus conformare velimus.

Quamvis vias Domini, notas habeant, & in eis alacriter currant, viri ad Perfectionis culmen, pro viribus connitentes, non raro tamen, nescio quâ menti offusâ caligine, à semitis justitiæ aberrant, & gravibus afflicti adversitatibus, ægrescentes animo, lento nimis passu, in via Perfectionis progrediuntur. Certè, prope jam ad supremam sanctitatis metam, evaserat vir secundum cor Dei David. Vias enim mandatorum Dei, cucurrerat festinus. Erat ei mens, luce Divinâ affatim illustrata, semitas justitiæ, ita notas perspectasq; habebat, ut eas, non ipse tantum calleret, sed iniquos etiam, vias Domini doceret, & errantes, ad rectâ salutis semitam, deduceret. Ecce verò, talis, tantusq; viarum Domini, optimè gnarus viator, post emensum prolixi itineris spatium, & exantlatos molestioris viæ labores, pecudis instar, lumine rationis destitutæ, à rectâ sanctitatis viâ, procul aberravit, ita, ut errabundus, dolenter ingemisceret: *Erravi sicut ovis quæ perijt.* Hinc, illa, exultantis animi, in viâ Domini, ejusdem viatoris hilaritas, in tristitiam versa, gravem mærore animû, in dies conficiebat: ut iterum, Psal. 37. querulosus diceret: *Contristatus, totâ die ingrediebar.* Ita, solidè addictas, sanctimonix, mortalium mentes, interdum agit transversum error, interdum graviter opprimit, retardatq; mæror. Porro ad evitandum, in

dum, in viâ Perfectionis, utrumq; illud malum, Divina voluntas, sequacibus suis submovet, & avertit.

427

Quod ad errorem attinet, ita eum sap: 5. miseri erronei illi, ad inferni præcipitium deducti, acerbè nimis, deplorant: *Ergo erravimus in via veritatis* Causam verò erroris, non aliam prætendunt, nisi quòd sol justitiæ, non luxerit eis. Solem ego, Divinam Voluntatem, meritò dixero: Veluti enim princeps planetarum sol, florem heliotropium vacari solitum: semper obverso, in lumen cæleste vultu, sequacem habet: ita mortalibus, Dei voluntas, solis instar, præluceat, ut ejus secuti ductum, Divinâ luce, nunquam destituantur: à qua, quia miseri erronei illi, oculos, & animum, avertabant, ideo ad inferni barathrum delapsi, toto cælo erraverunt. Non Divina illis, sed propria voluntas, tædæ instar infernalis, in viâ iniquitatis prælucebat, quam secuti, ad æternæ perditionis metam, erroneo, & irrevocabili passu, devenerunt. Annu- it veritati Bernardus, dum ait: *Cesset propria voluntas, & infernus non erit.* Quasi dicat, nullus mortalium, crudele illud Erebi antrum, errabundus intrat: nisi ille, qui propriæ voluntatis, ubiq; sequitur ductum. Hoc, omnium pessimo duce, primogenitus mortalium Cain, erro, & profugus, suæ infelicitatis terminum, non tantum ipse reperit, sed omnibus insuper, propriæ voluntatis sectatori-

*Solis instar
Dei voluntas
præluceat ho-
minibus.*

*Voluntas pro-
pria, æternæ
damnationis,
Divina, salu-
tis, est fons, &
origo.*

Hhh2

bus, ad

bus ad inextricabilem, æternæ perditionis Labirinthum, tritum iter reliquit: Quibus, tristis illa nœnia, Apostolico Divi Thadæi ore, occinitur: *Vae illis, qui in viâ Cain abjerunt.* Veluti enim istum, ex humana progenie, primum, Erebi incolam, ad omnium infelicitatum farraginem, sua voluntas deduxit: ita & cæteros, humani generis voluntarios viatores, idem excipit, omnibus infortunijs refer-tum chaos. Alia est fors, conditio longè diversa, eorum, qui non propriæ, sed Divinæ Voluntatis, nutum sequuntur ubiq; Cælum illis, hoc est, omnis felicitatis congeries, meta est. O si Beatos, boni perennis comprehensores, liceret intueri, & audire: cujus ductu & adminiculo, tot erroribus obnoxios mortalitatis suæ calles, & perplexos anfractus, superârunt? omnes unanimi sensu, & ore, Divinam Voluntatem deprædicarent, quæ unumquemq; *justum, deduxit per vias rectas, & ostendit illi regnum Dei.*

*S. Paulum cō-
formitas ad
Dei voluntatem,
multas
fecit superare
difficultates.*

Assertam veritatem, ut clariùs intueamur, in Apostolum Paulum cursu contendentem, oculos & animum convertamus. Difficile dictu est, quantas inter difficultates, & pericula, egerit iter suum, viator isle: quæ fusiùs recensentem, ipsummet audiamus: inquit ille 2. Cor. II. *In itineribus sæpe, periculis fluminum, periculis latronum, periculis ex genere, periculis ex gentibus, periculis in civitate, periculis in solitudine, periculis in mari, periculis in*

culus in falsis fratribus: cæterisq; ejusmodi difficultatibus, iter suum fuisse infestum asserit. Stupendum profectò prodigium est, S. Apostolum, tot tantisq; perplexitatibus, ac periculis strenuè superatis, cursum feliciter consummâsse, & in in æterna felicitate, coronam iustitiæ obtinuisse. Sed quis tandem, imbecilles naturâ, gressus ejus direxit? Quis eum, adeo perplexâ, & difficili viâ, ad Beatæ Perennitatis metam, constanter deduxit? Certè non alio duce, adeo arduas viarum difficultates, superavit, & evasit, nisi Dei Voluntate, cui se devoverat, & ex toto adhaserat, fortunatus viator isse. Cum enim post plurimos, quos in suo Iudaismo commisit errores, Divinâ vi, felici casu, prostratus, de terra surgeret, aliam Christianæ, & Apostolicæ perfectionis viam, initurus: illico, à Divinâ voluntate, duci se, dirigiq; postulavit, dum ita opem, & subsidium ejus inelamavit: *Domine, quid me vis facere?* Quasi diceret: mea me, cujus hætenus, cæco impetu sequebar ductum, misera voluntas, in tot induxit errores & permisit lapsus. Absit, in posterum, à me, ut huic pessimo duci, viam vitamq; committam meam. Tu mihi abhinc, optima Dei Voluntas, itineris mei, Dux comseq; eris. Tu me, tuas docebis vias. Tu meos diriges gressus. Macie animo fortunatissime viatorum, restâ & regiâ perges securus viâ, & propositam æternæ salutis metam, felix attinges: postquam ita gnarum,

gnarum, ac falli nescium Ducem, in societatem itineris tui, adscivisti. Et certè votis, respondit abundè eventus: siquidem Paulus, Divinæ pedisequus voluntatis, & viâ Iustitiæ, ne lato quidem ungue, discessit unquam: & mortali adhuc sarcinâ corporis gravatus, ad tertium usq; cæli sacrarium, penetravit. Nunquam enim Divina voluntas, eos aberrare, aut periclitari sinit, quos sibi jugiter adherere videt.

*Divina voluntas multas Religiosos facili-
tat difficultate*

Quanquam omnes Christiani, potissimum tamen Religiosi viatores, in hoc, quod arripuimus, Perfectionis itinere, graves, & plurimas experimur difficultates: occasiones errandi, habemus fere innumeras, periculis subjacemus prope infinitis. Sæpe enim quod vitium est, virtutis species existimatur: passione interdum movemur, & zelum putamus: dum discreti esse volumus, amor proprio, aut sensualitati litamus: magisne nobis, afflictio animi, an consolatio, conducat ad profectum? ignoramus: fugit non rarò, latetq; nos, utrum sanitas, & firma valetudo, an debilitatæ morbo vires, fortiores nos, & aptiores, Dei obsequio reddant? prosperisne, an adversis, plus exerceatur virtus? haud faciliè concludimus. In his proinde, cæterisque similibus, Divinæ nos committamus Voluntati, cujus secuti placitum, non nisi ea, quæ profectui nostro sunt profutura, eligemus.

Habet,

Habet, & meritò quidem, suos panegyri-
stas, celebris illa Sponsa Christi, Diva Senensis Ca-
tharina, quòd cum sibi sponsus suus, geminam ob-
tulisset coronam, unam auro, & gemmis fulgen-
tem, alteram spinis, & aculeis rigentem, optio-
nemq; dedisset, alterutram eligendi: præcisâ omni
ad deliberandum morâ, pia illa Anima, postposito
diademate pretioso, fertum spinis horridum, ma-
nibus apprehendit ambabus: quâ electione, tan-
tùm sibi, apud cæli teraq; incolas, comparavit glo-
riæ, quantum, Christo compatiendi, præsetulit de-
siderij. Magnum fateor, fuit hoc virtutis documẽ-
tum, dignum omni e'ogio factum. Cæterum non
minor, immo ut verum, (prout sentio) dicam,
solidior, perfectæ virtutis nota, apparuit in alterâ,
non minùs sanctimoniâ, celebri virgine, S. Gertru-
de: huic, cum se aspectabilem (ut Lovidovicus
Blossius, in Monili Spirituali meminit) præbuisset
Christus, protensis ad eam manibus, ita loqueba-
tur: Hâc manu, ajebat, defero morbos, persecu-
tiones, desolationes, cæteraq; adversitatum gene-
ra: hâc verò præsentò, corporis sanitatem, animi
consolationem, hominum gratias, ac favores, &
id genus alia: Elige filia, utrum placet? Quid hîc
ageret Gertrudis? si prospera eligat? amorî pro-
prio favere videbitur: si adversa? præfidentia, ne
dicam audaciâ, notam incurret. Prudentissimè i-
taq; elegit neutrum, sed plicatis ad præcordia, in
crucem

431

*S. Catharina
senensis fertū
spineum præ
aureo eligens
laudem pro-
mevit.*

*S. Gertrudis
prospexit
& adversitatū
electionem, Deī
committens vo-
luntati, laudis
palmam præ-
ripuit.*

crucem manibus, in genua procumbens ait: O Domine mi, id ego à te, votis omnibus contendo, ut non meam, sed tuam attendas Voluntatem: ideo ad utrumq; parata, eligo neutrum. Tuum est Domine dignoscere, utrum hoc, an illud mihi relin- quas, feram æquali animo, quidquid horum obtu- leris. Quod responsum, ita Christo arrisit, ut dice- ret: Noveris filia, quod nemo, rem mihi gratam magis præstare, et me, efficacius ad se trahere queat, quàm si mihi, suam, ex integro resignet vo- luntatem. Sic edocta Gertrudis, precatiunculam, his verbis conceptam: *Non mea, sed tua Voluntas fiat IESV*: 360. vicibus, per dies, cum suavissimo gustu, repetere, in usu habebat: quâ orandi me- thodo, vix dici potest, quantum cælestium merue- rit gratiarum, & quàm recto tramite, ad beatæ fe- licitatis metam pervenerit.

*Prospera &
adversa Divi-
nae voluntati
committantur.*

Quòd, cum hac pia anima, actum est, idem nobiscum agi, existimemus. Occurrunt non raro menti cogitationes, & varij à Deo profecti instin- ctus, quasi optio, eligendi daretur: ægrone, an va- lenti, corpore, famulari Deo velimus? subit ani- mum deliberatio: utrum speciosis, & plausibilibus, an abjectis, & vilibus munijs, nos distineri, ad Divi- nae Gloriæ, & nostri meriti augmentum, magis ex- pediat? Anxia sæpe mente pendemus: plusne Deo placeat? in Xenodochijs, & sterquilinijs, extremæ sortis pauperibus, impensus salututaris, totâ vitâ labor

labor, an è suggestu ad selectas eruditafq; aures, pro-
 lata, cum plausu dictio? Incerti animo hæremus:
 magisne aridi, desolati, & angustiiati, an supernis
 pleni solatijs, de Deo, & nostra salute mereamur?
 In his itaq; omnibus, cæterisq; similibus, nisi nos Di-
 vinæ Voluntati, ex integro committamus, facile
 errore abducti, à recto tramite deviabimus. Velu-
 ti enim ignarus itineris viator, si in bivium incidat,
 quam, ex duabus, viam arripere debeat? incertus
 animi hæret: quod si alterutram ex suo sensu eli-
 gat, à proposita sibi meta plerumq; aberrat. Iam
 si peritum, & fidelem ductorem habeat citra peric-
 ulum erroris, ad destinatum terminum pergit
 securè. Idem planè & nobis, contingere solet. quo-
 ties enim electioni nostræ, aliquod rerum gerenda-
 rum occurrit bivium, si nos ad alterutram partem,
 nostra voluntas in linat, sæpe errare facit: at si ad
 neutrum propensi, Dei nos indifferenter conforme-
 mus Voluntati, rectâ, citra errorem, pergemus viâ.
 Et hanc, salutis æternæ unicè necessariam, ad Dei
 Voluntatem, indifferentiam, seriò inculcat nobis
 B. Pater IGNATIVS, dum in suorum Exercitiorû
 Fundamento ait: *Quapropter debemus, absq; disse-*
rentia, nos habere, circa res omnes creatas, ita, ut
(quod in nobis est) non quæramus sanitatem magis,
quàm aegritudinem, neq; divitias paupertati, hono-
rem contemptui, vitam longam, brevi præfera-
mus. Sed Divinam in omnibus Voluntatem exequi
studeamus.

*In electioni-
 bus nostris, i-
 gnarum itine-
 ris viatorem
 expedit imita-
 ri.*

At enim, (occurrēt nō nēmini dubium) unde Dei Voluntatem, ad hoc potius, quā illud, nos inclinātem, intelligemus? cum Deum nobis loqui ad extra, nunquam contingāt audire, internam verō ejus vocem intelligere, nō satis possumus. Sed adsunt nobis præsso, Divinæ Voluntatis, certi, fidiq; interpretes: seu ad vocationis nostræ exigentiam, conscriptæ Leges: seu, qui vicariâ Dei potestate funguntur, nostri Superiores. Et de Legibus quidem, Instituti nostri, certum est, in illis omnibus, & singulis, Divinam comprehendī Voluntatem: si quidem eas Beato Legislatori nostro, Divino ore, suæ voluntati concordissimo, communicatas esse, nulli dubitamus. Neq; verō minori certitudine præstant, immo Æternæ Veritati, æquiparantur & illa, quæ per Superiorum nostrorū, nobis intimantur edicta: Divino de illis, ita attestante Oraculo: *Qui vos audit, me audit.* Unde facile intelligimus, si veræ fidei, refractarij, esse nolumus, Divinam Sapientiam, ac Bonitatem, sicut per se, ita & per suæ Voluntatis, dictos Interpretes, falli, aut nos fallere, minimè posse. Habemus itaq; Perfectionis nostræ, nulli omnino errori, obnoxium iter: Si Divinæ, ita nobis intimatæ voluntati, in omnibus obsequi voluerimus.

Alterum viæ nostræ incommodum est, quòd cum alacres, & hilares cursum diu continuaverimus, postea sensim, conceptâ quâdam animi ægritudine,

tudine, tristes lentescimus, ex eo potissimum, quòd nobis, in hoc itineris passu, nec pauca, nec levia, contingunt adversa. Svaviter certè, vias Domini decurrebat ille, cui cantabiles, hoc est, svaves ac jucundæ, erant omnes justificationes: postea verò, malis aggravatus, in illos gemitus erumpebat: *Heu mihi, quia incolatus meus prolongatus est!* Vel, ut S. Hieronymus, ex Hebræo legit: *Heu mihi, quia peregrinatio mea prolongata est!* Ita plerumq; viros etiam, Perfectioni prope jam vicinos, verum variè afflictos, piget tædetq; viæ, gratiâ sanctitatis susceptæ. Hinc illæ (si votis non respondet eventus) amarescentis animi, tristitiæ: si subtrahâ cælestis solatij svavitate, tristis ingruat desolatio, angustia, mentis tædia: quæ omnia, sanctitatis viam, immo & vitam, multis reddunt amaram. Sed istæ etiam, animæ amaritudines, Divinâ Volunte leniri, facile possunt.

Ad stabiliendum propositæ veritatis assertum. Perfectissimam totius sanctitatis Ideam, & Exemplar, Salvatorem nostrum, in memoriam revocemus. Nullâ puto, verborum energiâ, sufficienter exprimi posse, cum quanta, exultantis animi lætitia, Æternus Dei Filius, humanam carnem indutus, susceptam pro nostrâ salute, viam egerit: ita, ut de illo, dictum à Propheta intelligatur: *Exultavit ut gigas, ad currendam viam suam.* Svaves illi, & jucundi, usq; ad virium defatigationem,

*Christo Domi-
no, Patris vo-
luntas, omnes
arumnas sua
vis faciebat.*

erant nostri causâ, tolerati labores: sapiebat rerum
 omnium inopia, delectabatur, diebus noctibusq; ,
 continuatâ inediâ: insuper saturabatur opprobrijs,
 veluti epulis sapidissimis: libens perferebat obtre-
 ctationes, calumnias, & persecutiones: verbo, per-
 fectus Doctore Gentium, *In omni tribulatione su-
 perabundabat gaudio:* Ecce autem, dum supremo
 vitæ mortalis appropinquaret termino, *Capit ta le-
 re & maestus esse:* & ait, *Tristis est anima mea, usq;
 ad mortem.* Et quâ tandem ratione, adeo exube-
 rantem, in extremo agone, maroris amaritudinem,
 condivit sibi, afflictissimus Servator noster? En ad
 Aeterni Patris Voluntatem, veluti ad suavissimum
 nectar, recurrit, dum in ea amaritudine constitutus,
 sæpius ingeminat: *Pater fiat Voluntas tua.* Immo
 illum ipsum, calicem, toxico omni acerbiozem, fa-
 mulantis Angeli manu, sibi porrectum, non alio,
 nisi ejusdem Paternæ Voluntatis condimento, dul-
 cem reddidit, dum diceret: *Pater mi, si non potest
 Calix hic, transire, nisi ut bibam eum, fiat Volun-
 tas tua.* Matth: 26. Et ita amarissimum passionis
 suæ calicem, adeo suavi cum gustu exhausit, ut o-
 mnia, seu verborum convitia, seu verberum cruci-
 amenta, delicias inter, & cupedias reputaret: ut
 etiam cum Psalte, exultabundus plauderet: *Calix
 meus, quàm præclarus est!*

*Dei voluntas
 omnes molestias
 emollit.*

Quo suo, Servator noster facto, nos edocuit,
 nihil tam triste, durum, & acerbum, nobis con-
 tingere

tingere posse, quod nostrâ cum Voluntate Dei
conformitate, emolliri, & mirâ suavitate condiri
nequeat, Infestetur morbis, excrucietur doloribus
corpus, absorbeatur tristitiæ fluctibus animus, pro-
scindatur ore malevolo fama, obruatur totus inju-
rijs homo: nihil hæc afficient, Divinæ Voluntati,
ex toto adhærentem: hoc clypeo tectum, & sæpi-
us proferentem: *Fiat Voluntas tua*, si totus illiba-
tur orbis, impavidum ferient ruinæ Nunquam e-
nim miser esse poterit, qui in sinu Divinæ Volun-
tatis placidissimè conquiescit. Cum non ignoret,
sine nutu illius, nec arenulam à monte, nec capillū
è capite, nec foliolum ex arbore, nec passerulum
ex aere, decidere: gratè proinde omnia suscipiet,
quæ sibi ab optima Dei Voluntate, obtigisse co-
gnoscer. Inter ipsas amaritudines, ineffabili gau-
dio animus perfundetur, qui se, ad omne, unius
Divinæ Voluntatis momentum, librare novit.

Experiebatur id, heroicæ virtutis virgo: S Ma-
gdalena de Papis, quæ sæpius exclamabat: *Nemo
nisi expertus novit, quantum dulcedinis, contine-
at in se, verbum istud, Voluntas Dei.* Habent id
omnes exploratum, qui non aliam suis desiderijs,
ac designationibus metam, nec aliam actionibus
normam, & regulam, nisi Divinæ Voluntatis be-
neplacitum constituerunt. Hi enim suavissimo,
exquisite lætitiæ sensu afficiuntur, & velut integro
internorum gaudiorum innatant oceano. Testa-
tum id

SS. Magda-
lena de Papis
& Aldegundi
dñi miram ita
adversis ex-
Dei Volunta-
te percipiebāt
stabilitatem.

tum id reliquit, insigni sanctitatē conspicua, B. Aldegundis, quam varias inter afflictionum pressuras constitutam, cum Sanctissima Cæli tertæq; Regina, Dei Præpotentis Mater, per unum è Beatis Internuntijs, petere juberet, quidquid ad suæ afflictionis levamen, nosset opportunum: sciret se facile obtenturam, quicquid petisset. Actis illa, humiliter pro tanta dignatione, Gloriosissimæ Imperatrici gratijs, ita respondit: Hoc unum postulo, ut fiat, quod vult Deus. Nam mea unica voluptas, Dei Voluntas. Quo responso, Dei Genitricem mirè recreavit.

*Homines Soci-
etatis IESU
Duce S. P. I-
gnatio, omnes
adversitates,
Divinâ condi-
ebant soluta-
tate -*

Sed quid talia, è sacro vrginum profero gynæceo, cui domestica non desunt exempla. Quod enim, Beati Patres nostri, qui nos hâc, qua pergitimus viâ præcesserunt, tot Majoris Dei Gloriæ, & proximorum salutis causâ, exhaustos labores, rerum omnium inopiam, toleratas persecutiones, denigratam famam, inflicta verbera, impactos cervicibus enses, perpeffas cruces, cæteraq; atrocium pænarum inventa, forti, ac alacri animo tulerint: certus sum, quod omnes ejusmodi acerbitates, sola, & unica Dei Voluntas, svaves ei, reddebat, & jucundas. Prævit omnibus, B. Pater noster, quæ, tantâ mentis tranquillitate præditum fuisse, memoriæ proditum est, ut, nullæ unquam adversitatum procellæ, eam, quam intus animo percipiebat, cælestis solatij svavitatem, obruere potuerint. Non

aliâ

a liâ de causâ, nisi quodd ã Divinæ Voluntatis manu, æquè prospera, ac adversa evenire, optimè nosset. Nos si Patris secuti vestigia, in ejusdem Divini beneplaciti centrum, nos secus ac magnes, in polarem lineam, incubuerimus, nihil nobis triste, & acerbum contingere posse, facilè experiemur. Et hæc sunt à Divina Voluntate, nos, in columna ignis, & nubis deducente, profecta beneficia: quæ dum sequaces sui, ab omni errore. & molestia liberant, ad portum Æternæ Beatitudinis, feliciter deducunt.

ALLOCUTIO X.

Desiderium videndi Deum, consummatæ Perfectionis, indicium est.

Accurati naturæ indagatores, motum in fine, volunt esse velociorem. An verò, in omnibus physicis motibus, verificetur dogma istud universale, sedulò inquirere, propositi mei non est. Religiosæ Perfectionis nostræ motus, quodd veritati huic debeat, soleatq; consonare, extra dubium est. Quamvis enim, toto vitæ nostræ tractu, in Deum, tanquam totius boni metam, ac centrum tendere debea-

Desiderio videndi Deum tenentur viri perfecti

debeamus, maxime tamen, in perfectioris vitæ nostræ decursu, totâ mentis, & affectûs pernitate, in eum, propiorem jam, Beatitudinis nostræ terminum, agi, ferriq; incumbit properantibus. Veluti enim ferrum, quò propius, ad arcanam magnetis virtutem, accedit, eò velocius prosilit, ut vi, jungatur tractivæ. Haud aliter, quævis anima, dum perfectiori mentis, & cordis affectu, Deo appropriat, incitatori in eum, tanquam supremam, desideriorum suorum metam, fertur affectu. Et meritò quidem, nam quò clariùs, summum illud Divinæ Bonitatis, & Excellentiæ pertium, menti & affectui relucet, eò fortius, trahit ad se desiderium, ita præparatum. Quoniam verò, ad Perfectionis culmen, prope accedens animus, longo Divinarum lucubrationum usu illuminatus, cælestis Patriæ, omni felicitate, exuberantem effluentiam, & immensam Divinæ essentiae Excellentiam, non trivialiter sibi cognitam, habere supponatur, sequitur necessariò: quod ejusmodi cognitione, illustrata voluntas, ad possessionem tanti, sibi verò, probè cogniti boni, currere debeat, incitatissimo desideriorum passu. Rem clariùs illustrabunt dicenda.

*Propinquitatē
metæ, majus
sui excitare
desiderium, pæ-
ruit in He-
brais.*

Habet istud illicium, quævis proposita viatoribus meta, quòd licet omnibus, maxime tamen propioribus, ardens sui injiciat desiderium. Quò enim isti, & plures, in via exhauserunt labores, & metam præ oculis, habent viciniorem, eò celeriori motu,

motu, feruntur ad eam. Quod, in illo peregri-
 no Hebræorum populo, patuit manifestè. Educti
 enim, è servitute Ægyptiaca Isràèlitæ, ad delicia-
 rum compendium, terram lacte & melle fluentem,
 lento nimis passu, 40 annorum spatio, illuc gra-
 diebantur: verùm, terrestri paradiso illi, post se-
 gnes viarum moras, propiores facti, ejusq; potiun-
 di, desiderio accensi, mirâ celeritate, reliquum iti-
 neris, facilè confecerunt: ut de illis, Rex, & Va-
 tes eorum, Psalm: 15 loquitur: *Multiplicate sunt*
infirmities eorum: postea acceleraverunt. Quasi
dicat: Deses ille, morosusq; populus, qui diu, len-
tas in via trahebat moras, conspectâ è vicinio pro-
missionis terrâ, concitatissimo postmodum cursu
festinavit Dicunt enim, Gentis ejusdem eruditio-
 res Rabbini: Populum Isràèliticum, postquam aspe-
 ctabilem, terræ promissionis amœnitatem habuif-
 set, vehementi erga eam affectu exarsisse, & ad
 obtinendam, cursum celerem promovisse. Scimus
 per refectam, plurimâ deliciarum copiâ, promissio-
 nis terram, Patriam Cælestem, torrente voluptatis
 exuberantem, designari. Quod si, temporaneis
 tantùm affluens illecebris, Palæstina, Æternæ Bea-
 titudinis typus, & umbra, segnem alioquin gentis
 Hebrææ populum, proposito oculis sui oblectame-
 to, ad velocem cursum excitavit? illa, humanâ ca-
 pacitate, majorum deliciarum ferax cælestis Regio,
 ad sui possessionem, nostra non alliciet desideria?

Kkk

Immo

Immo vèrò, nisi Iudaicā ignaviā socordiores, audire velimus, totā mentis & affectūs velocitate, ad perennes illas, nobis è propinquo objectas delicias, evolabimus.

David perfectionem adeptus, continuo caelestis Patriæ tenebatur desiderio.

Ita hunc ipsum, qui hæc, de sua gente enuntiavit, fecisse Prophetam, faciliè intelligimus. Dum enim ille, incipientium more, minori Perfectionis studio, incumberet, lento nimis passu, se in via Domini ambulasse, ingenuè fatetur, dum ait. *In via hac, quā ambulabam.* At verò, postquam perfectionem adeptus est vitæ sanctimoniam, jam non tantum cum pernicibus cervis, cursu contendere, sed cum volucris etiam avium pennis, certare audebat: dum Psalm. 41. diceret: *Quemadmodum desiderat cervus, ad fontes aquarum, ita desiderat anima mea ad te Deus.* Plus audet Psalm: 54. dum ait: *Quis mi dabit pennas, sicut columbæ, & volabo, & requiescam.* Quibus, animi sui, incitatissimis affectibus innuit, tanto se, in Aeterna Felicitate, fruendi Deo, incensum fuisse desiderio, ut ad eam Beatæ perennitatis metam, cervos etiam, & volucres, cursu prævertere, in votis habuerit. Vnde, quantum unusquisq; nostrum, in via perfectionis profecerit: ex eo, quod in se sentit caelestis Patriæ, & visionis Beatæ desiderio, potissimum metiatur. Dum enim concupiscit, & deficit in atria Domini, cum memorato Psalte, cujuspiam anima, indicium est, eam, prope jam ad metas,

tas,

tas, consummata sanctitatis pervenisse. Quod si, terrenis adhuc oblectamentis, inhærescens animus, nullo se, aut exiguo, sentit cælestis Patriæ teneri desiderio: parum ille, noverit se, in via Perfectionis profecisse.

Neq; verò, mirum cuiquam videatur, animam in sanctitatis Perfectionem, seriò incumbentem, affectu ardentissimo, videndi, in Beata Felicitate Deum, continuò æstare, cum in meditatione ejus exardescat ignis ille, qui menti ostendit, in Deo, naturâ præstantes, numero infinitas, eminerè Perfectiones: quarum conspectu, quamvis humani appetitus capacitas, abunde impleatur, nunquam tamen fatis exsatiatur. Vnde Princeps Apostolorum Petrus, Divini vultus contemplatus decorem, meritò, i Petri i pronuntiavit: *In quem Angeli desiderant prospicere.* Quod effatum, Apostolico ore prolatum, quamvis infallibili, sit conforme veritati, suâ tamen non caret difficultate. Neq; enim, creatus satis capit intellectus, quomodo, perspicui Beatarum Mentium oculi, Conditoris sui faciem desiderant contueri? quâ eos continuò frui, *Æterna Veritas* asseverat, dum Matth: 18. ait: *Angeli eorum, semper vident faciem, Patris mei, qui in calis est.* Quid quæso, in eum prospicere desiderant, cujus faciem, nunquam videre cessant? Si enim arcu emissa, & per àera ad metam volitans sagitta, postquam terminum attigerit, vola-

*Beati spiritus
nunquam Di-
vinâ satiantur
visione.*

re desinit: Angelorum desideria, cur in Deum tendunt? quem suâ visione attingunt. Cujus difficultatis nodum, ita Hugo Cardinalis dissolvit: *Cur videre desiderant? cujus faciem, nunquam cernere cessant: nisi quia, contemplatio Divinae Præsentiae, ita Angelos beatificat, ut ejus dulcedinem, quasi novam, insatiabiliter esuriant.* Ex quo, tantam in illo Divinarum Perfectionum Oceano, bonorum copiam, reperiri docemur, quam nulla, creaturæ aviditas, suo possit desiderio exharire. Hoc idem, ante Cardinalem, Hipponensis Præsul Augustinus, de Beatis Angelorum, hominumq; mentibus, Medit: 27. asseruit. *Est in eis desiderium visionis Dei, cum satietate, & satietas cum desiderio, quibus nec desiderium penam generat, nec satietas fastidium parit.*

Desiderio videndi Deum, S. Paulum debemus imitari

Quod si Beatæ Patriæ felices incolæ, tanto videndi Deum desiderio inardescunt? quamvis jucundissimo ejus conspectu fruantur semper. Nos miseri mortales, & ab ea felicitate, procul positi exules, quâ tandem votorum contentione, in illud summum bonum tendere, & ad statum (ut eum vocat Doctor Angelicus) omnium bonorum aggregatione perfectum, anhelare debemus? quilibet, naturæ, & fidei, lumine præditus, conijcere facile potest. Et sentiebant profectò in se, ad eum, Divini Numinis, exuberantem perenni felicitate fontem, æstuantis desiderij sitim, perfectâ sanctitate insignes

insignes animæ: ita, ut inflammato amoris intra præcordia æstu, ardere potius, quàm vivere censerentur. Certè illa, ex incalcescente Doctoris Gentium pectore, veluti ex ardenti foco, flammea verba, erumpebant: *Cupio dissolvi, & esse cum Christo.* Et iterum. *Quis me liberabit de carcere mortis hujus?* Tanto videlicet videndi Salvatoris sui desiderio, tenebatur hic Apostolus, ut quamlibet, vitæ mortalis moram, ferret ægerrimè, Ita ei illa cælestis arrisit pulchritudo, ut ne oculo quidem dignaretur, omne illud, quod caducis fulgoribus, & mortali venustate, mundi aspersit fucus, sed omnia mortalium pretia, arbitrabatur ut stercora.

Eodem succensus igne, S. Parens noster **IGNATIVS**, continuò videndi Deum amore flagrabat. Hinc sæpius nocte intempestâ, solarium conscendere solitus, unde cælum liberrimè conspiceret: hinc ille, corpore immotus, oculis in cælum defixis, genu submisso, per amplissima illa, cælorum spatia, mentis aciem distendebat: atq; illic, ad scintillantes astrorum faculas, erecto vultu, eo usque exardescibat, ut nisi lacrymarum imber, ardorem temperasset, **IGNATIVS** totus in flammam abiisset. Continuos tamen inter singultus, & liquidissimæ voluptatis illecebras, identidem secum ingeminabat: *Quam sordet terra, dum cælum aspicio.* Vnde quidquid mundi sectatores, seu ad voluptatem svave, seu ad opes æstimabile, seu ad fastum,

*S. P. Ignatius
magno semper
desiderio videndi
Deum consue-
batur.*

stum, gloriosum, plurimi æstimant: ille, tantam eorum concipiebat nauseam, ut non solus ipse, omnia hæc abominationi haberet, sed nobis quoq;: *Omnino, & non ex parte, abhorrere ab omnibus, quæ mundus amat & amplectitur, seriò injunxerit.*

*Ingens Deum
videndi deside-
rium erat in
S. Xaverio.*

Quid, de altero Gentium Apostolo Xaverio, dicam? Tanto ille, videndi Deum æstuabat amore, ut cum conceptum animi ardorem, ædificiorum angustia, continere non possent, in campos latè patentes prosiliret, ut frigidiori aurâ, ferventes pectore affectus, temperaret: & sæpe paleæ in star levissimæ, succini virtute, trahi solitæ, ad Deum, sublimis à terra elevaretur. Quæ in IGNATIO & Xaverio, arsere faces, ex ad plures eorundem sequaces, propagatæ sunt. Talis in P. Ioanne Baptista Sanctio, ardor erat, & votum, ultra mortali-um vota, insuetum. Nam, cum ad visionem Beatificam, continuò anhelaret, ita comparatus vivere didicerat, ut unicâ moriendi, & ad Deum evolandî spe, vitam toleraret: unde, si quis ei affirmasset, in vesperam esse victurum, gravi confixus doloris telo, illico concidisset: quòd tam diu à Dei, quem ardentè desiderabat, conspectu, abfuturus esset: proinde, res erat plena prodigij, hominem vivere, eâ tantum gratiâ, quòd se, citò speraret moriturum. Ut alios nostræ Religionis, ignes, non homines, videndi Deum, desiderio ardentes, tacitus præteream,

Non ce-

Non cedit viris, in hoc heroico desideriorum affectu, & infimior sexus. Seraphica inprimis virgo, Divino jaculo sauciata Tereſia, amoris, & doloris impatiens, ad singulas horas, exclamabat: *Eja anima mea, jam una hora propiores, dilecto tuo, quo in aeternum perfrueris.* De Beata autem autem Corſilia, celebri, in Batſica ſanctimoniali, diſertè, ſcribit P. Martinus de Roa: quòd cum Divinitus didiciſſet, ſe poſt anni ſpatium, cum ſponſo, in caeſti thalamo, certò futuram: uſq; cò moram illam impotentè ferebat, ut nulla res eam oblectare, nulla poſſet lenire dolorem: unde in hos queſſus erumpebat: *O carcer! O captivitas! O vita, quantum mihi es martyrìum! Properate tempora, currite dies, ut illa acceleret hora, quà, ſummà Dei fruar bonitate.*

Scio multos, ſed omitto plures, faciles, ad concipiendas ejuſmodi flammās, muliebres affectus, memorare. Bernardum, hæc omnia, indubitatè expertum, libens audio: ita ſerm: 35 in Cantica atteſtante: *Quæ anima, ſemel à Deo didicit, & caput Dei Preſentiam ſuſpirare, & querere faciem ejus ſemper, talis, neſcio, an ipſam gehennam ad tempus, horribilius, penaliuſq; ducat, quàm à guſtata Divina dulcedine ſeparari.* Intenſa hæc, & ardentia, fateor, fuere deſideria, animarum, corporis adhuc erga ſtulo incluſarum. Sed, nec mīnus ſanctimoniæ ſtadium, & perfectio. Semper enim ſoli-

*S. Bernardus
nihil gravius
putabat, quàm
à viſione Dei
ſeparari.*

nim solida virtus, fruendi Deo fervet amorē. Iam si quispiam, vitæ perfectioris, viam ingressus, raro se, aut nullo, cælestis Patriæ sentit uri desiderio, toto ille cælo, distat ab eâ, quam proficitur, virtutis perfectione. Nec mirum, cum in excitando, ad cælestia affectu remissio, inter graviores imperfectionis notas, meritò computetur, & graviter, non ratò plectatur. Experiuntur eam, etiamnum, pænæ atrocitatem, animæ à corporibus segregatæ, quæ suam, à Divini vultûs conspectu, seu æternam, seu temporaneam repulsam, omnibus gehennæ cruciamentis, ac catastis, ferunt acerbius, & sentiunt gravius.

*Raro excita-
rum Deum. Si
dendi desider-
um, gravibus
pænis obnox-
ium est.*

Quam tormentorum, atrocissimam damni pænam, plerâq; animarum, ideo tolerare constat, quòd, cum mortalia corpora incoherent, nullo, aut exiguo videndi Deum, tangebantur affectu. Talis erat, celebris sanctitate, Anachoreta ille, de quo, S. Birgittæ cælitus revelatum est, quòd insolens, & diuturnum purgatorium, pateretur, in quo, solo desiderio, (quod in mortali vitâ neglexerat) videndi Deum, gravissimè affligebatur. Consimile quid. refert Cæsarius, raræ sanctitatis Virgini Religiosæ contigisse: quæ cælo seclusa, gravissimâ tristitiâ afficiebatur, quòd vivens, non satis fervidè conspectum Dei desiderasset. Dignum & illud memoratu est, quod noster Nerebergius, scribit, de Patre Ioanne Fernandio: hic Theologiæ Romæ Profef-

Professor, cùm de Sanctissima Trinitate Quæstiones tractaret, tanto ejus, intuitivè videndi desiderio exarsit, ut in extasim raperetur: in quâ vidit, inter cujusdam horti amœnitatem, speciem hominis, venustissimè ornati: ab eâq; didicit, quod esset anima, unius Fratris nostri, qui cùm pluribus annis, in vitâ Religiosa traductis, frequens, ac fervens desiderium, intuendi Sanctissimam Trinitatem neglexisset, tanti boni, gravem, ad tempus, jacturam, acerbissimè eò loci tolerabat. Et modicum illud, aut propè nullum, non satis bene consultis mentibus, culpæ genus videbitur? in desiderio videndi Deum intepestere, quod tanto plectitur supplicio.

Sed sinamus, imperfectiores animas, suum serò lugere imperfectum: ad solidæ virtutis animos, cogitationis obtutum, adhuc convertamus. Non vulgarem puto latere rationem, quòd Præpotens ille, cæli terræq; Dominus, Superdignissimus Deus, servos sibi famulantes, vult ignis habere naturam: ut eum Regius Vates Psalm: 13. ita alloquitur: *Qui facis ministros tuos, ignem urentem.* Quid quæso, causæ est? quòd Divina Majestas, selectas, ad sui obsequium Angelorum, hominumq; catervas, igni, non alteri cuiquam elemento, facit esse per similes? Scimus frigida, aut tepida, reliqua esse elementa: solus ignis continuò fervet, & ardet: quia verò Deus, compotes rationis creaturas, frigiditas qui;

Ignis famularum Dei proprietates, bene adumbrat.

das quidem odio habet, tepidas autem detestatur, ideo non frigida, naturâ aquæ, non tepido æri, aut terræ globo, sed fervido igni, servos suos cupit esse symbolicos. Habet & eam, cæterorum elementorum natura labem, quod facile varijs sit obnoxia inquinamentis, & ita videmus, aquam cæno inquinari, terram fimo fatere, aerem pestilentia afflari: solius ignis natura, tantum abesset, quod aliquam contrahat maculam, ut ipse etiam, nativo fulgore, nitentis auri, purget, & excoquat labe, ac scorias. Porro, cum nihil coinquinatum, possit in Divinum conspectum venire: congruum, immo necessarium est, Divinæ Majestati assistens famulitium, ab omni, usitatâ alijs elementis, labe, expediri: ignis verò puritatem æmulari. Cæca præterea, & obscura sunt reliqua elementa, mutuato aliunde lumine indigent, ut videri possint. Ignis, suâ luce, se aspectabilem facit: immo alijs etiam lumen impertitur. Cum ergo servos Dei, non iniquitatis involutos tenebris, sed rectefactorum luce, decet esse illustres, lucidissimum illi, naturâ ignem, non tenebrosa æmulantur elementa.

*Ignis adinstar,
homines perfecti,
sursum ad
Deum contendere
debent.*

hest insuper, ea pertectio igni, quod cum terra, nativâ gravitate, deorsum tendat: aqua terræ globo infusa, huc, & illuc fluat, & refuat: aer sua levitate, per inane cæli, susceq, vagetur: ignis, semper cælum versus feratur, & nisi alimento, quo pascitur, adhærere cogeretur, rectâ ad cælum

lessem

Iustum ignis sphaeram evolare. Hinc, quod no-
 stro deservit proposito, diligenter perpendamus: si
 ignis, ex eo, quod perfectione, ceteris antecellit
 elementis, toto suo nisu, & conatu, in caelum fer-
 tur, & rapitur? quanto magis, perfectiori spiri-
 tu, incensos mortalium animos, ad supremam, Dei
 (qui ignis consumens est) sedem, continuo decet
 anhelare. Quò enim aliquis, ex Perfectionis se-
 ctatoribus, amoris fervore, & Divinae collustrati-
 onis lumine, alios antecedit, eò magis, ignis adin-
 star, ad Dei conspectum anhelabit: quò tanto
 faciet alacrius, quanto accuratiori cogni-
 tione, & frequentiori mentis contemplatione,
 omnem sensum, ac cogitationem, excedentem Æ-
 ternæ Beatitudinis, perpendet felicitatem: prout
 eam graphicè describit S. Gregorius Papa, dum
 Homil: 37 in Evangelia, ita in ejus laudes excur-
 rit: *Quæ autem lingua dicere, aut quis intellectus*
capere sufficit, illa, supernæ civitatis, quanta sint
gaudia? Angelorum Choris interesse, cum Beatissi-
mis spiritibus gloriæ Conditoris assistere, præsentem
Dei vultum cernere, incircumscriptum lumen vi-
dere, nullo mortis metu affici, incorruptionis perpe-
tua munere letari. Quæ cum Sanctus Doctor,
svaviter recensisset, subito & ipse, in cælestis Pa-
triæ amorem exarsit: unde & subtexuit: Ad hæc
audita, inardescit animus, jamq; cupit illic assistere,
ubi se sperat, sine fine gaudere. Quam cælestium

Cælestis Patri-
a gaudia, a-
nimos homi-
num ad se po-
terenter trahit.

*Anima, quod
sanctior, eà
fruendi Deo
cupidior.*

bonorum, vivam imaginationem, & ardens desiderium, ex addictissimo, perfectæ sanctitati animo, prodijisse, extra dubium est. Siquidem, magna sunt, & stuporis plena, quæ de hujus Pontificis sanctitate, perhibentur documenta. Ita videlicet, quod sanctior anima, eò, fruendi Deo cupidior. Et hunc, videndi Deum ardorem, nisi viri perfecti, Dei (cujus nutum, ubiq; sequebantur) voluntate, & proximorum utilitate, temperassent, vivi, ab hoc, desideriorum igne, olim consumpti fuissent. Similem & nostræ, in cælestium bonorū contemplatione, defixæ mentes, videndi Deum, concipient ardorem, si in perfectionis studium, serio, & constanter incumbere voluerint: cujus efficax desiderium, ille nobis iniiciat, qui est, suprema votorum nostrorum meta, fons, & origo omnium Bonorum DEVS.

ALLOCUTIO XI.

Cælestem in terris Beatitudinem consequuntur, qui Deum habent semper præsentem.

*Cælo in terris
fruuntur qui
Deum habent
semper præ-
sentem.*

CÆlesti in terris Beatitudine, posse frui mortales, si tam liberè, quàm verè assererem, loqui

loqui paradoxum, non nemini videretur. Ceterum genuinæ veritatis, non paradoxo, assertum istud, est. Nudis, quam ego verbis affirmo veritatem, illi potissimum practicè sciunt, qui Dei Præsentiam habent sibi familiarem. Quid enim, ad Beatam Felicitatem, illis desse poterit? qui in Dei conspectum, oculos nusquam tenent evariatos. Nam si cuiuspiam viatori, adhuc itineranti, illum contingeret, habere præ oculis amicum, cujus gratiâ, & videndi desiderio, longum & arduum iter suscepit: nonne iste, in via, eam nancisceretur felicitatem, quam se consecuturum, sperabat in meta. Haud aliter, illi, qui Deum videndi, ejusq; fruendi causâ, difficilem Perfectionis viam arripuerunt, si eum, ad quem toto desideriorum conatu tendunt, semper præsentem, præ mentis intuitu habent, quasi tam metæ Beatitudinem, anticipatè, in via, felices consequuntur. Rem rationum momentis, & vitæ spiritualis peritorum sensu, facio clariorem.

Duo sunt, quæ cæli incolas felices, ac beatos faciunt. Primum est: quòd Cælestes illi Indigetes, ne minimam quidem peccati labem, contrahere possunt. Alterum, quòd virtute stabiles, humani intellectus capacitate, majoribus abundant solatijs. Quod ad primum attinet, quanta sit rationalis creaturæ felicitas, nullam prorsus peccati, posse incurrere culpam, mens non capit, lingua satis non explicat: ratio, dum aliquid, pro suo modulo, co-

natur

*Immunitas à
peccato, cele-
stis est felicitas*

natur afferre, rem ita demonstrat. Esse immu-
nem à malo, malorum maximo, summa felicitas
est: si enim, minoris mali indemnitas, minorem,
majoris ampliorem, inducit felicitatem? manife-
stum est, maximi immunitatem mali, esse maxi-
mum felicitatis compendium. Cum verò peccatū,
sit malum, malorum maximum, ut rationum (quas
hic afferre non vacat) gravitas, & SS. Patrum, cū
totā Theologorum scholā, evincit autoritas: se-
quitur manifestè, omni ad contrahendam peccati
labem, destitui potestate: esse certum, maximæ fe-
licitatis documentum. Noverant, hujusmodi immu-
nitatis pretium, pleriq; sanctorum, in mortali ad-
huc vita degentium: qui, commune illud, huma-
ni generis terribilementum, mortem, non tantum
non expavescebant, sed æstimabant etiam, & ap-
petebant, eò vel maximè nomine, quod peccandi,
mors sit, ultimus limes. Certè Apostolus, non a-
lio titulo, (ut ejus mentem interpretatur D. Au-
gustinus) *Mors lucrum* putabat, nisi, quia mor-
te, fomitem peccati extingvi, sciebat. Ex eodem
motivo, unus ex recentioribus, nostris in Anglia
Martyribus, cum ad supplicium raperetur, conspi-
catus, ac teneri sensu complexus patibulum, voce
lætitiā resonante, exclamavit: O quanto gau-
dio, perfundor Bone! IESU! non solū, quia pro
Fide tua morior: sed quia te, offendendi, omni
periculo eximor. Simili affectu, & illa celebris la-
citate

S. Paulus ne
amplius, pec-
care, mori ly
crumpulabat.
Idem virgo Al-
doncia opta-
bat.

455
Citate in Castellana Provincia virgo Aldoncia, (ut memorat Ioannes à S. Maria) ad mortem anhelabat: cui, cum supremam imminere horam, nuntiaretur: pleno gaudij sensu, in has voces erupit: Benedixit Deus! hæc hora ultima est, quâ Deus à famula sua ultra offendi non poterit. Pluris adhuc æstimabant alij, duce S. Anselmo, eam ab omni peccati labe immunitatem, ita, ut potius cruciatus gehennæ, citra peccati crimen, æternum perferre, quàm cælestibus solarijs frui, quopiam infecti peccato, ultro eligerent. Quo impeccabilitatis privilegio, cum omnes gaudeant Cælites, maximæ id sibi felicitati ducunt, & unicè gratulantur. Sed eandem prorsus sortiuntur fortunam, omnes illi, quamvis adhuc terrenæ in habitationi, adstricti mortales, qui Deum ubiq; præsentem intueri consueverunt. Veluti enim, in Beatos Patriæ cælestis incolas, ex Dei intuitivâ visione (ut docent Theologi) hæc impeccabilitatis, emanat felicitas: ita, in mortalitatis adhuc agone, constituti homines, ex continuo Dei Præsentis intuitu, similem in se, gratiæ derivant efficaciam: quæ eos, à malitia peccati, faciliè præservat, eòq; ipso, confortes facit Beatæ Felicitatis.

Rei quam assero, evidens ut adferam documentum, stupendum conservatæ pudicitæ prodigium, Hebræâ gente prognatum, integerrimæ virtutis, Adolescentem Ioseph, produco in medium. In

*Ioseph Dei
Præsentia ad
gustus, grande
ebasis pericu-
lū.*

um: In quantum ille, prostituendi pudoris periculum, & lubricam, labendi ad scelus occasionem, devenerat, verbis referre supervacaneum puto, quod graphicâ hypotiposi, Sacer Textus descripsit: Gen: 39. Illud potius nosse vellem, quid præsidij, ac tutaminis Sanctus Iuvenis, præsto habuit? quod ex illo, quo erat circumventus periculo, integer evasit. Pudor credo ipse, enormitatem sceleris. Adolescenti verecundissimo proposuit, atq; ita, à flagitio oculos, & animum averrit. Accurrisse non dubito, concitato ad suppetias passu, Timorem Dei, Iuveni graviter periclitanti, & accensâ, piaculari igne, quam manibus præferebat, tædâ, obscuram mentis aciem, facile illustrâsse, propositisq; gehennæ æternis cruciatibus, à scelere deterruisse. Et non diffiteor quidem ego, in illo periculoso certamine, Sancto Adolescenti, verecundum pudorem, & Vindictis scelerum Dei Timorem, auxilio fuisse. Cæterum non minus doctrinâ, quàm sanctitate, gloriosus Doctor S. Basilus felicem victoriæ istius successum, armis Divinæ Præsentiae adscribit, dum ait: *Ioseph non alio clypeo armatus, victor evasit, nisi Præsentia Dei Conditoris sui.* Sentiebat quidem, in eo discrimine positus Ioseph, non tantum innocentiae suæ, vim, ab improba prædatrice, inferri, sed corruptæ etiam naturæ stimulo, se in scelus propelli. Verum, obverso oculorum obtutu, in præsentem spectantis Dei vultum, quem
ubiq;

ubiq; intueri consueverat: illico, verecundiâ tantæ Majestatis percussus, à scelere pedem, & animum revocavit ita secum, (ut puto) ratiocinatus: Egone vilis creatura, ego miser homuncio, in conspectu Præpotentis Dei, tantum nefas audebo? Absit à me, talis imprudentiæ ausus! Apage, flagitij crimen! Atq; ita, Dei Præsentiâ animatus, gloriosam, è pugna retulit victoriam, ab immuni sceleris labe immunis.

Quod si, studijs deditus aulicis, Ephebus Ioseph, adeo grande, & violentum scelus, Divinæ Præsentiæ, roboratus subsidio, superare potuit? quid non potuerunt, intra Sacratiora Cænobiorum Claustra, Religiosæ mentes, eodem Præsentis Dei, adjunctæ præsidio? vincent proculdubio, minorum incurfus vitiorum, quando violentiores etiam insultus criminum, hoc faciliè superantur remedio. Vnde idem præclarus vitæ religiosæ Institutor, quem modo nominavi, Magnus Basilius, modum superandi peccata, à Ioseph edoctus, contra omnia, impugnantium vitiorum tela, Divinæ Præsentiæ clypeum, suæ disciplinæ sectatoribus, opponendum porrigebat. Dum enim quispiam suorum, ut ei, animi sui latebras panderet, accedebat, rogaturus: quâ rarione, mentis evagationes, sub tempus orationis, gregatim involantes, propullare à sua cogitatione posset? hoc in remedium adferebat. *Deum tibi, semper præsentem cogita.* Et nunquam,

*Præsentiâ Dei
Religiosis Cly-
peus est, con-
tra omnia ma-
la: ex mente S.
Basili.*

Mmm

dum

dum venerabundus (ut par est) coram Deo agis, alio mentem irreverenter evagari sines, veniebat alius, se obscænis cogitationibus, impugnari, aut aliquâ aliâ pravâ suggestionem tentari, queritans: id unum, pro scuto, & huic obijciebat: *Deum tibi, semper præsentem cogita.* Quasi diceret: retundes, crede mihi, omnes impuræ imaginationis insultus, & qualvis alias, hostis maligni, aut sensuum illecebras: si te, in conspectu Divino versari, continuo cogites. Minus sibi alter, vitæ religiosæ rigorem sapere, coram eodem, animæ suæ Moderatore, incusabat: iisdem & hunc armis, instruebat ille: *Deum tibi, præsentem semper cogita.* Certus, quod ad serium, Dei Salvatoris, tui causâ, plurimum afflicti, aspectum, omnes tibi, vitæ austerioris amaritudines, subito dulcescent. Et ita, dum ille Perfectionis studiosus, Religiosorum cætus, contra diversa vitia, eadem portecta sibi arma sumebat, omnes infestas vitiorum acies, facile debellabat.

*Impij, etiam
à suis sceleribus,
Dei Præsentia arcem
187.*

Sed quid, admirabundi audimus? addictos pietati animos, à vitijs Divinâ Præsentia defendi: cum sceleribus etiam, diu innutriti affectus, ad Præsentis Dei conspectum, non raro resipiscant: quod Paphnutius, in Thaide, Ephrem, in quopiam alio, infami prostibulo, probaverunt: quorum uterq; sædâ voluptate irretitas, quas dixi animas, infixo memoriæ, Dei omnia inspicientis oculo, ad frugem

frugem revocavit meliorem. Et quidem meritò: si enim hominis, aliquâ authoritate pollentis, oculos, impudentissimus quisq; ganeo cavet, ac re-
 revetur? quis ita frontem exuet? ut Dei (quem nihil latere potest) oculum, non exhorrescat? si integerrimi, olim juvenis, Bernardini Senensis, sanctitas, tantum voluit? apud plerosq;, etiam insolentes? ut multi, verbis, & moribus, ad omnem licentiam dissoluti, ad ejus præsentiam, invecundum sermonem, illico abrumperet, & se ad omnem modestiam, componere, solerent? se invicem adhortati: Bernardinus adest. Si noster Angelicus Adolescens Aloysius, tantæ, in aula Regis Catholici, reverentiæ erat? ut nullus aulicorum, ore alioquin, ad omne nefas assveto, nihil indecens, præsentem Gonzaga, effutire auderet? Dei quid non efficiet præsentia? si ob oculos, versetur perpetuo. Assentior quidem ego, Ethnico sapienti Senecæ, consonè ad veritatem dicenti: *Maxima peccatorum pars tollitur, si peccaturis vir bonus testis assistat:* Sed magis fidem tribuo, maximo Doctori Hieronymo, in cap: 22. Ezech: ita asserenti: *Memoria Dei, excludit omnia peccata.* Hoc idem testatur Clemens Præsul Alexandrinus, dum ita, lib: 3. Pædag: ait: *Hæc solum ratione fit, ut quis, nunquam in peccatum labatur, si Deum, sibi semper adesse existimet.* Rem optimè, quanquam omnibus in commune mortalibus, maximè tamen, addictis Re-

S. Bernardi-
 ni & B. Aloy-
 sij præsentia
 multos à pec-
 catis deterre-
 bat.

ligiosæ Perfectioni animis, Doctor Angelicus, Opus: 58. c. 2. ita inculcat. *Si Dominum præsentem, & omnia videntem, ac judicantem, semper cogitamus, vix, aut nunquam peccaremus, Quod, non de gravioribus tantum peccatorum noxis, sed de venialibus etiam culpis, S. Doctor loqui intelligendus est.*

Cælites emulantur, qui Deum semper præsentem habent.

Cùm ergo homines, in mortalis adhuc vitæ cursu constitutos, Præsentia Dei, longo usu continuatâ, ab omni, peccatorum labe præservari, incomperito habeamus: eo ipso, felicitatem eorum, Æternæ Beatitudinis participem, necesse est, ut fateamur. Et gratulor equidem ego, effuso in lætitiæ affectu, Beatis Cælitibus, quod intuitiva (quâ in cælis perfruuntur) Dei visio, omnem eis, ad Divinæ Majestatis offensam, adimat potestatem. Sed non minori gaudio, illorum felicitati applaudo mortalium, quos, usitata Dei Præsentia, ad peccati malitiam, omnem præcludens aditum, facit consortes Beatæ Felicitatis. Hanc credo, cælestis in terris beatitudinem, consecuti, plerique Sanctorum, Clausura Paradisum, Cellas, Cælum appellabāt, in quibus, defixo perpertim, in Deum mentis oculo, à quovis immunes peccato, æmulam Cæli Incolis, vitam in terris agebant. O Beatos, in præsentem Dei vultum, continuò intentos mortalium oculos! qui ex perpetua Dei Præsentia, parem Cælitibus, hauriunt felicitatem, à gravissimo malorum, immunes peccato.

Venio

Venio ad alterum, ex memoratis, *Aeternæ* Beatitudinis privilegium: quod in perpetuitate, acquisitæ, cum Divina Gratia, virtutis, & ineffabili cælestium deliciarum usu, consistere, non dubitamus. Tanta enim, ex illa Beatifica Dei visione, in sui spectatores, redundat efficacia, ut eos, & in acquisita sanctitate, faciat æternum stabiles, & supra omnem sensum, ac cogitatum, exuberante perfundat voluptate: cujus copiam ac suavitatem, conspicatus Apostolus, extatico affectu correptus, clamabat: *Nec oculus vidit, nec auris audiuit, nec in cor hominis ascendit, quæ Deus præparavit diligentibus se.* Ejusdem inexplicabilis boni, perennitatem, dum contemplaretur Psaltes, ita gratulabundus, sanctis accinebat: Psal: 83. *Beati, qui habitant in domo tua Domine, in secula seculorum laudabunt te.* Vtriq; assentitur D. Augustinus, dñ cap: 35 soliloq: ita loquitur: *Ibi summa & certa securitas, segura tranquillitas, tranquilla jucunditas, jucunda felicitas, & felix æternitas.* Et hic quidem, inexhaustus voluptatis torrens, in Beatos cæli Incolas, non aliunde profluit, nisi ex Divino, quem intuitivè contemplantur vultu. Sed gaudent pari felicitate, illi quoq; mortales, quamvis, à Beata Patria, adhuc exules, qui mentis suæ oculis, Deum intuentur, ubiq; præsentem.

*Beati Celites,
gaudent per-
petuitate &
gratia sancti-
ficante.*

Quod ut clariùs perspectum habeamus, in gloriosum Christi Protomartyrem Stephanum, oculos,

*S. Stephanū,
Dei Præsentia
in ipsis tormē-
tis faciebat Be-
atum.*

culos, & animum convertamus. Extra se rapitur, mens plena stuporis, quoties cogitatione revolvit, quanto virtutum splendore, in teneriori adhuc ætatis juventâ, coruscabat ille, cruore proprio, Purpuratorum Antesignanus Heroum. Integerrima inprimis, ab Angelica ejus facie, emicabat innocentia: Mens, Divinâ plane, relucebat sapientiâ. Ignea, zeli ardentis verba, erumpebant ab ore. Pectus non Divinâ tantum, & proximorum Charitate, sed inimicorum etiam ardebat amore: Manus omnino aureæ, præclaro in egenos, fulgebant nitore: invicta patientia pretiosis, ab ejus sanguine lapidibus, insignis: in Herois nomine radiabat coronâ, ita, ut inter ipsos, à saxis impactos dolores, claro lumine circumfusus, cælesti frueretur suavitate. Quæ omnia & singula ejus decora, adeo firma solidabat constantia, ut ne ipso quidem saxorum impetu, & violentiâ, deiici, de sua fortitudine posset. Ita ille virtutum flagrabat ardore, ut etiam lapideo imbre, minimè extingveretur, sed incalesceret magis: & quasi silex, aut adamas, ferro allisus, scintillaret totus. Vnde verò homini, in pleno ærumnarum agone, adhuc constituto, tam multiplex, & stabilis, virtutum splendor? Vnde tanta cælestium solatiorum copia? Divinæ id Præsentia, ad quam Stephanus, intentos semper habebat oculos, tribuit S. Doctor & Antistes Ambrosius, dum ait: *Stephanus interritus, inter hostes,*

& saxa

463
Et saxa stetit: quia immobilis fide, immobilem
Christum vidit, illiq; se totum, animo, obtutuq; af-
fixit. Quod & ipse, ingenuè ita fatetur: Video IE-
SUM stantem à dextris virtutis Dei. Vnde facile
intelligimus: Dei Præsentiam, quæ S. Martyris,
semper sui avidos rapiebat oculos, tanto eum, sa-
cramoniarum decore illustrasse, & cælesti suavitate, in
terris adhuc degentem implevisse: ut exilium in
patriam, terram in cælum, commutata sibi sen-
tiret. Hinc nemo miretur, quod felicissimus hic
Athleta, quamvis patentibus cælis, Beatæ Felici-
tatis, videndi copiam habuerit: nullo tamen evo-
landi ad eam desiderio, se teneri profitebatur: non
dissolvi, non de carcere mortis hujus liberari, cu-
piebat: quia in terra præsentem Deo, toto frueba-
tur cælo.

Quæ Beatum, in mortali vitâ, fecit Stephe-
num, Præsentia Dei, eadem cæteris quoq; morta-
libus, impertitur Beatitudinem, dum eos, & insi-
gni virtutum gloriâ illustrat, & cælestium solatio-
rum suavitate satiat. Si quis, Beatus inprimis
Parens noster IGNATIVS, eam in se felicitatem,
abunde experiebat. Humanam id, lingvæ fa-
cundiam, ac mentis capacitatem superat, quantâ
ille virtutum, & sanctitatis luce splendebat: ita,
ut non Beata tantum ejus anima, tota pietatis fer-
vore ignesceret, sed corpus etiam, cælesti lumine
circumfusus, non rarò gloriose radiaret. Effunde-
batur

*S. Ignatium
continua Dei
Præsentia, cæ-
lo, in mortali
vita, frui fa-
ciebat.*

bat in vultum, planē cælestis splendor, prodibat ex ore, Beatæ Felicitatis degustata dulcedo: cor supernis æstuans delicijs, in dulces lacrymas, sæpe resolvebatur. His verò omnibus ita perenniter fruebatur, ut non luteo vasi, sed firmissimo adamanti, suâ luce constanter illustri, animam videretur habere infusam. Præclaræ, fateor, erant istæ, & Gloriæ Cælesti æmulæ, in IGNATIO dotes: sed non minor, Divini vultûs contemplandi assiduitas: cui ille, ita defixus cogitatione, adhærebat, ut ab eo mentis suæ obtutum, nunquam sineret evagari: & si oculi, in quodpiam aliud inciderent objectum, in ipsis, quas cernebat creaturis, Deum existentem contemplabatur. Quam virtutis constantiam, & parem cælestibus delicijs sævitatē, ut nos quoq; experiri faceret, continuum Divinæ Præsentiae usum, in suis nobis Constitutionibus, omni ope, & conatu, persuasum esse voluit: ut hac ratione, vitæ Religiosæ asperitates, in cælestes nobis verteret sævitates. Et hoc Optimi Patris consilium, quotquot constantes exequiebantur filij, eximie Perfectionis clarescebant sanctitate, & cælestes in terris delicias, affatim degustabant.

*S. Xaverius,
et alij societa-
tis nostræ viri
perfecti, ob sa-
milisrem sibi
Dei Præsenti-
am, cælestibus
dissuabant de-
licijs.*

Nihil attinet, ut de Apostolo Indiarum Xaverio, in hoc genere aliquid dicam: quem, plusquam pervulgatâ notitiâ scimus, ita Deo, ut piscem mari, innatâsse, ita virtute, ut solem, luce, orbem illustrâsse, ita sævitate cælesti, ut oceanum aquis abundâs-

465
abundasse. P. Ioannes Suárez, ex eo magnam, ac
prodigijs etiam illustratam sanctitatem, consecu-
tus est (ut pleriq; rerum nostrarum scriptores as-
serunt) quod Divinæ Præsentia ita assueverit, ut
ad singulos motus, aut pedum suorum gressus, e-
licitos erga Deum charitatis actus, multiplicave-
rit, & expleverit vorum S. Greg: Nazian: optan-
tis: *Tam sæpe Dei meminisse, quàm respirare, oportere.* Patrem Alphonsum Cortes, magnæ similiter
in Regione nostra sanctitatis virum, cum P. Ioan-
nes Sebastianus, diligentius sæpe observasset: vidit
semel Christum Dominum, Divinitatis suæ lumine
circumfusum, ad Alphonsi latus assistere: cum ve-
rò ab eo rogaret: quid interea temporis cogitasset?
respondit Alphonsus, se mentis suæ oculos, in sui
Salvatoris Præsentiam intentos habuisse, & exinde
plurimum se ineffabilis solatij percepisse. Illud
prodigio simile, quod de magni Xaverij, intimo
cliente, P. Marcello Mastrillo, nostri referunt An-
nales. In tantum ille, suum Indigetem, æmulaba-
tur Xaverium, ut prodigiosam consequeretur san-
ctitatem, quam ex continua Dei Præsentia, auge-
bat in dies. Vnde ad eam pervenit felicitatem, ut
inter atroces: crudelissimi suspendij dolores, & ex-
quisitos cruciatus, cælum se invenisse gloriaretur:
dum enim lictores, ursis, aut tigridibus ferociores,
Patrem extremè excarnificatum, amoto equulei o-
perculo, per derisum interrogassent: num illos, ali-
Nnn quid

quid vellet? Ne me hinc amoveatis, respondit, sed in hoc me Paradiso meo, delectari permittatis. Tantum est, Divinæ assvescere Præsentia, ut in maximis etiam ærumnis, non possis, non esse felix, & Beatus.

*Tutelares nostri
sunt Angeli,
celo inter nos
fruuntur, quia
semper vident
faciem Patris
Æterni.*

Ultimum, ad utramq; dissertationis adstruendam partem, à Sanctis Tutelaribus nostris Angelis, compendiosum, breviter accipio; documentū. Duo sunt in Beatis Spiritibus, ad nostri custodiam, & tutelam deputatis, quæ admirationem pariunt. Vnum, quod Angeli, quamvis tot scelerum contagia, inter homines, quibus assistunt, videant: ipsi tamen, nullā criminis lue coinquinantur. Alterum, quod ab illo cælestis Patriæ, & totius felicitatis emporio, procul somoti, nullo sedis Empyræ tædio afficiuntur. Nolo rei hujus, ab humano prognatas cerebro, rationes afferre: cum Æterna Sapientia, propositæ quæstioni, satis faciat: dum Matth. 18. ait: *Angeli eorum semper vident faciem Patris mei, qui in cælis est.* Quo effato palam declarat: Beatos Tutelares nostros Angelos, quamvis inter scelestissimos quosq; homines, continuo versentur, & procul, ab Æternæ Beatitudinis Paradiso degant, nullam tamen, aut sceleris labem contrahere, aut tædio ad cælestem Patriam affici possunt. dum semper & ubiq;, Dei contemplantur vultum. Ut ergo immortales Spiritus, in hoc nobiscum degentes exilio, Dei conspectus, æquali, ac intimos

467
intimos cæli incolas, felicitate beat: dum in scelerum, & ærumnarum loco, puros conservat, & facit Beatos: ita & hominum mentes, in Dei Præsentiam semper intentas, in hoc, adhuc scelerum peste, afflato, & ærumnis referto, mortalitatis suæ exilio positos, à peccati contagione immunes, & cælestium donorum consortes, idem Dei vultus, facile efficiet: facietq; ut unusquisq; nostrum tanti boni incensus desiderio, cum Vate Coronato exclamet: *Providebo Dominum in conspectu meo semper*: Unde eveniet, ut hic etiam, Beatâ Felicitate perfruatur: prout S. Ephrem spondet, & concludit: *Semper Dei meminervis, & calum, mens tua evadet.*

ALLOCUTIO XII.

In agone Perfectionis contententes, sola coronat Perseverantia.

Non alacriter viam inchoasse, non festino gradu iter intendisse, sed constanti passu, ad metam pervenisse, perutile, & gloriosum viatoribus est. Quid enim refert, longum, & permolestum iter, animo ingredi alacri? Quid juvat, inter conti-

Graude infortunium est cepta non perficere summa felicitas inchoatam virtutem consummare

ter continuos nubium imbrēs , aut solis ardores ,
 cæterasq; cæli frigidioris injurias , nisu festinare
 pertinaci, si priusquam metam attingas, in via de-
 ficias, aliò aberres, aut quod pejus est, retro pedem
 referas. Miseret me profectò , viatoris illius , qui
 postquam in via sæpius sudavit, & alsit, aliosq; la-
 bores exhaustit, metam, cujus gratiâ, tot sustinuit
 incommoda, non attigit. Iam verò, qui se in pro-
 posito viæ termino, consistere advertit, ridet omnes,
 & nihili ducit, toleratas itineris molestias, & ad-
 versitates: dignus singulari plausu, & præmio. Ve-
 rùm multò magis, miseram sortis suæ vicem, ex-
 periuntur illi, qui in spiritali vitæ profectu, post
 superatas viæ austerioris asperitates, & emensos
 virtutum calles, dum se, non procul jam, à summo
 quæsitæ Perfectionis culmine, abesse existimant, vi-
 ribus, & animo destituti, miserè labuntur, aut re-
 tro abeunt, nunquam satis descendendi viatores. Alia
 est fors, conditio longè diversa eorum, qui superatis
 severioris disciplinæ rigoribus, & impenso, coa-
 cervandis virtutibus labore, ad desideratam se cõ-
 stitisse metam, advertunt: tales enim, quasi post
 sævas tempestatum procellas, ad littus appulsi nau-
 tæ, aut debellato hoste victores, coronati trium-
 phant. Et illis quidem, grande hoc infortunij
 malum, suam sibi inconstantis animi, accersere le-
 vitatem, istos à constanti in arrepto virtutis itine-
 re, Perseverantia, gloriose coronari, mihi evincere
 propositum est.

Quod

Quod ad metam collimantibus, plerumq;
contingit jaculatoribus, hoc viam sanctimoniae in-
gressis viatoribus, usu venire solet. Prout enim il-
li, si jaculis, procul à scopo aberrant, aliorum ri-
sus, & ludibria excipiunt: si verò non irritò ictu,
metam apprimè contingunt, laudes, & præmia re-
ferunt: ita in spiritali vitæ nostræ cursu, destina-
tam animo metam non attingere, infame dedecus,
& grande infortunii malum est: adeo ut omnes
(quod de Architecto Æterna Veritas testatur)
incipiant illudere ei, quia cæpit, & non potuit con-
summare. Iam verò si quis, ad propositam Æternæ
Felicитatis metam, passu constanti accurrat, sua e-
um, mille laudibus effert, & coronat Perseverantia.

Quod in primis attinet, ad miseram, & ama-
rè desendam infelicitatem eorum, qui arrepto se-
mel virtutis cursu, deficiunt, & à proposita Perfe-
ctionis meta, procul aberrant. Ad mentem clari-
us illustrandam, placet à fulgentibus, in cælo stel-
lis, lumen mutuare. Puto aliquid inesse miserie,
quòd Sacra Eloquia, homines justitiæ deditos, stel-
lis æquiparare soleant: prout eos clarè (inter cæ-
teros non paucos textus) Daniel. 12. Sacra Pagi-
na, fulgorem stellarum, asserit æmulaturos: nec va-
cat causis comparatio. Novimus in primis, stellas
non suâ, sed à sole mutuata luce, noctis tenebras
illustrare: ita & homines, maximâ etiam præditi
sanctitate, nihil boni à se, omnia verò habent, à
sole

469

*Viris Perfecti-
oni deditis, i-
dem quod ja-
culatoribus &
architectis com-
tingere soles.*

*Iusti stellis me-
ritò compa-
rantur -*

Sole Iustitiæ Deo: prout Paulus, quamvis & ipse, primæ magnitudinis sidus, palàm 1. Cor. 15. de se attestatur: *Gratia Dei sum, id quod sum*: quibus verbis fatetur Apostolus, se, omnium donorum gratias, à Deo, velut sidus, à Sole hausisse. Nostis præterea id usurpamus oculis, stellas non esse luce, & quantitate pares: similem inæqualitatis mensuram, in meritis, & gloria justorum, intervenire, extra dubium est. Eodem Doctore Gentium, loco memorato, ita attestante: *Stelli enim differunt à stella, in claritate. sic & resurrectio mortuorum.* Vbi Apostolus, eâ meritorum, & præmiorum diversitate, justos se invicem superare, asserit: quâ secum, cæli sidera certant, lucis inæqualitate. Legimus in Sacræ Historiæ Fastis, stellas, Dei populo prælianti, suppetias tulisse, & contra Sisaram depugnâsse: simile omnino subsidium, & nos, contra malignos hostes, à nostris claris sanctitate Indigetibus, non rarò experimur. Grandi nimis mole, constant cælestis firmamenti lumina, ut docent Astronomi, & evincit ratio: ita ut terrestris globi machinam, minima stellarum, multipliciter superet, molis suæ magnitudine: in ea tamen, stellæ, à nobis conspiciuntur parvitate, ut humani quantitatem oculi, vix æquare videantur: ea est Iustorum consuetudo, qui licet, in magnam sanctitatem excrescant, minimi tamen, & humiles, in suis & aliorum oculis, videri amant. Beneficâ sui influentiâ,
stellas

471
stellas agere, in sublunaria, humana explorat & fatetur experientia: similem in nos, derivari à Sanctis, beneficiorum influxum, non fide tantum nobis, sed experimento etiam, evidenter constat.

Optimæ sunt hæc, & rationi consonæ, stellas inter, & Iustos analogiæ. Nostro tamen proposito, illud maxime quadrat: quod sicut cælestis sphaeræ sidera, quamvis firmiter fixa sint cælesti firmamento, miserè tamen hæc præclara lumina, labi, & deorsum cadere, non raro contingit. Videmus enim frequenter, inter noctis tenebras, sudo & in-nubi cælo, stellas subito casu ruere, & extingvi. Et fuerint sanè, hæc decidua cæli lumina, non veræ, & genuinæ stellæ, sed accensæ exhalationes, ut peritis Meteororum placet: cæterum ipsa etiam genuina firmamenti sidera, casibus subiacere, certius omni evidentiâ constat. De ijs siquidem, quæ falli non potest, *Æterna Veritas* Matth: 24 prædixit: *Stellæ cadent de cælo*. Erit, erit olim, triste illud tempus! quo illustria hæc cælorum sidera, grandinis deciduæ instar, infestè ne depluent. Quis unquam crederet, tam speciosi luminis, insignes luce, & firmiter cælo hærentes stellas, post tot rectè continuatos motus, è superna sede, in ima terræ, dolendo lapsu casuras! & tamen aliter fieri non poterit, quod ita futurum edixit, Dei infallibile effatum.

Grævis & dolendus stellarum de cælo casus est.

Scio

*Stellas & An-
ge. os calo de-
cidentes, do-
lendo casu ho-
mines saepe i-
mitantur.*

Scio sacros, loci hujus Interpretes docere-
non inanimis tantum cæli sideribus, sed rationis
etiam, & sanctitate præditis hominibus, hunc esse
se prædictum ore Divino casum. Et quid sæpius
nostras incurrit in aures? quid frequentius, istis
percipimus oculis? quàm insigni sanctitate, illustri,
um olim Angelorum, hominumq; ruinas. Grande
perfectio naturæ, & gratiæ prodigium, erat sum-
mus ille Angelus, Lucifer, ita ab indita sibi, bene-
ficio Conditoris sui, donorum luce, appellatus: &
tamen non solus ipse, cælo lapsus corruit, sed in-
super, tertiam stellarum, hoc est Beatarum Menti-
um, partem secum traxit in ruinam: ob unius per-
severantiæ, in Dei cultu, defectum: ut ei Isaias
Propheta acerbo affectu, meritò indoleat: *Quo-
modo cecidisti Lucifer? qui mane oriebaris.* Quasi
dicat, nunquam cogitatione attingere, nedum in
animum inducere potui: te Divinæ Potentiæ, tot,
tantisq; insignem donis, principem creaturam, eò
casus, & ruinæ devenire potuisse. Quod ipsum,
hominum prudentissimus Iob, ad stuporem usq; ad-
miratus, cap: 4. ait: *Et in Angelis suis reperit
pravitatem.* Cujus rationem, eam præmisit: *Ecce
qui serviunt ei non sunt stabiles.* Quo verborum
sensu, totam, lapsus Angeli causam, in solam men-
tis reiicit inconstantiam. Quid de hominum, san-
ctitate alioquin insignium, simili ruina dicam? stel-
las cæli, facilius ad calculum revocabo, quàm mi-
seran-

serandos eorum casus, recensebo.

473

*Dolendus Iu-
da Proditoris
casus.*

Nulla unquam, è recordationis nostræ mē-
moria, eliminabit oblivio, illam, in duodeno Apo-
stolorum Zodiaco stellam, ab Æternâ Sapientiâ, lu-
men haurientem, Apostolico munere insignitum
Iscariotem. Quid illi quæso, ad exquisitæ sanctita-
tis Perfectionem, deesse poterat? qui ex ipso Divi-
nitatis foco, cælesti pietatis flammâ accendebatur.
Omnem (loquor ex sensu SS. Patrum) Apostoli-
cæ vocationis amor, ad mundi vanitates affectum,
docoxerat in eo, hinc abjecta munia, quibus hu-
militatis, & abnegationis foveret studium, fervens
arripiebat: voluntariæ paupertatis, castimonix, &
obedientiæ, ardenti desiderio æstuabat: in fervida
oratione, & prolixa meditatione, illo exardescibat
igne, quem se Dei Filius, ad inflammanda, Dei
amore corda, de cælo misisse profitebatur: Accen-
debatur ardenti animarum zelo. Inclarescebat mi-
raculorum prodigijs. Sed quid ei, strenuè impen-
sum virtuti studium istud, profuit? quando præcla-
rè facta, infelix Proditor, exitu turpi fœdavit, &
collectam virtutum copiam, recte infami strangu-
lavit. Non memoro Origenes, Tertulianos, Osios,
sexcentosq; alios, præclaræ olim eruditionis, & vir-
tutis viros, qui egregiè cæpta, & diuturno usu cō-
tinuata, virtutum specimina, pessimo tandem fine
corruerunt.

Ooo

Ad Reli-

*E calo Religio-
nis, multi mi-
serè decidunt.*

Ad Religiosa Cænobia, mentis converto oculos: o quot, Bone Deus! ex hoc, pietate, fulgenti vitæ Religiosæ cælo, in æternæ perditionis abyssū, olim virtute clarissima sidera, dolendo lapsu ceciderunt: Recurrunt in mentem, Eutiches, Ochinus, Lutherus, & pleraq; alia, quondam Religiosā sanctitate, commendata nomina, nunc probra, & fumantes erebi tædæ. Illustrabat fateor, stellarum instar, unusquisq; eorum, doctrinā & pietate suæ Religionis hemisphærium: sed quid contulit, hæc, tanti luminis sidera diu luxisse? quibus tandem per Sacrilegam Apostasiæ impietatem, contigit, à fide, & pietate, horrendā eclipsi deficisse. Quis cæterorum absq; lacrymis videat, aut enumeret, casus dolendos? S. Abbatem Bernardum audiamus, uni suorum, turpem, è Clara Valle lapsum, Epist: 112. ita acerbè exprobrantem: *Quis non doleat, florem juventutis tuæ, quem letantibus Angelis, Deo illibatum obtuleras, vitiorum spurcitij, & sæculi sordibus inquinari? Quomodo qui vocatus eras à Deo, revocantem diabolum sequeris? & quem Christus trahere ceperat, post se, repente pedem, ab ipso introitu gloriæ retraxisti.*

Religio Societatis IESU cælum est, unde plures in sæculi & perditionis barathrū miserè ruunt.

Sed quid ego, ab alienis cælorum hemicyclis, lapsa sidera, defleri dolenter audio, & enarro? cum istud quoq; Societatis nostræ, in quo nos Deus collocavit, cæleste planè firmamentum, similibus (quod sine dolore loqui nequeo) non vacat casibus,

casibus. Si cuipiam alteri, certè nostro cætui, illud quod memoravi, servit planè ad literam, Danielis vaticinium, dicentis: *Qui docti fuerint, fulgebunt quasi splendor firmamenti, & qui ad justitiam erudiunt multos, quasi stellæ in perpetuas æternitates.* Quibus verbis (ex multorum mente) nostram Religionem, S. Vates graphicè descripsisse videtur: & verè, conformiter ad rem: veluti enim, cælestis firmamenti stellæ, quamvis derivatum à sole lumen, continuo influxu, mundo toti communicent, ipsæ tamen communicatâ luce, nunquam destituuntur: ita Religionis nostræ, cælitus haustâ doctrinâ, & sanctitate viri illustres, quo majorem alijs, eruditionis, & pietatis lucem, impertiuntur, eò magis augent suam. Non frustra B. Patris nostri, in sacris cineribus, stellæ comparuerunt lucidissimæ, hoc enim ostento, puto esse declaratum: quòd veluti in vulgari cinere, ignis scintillæ fovetur, & relucet: ita incineratum Beati Patris corpus, tot procreat stellas, quot filios: ut illi etiam, dictum esse videatur, quod Abraham Gen: 32. audivit: *Multiplicabo semen tuum, sicut stellas cæli.* Et fulgent equidem, fulgebuntq; perenniter sine censu & calculo, hæc nostra sidera. Sed ingens quoq; (quod rursus d. lenter loquor) illorum numerus est, qui cum diu, in hoc vitæ Religiosæ cælo, stellarum instar, multâ virtute luxissent, miserè tandem lapsi, primùm in scelerum voraginem,

Ooo2

deinde

deinde in perditionis barathrum deciderunt: primò suis cupiditatibus, deinde erebi flammis accensì, æternum arsurì titiones: Quorum tristes exitus, ut fusiùs recenseam, supervacaneum puto: nostram consulamus memoriam, & venient plurimi, gregatim in mentem: qui operoso conatu, jactis vitæ religiosæ fundamentis, superatis austeritatis, & molestiæ obicibus, collecto laboriosè virtutum pretio, impensâ animarum lucro, diligenti operâ, ipsi tandem, ab instituto vitæ religiosæ cursu, effrenatâ in omne nefas licentiâ, in devia acti, quasi de cælo, in cænum, lapsi, horrendis casibus, æternum perierunt: quorum inconstantia levitatem, testari, & deplorare, meritò possumus, verbis Augustini cap: 29 sibi soli loquentis: *Vidimus stellas, de cælo cecidisse, & eos, qui inter filios Dei ambulabant, in medio lapidum ignitorum, quasi lutum ad nihilum defluxisse.*

*Viri Perfecti
adinstar popu-
li Israëliti, in
ultima sue
perfectionis me-
ta, gloriose
coronantur.*

Sed jam ab istorum inconstantia, amotos, & deterfos à luctu oculos, ad exporrectam perseverantibus coronam, expansis manibus, convertamus: quam, ut tantò faciliùs consequi possimus: Animam, per Salomonem decantatam, sequamur præeuntem: Hujus diu, & seriò impensum virtuti studium, præmiaturus Sponsus cælestis Cant: 4. a-
jebat: *Veni Sponsa, veni, coronaberis, de capite Amana, de vertice Sanir, & Hermon.* Novi ex Sacris Interpretibus, Amana, Sanir, & Hermon,
montium

montium nomina esse. Vnde congruè: Sponsam auro & gemmis radiante coronâ, adornandam, in præaltos montium vertices evocari arbitror. Nemo enim sibi, cælestis Gloriæ coronam polliceri potest, nisi prius, Perfectionis arduum montem, juxta suæ vocationis statum, conscenderit. Vnde & Æterna in carne Sapiencia, in montibus passim Apostolos, cælesti doctrinâ instituebat, quod ad Perfectionem, eruditose esse volebat. Sed cur nominatos, non quospiam alios, altitudine, aut rerum, in eis gestarum famâ, magis celebres montes, coronationis istius solennitati, cælestis Sponsi arbitrium destinavit? Referunt accurati Palestinæ Geographi, prædictos montes, in ipso terræ promissionis aditu, sitos fuisse: hinc Hebræi (ut testatur Lyranus) post consummatum iter, quod per 40 Annorum spatium, ex Ægyptiaca servitute, ad liberum Palæstinæ Regnum, susceperunt: postquam eos terræ, tot, votis exoptatæ, conterminos montes attigerunt, ferta sibi, & coronas, è floribus, in ijsdem montibus prognatis concinnatas, capitibus imposuerunt, ibidemq; gloriose triumphârunt. Habebat præcul dubio, in illo diuturno itineris sui tractu, Populus Israëliticus, multos alios obvios montes, in nullo tamen eorum, præsumebat floridis adornari coronis. Præteribat inter cæteros, montem Sinai, Divinæ Legis intimatione sacrum, nullos tamen inde flores decerpere, ad contexendas sibi coronas, audebat.

At post-

At postquam, peregrinationis suæ cursum, ad præfixum metæ terminum, ultimatò deduxit: & in montibus Amana, Sanir, & Hermon, hoc est in ipso terræ promissionis limine, fausto pede constitit: illico gratis floribus, vernantes sibi coronas concinnavit. Atq; hinc colligimus, ideo piam Animam, ad recipiendam cælestis Gloriæ coronam, in illos montes, sponsi voce evocari, in quibus olim vetus Dei-Sponsa, Gentis Hebrææ Sinagoga, post longum, & arduum sui itineris, in eremo tractum, constanti passu limen attigit, terræ sibi appromissæ. Ut inde unaquæq; potissimum tamen Religiosa Anima, discat, non ante sibi, perennis gloriæ, à cælesti Sponso, porrigendum diadema, nisi consummato, susceptæ Perfectionis itinere, in limine, mille votis exoptatæ cælestis Patriæ, consliterit.

*Arduos S. Pauli
si labores finis
coronabis
Perseverantis*

Quod firmum veritatis dogma, si quæpiam alia, certè Beata, Pauli Apostoli Anima, clarè percipiebat. Multa, ac prope infinita sunt, heroicæ virtutis facinora, quæ, strenuus Viator iste, Divinæ inprimis Gloriæ, deinde suæ, & proximorum salutis causâ, præstitit. Totus, promovendi Dei Honoris studio, æstuabat: Divino, ita firmiter adhærebat amor, ut ab eo, nullius creaturæ violentiâ, separari avelliq; posset: Animarum, adeo se impendebat salutem, ut pro ijs, etiam anathema, & flammæ infernalis victima, fieri ardenter desideraret. Corpus sæpe jejunijs multis, castigationibus rigidis,

rigidis, laboribus, & ærumnis, fame & siti, cæterisq; asperitatibus, supra modum affligebat. In orationibus assiduus, extaticè extra se rapiebatur, & & tamen, ad præparatam sibi, cælestis Gloriæ coronam, manum extendere, nunquam præsumebat, nisi in ipso vitæ mortalis, constanter transacto decursu, cum suæ Perseverantiæ certus, 2. ad Timot: 4. diceret: *Bonum certamen certavi, fidem servavi, cursum consummavi, in reliquo, reposita est mihi corona Iustitiæ.* En fortissimum Pugilem, & Athletam, qui nullâ (quas longâ serie recenser) virtute (solam, si excipias Perseverantiam) coronari se, arbitratur posse: ut ei meritò, svavis, facundiâ D.ctor Ambrosius, Adhor: ad Virg: ita applaudat: *Quis fortior, quis Beatior Paulo? ille tamen, non ante sibi coronam vendicavit, quàm certamen omne, consummaretur.* Nec mirum, solam enim Perseverantiam, cæleste præmium concernit, *Æternâ Veritate* Matth. 24. ita attestante: *Qui perseveraverit usq; ad finem, hic salvus erit.*

Sed jam in usitatum Exemplar nostrum, & itineris Ducem, S. Patrem IGNATIVM, mentis oculos convertamus: rei solidius argumentum habituri. Magni fateor ponderis, & pretij, est cælestis Gloriæ, diadema illud, quo Beata S. Patris Anima, in cælo redimita relucet: sed par præmio, in cultu virtutum Perseverantia. Longus, ac propè infinitus, in dicendo essem, si omnia particula-

tim,

S. Ignatij magna in virtutum exercitio constantia.


*S. Patris
constantiam,
multi ex fi-
liis sunt i-
mitati*

tim, constantis Perseverantiæ ejus documenta, recenserem, sufficiat compendiosè dixisse: IGNATIVM (ut ex omnibus rerum ab eo gestarum commentarijs constat) nullum virtutis opus aggressū, quod, ad ultimum vitæ terminum, constanter non perduxisset. Insistebant vestigijs Patris, constanti consummatæ virtutis passu, filiorum plurimi. P. Thomas Sanchez, non minùs doctrinā, quàm pietate clarus, quodcunq; virtutis exercitium semel inchoavit, toto illud, vitæ mortalis decursu, nunquam interruptit: unde cilicium, quod ab ineunte Religionis ætate, induerat, non infirma tantum valetudo, sed ne mors quidem ipsa, poterat ei detraxisse. P. Petrus Rodericus, ita in quovis arreptæ virtutis usu, constanti animo perseverabat: ut inter cætera: castigandi corporis consuetudinem, quā per semihoræ spatium, in se quotidie acriter desæviebat, ne illo quidem, quo obiit die, intermiserit. P. Ioannes Lorinus, vir virtute, & eruditione clarus, præter alia innumera constantiæ documenta, in eo singularis Perseverantiæ, specimen dedit, quod per 50. & amplius annos, quibus in locietate vixit, ad primum nolæ: è somno excitantis ictum, semper è lecto, promptus exilierit. P. Jacobus Crucius, senex annosissimus, nam duos supra 90. annos, natus excessit: ultimis hisce annis, consvetæ austeritatis, erat retinentissimus: unde ab amicis admonitus, ut sibi aliquid indulgeret, possit


posse hoc fieri, nullo virtutis, quam in tuto haberet, nullo exempli damno: quis enim grandævam ætatem, molliùs habendam ignoret? Quibus ille, nolle se, in cliyo deficere, respondebat: Cum virtus, ultra decrepitæ senectutis metam, pèrtingere debeat. Hoc demum est, virtutem colere! quæ cum æternitatis rudimentum sit, nemo (nisi pessimo consilio) eam tempori, accommodat. Vt enim, tum flumina labi, & fluere desinunt, cum in mare influant: ita virtus, antequam Divinitatis Pelagum attingat, cessatione, non torpescit. Quis enim unquam, bravium tulit? qui in cursu defecit: quis viri-
trici lauro tempora cinxit? qui è prælio pedem retulit. Nullum, virtus finem habere debet, æternitate, compensanda. Vt præclarè Synodus Tridentina, suo effato sess: 6 cap: 16 monet, *In cassum bonum agitur, si ante vitæ terminum, deferatur. Quia, & frustra velociter currit, qui priusquam ad metas venerit, deficit.*

Quare, cum solius Perseverantiæ, privilegium sit, cæteros virtutum, ac meritorum actus, cælestis præmij, gloriâ coronare: illi nos maximè addictos, ac devotos esse oportet: hanc omnibus desideriorum votis optare, hanc, omni ope, ac conatu retinere, studeamus. Scio quidem, ex mente SS Patrum, finalis Perseverantiæ, inæstimabile donum, omnia nostra vota, ac merita superare: ita, ut in omnibus

virtutum, ac meritorum thesauris, tantum non in-
 veniatur pretij, quod finalis Perseverantiæ, adæquet
 valorem. sola, Divinæ Bonitatis manus munificen-
 tissima, doni istius dispensatrix est. Si quæpiam alia,
 finalis certè Perseverantiæ Gratia, *non volentis*
 (verbis Apostoli ad Rom: 9 loquor) *neq; curren-*
tis, sed misereantis Dei est. cuius clementiam conti-
 nuo postulationis nostræ studio, supplices exoremus:
 ut finalis Perseverantiæ donum, quod nostrarum
 tenuitate virium, consequi non possumus, Divinâ
 Liberalitate obtineamus. Inclina aures tuas, in preces
 nostras, Benignissime Deus: ut in Primæ Diei, aspe-
 riori viâ, abolendis, & emundandis vitiorum næ-
 vis, impensos labores, datam alterâ Die, colligendis
 virtutibus, operam, incensos Amore Dei, Tertiâ Lu-
 ce affectus, in ipsa, suscepti itineris meta, coronet
 finalis Perseverantia: quatenus, eam, quam terimus,
 Religiosæ Perfectionis nostræ, TRIVM DIERVM
 VIAM, Ducis ac Legislatoris nostri S. Patris I-
 GNATIÏ vestigijs inhaerentes, in finali
 Perseverantiæ amplexu, constanti
 animo, prosperè
 finiamus.



INDEX



I N D E X

Titulorum, seu Porpositionum, quas
in hoc Opere, singulæ elucidant
Allocutiones:

D I E S P R I M A

Via Purgativæ.

A L L O C U T I O I

*Magna Hominibus Religiosis, Perfectionis incumbit neces-
sitas.*

A L L O C U T I O II.

Finis Perfectionis Religiosæ, solus & unus, Deus est.

A L L O C U T I O III.

*Quævis Creatura, homini ad ultimum finem, ductoris in-
star est.*

A L L O C U T I O IV.

*Maxime naturalibus, & supernaturalibus Dei donis, inci-
tamur*

ramur ad Finem ultimum,

49.

ALLOCUTIO V.

Vanus est difficultatum, in via Perfectionis metus.

62

ALLOCUTIO VI.

Timor Dei, viam Perfectionis ineuntes, ducit & custodit.

74

ALLOCUTIO VII.

A sava latrocinantium peccatorum crudelitate, Dei Timore protegimur.

85.

ALLOCUTIO VIII.

Leves culpæ, gravium sunt, causæ malorum.

96.

ALLOCUTIO IX.

Grandis est, cujusvis scandali malitia.

108.

ALLOCUTIO X

Seria mortis Consideratio, magnus est Religiosa Perfectionis stimulus.

120

ALLOCUTIO XI.

Grandem teporis malitiam, Dei Iudiciorum, & penarum inferni, sape efficaciter amovet, memoria.

131

ALLOCUTIO XII

Vitæ austeritas, ad consequendam Perfectionem, omnino requiritur.

144.

DIES SECUNDA

Vitæ Illuminativæ

ALLOCUTIO I.

Arduam naturæ virtutis viam, Christi Domini, & sanctorum

rum

rum vestigia, faciunt expeditam.

157.

ALLOCUTIO II.

*Humilitas, solidam est, & necessarium virtutis & scientiæ
fundamentum.*

169.

ALLOCUTIO III.

Oratio, Religiosæ Perfectionis, alimentum est.

182.

ALLOCUTIO IV.

Religiosa Paupertas, viam Perfectionis facit expeditam.

195.

ALLOCUTIO V.

*Amenum, & festinum, ad Perfectionem, Castitatis iter est,
sed facilis in eo lapsus, nisi studium mortificationis adsit.*

207.

ALLOCUTIO VI.

*Recta, & secuta est, ad Perfectionem via, quâ ducit Obedi-
entia, sed si vel tantillum ab ea aberretur, gravis error in-
curritur.*

222.

ALLOCUTIO VII.

*Accurata silentij observatio, multa bona, violatio, plurimæ
adfert nocumenta.*

235.

ALLOCUTIO VIII.

Vita communis, virtutes fovet, vitia tollit.

249.

ALLOCUTIO IX.

Fraterna Charitas, vinculum est Religiosæ Perfectionis.

262.

ALLOCUTIO X.

Animarum Zelus, ad nostram Perfectionem requisitus, jun-

cta

Ad virtutis scientiā animatur, Exemplis Christi & Sanctorum incenditur. 276.

ALLOCUTIO XI.

Christi in Cruce afflictio, est Religiosa Patientiae Idea. 288.

ALLOCUTIO XII.

Christi Patientis imitatio, & Religiosa Perfectio, continuā mortificatione efficitur, & conservatur. 303.

DIES TERTIA

Via Unitivæ.

ALLOCUTIO I:

Perfecti erga Deum Amoris meta, sola Excellens Dei Bonitas est. 321.

ALLOCUTIO II.

Perfectus Dei Amor, nihil præter Deum intendit. 334.

ALLOCUTIO III.

Perfectio Dei Amori, proprium est, agere & pati. 345.

ALLOCUTIO IV.

Ille perfectus Dei Amor est, qui pijs fervet affectibus. 360.

ALLOCUTIO V.

Frequens pij colloquij usus, certum perfecti in Deum Amoris documentum est. 371.

ALLOCUTIO VI.

Regularum Societatis IESV, accurata observatio, summa Perfectio est. 384.

ALLOCVTIO VII.

*Perfecto Passionum dominio, summus Perfectionis gradus
obtinetur.*

400.

ALLOCVTIO VIII.

Perfectæ Virtuti, quævis afflictio suavis.

421.

ALLOCVTIO IX.

*Conformitas cum Voluntate Divina, facit securum, & sua-
ve Perfectionis iter.*

424.

ALLOCVTIO X.

*Desiderium videndi Deum, consummatæ Perfectionis, indi-
cium est.*

439.

ALLOCVTIO XI.

*Cælestem in terris Beatitudinem consequuntur, qui Deum
semper habent Præsentem.*

452.

ALLOCVTIO XII.

*In Agone Perfectionis contendentes, sola coronat Perse-
uerantia.*

464.



INDEX

I N D E X

Rerum specialium, quæ in hoc Opere continentur, *Numerus designat Paginam.*

A

ABRAHAM dum mortem co-
gitat contemnit terrena. 128.
Tres præ oculis calites habens,
cur unum adoravit? 250. Pro-
pter sermonis pietatem Princeps
Dei dictus est. 314

ARCA Veteris Testamenti, à
Divinis quas asservabat Legibus
sanctitatis habuit denominatio-
nem. 386.

ADAM omnium ditissimus,
ad extremam devenit inopi-
am. 88

B. ALOYSIUS, calcaribus, suum
in sanctitate urisit profectum 154.
Ejus de oratione sensus. 192.
Castitatis beneficio, citò est Per-
fectionem adeptus. 213. Ejus
præsentia, multos à malo arce-
bat. 459.

AMARI Deus, cum creatura
non potest. 331.

AMOR DEI, ad solam Divi-
nam Bonitatem collimat. 322.
Zelotypus est. 338. Dives &
aureus est. 345. Non secus ac

aurum, probari debet: 346.
Nunquam est otiosus. 354. I-
gne tribulationis probatur. 353.
Facit swaves ærumnas 359. &
seq: Instar tormenti bellici, con-
cepto fervoris igne in flammam
etumpit 370. Aquam igni ad-
motam, & calorem vitalem imi-
tatur. 370. Est semper disertus.
372. Magis quàm rigor, aut le-
nitas, sanctos efficit. 387. Dul-
ces facit adversitates. 422. A-
moris Dei probatio, Præceptorū
& Regularum observatio est.
348. & seq: Amorem ne divida-
mus, eundem Creatorem, & Re-
demptorem habemus. 340. A-
morem Dei, & mundi, simul
consistere non posse, dicebat Ar-
senius 340. Amorem Dei, sē-
per piis fervere aff. & ibus, docu-
mento sunt Seraphim. 361. &
seq: In Amore Dei, Iob, Patri-
archam Iacob superavit, David
utr q; palmam præripuit. 332.
Amor quilibet ad suam colli-

mas

mat metam. 369. Malè ad creaturas deviat. 334.

P. ANDREAS Spinola, quas antea timebat, postea risit, vitæ Religiosæ difficultates. 69. P. Andreas Zea, in cinere, suam fovebat sanctitatem. 130. Angeli, nunquam Dei visione satiantur. 443. In terris cælo fruuntur. 466. Angelos superbia & invidia, cælo detruxit. 117. Casum eorum, imitantur homines. 472. Animæ magnum est pretium. 284. Apes, cur telis armatæ? 413. Etiam ex urticis, mel colligunt. 41.

APOSTOLI, quomodo à Christo, nihil petierunt? 27. Cur minùs Patriarchis laborasse dicuntur? 159. Absq; virga, in viam expediti, ut ultionis carerent instrumento. 170. & seq:

AQUA, mellis instar, sapiebat Hebræis. 134.

ASINUS, cur à Divino sacrificio exclusus? 323.

AUGUSTI Cæsaris, infamis metus. 71.

AUSTERITAS vitæ, multùm urget ad profectum in spiritu. 153. & seq:

B

P. BALTHASAR Alvarez, perfectum dominium suarum

Qq

habuit passionum. 409

S. BASILIUS, Dei Præsentia, omnia superare vitia, docebat. 457. & seq:

BEATITUDO cælestis, hominum animos ad se rapit. 15. In ea summa consistit felicitas. 461.

BENEFICIA Dei, fervorem à nobis exigunt. 365.

S. BERNARDINI præsentia, multos arcebat à malo. 459.

S. BERNARDUS, nihil gravius putabat, quàm à Deo separari. 447. Eius obedientia, Christo fuit gratissima. 228.

P. BERNARDI Conlagi insignis sui victoria. 176.

C

CASTITAS, virtus est Angelica, delicijs plena. 209. Facit homines, Angelis celeritate pares. 214. Via ejus amæna, sed lubrica. 207. & seq: Viâ Castitatis citò curritur. 210. Est alis instructa, 212. Inter mortificationis spinas, floret ut lilium. 220. Iter ejus lubricum, & periculosum. 215. & seq:

CHARITAS facit Religiosos felices. 266. Præstat omnibus mundi opibus. 272. Malignos spiritus reprimat, 273. Arduam Perfectionis viam faciliat. 264. Chari-

Charitatis fautores fovet Religio, eiecit violatores, 267. & seq.

CHRISTUS, magis salutem animarum, quam cibum & potum esuriebat, & sitiebat. 281. Mancos & monoculos, vult suos esse servos, ut solum Deum intueantur & apprehendant. 336. Passionem suam, sive epulum appellavit. 415. Sui exemplo, viam Perfectionis faciliat. 158, & seq: Est omnium virtutum Exemplar. 158. Christum vult à se abire Anima sancta, ut ejus sequatur vestigia. 163. & seq: Christi Patience, nos animat ad patiendum. 289. & seq: Ejus Passio, continuam à nobis requirit mortificationem. 304.

P. CLADIUS Aquaviva, orationem dicebat esse medium conservandæ Societatis. 190. Patientiæ ejus præclarum specimen. 297.

COLLOQUIA sancta, sunt documenta sanctitatis. 377. Propter colloquij pietatem, Abraham, Princeps Dei, appellatus est. 374. Colloquijs sanctis, Christus suam declaravit Divinitatem. 379. Colloquia sancta, plurimum nobis S. Pater commendavit. 382. S. Columbanus mira præstitit

per obedientiam. 232.

COMMODA homines, non amicitiam quærunt. 332. Eorum copia, vitiis occasio est. 199.

CÆLESTIS Beatitudo, hominum ad se animos rapit. 450.

COMMUNIS vita laudabilis in Religiosis, 250. Fons est Humilitatis & Charitatis. 257. Gratiæ Dei, & præmia meretur 252.

CONCORDIA, viatoribus necessaria. 262. & seq: Conservata inter animalia, prosperam Arcæ, faciebat navigationem 264. & seq:

CONFORMITAS cum Voluntate Divina, multas facit superare difficultates. 428, & seq: Vide Voluntas Dei.

CREATURÆ, respectu Dei, nihil sunt. 28. Ex creaturis, facilis ad Deum ascensus. 40. Multa ab ijs discere possumus. 46. Creaturæ, propter Deum amari possunt. 344.

CRUX, sedes Patientiæ Christi. 290.

D

DAVID, difficultates non exhorruit. 64. Perfectionem adeptus, Deum videre, continuo cupiebat. 442, Auro onustus progred-

progredi non potuit. 197. Pijs fervebat affectibus. 363.

DEVS, Finis noster ultimus est. 24. Ignitos vult habere servos. 30. Beneficijs incitat ad virtutem. 50. Etiam propter Beneficia amari potest. 330. Se, non sua, vult amari. 332. Cur rigorose, non de congruo, voluit sibi satis fieri, pro peccatis hominum? 338. Propter se amari debet. 344. Cur sua Præcepta in lapide exaravit? 374. Dei Gratia, Perfectionis est adjumentum. 57. Ejus Bonitas amoris meta est. 322. Dei oblivio, fons est omnium imperfectionum. 35. Ejus visio nunquam Angelos satiat. 443. Magnæ ejus videndi desiderio, tenebatur S. Paulus 444. Dei Præsentia, terræ incolæ, cælo frui facit. 452. Ioseph, ex gravi eripuit periculo. 455, & seq: Clypeus est contra omnia adversa. 457. Etiam impios, arceat à scelere. 478. & seq: Mortales, pares cælitibus facit. 460. Deo munda debetur oblatio. 324. Deo servire, propter aliquod commodum, non est gloriosum. 324. & seq: Hoc ipsum, cælitus didicit quidam Eremita. 326. Ad serviendum Deo, etiam panis impellimur. 331. Soli Deo nostros debemus

affectus. 337. Deum habere finem ultimum, magna dignitas est. 24 & seq: Multi eum finem non agnoscunt. 26. Præter Deum, vani sunt cæteri fines. 26. Deum perfectione nostrâ imitari debemus. 33. Videre eum perfecti desiderant. 43. seq: Vident di Deum, desiderio non teneri, gravi est obnoxium pænæ 448. A Deo separari, maxima infelicitas est. 447.

DIFFICULTATEM in via spirituali, ipsi nobis fingimus. 63

DOCTRINA & virtus, sunt germanæ sorores. 53. Doctrina juvat ad sanctitatem. 54.

E

ELECTIO, ignarum itineris viatorem, imitari debet. 433.

ELIAS gloriosius domitis passionibus, quàm curtu igneo triumphavit. 447.

ELISÆVS, pijs sermonibus, suam manifestavit sanctitatem. 375. & seq: Observatione Legum suarum, eandem confirmavit. 391 & seq:

EXEMPLVM Christi, difficultates in via spirituali faciliat. 155. & seq: Svaves facit labores 161. Magna est vis exempli. 167 & seq:

F

P. FABIVS de Fabijs, viva
Lex Societatis, appellatus est.
397. & seq:

S. FRANCISCVS Borgia, in
aucupio, fructum venabatur spi-
ritualem. 42. Formicas, nos i-
mitari volebat. 46. E sepulchro
sanctitatem hausit. 119. Confer-
vandæ Societatis medium, orati-
onem dicebat. 190. Continuâ
in Religiosis volebat vigere mor-
tificationem 309. Sola ei insipida,
sapiebant. 421.

P. FRANCISCVS de Mendo-
za, exactus erat omnium suæ Re-
ligionis Regularû observator 293.

P. FRANCISCVS Ribera, mi-
ram consecutus est sanctitatem,
ex accurata Regularum observa-
tione 292.

P. FRANCISCVS Suarez, Hu-
militatem Regnis & Scientijs
præponebat. 187. Plurimum o-
rationi addictus erat. 189.

S. FRANCISCVS Xaverius,
leves culpas, severè puniebat.
105. Humilitatem, ad perseve-
rantiam in Societate, omnino re-
quirebat. 182. Magna ejus pau-
pertas. 207. Multas animas cælo
invenit. 206. Asperè corpus tra-
ctabat. 316. Multa pro Deo ro-
lerabat. 358. Deum, propter so-

lam ejus bonitatem amabat. 330
In pios affectus continuò erum-
pebat. 367. Domitas habebat
passiones. 414. Pati in delicijs
habebat. 419. Desiderio viden-
di Deum continuò ardebat. 446
Cælo in terris, propter continu-
am Dei Præsentiam fruebatur.
464.

FORMICA virtutis magistra.
44. A formicis, multa didicit,
Malchus Monachus 45.

G

GARRVLITAS, graviter re-
prehenditur. 247. Infamat Re-
ligiosam communitatem. 245.
Garruli magna incurrunt mala.
242. Garrulæ hirundines repre-
henduntur. 242.

S. GERTRVDIS, mira cum Dei
Voluntate confirmata. 431.

GLORIA vana, graviter à S.
Pachomio punita. 33.

S. GREGORIUS Papa, terrenis
non afficiebatur. 341.

GRATIA Dei, omnibus bonis
potior. 87. Non cogit, sed in-
vitat. 365.

H

P. HIERONYMVS Natalis, ex-
pio, cum S. IGNATIO colloqui-
o, ad societatem mentem adje-
cit 381. P. Hieronymi Domenec-

ci de

et de oratione opinio. 192.

HOMO gratus esse debet pro Dei Beneficijs. 37. Ex creaturatum usu, mentem ad Deum attollat. 37. Etiam à brutis, multa discere potest. 44. & seq: Dei Beneficijs nutritur, ut alacrius Deo serviat. 49. Propter hominem, Deus omnia fecit 37.

HUMILITAS ad salutem æternam, est omnino necessaria. 171. Est scientiæ fundamentum. 178. Regnis & scientijs præstat. 181. Religiosis Societatis, specialiter est necessaria. 171. Humilitatis via, violis, & parvulorum vestigijs plena. 169. Ob humilitatis defectum Angeli cælo excederunt. 180. Humilitatem plurimum nobis S. IGNATIVS commendavit. 172. & seq: In Humilitate, multi à Societate excelluerunt. 174. Sine Humilitate nemo in Societate perseverat, ex mente S. Xaverij 182. Absq: ea, virtus non subsistit. 171.

I

JACOB, à parentibus, pauper in viam expeditus est. 198.

S. IGNATIVS initio conversionis suæ, maximè asperam duxit vitam. 8. Actiones suas semper ad Deum dirigebat. 24. Omnia à nobis propter Deum fi-

eri volebat. 34. Ex intuitu cuiuslibet creaturæ ad Deum elevabatur. 41. & 342. & seq: Afflictâ valetudine, ad sanctitatem non impediabatur. 52. Inviserat animi. 72. Leves etiam culpas, graviter plectebat. 130. & seq: & 217. Christum D. perfectissimè imitabatur. 156. Scientiæ, Humilitatem, voluit esse basis 170. Frequenti usu orationis, summam est consecutus sanctitatem. 187. Paupertatem maximè amavit 201. Paratus erat, ex obedientia, manifestis vitam periculis obicere. 231. Ex silentij observatione, de Religiosa iudicabat disciplina. 239. Pro salute proximorum, multa fecit, & passus est. 278. & 356. Magna ejus fuit Patientia. 290. In omnibus se mortificabat 316. In via unitiva, multum profecit. 320. Sola Divinæ Bonitatis Excellentia, ad serviendum Deo, incitabatur 328. & seq: Pius semper fervebat affectibus. 366. Sanctis colloquijs, suam declarabat sanctitatem. 380. & seq: Desiderio videndi Deum, continuo æstuebat 445. Magnam in adversitatibus experiebat suavitatem. 417. & seq: Propter continuam Dei Præsentiam cælo in terris frue-

fruebatur. 463. In cuiuslibet virtutis exercitio erat constantissimus. 480. S. Ignatii Reliquiæ, stellis conspicuæ, zelosos ejus filios designabant. 285. Stupendum supra passionem ejus dominium. 406.

IGNIS, solus ex elementis vocalis 371. Famulorum Dei adumbrat proprietates 440.

S. IOANNES Bapt: absq; mortificatione, vitæ sanctitatem non poterat conservare 313. Puer in eremum secessit, ut servaret castitatem 218. S. Ioannes Evang: habuit passionem perfectè domitas. 405.

IOSEPH fratribus exosus, quod à Patre indulgentius habebatur. 261.

IVDAS, à minoribus culpis, ad majora crimina, sensim progressus. 134. Dei beneficijs non movebatur. 135. Casus ejus dolendus. 423.

IVSTI, stellis merito comparantur. 462. & seq: Eorum casus dolendus. 471. & seq:

L

LABORIS imparitas, imparè recipit mercedem. 260.

LINGVA, cordis index. 373. In lingvis descendit Spiritus S. ut faceret Apostolos piè disertos. 372.

LEO, dum iræ impetum cohibet, exanimis concidit. 403.

M

S. MAGDALENA de Pasis; mori recusabat, ut diutius pateretur. 256. Omnia ei Voluntas Dei, svavia faciebat. 347.

META quod propior, cò ardentius sui excitat desiderium. 440.

MERCE dilata, gravem facit laborem 161.

MICHAEL Turrianus, pio S. Ignatii sermone, ad Societatem accensus est. 381.

MORBUS est officina virtutis. 56.

MORS passiones refrenat. 129 Religiosos velut vagabundas apes, coercet. 130. Teporem excutit, ad fervorem verò excitat. 124. Ad contemptum mundi inducit, & absterret à vitijs. 121. & seq: Vires ad profectum spirituales, restaurat 121. Mors Eremitæ, plena horroris 178. seq:

MORTIFICATIO urget ad Perfectionem 144. Emundat à peccatis 145. Maxime est Religiosis necessaria. 305. Conservat sanctitatem 311. & seq: Debet ad imitationem Christi assumi. 303. & seq: In ea homines Societatis multum excelluerunt. 150 & seq:

Mua.

MUNDUS instar Bibliothecæ.
43. Plenus vitij. 60.

O

OBEDIENTIA, senis baculo
similis. 222. Quantum Deo pla-
ceat, patuit in S. Bernardo 228.
S. Petrum, per fluctus maris se-
curè duxit. 229. Omnia refre-
nat vitia. 233. Obedientia cæca,
pari cum fide, gaudet certitudi-
ne 225. Ejus virtute factum,
quod serpentem Moysis nemo a-
doravit: sicut vitulum Aaronis.
225. Qui obedientiæ ductum se-
quitur, fluctus suarum passionum
calcat. 231. Mira per Obedien-
tiam præstitit S. Columbanus.
232. Qui ab Obedientia deviat,
graviter errat. 231. Ex Obedien-
tia mori Religiosus voluit. 234.

ORATIO, est animæ cibus, ex
mente S. Hieronymi 183. Est
vita animæ 194. Per orationis
usum, Religiosi sanctitatem cō-
sequuntur 186. Ejus defectus,
omnium malorum origo. 192.
Ab oratione vires anima sumit.
194.

P

PASSIONES non cōercitæ,
faciunt à fine ultimo deviare.
29. Passionum domitores, cælo
in terris fruuntur. 410. Supre-
mum sanctitatis consequuntur

gradum 409. Passiones peccæ-
tum fecit in nobis rebelles. 407.
Possumus eas Dei Gratiâ adjuti,
domare ibid: Passionibus do-
mitis, triumphat sanctitas. 404.
PASTORES lupum scandali-
zârunt. 114.

PATIENTIA, etiamsi nulla
desuper habeatur consolatio, ne-
cessaria est. 294. In duobus Ere-
mitis, & in S. Ignatio, mirè eni-
tuit 295. & seq: Patientiam, suo
nos Christus docet exemplo.
289. & seq: Claudij Aqua vi-
va patientiæ specimen. 297. Al-
terius è societ: grande ejusdem
documentum. 298. Magna Pati-
entiæ necessitas. 299. & seq: In
Patientiæ præmium, Lazarus ab
Angelis, in sinum Abraham depor-
tatus est. 301. Patientiæ cælum
debetur. 302.

PAUPER TAS virtutis occa-
sio est. 199. Ut pia mater, tenu-
iter suis consulit filijs. 200. Non
habetur ut mater, si contra e-
jus defectus murmuratur. 202.
Contra eam murmur, gravi est
obnoxium panæ. 203. Contra
eam delinquentes, graviter puni-
untur. 204. & seq: sunt multis
scandalo. 206.

S. PAULUS, initio suæ con-
versionis, ad cælum raptus est, ut
ibi

ibi zelum disceret. 279. & seq: Conformitate cum Voluntate Divina, multas separavit difficultates 428. Mori lucrum putabat, ne amplius peccare posset. 454. Finalis eum coronavit perseverantia. 478. Dulce ei erat pati. 475. Nihil eum poterat separare à Dei Charitate. 365. Magnū ei inerat desiderium videndi Deum 444.


PECCATUM deturpat hominem 145. & seq: Omnibus eum spoliatur bonis. 86. Privat Dei Gratiā. 88. Angelos divitijs spoliavit. 90. In homines maximam exercet crudelitatem 90. & seq: Terribilius est ipso dæmone 92. Sancti nihil, præter peccatum timebant 92. & seq: Peccata, maximi latrones 89. Peccatis irascendum. 94. Peccata venialia sunt scopuli periculosi. 97. Maculant hominem 97. & seq: A conspectu Dei arcent 101. Graviter puniuntur 107. & seq: Dispouunt ad mortalia 105. & seq: Gravis puniuntur sceleribus. 107. Peccati immunitas, cælestis felicitas est. 453.

PERFECTIO Religiosa citò, & facile acquiri potest. 1. In partes, vias, & dies dividitur 3. & seq: Non temerè arripienda. 9. Magnæ ejus necessitas 236. In

gens obligatio 10. In Legum consistit observatio. 385. & seq: Perfectionis iter, triduanum 2. Christi & Sanctorum exemplis tritum. 4 & seq: Perfectionis via purgativa consistit in emundatione à peccatis, & aspera carnis mortificatione. 7. Ejus neglectus, magnam meretur pœnam. 10. Sæpe coincidit cum cōtemptu 17. Via ejus ardua. 334. Triplex eam, in cælo adumbrat zona 321. Magnopere eam à nobis desiderat S. Ignatius, Perfectionem non perficere, grande dedecus est. 467. & seq: In Perfectione, non progredi, regredi est. 22. Perfecti Deum videre cupiunt 441. Etiam in sæculo reperiuntur 12. Quò quis perfectior, eò videndi Deum cupidior. 452. Perfecti, instar Hebræorum, in meta suæ perfectionis coronantur. 176. & seq: Perfectæ actiones, debent esse ab omni defectu depuratæ. 32.

PERSEVERANTIA, constantes in virtute coronat. 476. & seq: Finalis non cadit sub meritum. 487. Deo tamen pro ea humiliter supplicandum est. 482.

S. **PETRUS**, quia fervens erat in Amore Dei, ideo sæpe pijs æstuabat affectibus. 164. & seq:



Biblioteka Jagiellońska



stdr0015988

